





MBS C 40 - 12 1913

THE BOOKS
OF
JOSHUA, JUDGES, AND RUTH,

TRANSLATED INTO

THE CHOCTAW LANGUAGE

CHOSHUA, NAN APESA UHLEHA HOLISSO,

MICHA LULH HOLISSO

AIENA KET TOSHOWIT

CHANTA ANUMPA TOBA HOKE.

NEW YORK:
AMERICAN BIBLE SOCIETY,
INSTITUTED IN THE YEAR MDCCCXVI.

1913.

CHOSHUA I HOLISSO.

CHOSHUA I HOLISSO.

CHAPTA I.

MOSSES, Chihowa in tishu hvt illi haya, yakoñmi tok, Chihowa vt Choshua Nun ushi, Moses in tishu hatuk a im anumpulit,

2. Moses an tishu hvt illishke; yohmi hoka himak a wakaya cha, chishno, okla ilvppa hvsh moma kvv Chatan ilvppa mish-tvnnvp yakni yvmma Islael im vlla vhleha yvmmak o ima li hoka, hvsh onashke.

3. Yakni moma hvch iyi pvtha yvt ai o hika he puta hokvno, yvmma moma ka hvch ima lishke, yvmmak o Moses a im achi li hatuk okvt.

4. Yakni haiaka ya hikivt ia hosh Lebanon ilvppa ona cha, okhina chito, okhina Euflates pit afullotvt, Hitait i yakni vt moyuma hosh, okhvta chito hvshi ai okatula imma itoyula ka ilvppak o ont hvchim ai vlla hi oke.

5. Chi okchayvt ish ahanta nitak moma ka hatak nana kia chi tikba hikia he keyushke: Moses a awant aya li tok vt, yvmmak inli ho chohmit chi awant aya la chi hoke: nana ka ak chim ai ahlot chissa la he keyu hoke.

6. Kvllot chim anukfila cha, nukwia ikshot ish amosholashke: yakni ilvppa ima la hi vt iki vhleha ha anumpa kvllo isht il onochit im ihissa li tok a, okla ilvppa immi hachi mak o ish it akvshkola chi hokvt.

7. Peh kvllot chim anukfila cha, nukwia ikshot ish amosholi fehnashke; yohmi hosh nan vlvhvisa moma an tishu Moses vt chim apihisa tok a ahah! ahnit ish holitoblashke;

ilvppa isht impak imma hokmá, vllhfubekimma hokmá nana kia chik i filvmmo kashke; chi yvmohmi pulla hosh **kanima** ish aya puta kv̄t chim ai achukma hi oke.

8. Nan vlhpisa holisso ilvppvt chitih h̄a ik i filvmmo kashke; amba nitak micha ninak moma ka anukfihinli hosh a holih̄iso ka moma ahah! ahnit ish holitoblashke: ish yohmi hok mak osh ish at̄aya ȳa ish ai ah̄lich̄a hi okvt, micha ish yohmi hok mak osh nana kv̄t chim ai ah̄li achukma hi oke.

9. Ūno ak osh chim apesa li tuk keyu cho? kv̄llot chim anukfila cha, nukwia ikshot ish amosholashke: ik chi nukshopo kashke, micha chi chukv̄sh ik iello kashke: kanima ish aya puta ka Chitokaka chin Chihowa vt chi awant aya hoka, achi tok.

10. Mihma Choshua vt okla pehlich̄i vhleha h̄a nan im apesvt,

11. Binal̄ h̄a hlopullit ayvt, okla h̄a nan i mihvt, Pinak vt hv̄chim vlhtashke; nitak tuchina takla ka Chatan ilvppa hlopullit, Chitokaka hv̄chin Chihowa vt hv̄chimmi h̄a ch̄i h̄o yakni hv̄ch ima hoka ont chukowvt hv̄sh isha ch̄i hoke. achi tok.

12. Mihmvt Luben ishtatiaka, micha Kat ishtatiaka, mikmvt Manasseh ishtatiaka ȳa ikl̄na aiena ka Choshua vt im anumpulit,

13. Moses Chihowa in tishu hv̄t nana hv̄ch̄i mihvt, Chitokaka hv̄chin Chihowa vt afoha hv̄ch ima hosh yakni ilvppa hv̄ch ima hoke, achi tok anumpa h̄a hv̄sh ithaiyanashke.

14. Hv̄chi tekchi, hv̄chim vlla, micha hv̄ch̄i nan vlhpoa moyuma kv̄to yakni Moses vt hv̄ch ima tok Chatan ola in tv̄nn̄vp ak inli h̄o aiashashke: amba hv̄chishno hatak hlampko hochukma chilitvt nukwia iksho hv̄chia hokv̄to, nahalupa im vlhtahvt moyumvt tikba ivt, hv̄ch itibapishi vhleha h̄a ont hv̄sh apelashke.

15. Yohmi na Chihowa vt afoha hv̄ch ima tok vt chohmichit hv̄ch itibapishi vhleha h̄a afoha imashke; yohmi na yvmmak kia yakni Chitokaka hv̄chin Chihowa vt ima ka ishashke: yohmi hok mak o falamvt yakni hv̄shi akochaka

imma Chatan ola in tennup talaia Moses, Chihowa in tishu hvt hvch ima tok a ant hvsh iesha hi oke, achi tok.

16. Mihma okla afalamichit Choshua ash o, Nana ho ish pi miha ka moyuma e yvmohma he bano hoke, micha kani-ma ho pit ish pi tihlelikma, il ia he bano hoke.

17. Moses a nana moyuma ka il i haponaklo beka tok okvt, chishno ma e chi haponakla he bano hoke: peh Chito-kaka chin Chihowa vt Moses a awant aya beka tok vt, choh-mit chishno ma chi awant aya hokbano, il ahnishke.

18. Kva hoh kia chi nan vlpisa ha i sanalit nana ish i miha ka anumpa moma ik chi haponaklokmt, illashke: peh kvllet chim anukfila cha, nukwia ikshot ish amosholashke, im achi tok.

CHAPTA II.

YUMOHMI ma Choshua, Nun ushi vt Shittim ak o hatak tuklo kut lumvt na pisvt aya chi ho a chvffichi tok; yohmi mvt, Hvsh ia cha, yakni Cheliko ymma ont hvsh pisashke, im achi tok. Yohmi ma itiachi tuk osh ohoyo haui hohchifo kut Lahab o in chuka itonachi cha, yvmmak o a nusi tok.

2. Yohmi ma Cheliko i miko ya ont im anolit, Yakeh! hatak Israel im vlla vhleha ha a minti kut yakni pisvt aya hosh, himak ninak a ilvppa vlshke, achi tok.

3. Yohmi ma Cheliko i miko ash osh Lahab a anumpa i pivt, Hatak chim vlt chin chuka chukowa tuk a ish koh-chashke: yvmmt yakni moma ka pisvt tahla chi hosh aya hatuk oka, pit im achi tok.

4. Mihma ohoyo hash osh hatak tuklo kash o ishit luhmi tok; yohmi cha ilvppak o achi tok, Hatak okvto vm vla mvhli tuk, yohmi kia kanima a minti ka ak ithano ke tuk:

5. Atuk osh yakohmi tuk, okhlilit taha holihta okhissa yvt vlhkma chi foka ma, hatak tuklo kash osh kohcha tuk oke: kanima ho hatak tuklo kash osh ia tuk a ak ithanosh-ke: chekosi hvsh iakaiyashke; hvsh sakka hinla hokvt.

6. Yohmi kia aboha pakna ya isht ona cha, nuchi vpi

achukmalit asbachi tuk osh isht ompohomot luhmi tuk atok.

7. Yohmi ma okla iakaiyvt Chatan imma ivt okhina akocha puta ka ona tok: mihma okla iakaiya yummvt akohcha mak inli h_o, holihta okhissa ya akvmmi tok.

8. Yohmi tuk o tvshkit ik oklo kisha h_o, aboha pakna ya ohoyo hash osh im ai ona cha;

9. Hatak tuklo kash o, Yakni ya Chihowa vt hvch ima tok a ithana lishke; yohmi h_o isht a hvchi nukshopa yvt pi ontoyulvshke; hvchishno ak atuk pulla mak o yakni ilvppa okla ai asha tuk moma kvt bihinla chiyuhmishke.

10. Echip yakni ya a kohevvt hvsh minti ma, Chihowa vt Okhvta Humma oka ya hvchi shileli na hvsh aya tok: micha Amolait okla i miko tuklo Sihon, micha Ok aiena, yummvt Chatan mish tvnnvp ai asha tuk a kaniohmichit nana ka im okpvnit hvsh taiyahli tok a, e hahaklo chatuk okvt.

11. Hvchishno ak atuk pulla mak o nana ilvppa puta ka e haklo mak inli h_o, pi chukvsh vt bihinla tok; yohmi na hatak kanima kia chilitvt im anukfila kvt i foka kia iksho ki tok: Chitokaka hvchin Chihowa yummak osh peh pakna vba a holitopa, mikmvt nutaka yakni aiena ka in Chihowa hoka.

12. Yvmohmi hoka himak a hvchim ilbvsha lishke, vno vt hvchi kana li tuk a, hvchishno mvt aki in chuka achvfa ya hvch i kana hi vt Chihowa ya anumpa kullo isht il onochit,

13. Aki, micha hvshki, micha a nakfi vhleha, micha itibapishi li vhleha, micha in chuka achvfa aiena ka moma hvsh okchalinchichi cha, pilla he tuk a hvsh pi hlakofichichi cha, ilvp-pak o nan isht ithana he ahli ka hvsvsmashke, im achi tok.

14. Mihma hatak tuklo kash osh afalamichit, Nana pi kaniohmit il aya hatuk ilvppa chik anolokma, pim ilhfiopak a e chim ile kahlishke: atukma yakohma hi oke, Chihowa vt yakni ilvppa pina ha ma, chi kana achukmvt e chim ai ahla hi oke, im achi tok.

15. Yohmi mvno ponola atakalichit okhissushi hlopullichit aka pit hiohlichichi tok; in chuka hvvt vmaha tvli holihta

ya paknaka yo talaia hatuk oka, yohmi cha tvi holihta pakna yummak o achuket ahanta tok.

16. Micha ohoyo hash osh yummak ash o, Hveh iakaiyut itnowa yet hvchi afama yoba na, nvni hak o hvsh ona cha, yummak o lumvt hvsh chiya na nitak tuchina onashke: yohmi na hvch iakaiyut itnowa yet falamvt vla hok mak o, hvsh ataya hetuk vt hvsh iashke, im achi tok.

17. Mihma hatak tuklo kash osh yummak ash o, Ish pim ai ahni ho anumpa kullo il il onochi tuk ilvppa anumpa isht pi onvtola he keyu hoke.

18. Yakeh! kaniohmi foka ho yakni ilvppa e la hokma, okhissushi isht pi a kohchi ilvppa ponolushi tishepa ponola toba ilvppa isht ish takehashke: yohmi cha chiki, chishki, chi nakfi vhleha, micha chiki in chuka achvfa ya moma chin chuka isht ish lashke.

19. Yohmikma yakohma hi oke, kva hosh chim aboha okhissa akohchvt tmaha itintakla hina bachaya ka ona hokvto, im issish vt ilap noshkobo akinli ho onvtoyula na, pishno vto anumpa isht pi onvtoyula he keyu hoke; mikma kva hosh aboha anykaka foka hokvno, kva hosh ibbak onochi hokma, im issish vt pi noshkobo hak o onvtoyula hi oke.

20. Yohmi kia nana pi kaniohmi hosh il aya hatuk ilvppa ish anoli hokvno, ish pim ai ahni na anumpa kullo il il onochi tuk ilvppet a pi mokofa chi hoke, im achi tok.

21. Yohmi ma ohoyo hash osh, Hvehim anumpa hak o iakaiya hosh nana ket ai yohmashke, achi tok. Micha ik ia, im ahni na itiachi tok: mihma ponola tishepa ash o okhissushi ya isht takchi tok.

22. Mihma itiachit nvni ash o ona cha, yummak o chiya na nitak tuchina ona tok; yohmi na iakaiyut itnowa yet falamvt ai vla tok: iakaiyut itnowa yet ai itnowa puta ka hoyot tahli kia, ik ahayucho ki tok.

23. Yakohmi ho hatak tuklo kash osh nvni hash auet akowa cha, tanvblit Choshua, Nun ushi a im ona cha, nana ket im akaniohmi tuk vt moma im anoli tok.

24. Mihmvt yummak ash osh Choshua ya, Chihowa vt

yakni moma pibbak a fohki tuk pullvshke : pishno ak atuk pulla mak o yakni yvmma ai asha kv̄t momv̄t bihinla chiyuhmi hoka, im achi tok.

CHAPTA III.

MIHMA Choshua vt onnahnli fehna tani cha, ilap, mikmvt Israēl im vlla vhleha moyumvt Shittim a ashvt toshowvt ia hosh Chatan a ona cha, ik tanvblo hosh yvmmak o a nusi tok.

2. Atuk o yakohmi tok, yvmma chiya na nitak tuchina ka ona ma, okla pehlichī vhleha hv̄t vlbina hā hlopullit ayvt,

3. Okla hā im anumpulit, Kaniohmi foka hō Chitokaka hv̄chin Chihowa nan it im apesa vt afoyuka itombi holi-topa ya Lefait vhleha, na holitompa isht asha yvt shoyulit itvnowa na hv̄sh pisakmvt, ilvppa a toshowvt yvmmak o hv̄sh iakaiyashke.

4. Yohmi akinli kia yvmma ai itintakla ka haiaka kv̄t kubit v̄lhpisa tahlepa sipokni tuklo hosh takalashke : ont atikkonofvt hv̄ch ik aiyo kashke, yohmi hosh hv̄sh atia hetuk vt hv̄sh ithana hosh hv̄sh itvnohōwashke ; tikba ka ilvppa hv̄sh āya chatuk keyu hokvt, achi tok.

5. Mihma Choshua vt okla ha, Hv̄sh ile hullochashke : onnaha ya Chihowa vt hv̄chim ai ititakla na fehna hā ai yvmihcha chī hoka, im achi tok.

6. Mihma Choshua vt na holitompa isht asha ya im anum-pulit, Nan it im apesa vt afoyuka itombi holi-topa ya hv̄sh ishi cha, okla hā itikba ivt hv̄sh tanvblashke, im achi tok. Mihma nan it im apesa vt afoyuka itombi holi-topa yash okla ishi cha, okla hā itikba ia tok.

7. Mihma Chihowa vt Choshua ya Himak nitak ak o Israēl im vlla moyuma itikba ya chi holitoblichit isht ia la chī hoke ; yohmi hō Moses a awant āya li tok vt, anonti chishno ma chi awant āya la chī ka, okla hv̄t ithanashke.

8. Yohmi ka na holitompa isht asha nan it im apesa vt

afoyuka itombi holitopa shoyuli tuk a i mihvt, Chatan okhina ontalaka fehna hvsh onakmut, yummak inli hō hvsh hielashke, ish im achashke, im achi tok.

9. Mihma Choshua vt Islael im vlla vhleha ha, Ilvppa hvsh minti cha, Chitokaka hvchin Chihowa im anumpa ha hvsh haklashke, im achi tok.

10. Mihmt Choshua vt Ilvppa yakohmi kak o Chihowa okchaya yvt hvch ibatakla ahanta cha, nana ka ik ai onancho keyu hosh Kenanait vhleha micha Hitait vhleha, micha Pelesait vhleha micha Kikashait vhleha, micha Amolait vhleha, mikmut Chebusait vhleha aiena ka hvchi tikba ya tihlelit kocha wehla chi ka isht hvsh ithaiyana chi hoke.

11. Yakeh! yakni moma in Chihowa nan it im apesa vt afoyuka itombi holitopa vt tanvbla chi hosh hvchi tikba Chatan a ont oka hikvshke.

12. Yohmi hoka himak a hatak auah tuklo hō Islael ai unchololi auah tuklo ka ish ai atokolashke; yohmi ka isht atiaka achvfa ka hatak achvfa hosh iashke.

13. Atukma yakohma chi hoke, na holitompa isht asha Chihowa, yakni moma in Chihowa im itombi holitopa shoyuli hatuk iyi pvrtha yvt Chatan okhina ya oka hika mak inli hō, Chatan oka yvt ita hokofa na, oka ibetvp imma minti hatuk vt itvnahachit hikia chi hoke, achi tok.

14. Atuk o yakohmi tok, okla hvv Chatan tanvbla chi hosh binah ha asht ia hosh, naholitompa isht asha yvt nan it im apesa vt afoyuka itombi holitopa shoyuli hosh okla itikba hiel hosh itvnova;

15. Atuk osh itombi holitopa yash shoyuli tuk vt Chatan ona cha, na holitompa isht asha iyi pvrtha yvt oka vhli ont oka hika mak inli hō, (Chatan vt onush vmo ai vhpesa ai itintakla ka bok sakti atabli beka yatuk okvt,)

16. Oka ibetvp imma minti hatuk vt yokopa cha, itvnahachit falamvt hopakichit, Alam tmaha holihta Saletan bilika talaia ka ona tok: yohmikma yakni patali okhvta hvpi okhvta imma ia hatuk vt tahvt hokofa na okla hvv Cheliko ichapaka fehna hak o a hlopulli tok.

17. Mihma na holitompa isht asha Chihowa nan it im

apesa vt afoyuka itombi holitopa shoyuli hatuk vt Chatan iklvna ya kvllot hieli na, Israel okla moyumvt yakni shila hq tanvblit, okla moyumvt Chatan a ont hlopullit taha tok.

CHAPTA IV.

ATUK o yakohmi tok, okla hash osh momvt Chatan a a hlopullit taiyaha ma, Chihowa hvt Choshua ya im anumpulit,

2. Okla ha hatak auah tuklo hq ish ai atokolashke, yohmi kv Israel ai unchololi achvfa ka hatak achvfa hq ish ai atokolashke.

3. Yohmi cha im apesvt, Chatan iklvna na holitompa isht asha iyi yvt kvllot a hieli tuk fehna, tvli auah tuklo hq hvsh ai ishashke; yohmi cha yvmma ishit hvsh aya tuk osh, himak ninak a hvsh a nusa chi ka vlbina ha hvsh ashachashke, ish im achashke, im achi tok.

4. Mihma Choshua vt hatak auah tuklo Israel im vlla vhleha ha ai unchololi achvfakma, hatak achvfa ai atokoli tuk vt, i howvt it ahobi cha;

5. Choshua vt Chitokaka hvchin Chihowa im itombi holitopa yash itikba ivt Chatan iklvna ai onvt, Israel im vlla vhleha isht atiaka auah tuklo ka vlpisa hq, tvli achvfa aiyukali ka ishit hvchi tahchi ya onochit hvsh shoyulashke.

6. Yohmi na ilvppak osh nan isht atokowa yvt hvch itin takla ya itoyulashke; yohmi tuk o himak a pilla kia hvchim vlla vt iki vhleha ha i ponaklot, Tvli ilvppak o nanta hq isht hvsh apesa hoh cho? achi hokma,

7. Afalamichit, Chihowa nan it im apesa vt afoyuka itombi holitopa itikba ya Chatan oka yvt hokofa tok; yvmmvt Chatan a tanvbli ma, Chatan oka yvt hokofa tok a hvsh im achashke; yohmi na tvli ilvppak o Israel im vlla vhleha hvt isht ithana na bilia hi oke, im achi tok.

8. Mihma Israel im vlla vhleha hvt, Choshua vt nan im apesa tuk mak o ai yvmohmi tok; micha yohma chi Chi-

howa vt Choshua ya im anumpuli hatuk oka, teli auah tuklo Israel im vlla vhleha isht atiaka holhtina ka vhlpisa hō, Chatan iklēna ya ont ai ishit, isht ayēt abinachi ya isht onēt, aka kahpuli tok.

9. Mihma Choshua vt Chatan iklēna na holitompa isht asha Chihowa nan it im apesa vt afoyuka itombi holitopa shoyuli iyi yēt a hieli tuk a teli auah tuklo hō hiohlichī tok : yohmi tok o himak nitak kia yemma aiashvshke.

10. Na holitompa isht asha itombi holitopa yash shoyuli hatuk vt Chatan iklēna ya hieli na, Chihowa vt nana im apesa hō Choshua vt okla hā im anumpohonli tuk a ont vltaha tok ; yummēt Moses vt Choshua i miha tok mak atok ; yohmi hō okla hēt tushpēt tanvblī tok.

11. Atuk o yakohmi tok, okla hēt momēt tanvblit taiyaha ma, okla hēt pisa hō, Chihowa im itombi holitopa, micha na holitompa isht asha aiena kēt tanvblī tok.

12. Moses it im anumpuli tok mak o Luben im vlla vhleha, micha Kat im vlla vhleha, micha Manasseh ishtatiaka iklēna aiena kēt na halupa im vltaha hosh Israel im vlla vhleha hēt pisa hō, tanvblī tok ;

13. Tahlepa sipokni pokoli ushta foka hosh na halupa im vltahēt tanampa chī hosh Chihowa itikba ya tanvblit, Cheliko yakni matali ya ona tok.

14. Nitak yummak fehna ak o Chihowa vt Choshua ya Israel moma itikba a holitoblichī tok ; yohmi na yummak ash osh nitak okchayēt ahanta ont ai vhlīka, Moses a okla holitobli beka tuk vt chohmit okla holitobli beka tok.

15. Mihma Chihowa vt Choshua ya im anumpulit,

16. Na holitompa isht asha nan isht atokowa itombi holitopa yash shoyuli tuk vt, Chatan a okla auet a kohcha chī hō ish i mihashke, achi tok.

17. Yumohmi hatuk o Choshua vt naholitompa isht asha i mihēt, Chatan a auet hvsh a kohchashke, achi tok.

18. Atuk o yakohmi tok, na holitompa isht asha Chihowa nan it im apesa vt afoyuka itombi holitopa shoyuli hatuk vt, Chatan iklēna ya lokolit auet akohcha cha, naholitompa isht asha iyi pētha yēt yakni shila ont o hika mak

inli hō, Chatan oka yvt ataya yatuk a falamvt auet fohkvt sakti a atabli tuk vt moma tok.

19. Mihma hvshi isht ia vmmona nitak ont ishit pokoli fehna ak o okla hash osh Chatan a auet a kohcha cha, Cheliko yakni hvshi akochaka imma vhli Kilkal a ont binanchi tok.

20. Mihma teli auah tuklo Chatan ai ishi tuk yvmmak ash Choshua vt Kilkal ak o itvbnit hilechi tok.

21. Yohmi cha Israel im vlla vhleha ha im anumpulit, Himak a pilla ma hvchim vlla vhleha hvt iki vhleha ha i ponaklot, Teli ilvppvt nanta hō isht vhpisa hoh cho? achi hokma,

22. Israel im vlla vhleha hvt yakni shila yo Chatan ilvpa a tanvbli tok a im anolit hvsh ithvnanchashke.

23. Chitokaka hvchin Chihowa vt Okhvta Humma ya pi tikba a shilelit tahli na ont il ia tok a chohmichit Chitokaka hvchin Chihowa vt Chatan oka ya hvchi tikba a shilelit tahli na tanvblit hvsh taha tuk okvt.

24. Yohmi na yakni moma hatak aiasha kvv Chihowa ibbak vt, kullo kvv nana moma i shahli ka ithaiyana chi hatak; yohmi na Chitokaka hvchin Chihowa ya hvsh holitobli na bilia hi atok.

CHAPTER V.

ATUK o yakohmi tok, Amolait okla i miko vhleha Chatan hvshi ai okatula imma aiasha tuk, micha Kenanait okla i miko vhleha okhvta lapalika ai asha tuk aiena kvv, Chihowa vt Chatan oka ya Israel im vlla vhleha itikba ya a shilelit tahli na tanvblit e taha tuk a haklo mvt, chukvsh vt bihinla tok; micha Israel im vlla vhleha hak a tok pulla mak o himmakma hatak nana kia chilitvt im anukula kvv iksho kamohmi tok.

2. Nitak yvmmak fehna ma Chihowa yvt Choshua ya, Bvshpo halupa hochukma hō ish ikbashke; yohmi cha Israel im vlla vhleha ha anonti atuklanchit hakshup ish trptulashke, im achi tok.

3. Yohmi hō Choshua vt bŕshpo halupa hochukma ka ikbi cha, Israel im vlla vhleha hā hakshup tŕptuli kŕt bokko ak ō ont ai vhlīchi hosh tŕptuli tok.

4. Yakohmi kak ō Choshua vt hakshup tŕptuli tok: Hatak puta kŕt nakni, hatak tŕnvp āya vhlpesa hosh Echip ā a kohcha tok okŕto, Echip akocheha hayŕt yakni haiaka itvnohōwa kŕt, illit taha tok.

5. Yohmi ka hatak puta Echip ā a kohcha tok okŕto hakshŕp tŕptua bano tok; amba Echip ā a kohcha hayosh yakni haiaka itvnohōwa hō vtta tok yummak okŕno hakshup ik tŕptulo kīsha tuk atok.

6. Israel im vlla vhleha hŕt yakni haiaka itvnohōwa na afŕmmi pokoli ushta tok; yohmi na hatak puta, hatak tŕnvp āya vhlpesa hosh Echip ā a kohcha tuk vt Chihowa im anumpa hā im antia keyu hatuk osh ai iksho ki tok: yakni pishukchi, foi bila aiena bieka ai yanahanli hō pima hi osh īki vhleha hā anumpa kŕllo isht il im onochi tok vt yŕmma puta hokŕno yakni yŕmma ī haiakŕcha he keyu kŕt anumpa kŕllo il onochi tok okŕt.

7. Yŕmohmi hatuk osh yŕmma im vlla vhleha atobbichit hiohlichī kak ō, Choshua vt hakshup tŕptuli tok: takla mi-hinti kŕt hakshup tŕptuli keyu hatuk ō, hakshup ik tŕptuo hatuk oke.

8. Atuk ō yakohmi tok, okla puta ka hakshup tŕptulit okla tahli ma, im vlbina aiŕukali aiashŕt okla hlakofit in taha tok.

9. Mihma Chihowa vt Choshua yā, Himak nitak ak ō Echip isht ahofahya yā hŕchī filŕmmichit kanima pit ŕonul-lichī lishke, im achi tok. Yohmi hatuk ō yakni yŕmmŕt Kilkal hohchifo na himak nitak ā ant ai vhlī hoke.

10. Mihma Israel im vlla vhleha hŕt Cheliko yakni matali Kilkal ak ō binanchit ai ashŕt, hŕshi nitak ont auah ushta opiaka yō vbanvblit ont ia yā holitoblit aiasha tok.

11. Mihmŕt vbanvblit ontia yā holitoblit aiasha tuk ont onna ma, onush yakni yŕmma a waya tuk ā vŕpt ai asha tok; nitak yŕmmak fehna ak ō pŕska ik shatŕmmo, micha onush vlvŕsha aiena ka vpa tok.

12. Yakni yemma onush a waya okla vpa tuk ont onna kak o, manna vt ayvt issa tok; yohmi na i himmak ma Is-lael im vlla vhleha hvt manna ik im iksho ki tok; amba afummi yemma Kenan yakni nan a waya kak o vpv ai asha tok.

13. Atuk o yakohmi tok, Choshua vt Cheliko lapali ka hiki vt, vba chakalit hopokoyo mv, i chapaka ya hatak vt bvshpo falaia shufit ieshi hosh hikia na pit pisa tok: mihma Choshua vt im ona cha, Pishno ak o pibai achvfa chia hok-má, keyukmv pin tvvp ak o ibaiachvfa chia hokmá, nanta cho? im achi tok.

14. Mihma yummak ash osh, Keyú, amba Chihowa in tvshka vhleha hak o i kupitvni sia hosh ayvt himak a vla li hoke, im achi tok. Mihma Choshua vt aka pit hlipia cha, ai okpvchi tok; mihmv, A shahli hvt in tishu ha nanta ho im achi cho? im achi tok.

15. Mihma Chihowa in tvshka vhleha ha i kupitvni hash osh Choshua ya, Yakni yemma ish ai o hikia kv holitopa hoka, chi shulush a ish shufashke, im achi tok: mihma Choshua vt yvmohmi tok.

CHAPTA VI.

ISLAEL im vlla vhleha pulla hatuk mak o Cheliko vt vlvkuma kullo fehna ha tok; yohmi hatuk o yemma a kohchvt ia, anonti ant chukowa aiena kia iksho ki tok.

2. Yohmi ho Chihowa vt Choshua ya, Cheliko, micha yemma i miko, mukmv tvshka hlampko hochukma, chilitvi nukwia iksho vhleha aiena ka moma chibbak a fohki li ka ish pisashke, im achi tok.

3. Yohmi hoka hatak tvvp aya vhleha hvchia hvt mo-mvt tmaha holihta ya hvsh afolublashke; micha tmaha holihta ya himonna ha hvsh apakfopashke; ilvppa hvsh ya-kohomi na nitak hannalashke.

4. Yohmi ka na holitomp isht asha untuklo chukfi nakni lapish isht pufa sholi hosh itombi holitopa yash itikba ya hielashke: atuk osh nitak ont isht untuklo mvno untuklo ha

hush apakfopashke; mikma na holitompa isht asha yet isht pufa ya olahanchashke.

5. Atukma yakohma chi hoke, yummak ash osh chukfi nakni lapiash ash fiopa falaiachi fehna hosh pufakma, yummvt ola ka hush haklokmvt, okla moma ket chitoli fehna hosh shakapashke: yohmikma tmaha teli holihta yatuk vt tiapvt aka fohopa chi hoke; yohmikma okla hvt achefa aiyukali ket ilap a hikia tuk itikba ya apissanlit oiyashke, im achi tok.

6. Yohmi ma Choshua, Nun ushi vt na holitompa isht asha i howa cha, Nan it im apesa yet afoyuka itombi holi-topa yash ishit hush sholashke; yohmikma na holitompa isht asha untuklo ket chukfi nakni lapiash isht pufa untuklo ka shoyuli hosh Chihowa im itombi holi-topa itikba ya hielashke, im achi tok.

7. Mihmvt okla hash o, Hush ia cha, tmaha holihta ya hush afolublashke; yohmi ka na halupa im vlhtaha hokvto Chihowa im itombi holi-topa itikba ak o itvnohowashke, im achi tok.

8. Atuk o yakohmi tok, Choshua vt okla ha im anumpu-lit issa ma, na holitompa isht asha untuklo chukfi nakni lapiash isht pufa untuklo shoyuli kash osh Chihowa itikba ya ia cha, isht pufa yash olahanchi tok: mihma Chihowa nan it im apesa vt afoyuka itombi holi-topa vt pit iakaiya tok.

9. Mihma hatak na halupa im vlhtaha ket na holitompa isht asha isht pufa olahanchi ka itikba ia tok; mihma olbel aka mihinti ket itombi holi-topa yash o pit iakaiya tok; na holitompa isht asha yet ia hosh itvnohowvt isht pufa yash olahanchi tok.

10. Mihma Choshua vt okla ha nan i mihvt, Huch ik shakapo ho, anumpa nana kia chitih ha a kohchvt ik ohonlo ke tuk o, nitak kaniohmi ho, Ho shakapa huch miha li hok mak o, hush shakapashke, im achi tok atok.

11. Yohmi ho Chihowa im itombi holi-topa hvt tmaha holihta ya apakfopa tok; himonna ha okla apakfopa mvt, vlbina hak o ona cha, vlbina hak o a nusi tok.

12. Atuk o Choshua vt onnahinli fehna tani ma, na holi-

tompā isht asha yvt Chihowa im itombi holitopa yash ishit sholi tok.

13. Mihma na holitompā isht asha untuklo chukfi nakni lapish untuklo sholi hatuk vt Chihowa im itombi holitopa itikba hielit ivt itvnoh_{ow}vt, isht pufa yash olahanchi tok; mihma hatak na halupa im vlhtaha kvto tikba hielit aya tok; amba olbvl aka mihinti kvto Chihowa im itombi holitopa yash o pit iakaiya tok: na holitompā isht asha yvt ia hosh itvnoh_{ow}vt, isht pufa yash olahanchi tok.

14. Mihma nitak ont atukla ma himonna ha tmaha holihta ya apakfopa mvt, falamvt vlbina ha ai ona tok. Yohmi kv_t nitak hannali ho yvmohmi tok.

15. Atuk o yakohmi tok, nitak ont isht untuklo ma onnahinli fehna onnvt tohwikeli mihinti ma, okla tani cha, mihi yo beka tuk a chohmit untuklo ha tmaha holihta ya apakfopa tok: nitak yvmmak illa ho tmaha holihta ya untuklo ha apakfopa tok.

16. Atuk o yakohmi tok, ont isht untuklo ka apakfopvt aya ma, na holitompā isht asha yvt isht pufa olachi ma, Choshua vt okla hash o Tmaha holihta ya Chihowa yvt hvch ima hoka, ho shakapá, im achi tok.

17. Tmaha holihta yvmmak fehna, mikmvt yvmma anukaka ai asha aiena kv_t Chihowa hak o nan isht ai im vlhpisa chi mak oke; ohoyo haui Lahab ak illa, yvmma, micha apihvt in chuka maya tuk moma kvto, hatak na pisa e tihleli tuk o aya ka luhmi tuk okvt okchaya chi hoke.

18. Nana ka Chihowa i hullochi atuk puta ka kaniohmit hvch ik il ahalaiacho pullashke, keyukmvt nana ka Chihowa i hullochi atuk a hvsh ishi hokmvt, il okpvnit hvsh tahli cha, Israel im vlbina ha isht ai okpuloka hi a onochit, yvmma hvsh ilbvshala hinla hoke.

19. Amba tvli hvta, micha tvli holisso lakna, mikmvt tvli, anonti tvli lakna aiena nana ai vlhpitta toba yokvto Chihowa ya im aholitopa toba hoke: Chihowa i na holitopa ai asha ya pit ibafohka chi hoke, im achi tok.

20. Yohmi ma na holitompā isht asha yvt isht pufa olahanchi ma, okla hv_t shakapa tok: atuk o yakohmi tok, okla

hash osh isht pufa yvt ola na haklo mvt, okla shakapa kv
chitoli fehna hosh shakapa tok; yohmi ma tvli holihta yvt
tiapvt aka fohopa tok; yohmi hatuk o okla hv ilap a hikia
tuk aiyyukali itikba ya apissanlit tmaha ha pit abeha tok;
micha tmaha ha ishi tok.

21. Mihmvt nana moyuma tmaha holihta aiasha tuk,
nakni, micha ohoyo moma, himithowa, micha sipokni moma,
mikmvt wak, micha chukfi, mikmvt issuba haksobish falaia
aiena moma ka brshpo falaia halupa yo isht okpunit okla
kaiyanchi tok.

22. Hatak tuklo yakni pisa tuk amo Choshua vt, Ohoyo
hau ash in chuka hvsh chukowa cha, anumpa kullo isht
hvsh il im onochi hatuk okvt, ohoyo ymma, micha nana il
ai eshi tuk a moma isht hvsh kohchashke, im achi tok.

23. Yohmi hatuk a hatak himithowa na pisvt aya tuk
ash osh pit chukowa cha, Lahab, mikmvt iki, micha ishki,
micha i nakfi vhleha, mikmvt nana im ai asha tuk aiena
moma ka ishit kohcha tok; ymma ai i kanomi moyuma ka
ishit kohcht Israel im vlbina kohcha ak o ashachi tok.

24. Yohmi ma tmaha holihta, micha nana ymma anu-
kaka aiasha tuk aiena ka luak isht hukmi tok: amba tvli
hvta, micha tvli holisso lakna, mikmvt tvli, micha tvli lakna
aiena nan ai vlpitta toba ak illa ho Chihowa i na holitopa
ai asha chuka ya pit apitta tok.

25. Mihma Choshua vt hatak Cheliko yakni pisa chi ho
tihleli na aya tuk a luhmi tuk atuk o Lahab ohoyo hau ash
micha iki in chuka achvfa, micha immi hatuk aiena ka Cho-
shua vt okchalinehi tok; yohmi tuk o Israel okla ha iba
takvt a chukvt ahanta na himak nitak a ant ai vhli hoke.

26. Nitak ymma fehna ak o Choshua vt okla ha anu-
pa kullo onochit, Hatak nana hosh wakayvt, tmaha Cheli-
ko ilvppa ikbi hokmvt, Chihowa itikba ya nana palvmmi pisa
he im vlpisvt hikia hi oke: ushi vttahpi ak osh isht vlhto-
ba ho intola vmmona ka bohla he, atuk mvt ushi ishtai-
yopi kak osh isht vlhtoba ho holihta okhissa ya hiohliche
hi oke.

27. Yakohmit Chihowa vt Choshua ya awant aya tok:

yohmi h_o yvmma isht annoa kv_t yakni moma ka ai anno-howa tok.

CHAPTA VII.

YOHMI kia Israel im vlla vhleha hv_t nan i hullochi atuk a isht ashvchi tok: Chutah ishtatiaka Selah h_a ushi, Sabti h_a ushi, Kami ya anonti ushi Achan vt nan i hullochi atuk ash ishi tok: yohmi h_o Chihowa isht anukhobela yv_t libbit Israel im vlla vhleha h_a onvtoyula tok.

2. Mihma Choshua vt Cheliko vttvt hatak kanohmi h_a Belh-afen ichapaka, Behlel hvshi a kohchaka imma Ai ya tihlelit, im anumpulit, Hvsh ia cha, yakni yvmma ont hvsh pisashke, im achi tok. Mihma hatak ash osh ia cha, Ai ya ont pisa tok.

3. Atuk osh yvmmak ash osh falamvt Choshua ya im vlt, Hatak moyuma hokvto ik aiyo kashke, amba tahlepa sipokni tuklo, tuchina kanima hosh Ai ya ont issot kanchashke: okla yvmmv_t kanomosi hoka, hatak moma ka yvmma pit tihlelit chik tikambicho kashke im achi tok.

4. Yohmi hatuk o okla hash o a kohchvt hatak tahlepa sipokni tuchina foka hosh yvmma pit ilhkoli tok: atuk osh Ai okla h_a ont i yihlepa tok.

5. Mihma Ai okla hash osh pokoli tuchina akucha hannali foka h_o ai vbi tok: holihta okhissa itikba a hliolit isht ia mv_t, Shebalim a isht ona hatuk osh takla ya okvtahvt ia ka ai issot kanchi tok: yohmi hatuk o okla chukvsh vt bilvt oka yo chiyuhmi tok.

6. Mihma Choshua vt i nafohka ya ita hlilvffi cha, aka pit itulvt Chihowa im itombi holidopa itikba ya ilap, micha Israel okla im asvnonchi vhleha aiena kv_t hlipkvchit maya na opia tok: mihmv_t noshkobo h_a lukfi pushi okla o fohopli tok.

7. Mihmv_t Choshua ash osh, Ikikkeh! Chitokaka Chihowa ma! nanta katiohmi h_o Amolait vhleha ibbak a ish pi fohki na pi mosholieha chi ka, okla ilvppa Chatan a ant ish pi tanvblich_i tuk oh cho? pim vlvpesa cha, Chatan mish-trvvp mak inli h_o il ai asha hatuk okbano!

8. Chihowa ma! Israel okla hvt in tenvp vhleha ha nvli ak o i filihimi ka, nanta hak o miha la chi cho?

9. Kenanait vhleha, micha yakni ilvppa hatak aiasha moma kvt hakla chi hoke; yohmi cha pi afolublit, pi hohehifo ha yakni paknaka ilvppa a tvblit kancha chi hoke: yohmikma chi hohehifo chinto ka nanta ho ish i katiohmicha chi cho? achi tok.

10. Mihma Chihowa yvt Choshua ya, Ish tanashke; nanta katiohmi ho yakohmit ish hlipia cho?

11. Israel vt nan ashvchishke, yohmi cha yummvt, nana it im apesa im apehisa li tok a kobvffi aiena tuk oke: nan i hullochi atuk ash yummak fehna ishi hokvt: micha hukopa aiena tuk; micha holabi aiena tuk; micha yummvt yummak ash i na chukushpa fehna iba fohkit bohli tuk oke.

12. Yohmi kak o Israel im vlla vhleha hvt in tenvp vhleha itikba ya hiea he keyu hosh, amba in tenvp vhleha itikba ya nvli ak o i filihimishke, Chihowa im ai i nukkilli vt onvtoyula hatuk oka: yohmi ka nan i hullochi atuk ash ishi tuk ilvppak ash o okpvnit ai ile kohchit hvsh kanchi keyukma, hvchi awant aya la he keyushke.

13. Wakayvt, okla ha ish hullochashke; micha onna takla ka hvsh ile hullochashke; Israel in Chitokaka Chihowa vt yakohmichit anumpulishke, Israel chia ma! nan i hullochi atuk vt hvch itintakla takalishke: yohmi hoka nan i hullochi tuk ash ilvppa ai ile kohchit hvsh kanchi keyukmrt, hvchin tenvp vhleha itikba ya hvsh hiea he keyushke, ish achashke.

14. Yemohmi hoka onnahinlikma ai unchololi hvsh ai achvfa aiyukali yak osh iti hoyo hosh ahanlashke; atukma yakohma chi hoke, ai unchololi kanima ho Chihowa yvt ishi hokma, yummvt ai unchololi itakvshkoa ak o iti hoyo hosh ahanlashke, atukma ai unchololi itakvshkoa kanima ho Chihowa yvt ishi hokma, yummvt chuka achvfa ak o iti hoyo hosh ahanlashke; atukma chuka achvfa kanima ho Chihowa yvt ishi hokma, yummvt hatak achvfa aiyukali hosh ahanlashke.

15. Atukma yakohma chi hoke, kanima hosh nan i hullochi atuk ash ishit otvni hokmvt, ilap, micha nana im asha

tuk moma kv̄t luak isht luashke: yohmi kv̄t Chihowa nan it im apesa ya kobv̄fi, micha Israel a nana ik aivlhpeso ai yvmohmi aiena hokv̄t yvmohmashke, im achi tok.

16. Yohmi hatuk o Choshua vt onnahinli fehna tani cha, Israel okla hash ishtatiaka aiyukali yak o itahobi tok; yohmi ma Chutah ishtatiaka yak osh vlhtoka tok.

17. Yohmi ma Chutah isht atiaka itakvshkoa puta kak o itahobi tok: yohmi ma Saha isht atiaka yak o atokoli tok; yohmi ma Saha ishtatiaka hatak achufa aiyukali ho itahobi tok; mihma Sabti ak osh vlhtoka tok.

18. Yohmi ma yv̄mma in chuka achufa ya hatak achufa aiyukali ho itahobi tok; yohmi ma Chutah ishtatiaka Selah ya ushi, Sabti ya ushi, Kami ya ushi, Achan ak osh vlhtoka tok.

19. Mihma Choshua vt Achan a Sv̄so ma! Israel in Chitokaka Chihowa ya ish holitoblich̄i cha, ish il im anolashke, chim asilhha lishke: yohmi hoka nana ish kaniohmi tuk okv̄t chik san luhmo hosh, is sv̄m anolashke, im achi tok.

20. Mihma Achan ash osh afalamichit Choshua ya, Israel in Chitokaka Chihowa ya im ashv̄chi li tuk o mv̄hl̄ishke, yohmi kv̄t nana ka ilv̄ppak o, anonti ilv̄ppak o yvmohmi li tuk oke.

21. Na wehp̄oa ititakla ya Babulon nafohka achukma fehna, micha tv̄li hv̄ta shekel tahlepa tuklo, mikmv̄t tv̄li holisso lakna hohli ohmi hosh weki shekel pokoli tahlapi aiena hosh kahv̄t maya na pisa li mv̄t, anushkunna lish, ishi li tuk oke: yohmi tuk o yakeh! yakni anukaka luma hosh v̄m vlhtipo ikl̄v̄na ya chiyakma tv̄li hv̄ta yv̄t nutaka itonlv̄shke, im achi tok.

22. Yohmi ma Choshua vt hatak atokolit tihleli tok; yohmi na yihlepv̄t vlhtipo ya ai ona ma, yakeh! yv̄mmak ash osh im vlhtipo luma hosh itonla ma, tv̄li hv̄ta yv̄t nuta ya itonla tok.

23. Mihma yv̄mmak ash vlhtipo ya okla ai ishit kohchv̄t, Choshua, micha Israel im v̄lla vhleha moma ka isht im onv̄t, Chihowa itikba ya ont ashachi tok.

24. Mihma Choshua vt, Israel okla moma kv̄t apiha ho,

Achan, Selah ushi ash, mikmut tvli hvta, micha nafohka, micha tvli holisso lakna hohli ohmi kash aiena, mikmut ushi vhleha, micha ushetik vhleha, micha i wak, micha issuba haksobish falaia puta, micha in chukfi, mikmut im vlhtipo, micha nana im asha tuk moma aiena ka okla ishi cha, yummak ash Acho okfa ha okla isht ona tok.

25. Yohmi ma Choshua vt, Nanta katiohmi ho ish pilbvshali tuk oh cho? himak nitak a Chihowa yak osh chishno ma chilbvshala chi hoke, achi tok. Mihma Israel okla hv momut tvli isht boli tok: yohmi cha tvli isht bolit okla issa hayvt, luak isht hukmi tok.

26. Yohmi mut tvli itnaha chito fehna ho isht ompohomot hilechi tok o, himak nitak ka hikiyshke. Yohmi ho Chihowa im ai i nukkilli libbi fehna tuk vt ai i filvmmi tok: yvmohmi hatuk o yakni yvmmut himak nitak ant ai vhluka Acho okfa hohchihifoshke.

CHAPTA VIII.

YUMOHMI ma Chihowa vt, Choshua ya, Ik chi nukshopashke, micha chi chukvsh ik iello kashke; hatak tenvp aya vhleha ha moma il ai eshit, wakayvt, Ai ya ish iashke: yakeh! i miko, mikmut im okla vhleha, micha in tmaha holihta, mikmut i yakni aiena ka chibbak a fohki li hoke.

2. Yohmi ka, Ai, mikmut i miko Cheliko, mikmut i miko aiena ka ish kaniohmichi tuk vt, yummak inli ho ish chohmicha chi hoke: amba na wehpoa, micha wak aiena ak illa ak o hvchimmi ikbit hvsh ishashke: tushka chipota vt im aiehcha chi ka tmaha holihta im ashaka ya ish ashachashke, im achi tok.

3. Yohmi ho Choshua, micha hatak tenvp aya vhleha moma kv Ai ya in tanampit ia tok: mihma Choshua vt hatak tenvp aya hlampko hochukma chilitet nukwia iksho tablepa sipokni pokoli tuchina ho atokolit ninak o tihleli tok.

4. Yohmi mut nan i mihvt, Yakeh! tmaha holihta ya

im aiehchit, tmaha holihta im ashaka i hopaki keyu ho, moyumvt hvchim vlhtahvt hvsh aiashashke.

5. Yohmikma vno, micha okla si apehvt aya tuk il aiena kut tmaha holihta ya atikonofvt e mahaya chi hoke; atukma yakohma chi hoke, vmmona tuk a chohmit, okla pi afamvt mintikma, il i yihlepa chi hoke.

6. (Kohchvt piakaya chi hoka) i yihleprt mahayvt tmaha holihta ya e kohchicha chi hoke; Ummona ak inli tuk a chohmit, pi yihleprshke, acha chi hoka: yohmi hatuk o il i yihlepa chi hoke.

7. Yohmikma tmaha holihta ya im aiehchit hvsh aiasha tuk vt, wakayvt tmaha holihta ya hvsh ishaskhe; Chitokaka hvchin Chihowa yvt hvch ibbak a fohka chi hoka.

8. Atukma yakohma chi hoke, tmaha holihta ya hvsh ishikmvt, Chihowa hv apihisa tuk mak o yumihchit luak isht hvsh hukma chi hoke: yakeh! hvchim apesa lishke, achi tok.

9. Yvmohmi hatuk osh Choshua vt yvmmak ash pit tihleli tok; yohmi na aiehcha chi hosh okla hv Ai i hvshi ai okatula imma Behlel, Ai itintakla ak o aiasha tok: amba Choshua vto ninak ymma okla hak o iba binachi tok.

10. Atuk osh Choshua vt onnahinli fehna tani cha, okla ha hotihna tok; yohmi cha ilap vt Israel im asvnonchi vhleha ita pihvt okla ha itikba hielit Ai ya ia tok.

11. Mihma okla moyuma, hatak tenvp aya ymma apehvt aya atuk vt, momvt ilhkolit, tikelit mahayvt, tmaha holihta itikba ai ona mvt, Ai i falvmmi imma yo okla binachi tok: yohmi ka Ai itintakla ya okfa hosh bachaya tok.

12. Yvmohmi mvt hatak tahlepa sipokni tahlapi foka ho ishi cha, aiehcha chi ka Behlel, Ai itintakla tmaha holihta ya i hvshi ai okatula imma ho ont ashachi tok.

13. Yvmohmi mvt okla moyuma, tvshka chipota vhleha tmaha holihta i falvmmi imma ai asha tuk, micha aiehchi tmaha holihta i hvshi ai okatula imma aiasha tuk aiena ka achukmalit kahpuli na im vlhtaha ma, Choshua vt ninak ymma okfa hash iklvna ya ona tok.

14. Atuk o yakohmi tok, Ai i miko vt ymma pisa mvt,

tushpet onnahinli fehna okla tani cha, temaha holihta ymma hatak vhleha hut Israel itiba chi hosh ymma, micha okla moyuma aiena kvt hvshi kanvli vhpisa ont ai vhpesa tukma, okfa hash itikba ai ona tok: yohmi kia temaha holihta im ashaka ya im aiehchi hosh aiasha ka, ik akostinincho hatok.

15. Mihma Choshua, Israel okla moyuma aiena kash osh ik alauecho ho ile chohmichit, itikba yakni haiaka hina ya pit ai yihlepa tok.

16. Mihma okla moyuma Ai aiasha tuk vt itvnaha cha, ymma okla pit ahliyuha tok: yohmit Choshua ya ahliyuha hosh temaha holihta ya akocha wiha tok.

17. Yohmi ka Israel okla ha ik ahliyuho hosh Ai, Behlél kanima ka anta kvt hatak achufa nana kia iksho ki tok: micha temaha holihta pit tiwvt talaia na Israel okla ha ahliyuha tok.

18. Mihma Chihowa vt Choshua ya, Tvli halupa ontula tvbi chibbak foka ka Ai imma pit ish welashke; ymma chibbak a fohki la chi hoka, im achi tok. Mihma Choshua vt tvli halupa ontula tvbi ibbak foka hatuk a temaha holihta imma pit weli tok.

19. Yohmi ma im aiehchit aiasha tuk vt chekosi fehna kocha wihvt, ibbak a vba weli mak inli ho, yihlepvt temaha holihta ya ont chukowvt, ishi tok; micha tushpet temaha holihta yash hukmi tok.

20. Yohmi tuk o Ai okla hash osh filemvt, im ashaka imma pit hopokoyo mvt, yakeh! temaha holihta yash osh shobullit vba pit hikia na pisa tok: yohmi cha ilvppimma, keyukmvt ymmimma kanima pit ai yihlepa hi vt iksho ki tok: yohmi ma okla yakni haiaka pit yihlepa tuk ash osh falamvt, ahliyuhvt maya tuk a o yihlepa tok.

21. Yohmi kvt Choshua, micha Israel okla moyuma aiena kvt, aiehchit asha tuk ash osh temaha holihta ya ishi na, temaha holihta yvt shobullit vba pit hikia na pisa hatuk osh, filema cha, Ai hatak vhleha hash vbit tahli tok.

22. Mihma inla yash osh temaha holihta ya a kohevvt o yihlepa tok; yohmi hatuk o Israel okla ha ikvna ka yo hiehi

tok; yohmi ka kaniohmi kv̄t ilv̄ppa in t̄vn̄vp ashakma, anonti kaniohmi kv̄t yv̄mma in t̄vn̄vp asha tok: yohmi hatuk osh issot kanchi tok; yohmi cha achv̄fa kia okchalinchit ik hlakofecho ki tok.

23. Micha Ai ī m̄iko ano okchaya na okla ieshi cha, Choshua ā isht im ona tok.

24. Atuk ō yakohmi tok, Israel okla hv̄t Ai okla h̄a, osapa, yakni haiaka aiena ai ahliyuhv̄t isht ayv̄t, yv̄mma okla ai v̄bit tahl̄i tok: yv̄mmak ash osh bv̄shpo falaia halupa ȳa onv̄tohonlv̄t, momv̄t illit taiyaha ma, Israel okla hash osh momv̄t falamv̄t Ai ȳa ona cha, bv̄shpo falaia halupa isht issot kanchi tok.

25. Atuk ō yakohmi tok, hatak, micha ohoyo, aiena nitak yv̄mma akakoha kv̄t, momv̄t tahlepa sipokni auah tuklo yv̄mmv̄t Ai okla moyuma tok.

26. Choshua vt̄ tv̄li halupa ontv̄la tv̄bi ȳa ibbak isht ieshit pit weli tuk vt̄, Ai okla h̄a mominchit v̄bit ik tahlo hokv̄to, ik isso tok oka.

27. Yohmi h̄o wak puta, micha tmaha holihta yv̄mma na wehp̄oa aiena bano h̄o Chihowa yv̄t Choshua ȳa nan ī miha tuk anumpa h̄a iakaiya hosh Israel okla hv̄t ilap immi ikbi tok.

28. Mihma chiffokot ai asha na bilia he mak ō Choshua vt̄ Ai ȳa hukmit kanchi tok: yohmi tok ō aiokpulokv̄t kv̄niv̄t himak nitak ā ant ai v̄hl̄ishke.

29. Mihm̄v̄t Ai ī m̄iko ano nuksitelit iti a takalichi na takali na opia tok; atuk ō bv̄shi vt̄ okatula mak inli h̄o yv̄mma haknip ā iti ȳa ai akv̄chi cha, tmaha holihta ont a chukowa okhissa ont pila cha, yv̄mma tv̄li itv̄nahachi chito ai ikbit hilecha ch̄i ka Choshua vt̄ ī miha tok; yv̄mmv̄t hikia na himak nitak ā ant ai v̄hl̄ishke.

30. Yohmi ma Choshua vt̄ Chitokaka Israel in Chihowa ȳa n̄v̄nih Ebal ak ō alta ȳa im ai ikbi tok.

31. Yohmi ka Moses, Chihowa in tishu hv̄t Israel im v̄lla v̄hleha h̄a nan im apih̄isa tok ō, Moses ī nan v̄lh̄pisa holisso h̄a a holih̄iso hatuk oka, Alta tv̄li atushahli keyu, yv̄mma hatak vt̄ tv̄li halupa nana kia onochi tuk keyu h̄o isht ai ikbi

tok: yohmi cha yummak o nan vbit Chihowa ya isht aiokpuchi om bohli a hukmi cha; anonti isht aiokpuchi isht it i nanaiyuchi aiena ka ai vbit okla aiasha tok.

32. Mihma Israel im vlla vhleha momut pisa ho, Moses i nan vlpisa ya tosholit tvli atok ash o a holissochi tok.

33. Mihma Israel moma, micha im asvnonchi vhleha, micha okla pehlich i vhleha, micha i nan apesa vhleha aiena, micha hatak ik ithano ak kia iti takla vta tok ak inli cholmit, itombi holitopa ya ilvppa in tennv, micha ymma in tennv Lefait vhleha naholitompa isht asha Chihowa nan it im apesa vt afoyuka itombi holitopa shoyuli itikba tahlalaka hiel tok; a moyuma hosh ikvna kv Kelisim nvni i chapaka ya hielikma, anonti ikvna kv Ebal nvni i chapaka ya hiel tok: ymohmi hosh Israel okla ha yukpala hi o Moses, Chihowa in tishu hv tikba ka im apihisa tok mak o, ymohmi tok.

34. Yohmi hayak o nan vlpisa anumpa puyuta, nan isht ai yukpa he, anonti isht ai i palvma he aiena nan vlpisa holisso ha a holihiso tok a it im anumpohonli tok.

35. Israel okla moyuma, ohoyo, vlla chipunta, micha hatak inla yvt ymma iba takla maya hatuk aiena itikba ya Choshua vt, Moses vt nana im apihisa tok moyuma ka anumpa achvfa kia ik ai it im anumpulo ka iksho ki tok.

CHAPTER IX.

ATUK o yakohmi tok, miko vhleha Chatan ola in tennv, nvni foka, micha okfa foka, micha okhva chito vli moma Lebanon i chapaka, Hitait okla, micha Amolait okla, Kenanait okla, Pelissait okla, Hifait okla, micha Chebusait okla aiena aiasha kv haklo mv;

2. Choshua, micha Israel aiena ka itiba chi hosh im anukfila achvfa hosh iti hoyot itvna tok.

3. Atuk o Kibeon aiasha vt, Choshua vt Cheliko, micha Ai ita tuklo ka kaniohmichi tuk a haklo mv,

4. I kostinit okla im anukfila cha, okla inla im anumpa

shali atuk ilahobit, bahta hlipa puta, micha oka paki kotoba sipokni hlilahlit vhlketa puta aiena ka issuba haksobish falala ya onochi tok.

5. Micha shulush sipokni vhlketa ishit hoyolo, micha nafohka sipokni isht foyuka tok: mikmvt pvska il atahli tuk moma kvv shilvt bokbokit taha tok.

6. Micha Choshua ya im onvt, Kilkal vlbina ha ona cha, yvmma, micha Islael hatak vhleha aiena ka, Yakni hopaki minti pia hoke: yvmohmi hoka anumpa kvllo ka hvsh pit im apesashke, im achi tok.

7. Mihma Islael hatak vhleha hvv Hifait vhleha hash, Pi takla hvsh asha yoba hatuk a, yohmi hokmvno katiohmi kak osh anumpa e hvch it im apesa cho? im achi tok.

8. Mihma Choshua ya, Chin tishu vhleha pia hoke, im achi tok. Mihma Choshua vt, Kvta ho hvchia ho? micha katima yo hvsh minti cho? im achi tok.

9. Mihma, Yakni hopaki fehna ho minti hosh Chitokaka chin Chihowa hohchifo pulla kak o, chin tishu vhleha hvv vla hoke: Echip a kaniohmihinechi tok puta kvv annoa,

10. Micha Chatan mish-tvnnvp Amolait okla i miko tuklo, Heshbon i miko Sihon, micha Bashan i miko Ok Ashtaloh vtta aiena ka kaniohmichi tuk puta ka e haklo hatuk osh.

11. Yvmohmi ho hatak pim asvnonchi vhleha, micha pi yakni ai asha vt pim anumpulit, Nowvt hvsh aya chi kvv pinak oh ishi cha, hvv ont afamvt, Hvchin tishu vhleha pia hoke, hvsh im achashke, achi tok: yvmohmi hoka himak a anumpa kvllo ka hvsh pitim apesashke.

12. Pvska ilvppa kohchvt hvchi afama chi hosh e minti nitak ak osh lvshpa moma ho pin chuka ya ai ishit e kohcha tok oke; yohmi tok kia yakeh! himak ano shilvt bokbokit tahvshke.

13. Oka paki i kotoba puta ilvppa il alotuli mvno himona tok; atuk osh yakeh! hlilahlshke: micha pi nafohka ilvppa puta, micha pi shulush puta aiena kvv, hopaki fehna e nowa hatuk o hlipvt tahvshke, okla im achi tok.

14. Mihma hatak vhleha hash osh i pinak a ai ishi cha, Chihowa itih ha anumpa ik ai asilhho tok.

15. Mihma Choshua vt it i nanaiya cha, okchaya chi ka, anumpa kvllo itim apesa tok: mihma okla ha i holitompa vhleha hvt anumpa kvllo isht il im onochi tok.

16. Atuk o yakohmi tok, anumpa itim apesa haya nitak tuchina kvt ont taha ma, in chuka abilika yosh takla asha hatuk o, okla haklo tok.

17. Mihma Israel im vlla vhleha hvt toshowvt ia mvt, nitak ont isht atuchina ho, in tmaha holihta puta ka ona tok. In tmaha holihta puta kvt Kibeon, micha Chefilah, micha Beeloh, micha Kichalh-chealim aiena kak atok.

18. Mihma okla i holitompa vhleha hvt Israel in Chitokaka Chihowa isht hochifot anumpa kvllo isht il im onochi tuk pulla hatuk mak o, Israel im vlla vhleha hvt issot ik kancho ki tok. Mihma okla moma kvt holitompa vhleha hash i sanalit anumpuli tok.

19. Yohmi kia holitompa vhleha hash osh okla moma ka, Israel in Chitokaka Chihowa isht hochifot anumpa kvllo isht il im onochi tuk oke: yohmi kvt himak a e potola he keyu hoke.

20. Ilvppak o e yvmihchashke, ik okchaya, il im ahnashke, anumpa kvllo isht il im onochi tuk okvt: keyukma nana palvmmi kvt pi onvtola hinla hoke.

21. Micha holitompa vhleha hash osh, Ik okchaya, holitompa vhleha hvt i miha tuk oka: amba okla moma ka iti in chanli, micha oka im ochi aiena kvt tobashke, im achi tok.

22. Mihma Choshua vt i howa cha, im anumpulit, Nanta katiohmi ho pi takla hvsh asha yokak osh, pi haksichit, Yakni hopaki ho e minti, hvsh achi tuk oh cho?

23. Yemohmi hoka himak a hvchi kalakshi mak oke; micha achvfa kia yuka hosh an Chihowa in chuka iti in chanli, micha oka im ochi aiena kvt hvsh kohcha he keyu hoke, achi tok.

24. Mihma afalamichit Choshua ya, Chitokaka chin Chihowa vt in tishu Moses a im apesvt, yakni moma ka hvch una cha, okla chi tikba aiasha moma ka vbit tahla he miha tok a chin tishu vhleha hvt bahaklo pulla ak atok: yohmi

kak o hvchishno pulla kak o pim ilhfopak isht pi nukshopa fehna hatuk osh, ilvppa e yvmihchi tuk oke.

25. Yvmohmi ka himak a yakeh! chibbak a e foyukvshke: ish pi kaniohmichi kak osh chim achukma, micha chim vhpesa hinlakmut, ish yvmihchashke, okla im achi tok.

26. Micha yummak o yvmihchi cha, Israel im vlla vhleha ibbak a a hlakofichi na okla ik bo ki tok.

27. Mihma Choshua vt nitak yumma okla ha, micha Chihowa im alta ya, kanima ho ai ahnit im atokolikma, iti im a chanli, micha oka im ochi aiena ka ikbi tok o, himak nitak a imoma hoke.

CHAPTA X.

ATUK o yakohmi tok, Choshua vt Ai ya ishi cha, okpunit vmohmichi tuk vt Cheliko, micha i miko ya kaniohmichi tuk vt, chohmichit Ai, micha i miko ya yvmihchi tuk: micha Kibeon okla hvt Israel a it i nanaiya cha, ibulhto ho, Chelusalem i miko Atoni-setek vt haklo mut;

2. Kibeon vt tumaha holihta miko in tumaha holihta chohmi, micha chito kvv Ai ya i shahli, micha yumma hatak ai asha kvv hlampko, micha chilita hatuk o, okla nukshopa fehna tok.

3. Yvmohmi hatuk osh Chelusalem i miko Atoni-setek vt Heblon i miko Hoham, micha Chamulh i miko Pilam, micha Lachish i miko Chafia, micha Eklon i miko Tebi aiena ka anumpa pit i pila cha,

4. Mintit hvs svm vla cha, hvs si apela na Kibeon a il ishi cha, e mosholichashke: Choshua, micha Israel aiena ka it i nanaiya hoka, achi tok.

5. Yvmohmi ho Amolait okla i miko tahlapi, Chelusalem i miko, Heblon i miko, Chamulh i miko, Lachish i miko, Eklon i miko aiena kash osh iti hoyvt itvnaha tok; micha yumma, mikmut in tvshka chipota puta aiena kvv Kibeon itikba ya binanchi cha, in tanampi tok.

6. Mihma Kibeon hatak vhleha hvt Choshua vt Kikkal vlbina anta tuk o, anumpa pit i pila mut, Chin tishu, vhleha

ha ish halvlli kv̄t chibbak a ish mokoffi ná ; tushpvt pim vla cha, pi apelv̄t, ish pi hlakofichashke : Amolait okla i miko v̄hleha moyuma nv̄nih foka aiasha kv̄t, iti hoyot itvnaha cha, pin tanampi hoka, achi tok.

7. Yohmi ma Choshua, micha hatak tenv̄p aya puta, micha hatak hlampko hochukma chilitv̄t nukwia iksho puta aiena kv̄t Kilkal a ashv̄t ia tok.

8. Mihma Chihowa vt Choshua ya Ish i nukshopa ná : chibbak a fohki li mak oka ; hatak achv̄fa kia chi tikba ya hikia he keyu hoke, im achi tok.

9. Yvmohmi hatuk o Choshua vt Kilkal v̄tv̄t ninak a aya na hlopullit, ashalika im ona tok.

10. Mihma Chihowa yvt Israel itikba ya komuntv̄chit tihleli tok ; micha Kibeon a lauachit ai vbi cha, hliolit Belhholon ataya hina isht aya cha, ahambit Asekah, micha Makketah ita tuklo ka isht ona tok.

11. Atuk o yakohmi tok, Israel itikba ya yihlepa cha, Belhholon a okvtahv̄t ia ma, Chihowa hv̄t hatafo hochito vba et onochit, Asekah isht ona na okla illi tok : hatafo isht illi kak osh Israel im vlla v̄hleha hv̄t beshpo falaia isht vbi tuk a i shahli tok.

12. Yvmohmi ma Choshua vt nitak ymma Chihowa vt Amolait okla ha Israel im vlla v̄hleha ibbak fohki ma, Israel im vlla v̄hleha hv̄t p̄isa h̄o, Chihowa ya im anumpulit, Hv̄shi chia hv̄t Kibeon paknaka peh lumv̄t ish hikiashke ; mikma, Hv̄shi ninak aya chia hv̄t Achalon okfa ha ish hikiashke, achi tok.

13. Mihma hv̄shi vt lumv̄t hikia ma, hv̄shi ninak aya yvt talaia na okla hash osh in tenv̄p a okla il ai okha tok. Ilv̄ppvt Chashe i holisso ha aholisso keyu cho ? Yohmi hosh hv̄shi vt shutik iklena hikia cha, nitak achv̄fa h̄o tushpvt ik okatulo ki tok.

14. Chihowa vt hatak im anumpa ha a haiyaklo tok nitak ymma chohmi kv̄t tikba, micha i himmak a iksho ki tok : Chihowa yvt Israel a im itibi hatuk oka.

15. Mihma Choshua vt, micha Israel moma kv̄t apiha h̄o, falamv̄t, vlbina Kilkal a ona tok.

16. Yohmi kia miko tahlapi ilvppak ash osh yiblepa cha, tvli chiluk Makketaħ hikia ka a luma tok.

17. Atuk o Choshua ya im anolit, Miko tahlapi kash osh hichukbi Makketaħ hikia ka a luma hosh ashvt haiakvshke, achi tok.

18. Mihma Choshua vt, Tvli hochito hichukbi a hvsh on tonullichashke; yohmi cha atona chi ka hatak hvsh hiohle-chashke:

19. Micha hvsh hielı ná, amba hvchin tvnvp a hliolit, olbvı aya ka vbit hvsh tahlashke; in tvmaha holihta puta ka ik chukowá hvch ik im ahno kasıke: Chitokaka hvchin Chihowa vt hvch ibbak a fohki hatuk oka, achi tok.

20. Atuk o yakohmi tok, Choshua micha İslael im vlla vhleha hvı ahambi fehna kvı ont tahli na taha ma, yvmma i hlakofı kvı tvmaha puta aholihta kvılo ya ont chukowa tok.

21. Mihma okla moma kvı faıamvt Choshua ya im onvt, Makketaħ vıbina ha achukmakvt ona tok: İslael im vlla vhleha ha kanima i sanalit achvfa kia isunlvsh a ilhkolechi tok keyu hoke.

22. Mihma Choshua vt, Hichukbi ya tiwi cha, miko tahlapi yvmmak ash hichukbi ya ai ishit kohchit isht hvı svı vılashke, achi tok.

23. Mihma okla yvmihchi tok; micha miko tahlapi, Chelusalem i miko, Heblon i miko, Chamulh i miko, Lachish i miko, micha Eklon i miko aiena yvmmak ash hichukbi a a kohchit isht im vıa tok.

24. Atuk o yakohmi tok; miko vhleha yvmmak ash Choshua ya isht im vıa ma, Choshua vt İslael hatak vhleha moma ka ihowa cha, hatak tvnvp aya i kvpitvni vhleha apvht aya tuk a, Bilıka vıvt, miko vhleha ilvppa ikunla ya hvch iyi ya hvsh o hilechashke, im achi tok. Mihma bilıka okla vıa cha, ikunla ya iyi ya o hilechi tok.

25. Mihma Choshua vt, Ik hvchi nukshopo kashke, hvchi chukvsh ik iello kashke, kvılot hvchim anukfila cha nukwia ikshot hvsh amosholashke: hvchin tvnvp puta hvch itibi ka Chihowa yvt yakohmicha chi hoka, im achi tok.

26. Yohmi hayvt Choshua vt, fabamvt vbi cha, iti tahlapi hō atakohlichī tok: mihma iti yā atakohli na opia tok.

27. Atuk o yakohmi tok, heshi vt okatula ma, Choshua vt i miha ma, iti a takohli tuk a akvchi cha, hichukbi a lumboa tuk ak o pit pila cha, tli hochito hichukbi paknaka kahpuli tok o, himak nitak fehna chiffoko hoke.

28. Yohmi ma nitak yemma Choshua vt Makketah yā ishi cha, beshpo falaia halupa isht issot kanchi tok: micha miko yā mosholichit vmohmichi mvt, yemma, micha shilombish yemma aiasha tuk aieninchi tok; achvfa kia ik hlakofecho ki tok: micha Cheliko i miko yā yumihechi tuk a chohmichit Makketah i miko yā yumihechi tok.

29. Mihmvt Choshua vt, micha Israel moma kv̄t apiha hō, Makketah yā ashvt ia mvt, Libnah yā ona cha, Libnah yā itibi tok.

30. Mihma Chihowa vt ymmak kia, i miko aiena ka Israel ibbak a fohki tok: mihma ymmak ash, micha shilombish moma yemma anukaka aiasha tuk aiena ka beshpo falaia halupa isht issot kanchi tok; achvfa kia ik hlakofecho tok; amba i miko yā Cheliko i miko yā yumihechi tuk mak osh chohmichi tok.

31. Mihmvt Choshua vt, micha Israel moma kv̄t apiha hō, Libnah yā ashvt ia mvt, Lachish a ona tok; micha ont a binachi cha, itibi tok.

32. Mihma Chihowa yvt Lachish a Israel ibbak a fohki na nitak atukla ma ishi cha, ymmak ash, micha shilombish yemma anukaka aiasha tuk aiena ka beshpo falaia halupa isht issot kanchi tok; Libnah yā yumihechi tuk moma mak inli hō chohmichi tok.

33. Yohmi ma Kese i miko Holam vt Lachish a apela chī hosh vla tok; mihma Choshua vt ymmak kia, micha im okla aiena ka vbit tahlī cha, achvfa kia ik i hlakofecho ki tok.

34. Mihmvt Choshua vt, micha Israel moma kv̄t apiha hō, Lachish a ashvt ia mvt, Eklon a ona tok: micha okla a binachi cha, itibi tok.

35. Micha nitak yvmma okla ishi cha, bvshpo falaia halupa isht issot kanchi tok; micha nitak yvmma shilombish moma yvmma anukaka aiasha tuk a vbit tahlit vmohmichi tok: Lachish a yvmihchi tuk moma mak inli hō chohmichi tok.

36. Mihmt Choshua vt, micha Israel moma kv̄t apiha hō, Eklon a ashvt ia mt, Heblon a ona cha, itibi tok.

37. Micha yvmmak ash, micha i miko atuk, micha in tv-maha holihta puta, micha shilombish moma yvmma anuka-ka aiasha hatuk aienaka okla ishi cha, bvshpo falaia halupa isht issot kanchi tok; Eklon a yvmihchi tuk akinli hō chohmichit achvfa kia ik hlakofecho tok: amba yvmmak ash vmohmichit okpuni cha shilombish yvmma aiasha tuk a mominchit vbit tahli tok.

38. Mihma Choshua vt, Israel moma kv̄t apiha hō, falamt Tebi ya ona cha, itibi tok.

39. Mihmt ishi cha, i miko atuk, micha in tv-maha holihta puta aiena ka ishi mt, bvshpo falaia halupa isht issot kanchi tok; micha shilombish moma yvmma anukaka aiasha tuk a lushummit vbit tahli, achvfa kia ik hlakofecho tok: Heblon a yvmihchi tuk, micha Libnah ya, mikmt i miko atuk aiena ka yvmihchi tuk mak o chohmichit, Tebi, micha i miko aiena ka yvmihchi tok.

40. Yohmi hosh Choshua vt nv̄nih foka yakni moma, micha oka mahli pilla, micha okfa, mikmt kv̄li foka, micha i miko atuk moma ka issot kanchi tok: achvfa kia ik hlakofecho hosh, amba Israel in Chitokaka Chihowa yv̄t im apesa tuk mak osh fihompa moma ka okpunit vmohmichi tok.

41. Mihma Choshua vt Katesh banea ya vttvt Kasa ont vhli, micha Koshen yakni moma Kibeon ont vhli aiena ka issot kanchi tok.

42. Micha miko ilvppa puta, mikmt i yakni ya Choshua vt himonna achvfa hō ishi tok; Israel in Chitokaka Chihowa ak osh Israel a im itibi hatuk oka;

43. Mihmt Choshua vt, Israel moma kv̄t apiha hō, falamt vlbina Kilkal a talaia ka ona tok.

CHAPTA XI.

ATUK o yakohmi tok; Haso i miko Chabin vt ymma puta ka haklo mvt, Malon i miko Chobab, micha Shimlon i miko, micha Achshaf i miko,

2. Micha nvnihi i falvmmi imma in tenvp miko vhleha, micha Sinnelolh im oka mahli imma yakni patali, micha okfa, micha hvshi ai okatula imma To ai vhli puta,

3. Micha hvshi akochaka imma, micha hvshi ai okatula imma aiena Kenanait okla, micha Amolait okla, micha Hittait okla, micha Pelissait okla, micha Chebusait okla nvnihi foka, micha Mispheh yakni Hifait okla Hemon nuta asha aiena ka anumpa pit i pila tok.

4. Mihma okla kohchvt ymma, micha in tvshka chipota moma, okla laua chinto, laua kv okhvta vhli shinuk ai asha kak o chohmi hosh, issuba, micha tenvp iti chanvlli laua fehna aiena ho ishi cha, ia tok.

5. Atuk osh miko ilvppa puta kash osh itafama mvt, Melom oka taloha yak o Israel itiba chi hosh ant ai itiba bina-chi tok.

6. Mihma Chihowa yvt Choshua ya, Ymma pulla kak o ik chi nukshopo kashke: onnaha himak a chohmikma, momvt illit taha yo Israel ibbak a fohki la chi hoke; im issuba puta iyikolakshish a ish tvptulikmvt, tenvp im iti chanvlli puta ka luak isht ish hukma chi hoke, im achi tok.

7. Yohmi ho Choshua vt okla tenvp aya moma kv apiha ho, mintit Melom oka taloha yak o ashalika ant itibit okla o yihlepa tok.

8. Mihma Chihowa hv Israel ibbak a fohki na issot kanchi cha, ahliyuhvt isht ayvt Siton chito, micha Mislefolh-maim, micha hvshi akochaka imma Mispheh okfa ha isht ona tok; micha ahambi cha, achvfa kia ik in hlakofecho ki tok.

9. Mihma Choshua vt Chihowa yvt i miha tuk mak o yvmihchi hosh, issuba iyikolakshish a tvptuli mvt, tenvp im iti chanvlli puta ka luak isht hukmi tok.

10. Mihma nitak yummak o Choshua vt falama mvt, Haso ya ishi cha, i miko ya bshpo falaia isht vbi tok; chashpo ka Haso ak osh apelihika ymma moma ka i noshko-boka hatok oka.

11. Mihma shilombish moma ymma aiasha tuk a bshpo falaia halupa isht vbit tahlit vmohmichi tok: fiopa chi ka achvfa kia ik hlakofecho tok: micha Haso ya luak isht hukmi tok.

12. Micha miko vhleha ymma in tmaha holihta puta, micha i miko moma ka Choshua vt ishi cha, bshpo falaia halupa isht issot kanchi cha Chihowa in tishu Moses vt im apesa tok mak o, okpunit vmohmichi tok.

13. Amba tmaha holihta puta kvv i bokko o hiohmaya kullo moma kvno Israel vt achvfa kia ik hukmo hosh Haso ak illa tok: ymmvno Choshua vt hukmi tok.

14. Micha tmaha holihta ilvppa puta ka na wehpoa moma, micha wak aiena kvno Israel im vlla vhleha hvv immi ha chi hosh ishi tok: amba hatak puta kvno, bshpo falaia halupa isht issot ont kanchi cha, fiopa chi ka achvfa kia okla ik hlakofecho tok.

15. Chihowa yvt Moses a im apesa tok mak o, Moses vt Choshua ya im apesa tok; mihma yummak o Choshua vt ymihchi tok: Chihowa yvt nana moma Moses a im apesa tok a ik a tahlo kvv iksho ki tok.

16. Yvmohmi hosh Choshua vt yakni ymma moma ka ishi kvv, nvni foka, micha oka mahli yakni moma, micha Koshen yakni moma, micha okfa, micha yakni patali, micha Israel i nvni puta, micha yummak inli okfa;

17. Sei pilla ia ka Halak nvni ha vttvt ia hosh, Lebanon okfa, Hemon nvni nuta Baal Kat ont vlli ka ishi tok: micha i miko moma ka ishi cha, fahamvt vbit tahli tok.

18. Choshua vt miko vhleha puta yummak ash in tanampi na nitak hopaki tok.

19. Tmaha holihta achvfa kia Israel im vlla vhleha ha ik it i nanaiyo, amba Hifait okla Kibeon asha kvv ak illa tok: inla moma kvno it in tanampi hosh ishi tok.

20. Chihowa ak osh ahni hosh chukvsh a kullochi na

Israel a ant itiba chi hatok ; yvmohmi ho vbit tahlit vmoh-micha chi hatok ; micha Chihowa vt Moses a im achi tok mak o i nukhaklo keyu hosh, amba okpenit tahla chi hatok.

21. Michā nitak ymma foka kak o Choshua vt ona cha, Anakim a nnih foka, Heblon, Tebi, Anab, micha Chutah i nnih chaha moma, micha Israel i nnih chaha moma ka ai vbit tahli tok : Choshua vt in tmaha holihta puta aiena ka okpenit vmohmichi tok.

22. Israel im vlla vheha i yakni ya Anakim achufa kia ik hlakofecho tok : Kasa, Kalh, micha Ashtot ak illa ho asha tok.

23. Chihowa yvt Moses a im ahanchi tok mak o, Choshua vt ymihchit yakni ya mominchit ishi tok ; micha immi ha chi ho Israel a ishtatia ka itakvshkoa vhpisa mak o ima tok. Mihma yakni vt itin tanampi ka isset foha tok.

CHAPTA XII.

MIHMA miko vheha ileppa puta kak osh yakni ymma asha tuk o Israel im vlla vheha hrt vbit tahli cha, i yakni Chatan mish tennep hvshi a kochaka pilla, Anon okhina vttet ia hosh Hemon nnih ha ona, micha hvshi a kochaka yakni patali ka okla ishit a binili tok.

2. Amolait okla i miko Heshbon vtta Sihon a miko ket Aloe, ymmet Anon okhina ontalaka talaia ak o, micha okhina iklena, micha Kileat iklena kak o vttet ia hosh Chabbak okhina, ymmet Ammon in chipota yakni ai vli yo ont vli tok ;

3. Michā yakni patali vttet Sinneloh okhta i hvshi akochaka imma ona cha, Belhcheshimolh hina ia hosh, yakni patali okhta, hvpi okhta i hvshi akochaka imma ona tok ; micha oka mahli imma Ashtolh-piskah nuta ka aya tok.

4. Michā Bashan i miko Ok, ymmet hatak chaha ishtai-yopi hosh Ashtaloh, micha Etlei aiena ka vtta yosh im ai vli ket,

5. A miko ket Hemon nnih, micha Salkah, micha Ba-

shan moma Keshulait okla, micha Maachahlait okla aiena ai vhli, micha Kileat iklvna, Heshbon i miko Sihon im ai vhli ak o ont vhli tok.

6. Yvmmak o Chihowa in tishu Moses, micha Israel im vlla vhleha aiena kvt issot kanchi tok: micha Chihowa in tishu Moses vt Luben ishtatiaka, micha Kat ishtatiaka, micha Manasseh ishtatiaka iklvna aiena kvt immi ha chi ho, ima tok.

7. Mikma yakni ya i miko vhleha ilvppa puta kak o Choshua, micha Israel im vlla vhleha aiena kvt Chatan ola in tennvp hvshi ai okatula pilla ha Lebanon okfa Baal-kat vttvt ia hosh, Sei atia Halak nvniha ha ont vhli ka ai issot kanchi tok; micha yvmma Israel ishtatiaka itakvshkoa vlpisa hosh immi ha chi ho, Choshua vt ima tok.

8. Nvnih foka, micha okfa, micha yakni patali, micha kvli foka, micha yakni haiaka, micha oka mahli yakni Hittait vhleha, Amolait vhleha, micha Kenanait vhleha, Pelissait vhleha, Hifait vhleha, micha Chebusait vhleha aiena kak atok.

9. Cheliko i miko vt achvfa; Behlel ichapaka Ai i miko vt achvfa;

10. Chelusalem i miko vt achvfa; Heblon i miko vt achvfa;

11. Chamvli i miko vt achvfa; Lachish i miko vt achvfa;

12. Eklon i miko vt achvfa; Kese i miko vt achvfa;

13. Tebi i miko vt achvfa; Kele i miko vt achvfa;

14. Holmah i miko vt achvfa; Alat i miko vt achvfa;

15. Libnah i miko vt achvfa; Atullam i miko vt achvfa;

16. Makkedah i miko vt achvfa; Behlel i miko vt achvfa;

17. Tappuah i miko vt achvfa; Hefe i miko vt achvfa;

18. Afek i miko vt achvfa; Lashalon i miko vt achvfa;

19. Maton i miko vt achvfa; Haso i miko vt achvfa;

20. Shimlon-melon i miko vt achvfa, Achshaf i miko vt achvfa;

21. Taanach i miko vt achvfa; Mekitto i miko vt achvfa;

22. Ketesh i miko vt achvfa; Kamel yakni Choknean i miko vt achvfa;

23. To ai vhli To i miko vt achvfa; Kilkal oklushi vhleha i miko vt achvfa;

24. Tisah i miko vt achvfa; miko vhleha moma kvv po-koli tuchina akucha achvfa tok.

CHAPTA XIII.

MIHMA Choshua vt sipoknit nitak laua ka pisa tok; mik-ma Chihowa yvt, Chi sipoknit nitak laua hō ish pisvsh-ke; mihma immi ha chī hosh yakni yā isha chī ka laua hosh aiasha momvshke.

2. Yakni ilvppak osh āsha moma hoke; Filistin okla ai vhli fullota, micha Keshuli vt moma,

3. Siho, yvmmvt Echip itikba talaia ka vttvt ia hosh falvmmi pilla Eklon, yvmmvt Kenanait im aholhtina yā ont vhli: Filistin okla i hochitoka tahlapi, Kasahlait vhleha, micha Ashtohlait vhleha, Eshkalonait vhleha, Kittait vhleha, micha Eklonait vhleha, Afait vhleha ak kia aiena:

4. Oka mahli hā vttvt i falvmmi imma ia hosh Afek Amolait vhleha im ai vhli yā ona ka ititakla yā Kenanait vhleha yakni moma, micha Mealah yvmmvt Sitonian vhleha i chapaka talaia aiena kvv;

5. Michā Kiblait vhleha i yakni, micha hvshi a kochaka imma Lebanon, Hemon nuta Baal-kat ā vttvt ia hosh Hamalh ont chukowa ka ont vhli hoke.

6. Nvnih foka okla puta Lebanon ā vttvt ia hosh Misle-folh-maim, ont vhli, micha Sitonian vhleha moma, yvmma puta kak o Israel im vlla vvhleha itikba yā tihlelit kohcha wehli la chī hoke: peh chim apesa li tok mak o, nashoeli hosh yakni vt immi ha chī hō, ish ita kvshkolashke, im achi tok.

7. Yvmohmi hoka, himak ā yakni ilvppvt immi ha chī hō, ai unchololi chakkali kash, micha Manasseh ai unchololi iklvna aiena ka ish itakvshkolashke,

8. Yvmma iklvna hokvto Luben ai unchololi, micha Kat ai unchololi aiena ka takla Chatan mish tnnvp hvshi akochaka imma Moses vt ima, Moses Chihowa in tishu pulla hosh ima na ishit abinili tok,

9. Aloe Anon okhina ontalaka talaia, yummvt tumaha holihta yosh okhina iklvna talaia ka vttvt ia hosh Meteba yakni patali mominchi hosh Tibon a ont vhli;

10. Micha Amolait vhleha i miko Sihon, yummvt Heshbon a a miko tok in tumaha holihta puta moma kv Ammon in chipota im ai vhli ya ont vhli;

11. Micha Kileat, micha Keshulait vhleha im ai vhli; micha Maachahlait vhleha im ai vhli, micha Hemon nvnih vt moma, micha Bashan moma hosh Salkah ont vhli:

12. Bashan vttta Ok ap ehlichika moma, yummvt hatak chaha ishtaiyopi yosh Ashtolh, micha Etlei ita tuklo ka a miko tok aiena moma kak o ima tok oke: ilvppa puta ka Moses vt issot kanchi cha, i yakni ya im ai ishi tok okvt,

13. Yohmi kia Israel im vlla vhleha hv Keshulait vhleha, micha Maachahlait vhleha ha aieninchit tihlelit ik kocha wehlo tok; amba Keshulait vhleha, micha Maachahlait vhleha aiena kv Israel a ap ehvt aiasha na himak nitak a ant ai vhli hoke.

14. Lefai ai unehololi ak illa ho yakni ai isha he vhpesa ya ik imo tok: im achi tok mak o, nan vbit luak isht hukmi hosh Israel in Chitokaka Chihowa ya isht ai aiokpchi yak osh ai isha he vhpesa yoke.

15. Mihma Moses vt Luben im vlla vhleha ai unehololi ita kvshkoa vhpisa ho yakni ai isha he vhpesa ya ima tok.

16. Micha im ai vhli kv, Aloe, Anon okhina ontalaka talaia, yummvt tumaha holihta yosh okhina iklvna talaia, micha Meteba bilika yakni patali moma:

17. Mikmt Heshbon, micha in tumaha holihta yakni patali aiasha kv moma aiena; Tibon, micha Bamolh-baal, micha Belh-baal-meon,

18. Micha Chahasa, micha Ketemolh, micha Mefaalh,

19. Micha Kichalhaim, micha Sibmah, micha Saleh-shaha okfa bokko talaia,

20. Micha Belh-peo, micha Ashtolh-piskah, micha Belh-cheshimolh,

21. Micha tumaha holihta yakni patali aiasha kv moma, micha Amolait vhleha i miko Sihon im ap ehlichika moma,

yymmet Heshbon a a miko tok ak atuk o micha Mitian i holitompa vhleha, Efi, micha Lekem, micha Su, micha Hu, micha Leba, yymmet Sihon i hochitoka hosh yakni yymma asha tuk o aieninchit Moses vt fahamvt kanchi tok.

22. Beo ushi Baalim hatak fuppo ak kia Israel im vlla vhleha hvt breshpo falaia ishit vbi na illi ka takla illi tok.

23. Michā Luben im vlla vhleha im ai vhli kvt Chatan, micha im ai vhli ak atok. Ilvppak osh temaha holihta puta chuka alokoli puta ai itieshi kvt Luben im vlla vhleha hvt itakvshkoa vllhpisa hosh immi hatok oke.

24. Mihma Moses vt yakni ai isha he vllhpesa ya Kat ai unchololi ya ima tok; yohmi kvt Kat im vlla vhleha hvt itakvshkoa vllhpisa ho ima tok.

25. Mihma im ai vhli kvt Chase vttvt ia hosh Labbah itikba Aloe ont vhli ma, ititakla ya Kiliat temaha holihta vt moma, micha Ammon in chipota i yakni vt iklēna aiena;

26. Michā Heshbon a vttvt ia hosh Lamalh-mispeh, micha Betonim itatuklo ka ont vhli; micha Mahanaim a vttvt ia hosh Tebi ya ai vhli ka ont vhli;

27. Michā okfa ha Belh-alam, micha Belh-nimlah, micha Sukkolh, micha Safon, micha Heshbon i miko, Sihon im apēhlichika kashapa kash, Chatan, micha im ai vhli, Chatan mish-tennvp lvshi akochaka imma Sinnelolh okhvta vhli fehna ya ont vhli tok.

28. Ilvppak osh temaha holihta puta, chuka alokoli puta ai iti eshi kvt Kat im vlla vhleha hvt itakvshkoa vllhpisa hosh immi hoke.

29. Michā Moses vt Manasseh ai onchololi iklēna ya yakni ai isha he vllhpesa ya ima tok: Manasseh ai unchololi, mihma ilvppak osh iklēna itakvshkoa vllhpisa hosh immi hatok.

30. Michā im ai vhli kvt Mahanaim a vttvt ia ka Bashan vt moma, micha Bashan i miko, Ok im apēhlichika vt moma, micha Chai in temaha puta moma, pokoli hannali hosh aiena kvt Bashan a asha:

31. Michā Kiliat vt iklēna, micha Ashtololh, micha Etlei, Bashan vttā Ok im apēhlichika temaha holihta yosh Manas-

seh ushi Machi im vlla vhleha ha immi hatok: Machi im vlla vhleha iklvna hosh itakvshkoa vllhpisa hosh immi hatok.

32. Yakni ilvppa puta Chatan mish-tvnnvp Cheliko bilika hvshi akochaka imma Moab yakni patali yak o immi ha chi ho Moses vt i hopela tok.

33. Amba Lefai ai unchololi yokvno Moses vt yakni ai isha he vllhpesa ik imo tok: im achi tok mak o Isael in Chitokaka Chihowa ak osh ai isha he vllhpisa hatok.

CHAPTA XIV.

MIHMA yakni ilvppa puta kvv Kenan yakni a taloha kak o Eleasa naholitompa isht vttā, micha Nun a ushi Choshua, micha Isael im vlla vhleha apēhlichī iki vhleha ha i noshkobo ka puta aiena kvv, i yakni ya chi ho, i hopela na Isael im vlla vhleha hvv ai ishit a binili tok.

2. Chihowa yvt Moses a tohno tok mak o nashoeli hosh ai unchololi chakkali kash, micha Manasseh ai unchololi iklvna aiena kvv yakni ya ishit a binili tok.

3. Moses vt ai unchololi tuklo, micha Manasseh ai unchololi iklvna hokvno ima na Chatan mish tvnnvp yakni ya ishit a binili tok oka; amba Lefai ai unchololi yano yemma takla yakni ya ai isha he vllhpesa ka ik imo tok.

4. Chosef im vlla vhleha hvv apēhlichī tuklo, Manasseh, micha Eflaim ak atuk oka: yohmi hatuk o Lefai ai unchololi hvv takla ya a binila he yakni ya ik imo tok: peh, aiasha chi, micha i wak, micha im ilayak ai asha chi tumaha holihta puta, micha a bilika fullota aiena ak illa ho ima tok.

5. Chihowa yvt Moses a im achi tok mak o, Isael im vlla vhleha hvv yvmihchi cha, yakni ya ita kvshkoli tok.

6. Yohmi ma Chutah im vlla vhleha hvv, Choshua ya Kilkal a anta tuk o im ona tok: micha Kenesait Chefunnel ushi Kaleb vt, Chihowa yvt, Katesh-banea ya il ashwa ma, chishno, micha vno ya isht pi anumpulit Chihowa im antia hatak Moses a im achi tok a ish ithaiyanvshke.

7. Afemmi pokoli ushta li ho, Moses Chihowa in tishu

hvt yakni pisvt hlopulli la chi hō, Katesh-banea ya a sa chvffichi tok oke : atuk o nana sa chukvsh foyuka tuk mak osh anumpa isht im ona li tok.

8. Yohmi kia itibapishi li vhleha si apihvt ia tuk vt okla chukvsh a bileli tok : amba vno vto Chitokaka an Chihowa ya ai okluhvt iakaiya li tok.

9. Mihma nitak ymma Moses vt anumpa kello il onochit, Yakni ymma chiyi yvt a nohowa tuk vt chi yakni, micha chim vlla vhleha aiena ka i yakni bilia hi oke ; Chitokaka an Chihowa ya ai okluluhvt ish iakaiya tuk okvt, vm achi tok.

10. Yohmi ka himak a yakeh ! achi tok mak osh Chihowa yvt si okchalanchi na ilvppvt afvmmi pokoli ushta akucha tahlapishke, Israel im vlla vhleha hvt yakni haiaka fullokvehit itrnova ma, Chihowa yvt Moses a im anumpohonli tok fehna vttvt mihintit himak a ant vhlishe : yohmi ka yakeh ! himak a afvmmi pokoli untuchina akucha tahlapi li hoke.

11. Himak nitak ak kia vno sa hlampko kv, nitak ymma Moses vt sa pila tok a chohmi li momvshke : tvnvp avvt kohchvt ia, micha ant chukowa aiena li kv, sa hlampko kv kaniohmi tok vt chohmi hosh sa hlampko momvshke.

12. Yvmohmi hoka himak a Chihowa yvt nitak ymma isht anumpuli tuk nvnih ilvppa is smashke ; nitak ymma Anakim puta kv ymma aiasha cha, vmaha hvt i hochito cha, a holihta kello ka ish haklo tok okvt, Chihowa yvt svba foyuka yobakma, tihlelit kocha wehli la chi hoke, im achi tok.

13. Mihma Choshua vt yukpalit im anumpuli cha, Chefunneh ushi Kaleb vt i yakni ya chi hō Heblon a ima tok.

14. Yohmi hō Heblon vt Kenesait Chefunneh ushi Kaleb i yakni toba tok osh, himak nitak a ant ai vhli hoke : Israel in Chitokaka Chihowa ya ai okluhvt iakaiya tuk ak atok.

15. Mihma chashpo ka Heblon hochififo kv Kichalh-aba atok ; Aba yvmmak okvt Anakim vhleha ha hatak chito hosh anta tok. Mihma yakni vt tvnvp iksho hō, foha tok.

CHAPTER XV.

YOHMI ma iluppak o Chutah im vlla vhleha apelihchi itakushkoa vllhvisa hosh nashoelit ishi tok: Etom ai vhli yakni haiaka oka mahli pilla Sin ak osh oka mahli ont vhli fehna atok.

2. Micha oka mahli im ai vhli kvv okhvta hvpi ontalaka, okhvta filvminchi hosh oka mahli imma pit apissali ka vttvt ia hosh,

3. Maaleh-aklabbim im oka mahli in tennvp ona cha, ont ia hosh Sin a ona mvt, im oka mahli in tennvp o oiyvt ia hosh Katesh-banea ona cha, ont ivt aya hosh Heslon a ona cha, ont ia hosh Ata ya ona cha, fullotvt ia hosh Kaka ya ona mvt,

4. Yvmma hlopullit Asmon pilla ia cha, Echip okhina ont kohcha tok: micha ai vhli yvmma ont akohcha kvv okhvta ya ak atok: iluppak osh oka mahli hvv chim ai vlla hi oke.

5. Mihma hvshi akochaka ai vhli vt okhvta hvpi vttvt ia hosh Chatan asetilli ya ont vhli tok; mihma falvmmi pilla im ai vhli vt okhvta filvminchi Chatan asetilli fehna ak atok.

6. Ai vhli yosh ivt Belh-hokla ya ona cha, hlopullit aya hosh, Belh-alaba ya i falvmmi imma yo ona tok; micha ai vhli vt ia hosh Luben ushi Bohan in teli ya ona;

7. Micha ai vhli vt Acho okfa ha vttvt Tebi pilla ivt, yohmi cha falvmmi pilla Kilkal a pit apissalit, yvmmvt Atummim atia itikba, yvmmvt okhina ya im oka mahli imma talaia, micha ai vhli vt hlopullit ia hosh, Enshemesh oka taloha pilla ia hosh, ont a kohcha kvv Enlokel ak atok;

8. Micha ai vhli vt Hinnom ushi im okfa hlopullit ont ia hosh, Chebusait vhleha im oka mahli imma ya ona tok: yvmmvt Chelusalem mak oke; micha ai vhli vt ia hosh nv-nih chaha Hinnom okfa itikba hvshi okatula imma bachaya ka paknaka ona, yvmmvt hatak chaha im okfa ont taha ka i falvmmi hatok:

9. Mihma ai vhli ya nvnih paknaka yak o ai isht ia hosh Neftoah oka krli ya isht ona tok: micha koheht ia mt, Eflon tmaha holihta puta ka ona; micha ai vhli ya isht ivt Baalah, ymmet Kichalh-chealim isht ona tok.

10. Mihma ai vhli vt Baalah ya vttet fullotet hvshi ai okatula pilla ia hosh Sei nvnih ha ona mt, hlopullit aya hosh Chealim nvnih, ymmet Chesalon falemmi in tennep o ona tok: micha oktahvt ia hosh Belhshemesh a ona cha, ont ia hosh Timnah ya ona tok:

11. Mihma ai vhli vt koheht ia hosh falemmi pilla Eklon ichapaka ona tok: micha ai vhli ya isht ia hosh Shiklon a isht ona cha, hlopullit aya hosh Baalah nvnih ha ona cha, koheht ia hosh Chabneel a ona tok: micha ai vhli ont akohcha kv okhta ak atok.

12. Michah hvshi ai okatula imma ai vhli vt okhta chito ya ona cha, ontalaka aya ka ai vhli tok: ileppak osh Chutah im vlla vheha itakvshkoa vhpisa hosh im ai vhlit afullota tok oke.

13. Michah Chihowa hv Choshua ya im apesa tuk mak o, Chefunneh ushi Kaleb a Chutah im vlla vheha ha takla Anak iki Aba in tmaha holihta, ymmet Heblon tmaha holihta ya ima tok oke.

14. Mihma Kaleb vt Anak ushi tuchina Sheshai, micha Ahinam, micha Talmai Anak in chipota ha tihlelit kocha wehli tok.

15. Michah ymma vttet ia mt, Tebi okla aiasha ka ona tok; mihma chashpo ka Tebi bohchifo kv Kichalh-sefe atok.

16. Mihma Kaleb vt, Kuna hosh Kichalh-sefe ya issot kanchi cha ishikma, ymmak o svstek Achsah ya ima likma, tekchi ya chi hoke, achi tok.

17. Mihma Kaleb itibapishi Kenas ushi Olhniel ak osh ishi tok: mihma tekchi ya chi ho ushetik Achsah ya ima tok.

18. Atuk o yakohmi tok, im ona mt, iki ya osapa im asilhha chi ho nukfohki tok. Atuk osh issuba haksobish falaia om binili tuk vt akowa tok; mihma Kaleb vt, Nanta ho ish ahni cho? im achi tok.

19. Mihma afalamichi mvt, Nan isht yukpali ya is sv-mashke; oka mahli yakni yo is soma hokvt, oka kvli taloha ak kia is sumashke, im achi tok. Mihma ibetvp kvli taloha kak o ima mvt, sokbish kvli taloha kak o ima tok.

20. Ilvppak osh Chutah im vlla vhleha ap ehlich i itakvsh-koa vllhpisa hosh i yakni atok.

21. Micha Chutah im vlla vhleha ap ehlich i in tvmaha holihta puta ont ai vhli kvt oka mahli pilla Etom ai vhli ya Kabseel, micha Ete, micha Chaku,

22. Micha Kinah, micha Timonah, micha Atatah,

23. Micha Ketesh, micha Haso, micha Ilhnan,

24. Sif, micha Telem, micha Bealolh,

25. Micha Haso, Hatattah, micha Keliolh, micha Heslon, yvmmvt Haso,

26. Amam, micha Shema, micha Molatah,

27. Micha Hasa-kattah, micha Heshmon, micha Belh-palet,

28. Micha Hasa-shuel, micha Bee-sheba, micha Bis-cholhchah,

29. Baalah, micha Iim, micha Asem,

30. Micha Eltolat, micha Chesil, micha Homah,

31. Micha Siklak, micha Matmennah, micha Sansannah,

32. Micha Leboalh, micha Shilhim, micha Ain, micha Limmon: tvmaha holihta puta moma kvt pokoli tuklo aku-cha chakkali, micha chuka alokoli puta ai it ieshi:

33. Micha okfa ha Eshtaol, micha Soleah, micha Ashnah,

34. Micha Sanoah, micha En-kannim, Tappuah, micha Enam,

35. Chamulh, micha Atullam, Sokoh, micha Asekah,

36. Micha Shalaim, micha Atihlaim, micha Katelah, micha Ketelohlaim; tvmaha holihta auah ushta, micha chuka alokoli puta ai it ieshi,

37. Senan, micha Hatashah, micha Miktal-kat,

38. Micha Tilean, micha Mispeh, micha Chokhleel,

39. Lachish, micha Boskalh, micha Eklon,

40. Micha Kabbon, micha Lahmam, micha Kilhlish,

41. Micha Ketelolh, Belh-takon, micha Naamah, micha

Makketah ; tumaha holihta hannali, micha chuka alokoli puta ai it ieshi,

42. Libnah, micha Ehle, micha Ashan,

43. Michah Chiftah, micha Ashnah, micha Nesib,

44. Michah Keilah, micha Achsib, micha Maleshah ; tumaha holihta chakkali, micha chuka alokoli puta ai it ieshi ;

45. Eklon, micha tumaha puta, micha chuka alokoli puta ai it ieshi ;

46. Eklon uttet ia hosh okhvta ha ont vhli Ashtot pit bilika kut moma, chuka alokoli puta ai it ieshi ;

47. Ashtot ut tumaha holihta puta, micha chuka alokoli puta ai it ieshi ; Kasa ut tumaha holihta puta, micha chuka alokoli puta ai it ieshi kut Echip okhina, micha okhvta chito ya ona cha, ontalaka aya ka ont vhli hoke.

48. Michah nvnih foka ya Shami, micha Chatti, micha Sokoh,

49. Michah Tannah, micha Kichalh-sannah, yvmmvt Tebi,

50. Michah Anab, micha Eshtemoh, micha Anim,

51. Micah Koshen, micha Holon, micha Kiloh ; tumaha holihta auah achvfa, micha chuka alokoli puta ai it ieshi,

52. Alab, micha Tumah, micha Eshean,

53. Michah Chanum, micha Belh-tappuah, micha Afekah,

54. Michah Humtah, micha Kichalh-aba, yvmmvt Heblon, michah Sio, tumaha holihta chakkali, micha chuka alokoli puta ai it ieshi,

55. Maon, Kamel, micha Sif, micha Chuttah,

56. Michah Chesleel, micha Chokteam, micha Sanoah,

57. Kain, Kibeah, micha Timnah ; tumaha holihta pokoli, micha chuka alokoli puta ai it ieshi,

58. Halhul, Belh-su, micha Keto,

59. Michah Maalalh, micha Belh-anolh, micha Eltekon ; tumaha holihta hannali, micha chuka alokoli puta ai it ieshi ;

60. Kichalh-baal yvmmvt Kichalh-chealim, michah Labbah, tumaha holihta tuklo, micha chuka alokoli puta ai it ieshi :

61. Yakni haiaka ya Belh-alabah, Mittin, michah Sekakah,

62. Michah Nibshan, michah Hupi tumaha holihta, michah

Enketi; tumaha holihta hannali, micha chuka alokoli puta ai itieshi:

63. Chebusait okla Chelusalem asha yokvno, Chuta im vlla vhleha hvt kocha wehla he keyu tok: amba Chebusait vhleha hvt Chutah im vlla vhleha ha takla asha na himak nitak a ant ai vhli hoke.

CHAPTER XVI.

MIHMA Chosef im vlla vhleha hvt na shoelit ishi kv Chatan Cheliko bilika vttvt hvshi akochaka imma ya aya hosh Cheliko oka ya ona cha, ont ia hosh Behlel nvnihi yakni haiaka ya ona,

2. Micha Behlel a kohchvt ia mvt, Lus a ona cha, ont hlopullit aya mvt, Achi ai vhli Atalolh a ona,

3. Micha okvtahvt hvshi ai okatula pilla ia hosh Chafleti ai vhli ya ona cha, ont avvt, okfa Belhholon ai vhli ya ona cha, Kese ya ona: micha ont akochaka kv okhvt ak atok.

4. Yohmi ho Chosef im vlla vhleha, Manasseh, micha Eflaim moma kv yakni ya ai isha he vhpesa kv ishi tok.

5. Mihma Eflaim im vlla vhleha itakvshkoa vhpisa hosh im ai vhli kv yakohmi tok: hvshi akochaka imma i yakni ai vhli kv Atalolh-ata vttvt ia hosh nvnihi foka Belh-holon a ont vhli tok.

6. Micha ai vhli vt kohchvt okhvt pilla ha ia hosh Mich-mehlah falummi in tnnvp a ona; micha ai vhli vt hvshi akochaka imma ya ia mvt, Taanalh-shiloh ya ona cha, i hvshi akochaka ont ia hosh Chanohah ya ona tok:

7. Micha okvtahvt Chanohah ya vttvt ia hosh Atalolh a ona cha, Naalolh a ona mvt, Cheliko ya ona cha, Chatan a ont kohcha tok;

8. Ai vhli vt hvshi ai okatula pilla Tappuah vttvt kohchvt ia hosh Kanah okhina ya ona, micha ont akochaka kv okhvt ak atok. Ilvppak osh Eflaim im vlla vhleha apehli-chi itakvshkoa vhpisa hosh yakni ai isha he vhpesa kak atok.

9. Micha Manasseh im vlla vhleha i yakni ak o Eflaim im vlla vhleha hvt tmaha holihta inla ya ai ishi tok; tmaha holihta moma, chuka alokoli puta ai it ieshi tok.

10. Mihma Kenanait vhleha Kese ai asha tuk a tihlelit okla kocha ik wehlo tok: amba Kenanait vhleha hvt Eflaimait vhleha ha takla ai asha na himak nitak a ant ai vlli cha, i nutakvt noshkobo atobbi hoke.

CHAPTA XVII.

MANASSEH ai unchololi ak kia nashoelit ishi vt in ta-laia tok; Chosef ushi ya vttahpi atuk okvt; Manasseh ushi akni fehna Machi Kileat iki ishi kvv ilvppak atok: hatak tenvp aya atuk okvt, yohmi hatuk osh Kileat; micha Bashan itatuklo kak osh in taloha tok.

2. Manasseh ushi inla itakvshkoa vlvhpsa hosh nashoelit ishi vt im asha ak inli tok. Abiese im vlla vhleha ha immi, micha Helek im vlla vhleha ha immi, micha Asiel im vlla vhleha ha immi, micha Shechem im vlla vhleha ha immi, micha Hefe im vlla vhleha ha immi, micha Shemita im vlla vhleha ha immi aiena ak atok: ilvppa puta kak osh Chosef ushi Manasseh im vlla nakni itakvshkoa vlvhpsa tok.

3. Yohmi kia Manasseh ushi vt Machi yokma, yemma ushi vt Kileat okma, yemma ushi vt Hefe yokma, yemma ushi Selofehat vt ushi iksho hosh, amba ushetik bano tok: micha ilvppa puta kak osh ushetik vhleha hohchifo hatok, Mahlah, micha Noah, Hoklah, Milkah, micha Tisah atok.

4. Micha Eleasa, micha Nun ushi Choshua, micha hatak holitompa vhleha aiena ka itikba ya ona cha, Chihowa yvt Moses a im apesa kvv, pitibapishi vhleha takla yakni il ai isha he vlvhpsa ka pima chi ka i miha tok, achi tok: yvmohmi ho Chihowa yvt im apesa tok mak o, iki itibapishi vhleha takla yakni ai isha he vlvhpsa ka ima tok.

5. Mihma Chatan mish tenvp a Kileat, micha Bashan aiena ka ishi mvt, nashoeli ho yakni kvshkoa pokoli hosh Manasseh ibbak a fohka tok.

6. Manasseh ushetik vhleha hvt ushi vhleha ibai ishi hatok oka; mihma Manasseh ushi vhleha inla yvt Kileat yakni ak o ishi tok.

7. Mihma Manasseh im ai vhli kv Asha vttvt ia hosh Michmehlah ya ona, yummvt Shechem itikba itoyula kak atok: micha ai vhli vt isht impak imma yak o aya hosh Entappuah okla ai asha ya ona tok.

8. Mihma Manasseh vt Tappuah yakni ak o ishi tok: amba Tappuah Manasseh im ai vhli talaia kak osh Eflaim im vlla vhleha hak o immi hatok.

9. Micha ai vhli vt okvtahvt ia hosh oka mahli imma Kanah okhina ya ona tok. Eflaim in tmaha holihta ilvppa puta kv Manasseh in tmaha holihta puta kak o takla aia-sha hoke: Manasseh im ai vhli ak kia, okhina ya i falvmmi in tvnnvp atok, micha ont akoheha kv okhvta ak atok.

10. Oka mahli imma vt Eflaim okma, falvmmi imma vt Manasseh atok; mihma okhvta hak osh im ai vhli hatok: micha falvmmi ha Asha yak o ai itafama mvt, hvshi akocha-ka ya Issaka ak atok.

11. Micha Manasseh vt Issaka, micha Asha ya Belh-shean, micha tmaha puta ai it ieshi, micha Ibleam, micha tmaha puta ai it ieshi, micha To okla, micha tmaha puta ai it ieshi, micha Ento okla, micha tmaha puta ai it ieshi, micha Taanach okla, micha tmaha puta ai it ieshi, micha Mekitto okla, micha tmaha puta ai it ieshi nvni yakni tuchina ho ishi tok.

12. Yohmi kia Manasseh im vlla vhleha hvt tmaha holihta yumma okla ai asha tuk a tihlelit kocha wehla he keyu tok; amba Kenanait vhleha hvt yakni yumma ai asha pulla kak o ahni tok.

13. Yohmi kia yakohmi tok, Israel im vlla vhleha hvt, hlampkot taha mvt, Kenanait vhleha ha nutakvchi cha, noshkobo atobbichi tok; yohmi kia tihlelit kocha wehlt ik vmohmicho tok.

14. Mihma Chosef im vlla vhleha hvt Choshua ya im anumpulit, Nanta katiohmi ho nashoelit ishi achvfa, micha yakni kvshkoa achvfa bano ho is soma cho? Chihowa vt

chashpo himak nitak ant vhli ka sai yukpali pulla na okla chito tobvt sa taiyaha hoka, achi tok.

15. Mihma Choshua vt afalamichit, Okla chito hvchia hatuk osh, Eflaim nvniht vt hvchim atikkonofa fehna hokmvt, yakni iti foka ya hvsh ona cha, Pelissait vhleha i yakni, micha hatak chaha i yakni yvmma iti a chanlit hvsh akakohlashke, im achi tok.

16. Mihma Chosef im vlla vhleha hv, Nvniht hv ik pim onoshke: mikma Kenanait vhleha moma okfa yakni aiasha kv, tvli iti chanvlli im a sha bano hoke; Belh-shean, micha in tmaha puta ai a sha kv, micha Chesleel okfa aiasha ai-ena kv im a sha hoke, achi tok.

17. Mihma Choshua vt Chosef im vlla vhleha Eflaim, micha Manasseh aiena ka, Okla chito hvchia hoke, micha hvchimmi hlampko vt chito hoke: nashoelit ishi achvfa bano hvsh iesha he keyu hoke.

18. Amba nvniht ak osh hvch immi ha chi hoke; iti foka yoka, micha chanlit hvsh akakohla chi hoke: micha akohchvt ia yvt hvch immi ya chi hoke; tvli iti chanvlli im a sha, micha hlampko kia Kenanait vhleha ha tihlelit kocha hvsh wehla chi hoke, achi tok.

CHAPTA XVIII.

MIHMA Israel im vlla vhleha moma kv iti hoyot Shiloh ya itvnaha cha, okla moma im vlhtipo holitopa ya a hilechi tok: mihma yakni vt itikba ya i nutaka tok.

2. Mihma Israel im vlla vhleha takla a sha kv ai unchololi untuklo hosh yakni ai isha he vlhpesa kv ik esho kisha tok.

3. Mihma Choshua vt Israel im vlla vhleha ha, Katiahmi foka ho hvchin tikba vhleha in Chitokaka Chihowa yvt yakni hvch ima tok a irt hvch isha chi kv hvchi selaha chi cho?

4. Hvchi iti takla ya ai unchololi achvfa ka hatak tuchina aiyukali ho hvsh hilechashke; mikma pila likma, okla

wakaya cha, i_vt yakni ya hlopullit aya cha, yakni ai isha he v_hlpesa v_t kaniohmi ka atokolit holissochi cha, anonti okla v_m vlashke.

5. Micha okla itakvshkolit untuklohashke: Chutah v_to oka mahli im ai v_hli ak inli h_o ahanta ch_i hoke; mikma Chosef in chuka achvfa v_to falvmmi im ai v_hli ak o ahanta ch_i hoke.

6. Yvmohmi hoka yakni v_t kvshkoa untuklo h_o yakni ya holissochit isht hvs sv_m v_la na Chitokaka pin Chihowa itikba ya hvchi nashoelichi lashke.

7. Amba Lefait v_hleha hv_to hvch iba takla he keyu hoke: Chihowa i na holitomp_a isht ai vtta ak osh ai isha he im v_hlpesa yoke. Mikma Kat, micha Luben, micha Manasseh ai unchololi iklvna aiena kv_to Chatan mish tvnnv_p hvshi akocha ka yak o Chihowa in tishu Moses v_t ai ima na yakni ai ishi tok oke, im achi tok.

8. Mihma hatak ash osh wakaya cha, ilhkoli tok; mihma Choshua v_t, yakni ya holissocha ch_i ka, atokolit i mihv_t, Oh ia cha, yakni ya a nowv_t hlopullit, holissochit hvsh tahli cha, anonti hvs sv_m v_la na ilvppa Chihowa itikba Shiloh ya hvchi nashoelichi lashke, im achi tok.

9. Mihma hatak ash osh ilhkolit yakni ya hlopullit tv-maha holihta v_hlpisa h_o kvshkoa untuklo h_o holissochit holisso afohkit tahli cha, anonti Choshua im v_lv_t Shiloh okla abinanchi yash v_la tok.

10. Mihma Choshua v_t Chihowa itikba Shiloh yak o nashoelichi tok: yvmmak o Choshua v_t ita kvshkoa v_hlpisa h_o yakni ya Israel im v_la v_hleha h_a itakvshkoli tok.

11. Mihma Benchamin im v_la v_hleha hv_t itakvshkoa v_hlpisa hosh nashoelit ishi tok; micha nashoeli mv_t, im ai v_hli ya Chutah im v_la v_hleha, micha Chosef im v_la v_hleha ititakla yak o ai ishi tok.

12. Mihma im ai v_hli falvmmi in tvnnv_p v_to Chatan v_tvtv_t ia tok; micha ai v_hli v_t ia hosh Cheliko ya i falvmmi in tvnnv_p ichapaka ona cha, hvshi ai okatula imma nv_nih chaha y_o hlopullit ia tok; micha ont akohcha kv_t yakni haiaka Belh-afen ak atok.

13. Micha ai vhli vt ileppa vttvt Lus pilla ia mvt, Lus ichapaka (yymmvt Belhel), oka mahli imma ona tok; micha ai vhli vt okvtahvt nnih hosh okfa Belh-holon im oka mahli in tennvp bachaya ka bilika Atalolh-atta ya ona tok.

14. Micha yemma vttvt, nnih Belh-holon itikba bachaya oka mahli imma ak o vttvt oka mahli pilla ia hosh okhvt chukbika apakfopvt ia tok: micha ont akohcha kvt Kichalh-baal, yymmvt Kichalh-chealim, Chutah im vlla vhleha ha in temaha holihta yoke. Illeppak osh hvshi ai okatula ai vhli hoke.

15. Mikma oka mahli ai vhli vt Kichalh-chealim ataha kak o vttvt, micha ai vhli vt hvshi ai okatula imma hak o kohchvt ia cha, kvli oka Neftoah taloha ka ona tok:

16. Micha ai vhli vt ia hosh nnih hosh Hinnom okfa itikba bachaya kvt atahaka ona tok; micha yymmvt falvmmi pilla hatak chaha okfa talaia hoke; micha Hinnom okfa ha okvtahvt oka mahli pilla Chebusi ya ichapaka ona cha, Enlochel a ona mvt;

17. Micha falvmmi ha isht ia mvt, kohchvt En-shemesh a isht ona tok; micha kohchvt Kolilolh pilla ivt, yymmvt Atummim atia ichapaka yoke; micha okvtahvt ia hosh Luben ushi Bohan in tvi ya ona tok;

18. Micha hlopullit ont aya mvt, Alabah i falvmmi imma ichapaka pilla ia cha, okvtahvt Alabah ya ona tok:

19. Micha ai vhli vt hlopullit falvmmi pilla ia hosh, Belh-hoklah ichapaka ya ona tok; micha ai vhli ont akohcha kvt okhvt hvpi i falvmmi okhvt falvmminchi Chatan vt oka mahli ont atahaka ak atok. Illeppak osh oka mahli ai vhli yoke.

20. Micha i hvshi akochaka Chatan ak osh ai vhli atok. Illeppak osh Benchamin im vlla vhleha itakvshkoa vllhpisa hosh i yakni ai vhli fullota tok.

21. Mihma Benchamin im vlla vhleha apelihchi itakvshkoa vllhpisa hosh temaha holihta puta kvt Cheliko, micha Belh-hoklah, micha okfa Kesis,

22. Micha Belh-alabah, micha Semalaim, micha Belhel,

23. Micha Afim, micha Palah, micha Ofah,

24. Micha Chefa-haammonai, micha Ofni, micha Kaba; tmaha holihta auah-tuklo, micha chuka alokoli puta ai it ieshi;

25. Micha Kibeon, micha Lamah, micha Beelolh,

26. Micha Mispah, micha Chefilah, micha Mosah,

27. Micha Lekem, micha Ilpeel, micha Talalah,

28. Micha Selah, micha Elef, micha Chebusi, (yymmvt Chelusalem) Kibealh, micha Kichalh; tmaha auah ushta, micha chuka alokoli puta ai it ieshi. Ilvppak osh Benjamin im vlla vhleha itakvshkoa vllhpisa hosh yakni ai isha he vllhpesa ha tok.

CHAPTA XIX.

MIKMA nashoelit ishi atukla kvt Simeon, Simeon im vlla vhleha apehlichy itakvshkoa vllhpisa ha tok: micha yakni ai isha he vllhpesa kvt Chutah im vlla vhleha i yakni ya ititakla ya tok.

2. Micha i yakni ya Bee-sheba, micha Sheba, micha Molatah,

3. Micha Hasa-shual, micha Balah, micha Asem,

4. Micha Eltolat, micha Behlel, micha Homah,

5. Micha Siklak, micha Belh-makabolh, micha Hasa-susah,

6. Micha Belh-lebaolh, micha Shaluhén; tmaha holihta auah tuchina, micha chuka alokoli puta ai it ieshi;

7. Ain, Lemmon, micha Ehle, micha Ashan; tmaha ushta, micha chuka alokoli puta ai it ieshi;

8. Micha chuka alokoli tmaha holihta ilvppa puta ka a fullotvt ai asha moma Baalalh-bee, oka mahli Lamolh a ont vhli tok. Ilvppak osh Simeon im vlla vhleha itakvshkoa vllhpisa hosh yakni ai isha he vllhpesa ha tok.

9. Chutah im vlla vhleha i kashapa kak o Simeon im vlla vhleha hvt ai ishi tok: Chutah im vlla vhleha i kashapa vt im atampa hatuk oka: yvmohmi hatuk o Simeon im vlla vhleha i yakni vt i yakni ya ititakla talaia tok.

10. Mihma nashoelit ishi ont atuchina kvt Sebulun im

vlla vhleha itakvshkoa vllhpisa hatok: micha yakni ai isha he vllhpesa im ai vhli vt Salit ak o ont vhli tok.

11. Micha im ai vhli vt okhvta, micha Malalah pilla ho ia hosh Tabbashelh a ona cha, okhina Chokneam itikba bachaya ka ona tok;

12. Micha Salit a hikivt fullota hosh hvshi akochaka pilla ivt Chislolh-tabo ai vhli ya ona tok; micha kohchvt Tabelalh a ona cha, Chafia ya ona tok.

13. Micha yvmma vttvt i hvshi akochaka hlopullit aya hosh Kittah-hefe ya ont ia hosh, Iltah-kasin a ona tok: micha kohchvt ivt Lemmon-mehloa Neah ya ona tok;

14. Micha ai vhli vt falvmmi imma apakfoyupa hosh Hannahlon a ona tok: micha ont akochcha kvv Chifhlah-el ak atok:

15. Micha Kattalh, micha Nahallal, micha Shimlon, micha Italah, micha Belhlehem: tmaha holihta auah tuklo, micha chuka alokoli puta ai it ieshi.

16. Ilvppak osh Sebulun im vlla vhleha itakvshkoa vllhpisa hosh yakni ai isha he vllhpesa yosh tmaha holihta ilvppa, micha chuka alokoli puta ai it ieshi hatok.

17. Mihma na shoelit ishi ont ai ushta kvv Issaka; Issaka im vlla vhleha itakvshkoa vllhpisa hatok.

18. Micha im ai vhli vt Chesleel pilla, micha Chesullolh, micha Shunem,

19. Micha Hafalaim, micha Shihon, micha Anahalalh,

20. Micha Labbilh, micha Kishion, micha Abes,

21. Micha Lemelh, micha En-kannim, micha Enhattoh, micha Belh-passes;

22. Micha ai vhli vt Tabo ya ona cha, Shahasimah, micha Belh-shemesh; micha im ai vhli ont akochcha kvv Chatan ak atok: tmaha holihta auah hannali, micha chuka alokoli puta ai it ieshi.

23. Ilvppak osh Issaka im vlla vhleha itakvshkoa vllhpisa hosh yakni ai isha he vllhpesa yosh tmaha holihta puta, micha chuka alokoli puta ai it ieshi hatok.

24. Micha nashoelit ishi ont ishit tahlapi kvv Asha im vlla vhleha apehlichu itakvshkoa vllhpisa hatok.

25. Micha im ai vhli vt Helkallh, micha Hali, micha Beten, micha Achshaf,

26. Micha Alammelech, micha Amat, micha Misheal akatok; micha hvshi ai okatula imma Kamel, micha Shiholibnallh ona tok.

27. Micha hvshi akocha ka pilla pit fullota hosh Belh-takon a ona cha, Sebulun a ona mvt, Chifhlah-el okfa Belh-mek, micha Neiel itatuklo ka i falvmmi in tvnnvp pilla ona cha, kohchvt vlfvrbek imma Kabul a ona tok.

28. Micha Heblon, micha Lehob, micha Hammon, micha Kanah aiena ka ont avvt Siton chito ya ona tok;

29. Mihmvt ai vhli vt fullota hosh Lamah, micha tmaha holihta kullo Taia ya ona mvt, ai vhli vt fullota hosh Hosah ya ona tok: micha ont akoheha kvv okhvta ak osh ontalaka aya hosh Achsib a ona tok;

30. Ummah, micha Afek, micha Lehob: tmaha holihta pokoli tuklo akucha tuklo, micha chuka alokoli puta ai it ieshi.

31. Ilvppak osh Asha im vlla vhleha apelhlichi itakvshkoa vlvvisa hosh yakni ai isha he vlvpesa yosh tmaha holihta ilvppa puta, micha chuka alokoli puta ai it ieshi hatok.

32. Micha nashoelit ishi ont ishit hannali kvv, Naftali im vlla vhleha, Naftali im vlla vhleha itakvshkoa vlvvisa hatok.

33. Micha im ai vhli vt Helef, micha Allon a vttvt ia hosh, Saananim, micha Atami, Nakeb, micha Chabneel aiena ka hlopullit Lakum a ona tok; micha ont akoheha kvv Chatan ak atok:

34. Mihma ai vhli vt fullotvt hvshi ai okatula imma Asnolh-tabo ya ona cha, yvmma kohchvt ia mvt, Hukkok a ona cha, Sebulun oka mahli imma ona tok, micha Asha ya hvshi ai okatula imma ona mvt, Chutah ya Chatan ontalaka hvshi akochaka imma ona tok.

35. Micha tmaha a holihta kullo puta kvv Sittim, Se, micha Hammallh, Lakkolh, micha Sinnelolh,

36. Micha Atamah, micha Lamah, micha Haso,

37. Micha Ketesh, micha Etlei, micha En-haso,

38. Micha Ilon, micha Miktaleel, Holem, micha Belh-

anah, micha Belh-shemesh; tumaha holihta ahbi chakkali, micha chuka alokoli puta ai it ieshi,

39. Ilvppak osh Naftali im vlla vhleha apehlichy itakvshkoa vllhpisa hosh yakni ai isha he vllhpesa yosh tumaha holihta puta, micha chuka alokoli puta ai it ieshi hatok.

40. Micha nashoelit ishi ont ishit untuklo kvt Tan im vlla vhleha itakvshkoa vllhpisa hatok.

41. Micha yakni ai isha he vllhpesa ya im ai vlli vt Solah, micha Eshtaol, micha Il-shemesh,

42. Micha Shaalabbim, micha Achalon, micha Chelhlah,

43. Micha Elon, micha Hlimnalh, micha Eklon,

44. Micha Eltekeh, micha Kibbehlon, micha Baalalh,

45. Micha Chehvt, micha Bene-belak, micha Kalh-limmon,

46. Micha Me-chakon, micha Lakkon, micha Chafo, itikba ai vlli aiena tok.

47. Mihma Tan im vlla vhleha im ai vlli vt ik ono hosh ont taha tok: yvmohmi ma Tan im vlla vhleha hvt Leshem a itibit ia tok; atuk osh ishi cha, bvshpo falaia halupa isht issot kanchi cha, ieshit, a binili mvt, iki Tan ak o a hochi-fohit Leshem, Tan hochifo tok.

48. Ilvppak osh Tan im vlla vhleha apehlichy itakvshkoa vllhpisa hosh yakni ai isha he vllhpesa yosh tumaha holihta ilvppa puta, micha chuka alokoli puta ai it ieshi hatok.

49. Yakni ya im ai vlli aiyukali itakvshkolit okla ont tahli kvt, Israel im vlla vhleha hvt ilap ititakla akinli ho Nun ushi, Choshua ya yakni vt immi ya chi ho ai ima tok:

50. Ilap inli hosh asilhha na Chihowa yvt anumpuli tuk mak o, tumaha holihta Timnalh-selah Eflaim nvni talaia ka ima tok: mihma tumaha holihta ai ikbi cha, ai vtta tok.

51. Ai isha he vllhpesa ilvppa puta kak o na holitompa isht vtta Eleasa, micha Nun ushi Choshua, micha Israel im vlla vhleha apehlichy iki vhleha noshkoboka vhleha aiena kvt Chihowa itikba Shiloh, micha okla moma im vlhtipo holitopa itikba yak o nashoeli hosh yakni ya itakvshkoli tok. Yohmi hosh yakni ya itakvshkolit taiyahli tok.

CHAPTA XX.

CHIHOWA yvt, Choshua ya im anumpulit,

2. Israel im vlla vhleha ha im anumpulit, yak ish achashke, Moses a tohno li hvchim anohonli tok mak o, tmaha holihta kanohmi a hlakofi ya hvsh il atokolashke.

3. Yvmohmi ho hatak vbi vt hatak nana kia ahah! ik ahno, micha ik ithano hosh vbikmvt, malelit ymmak o onashke; micha issish hlatapa il aiokha ya hvchim ahlakofi yashke.

4. Atukma krna hosh malelit tmaha holihta kanohmi kash achvfona kia ona cha, tmaha holihta okhissa ya hikivt, nana i kaniohmi kvv tmaha holihta ymma hatak im asvnonchi vhleha ha haklohonchikma, okla ishi cha, tmaha holihta ya fohki cha, ai vttta chi ka imakma, ahantashke.

5. Atuk o issish hlatapa il aiokha yvt hliolit iakaiyakma, vbi tuk a ibbak ik fohko kashke; ithana keyu hosh hatak chuka abilika vbi tuk, micha chashpo ka i nukkilli tuk keyu hoka.

6. Mikma tmaha holihta ymma ahanta tuk osh nana apesa chi hosh okla moma itvnahakma itikba hikia hi oke; mikmvt ahanta na na holitompa isht vttta i shahli vt nitak ymma ahanta tuk vt illa hi oke: yohmikma hatak vbi ash osh falama cha, in tmaha holihta akinli, micha in chuka ak inli tmaha holihta ai vttvt maleli tuk vt ona hi oke, im achi tok.

7. Mihma Kalili Naftali nvni talaia Ketesh, micha Eflaim nvni talaia Shechem, micha Chutah nvni talaia Kichalh-aba, ymmvt Heblon ak o atokoli tok.

8. Mikmvt Chatan mish tvnvp a hvshi akochaka pilla Cheliko bilika ya, yakni haiaka Luben apelihchi yakni patali talaia kvv Bese ak o atokoli tok; micha Kat apelihchi Kileat talaia kvv Lamolh, micha Manasseh apelihchi Bashan talaia kvv Kolem ak o atokoli tok.

9. Tmaha holihta ilvppa puta kak o Israel im vlla vhleha,

micha hatak ik ithano vt takla ahanta tuk osh, kuna kia ahah! ik ahno hosh hatak o vbikmut, malelit ont chukowa na issish hlatapa il aiokha vt okla itikba ik hikio kisha ka ik bo ka hi atok.

CHAPTA XXI.

YUMOHMI ma Lefai ai unchololi iki vhleha i noshkobo-ka vhleha hvt naholitompa isht vta Eleasa, micha Nun ushi Choshua, micha Israel im vlla vhleha iki vhleha i noshkoboka puta aiena ka im ona tok.

2. Michā Shiloh Kenan yakni talaia ka okla ai im anum- pulit, Tmaha holihta il ai asha chi, micha abilika fullota pi wak vt ai asha chi aiena ka pima he Chihowa yvt Moses a im apesa tok, achi tok.

3. Mihma Israel im vlla vhleha hvt Chihowa yvt apesa tok mak o i yakni ya akohchit tmaha holihta puta ilvppa, micha abilika fullota aiena ka Lefai ai unchololi ya ima tok.

4. Mihma Kohahlait vhleha in chuka achvfa vhleha hvt nashoelit ishi tok: mihma Alon na holitompa isht vta im vlla vhleha Lefai ai unchololi atuk vt, nashoeli hosh Chutah apelihchi akohchit, micha Simeon apelihchi akohchit, micha Benhamin apelihchi aiena kak o akohchit tmaha holihta auah tuchina ho ishi tok.

5. Mihma Kohalh im vlla vhleha inla kvv nashoeli hosh Effaim, apelihchi itakvshkoa ya akohchit, micha Tan apelihchi ya akohchit, micha Manasseh apelihchi iklvna ya akohchit tmaha pokoli ho ishi tok.

6. Mihma Keshon im vlla vhleha hvt nashoeli hosh Issaka apelihchi itakvshkoa ya akohchit, micha Asha apelihchi ya akohchit, micha Naftali apelihchi ya akohchit, micha Manasseh apelihchi iklvna Bashan asha ya akohchit tmaha holihta auah tuchina ho ishi tok.

7. Mihma Melali im vlla vhleha in chuka achvfa vhleha vlvvisa hosh Luben apelihchika ya akohchit, micha Kat

apehlichy ya akohchit, micha Sebulun apehlichy ya akohchit tvmaha holihta auah tuklo hō ishi tok.

8. Mihma Israel im vlla vhleha Chihowa yvt apesa na Moses vt anohonli tok mak o, Lefai ai unchololi ya tvmaha holihta ilvppa puta, micha abilika fullota ai it ieshi moma ka nashoeli hosh ima tok.

9. Micha Chutah im vlla vhleha apehlichy ya akohchit, micha Simeon im vlla vhleha apehlichy ya akohchit, tvmaha holihta ilvppa puta hohchifo ilvppa annoa ka ima tok.

10. Yvmmak o Alon im vlla vhleha yvmmvt Kohahlaít in chuka achvfa vhleha ai achvfa yvmmvt Lefai im vlla vhleha hatuk osh ishi tok : yvmma immi ak osh nashoeli vmmona hatuk okvt.

11. Micha Anak iki Aba in tvmaha holihta (tvmaha holihta yvmmvt Heblon) Chutah i yakni nvnihi foka talaia, micha abilika fullota aiena ka okla ima tok.

12. Amba tvmaha holihta osapa puta, micha chuka alokoli puta ai it ieshi aiena kvno immi ha chi hō Chefunneh ushi Kaleb ak o okla ima tok.

13. Yakohmi hō na holitompa isht vtta Alon im vlla vhleha ha Heblon, micha a bilika fullota aiena ka tvmaha holihta hatak vbi ahlakofi ya chi hō okla ima tok ; Libnah micha abilika fullota aiena,

14. Micha Chatti, micha a bilika fullota aiena, micha Eshtamoa, micha a bilika fullota aiena,

15. Micha Holon, micha abilika fullota aiena, micha Tebo, micha abilika fullota aiena,

16. Micha Ain, micha abilika fullota aiena, micha Chutah, micha abilika fullota aiena, micha Belh-shemesh, micha abilika fullota aiena ; apehlichy tuklo yvmma tvmaha holihta chakkali hō akohchit okla ima tok.

17. Micha Benchamin apehlichy ya akohchit Kibeon, micha abilika fullota aiena, micha Keba, micha abilika fullota aiena,

18. Anahloh, micha abilika fullota aiena, micha Almon, micha abilika fullota aiena ; tvmaha holihta ushta hō okla ima tok.

19. Na holitompa isht utta vheha, Alon im vlla vheha in tmaha puta kvt tmaha holihta auah tuchina, micha abilika fullota aiena tok.

20. Mihma Kohalh im vlla vheha in chuka achvfa vheha Kohalh im vlla vheha Lefai ai unchololi vt asha moma kvt tmaha holihta puta ka nashoeli hosh ishi kvt, Eflaim apelihi ak o akohchit ishi tok.

21. Shechem, micha abilika fullota aiena, Eflaim nvnih hak o a talaia, tmaha holihta hatak vbi ahlakofi ya chi ho okla ima tok ; micha Kese, micha abilika fullota aiena,

22. Micha Kibsaim, micha abilika fullota aiena, micha Belh-holon, micha abilika fullota aiena, tmaha holihta ushta ho okla ima tok.

23. Micha Tan apelihi ya akohchit Eltekeh, micha abilika fullota aiena, Kibbehlon, micha abilika fullota aiena,

24. Aichalon, micha abilika fullota aiena, Kalh-limmon, micha abilika fullota aiena, tmaha holihta ushta ho okla ima tok.

25. Micha Manasseh apelihi iklna ya akohchit Tanach, micha abilika fullota aiena, micha Kalh-limmon, micha abilika fullota aiena, tmaha holihta tuklo ho okla ima tok.

26. Kohalh im vlla vheha in chuka achvfa vheha asha moma immi hvt tmaha holihta moma kvt tmaha pokoli, micha abilika fullota aiena tok.

27. Micha Keshom im vlla vheha Lefai ai unchololi in chuka achvfa vheha ha ai achvfa hosh Manasseh apelihi iklna achvfa ya akohchit Bashan talaia Kolan, micha abilika fullota aiena tmaha holihta hatak vbi ahlakofi ya chi ho, micha Beesh-telah, micha abilika fullota aiena, tmaha tuklo ho okla ima tok.

28. Micha Issaka apelihi ya akohchit Kishon, micha abilika fullota aiena, micha Tabaleh, micha abilika fullota aiena,

29. Chamulh, micha abilika fullota aiena, micha Enkammin, micha abilika fullota aiena tmaha holihta ushta ho okla ima tok.

30. Micha Asha apelihi ya akohchit Mishal, micha

abilika fullota aiena, micha Abton, micha abilika fullota aiena,

31. Micha Helkah, micha abilika fullota aiena, micha Le-hob, micha abilika fullota aiena, tmaha holihta ushta ho okla ima tok.

32. Micha Naftali afehlichy ya akohchit Kalili talaia Ketesh, micha abilika fullota aiena kak osh tmaha holihta hatak vbi ahlakofi ya chi ho, micha Hammolh-to, micha abilika fullota aiena, micha Katan, micha abilika fullota aiena, tmaha holihta tuchina ho okla ima tok.

33. Keshonait vheha ha in tmaha holihta moma in chuka achvfa vheha vhpisa hosh tmaha holihta, micha abilika fullota aiena hosh auah tuchina tok,

34. Micha Lefai ai unchololi ishtaiyopi Melali im vlla vheha in chuka achvfa vheha ha Sebulun afehlichy ak o akohchit Chokneam, micha abilika fullota aiena, micha Katal, micha abilika fullota aiena,

35. Micha Timnah, micha abilika fullota aiena, micha Nahalah, micha abilika fullota aiena, tmaha holihta ushta ho okla ima tok.

36. Micha Luben afehlichy ya akohchit Bese, micha abilika fullota aiena, micha Chahasah, micha abilika fullota aiena,

37. Ketemolh, micha abilika fullota aiena, micha Mefaalh, micha abilika fullota aiena, tmaha holihta ushta ho okla ima tok.

38. Micha Kat afehlichy ya akohchit Kileat talaia Lamolh, micha abilika fullota aiena tmaha holihta hatak vbi ahlakofi ya chi ho, micha Mahanaim, micha abilika fullota aiena,

39. Heshbon, micha abilika fullota aiena, micha Chase, micha abilika fullota aiena, tmaha holihta ushta ho okla ima tok.

40. Yvmohmi ho Lefai ai unchololi in chuka achvfa vheha ha ishtaiyopi, Melali im vlla vheha in chuka achvfa vheha vhpisa hosh nashoelit ishi ka, moma kvv tmaha holihta auah tuklo tok.

41. Israel im vlla vhleha i yakni ititakla ya Lefai ai uncholi tmaha holihta puta im asha kv̄t tmaha holihta, micha abilika fullota aiena moma kv̄t tmaha holihta pokoli ushta akucha untuchina tok.

42. Tmaha holihta ilvppa puta kv̄t abilika fullota ai asha bieka tok. Tmaha holihta ilvppa puta ilvppak o yrmohmi tok.

43. Mihma Chihowa yvt anumpa kullo il onochit iki vhleha ha ima he i mihia tok vt yakni ya mominchit Israel a ima tok: mihma ieshit a binili tok.

44. Mihma Chihowa yvt anumpa kullo il onochit iki vhleha ha i mihia tok mak osh afullota fohvchi tok: mihma in tenvp moma ka hatak achvfa kia itikba ik hikio tok; Chihowa yvt in tenvp a mominchit ibbak a fohki tok oka.

45. Nana achukma achvfa nana kia Chihowa yvt Israel in chuka achvfa ya im anumpohonli tok vt ik ai ahlo kv̄t iksho tok, moma kv̄t ont ai ahli tok oke.

CHAPTA XXII.

YUMOHHI ma Choshua vt Lubenait vhleha, micha Kaitait vhleha, micha Manasseh apelihchi iklvna aiena kash hoyo tok.

2. Michā Chihowa in tishu Moses vt hvchim apesa tok a mominchit hvsh ieshi tuk oke, micha nana ho hvchim apihisa li tuk puta ka moma vm anumpa ha hvs sv̄m antia tuk oke.

3. Hvch itibapishi vhleha ha hvch ik isso ho nitak laua ilvppa himak nitak a ant vhlishe; amba Chitokaka hvchin Chihowa yvt nana apesa tok a holioblit hvsh ieshi tuk oke.

4. Atuk o himak a Chitokaka hvchin Chihowa vt hvchi itibapishi vhleha ha im achi tok mak osh fohvehishke: yrmohmi hoka himak a falamvt hvchim vlbina aiyukali yakni hvsh ishi tok Chatan mish-tenvp Moses Chihowa in tishu hv̄t hvch ima tok a hvsh onashke.

5. Yohmi kia ahah! ahni fehnvt, nan vlpisa puta Chi-

howa in tishu Moses vt atokolit hvehj miha kv̄t, Chitokaka hvehin Chihowa yā holitoblit, ai ahni bieka hō anohōwvt, nan apihisa puta ka ieshit, micha asitivt, micha chukvsh aioklv̄hvt, micha shilombish aioklv̄hvt hvsh im antiashke, ahanchi tok ā hvsh im antihiyashke, im achi tok.

6. Yvmohmi hosh Choshua vt yukpalit aiokprechi cha, tishelichi tok; mihma ilhkolit im vlbina aiyukali ona tok.

7. Atuk ȳ Manasseh ai unchololi iklvna ka Bashan ak ȳ Moses vt yakni ai ima tok: amba iklvna achvfa kvno Choshua vt Chatan ola in tēnv̄p hvshi ai okatula imma itibapishi takla yak ȳ ai ima tok. Michā yvmmak kia Choshua vt im vlbina aiyukali pilla mvt, yukpalit ai okprechi tok;

8. Michā im anumpulit, Im ilayak chito, micha wak laua, tvli hvta, micha tvli holisso lakna, micha tvli lakna, micha tvli, micha nafohka laua fehna aiena ka ish̄it falamvt hvchim vlbina aiyukali hvsh onashke: hvehin tēnv̄p hvsh wehpuli tuk vt hvch itibapishi vhleha hā hvsh itakvshkoashke, achi tok.

9. Mihma Luben im vlla vhleha, micha Kat im vlla vhleha, micha Manasseh ai unchololi iklvna aiena kv̄t falama cha, Israel im vlla vhleha hā issvt, Shiloh Kenan yakni talaiā ka akohchvt, Kileat yakni Chihowa yvt tohno na Moses vt anumpohonli tok mak ȳ, yakni ai ishi tok osh immi chatuk vt ona tok.

10. Atuk osh Chatan vhli Kenan yakni bachaya ka okla ona mvt, Luben im vlla vhleha, micha Kat im vlla vhleha, micha Manasseh ai unchololi iklvna aiena kv̄t Chatan bilika yā alta ikbit pisa hi ȳ alta chito fehna hō ikbi tok.

11. Mihma Israel im vlla vhleha hv̄t, Yakeh! Luben im vlla vhleha, micha Kat im vlla vhleha, micha Manasseh ai unchololi iklvna aiena kv̄t Kenan yakni ichapaka, Chatan vhli, Israel im vlla vhleha akocha yā alta ai ikbit hilechishke, achi hō haklo tok.

12. Atuk ȳ Israel im vlla vhleha hv̄t haklo mvt, in tanampit ia ch̄i hosh, Israel im vlla vhleha moma kv̄t iti hoyot Shiloh yā ai itenaha tok.

13. Mihmvt Israel im vlla vhleha hv̄t Luben im vlla vhle-

ha, micha Kat im vlla vhleha, micha Manasseh ai unchololi iklvna aiena Kileat yakni asha ka naholitompa isht vtta Eleasa ushi Finehas a i pila tok.

14. Mihma holitompa pokoli Israel avehliche moma ka chuka achvfa holitopa i shahli ka achvfa aiyukali tok; micha moma ket iki vhleha in chuka achvfa ya Israel tahlepa sipokni puta ka i noshkoboka bieka tok.

15. Atuk osh Kileat yakni ya Luben im vlla vhleha, micha Kat im vlla vhleha, micha Manasseh ai unchololi iklvna aiena ka im ona cha, im anumpulit yak ahanchi tok.

16. Chihowa im okla moma ket yak ahanchishke, Ilp-pet nan ashvchi nanta mak o yvmohmit, Israel in Chihowa ya hvsh i sanali cha, Chihowa iakaiya ka hvsh i filvmmichi hosh himak nitak a alta ikbit Chihowa ya hvsh i sanali cho?

17. Peo nan ashvchi tuk vt ik pim ahobo hatuk o? yvma himak nitak a ik pi kashofo kisha, Chihowa im okla iti takla ya ililli hvt asha tok ak inli kia,

18. Yohmi kia himak nitak a Chihowa iakaya ka hvsh i filvmmi cho? atukma yvmohma chi hoke, himak nitak a Chihowa ya i yoshubut hvsh i sanali hoka, onnakma Israel moma kak o i nukkilli chi hoke.

19. Yohmi kia yakni hvsh ieshi ak osh ik kashofo hokma, hlopullit yakni Chihowa immi, Chihowa im vhtipo holitopa a hikia kak o hvsh la cha, pi takla hvsh ieshashke: amba Chitokaka pin Chihowa im alta ichaplit alta hilechit, Chitokaka ya i filvmmi hvch ik i sanalo kashke, micha pishno ma pi filvmmi hvchi ik pi sanalo kashke.

20. Selah, ushi Achan vt nan i hullochi atuk ash isht ashvchi ho Israel okla moma kak o Chihowa im ai i nukkilli vt onvtola tok keyu cho? mihma hatak yvmmvt ilap bano hosh nan ashvchi tuk vt illi tok keyu hoke, achi tok.

21. Mihma Luben im vlla vhleha, micha Kat im vlla vhleha, micha Manasseh ai unchololi iklvna aiena ket afalaminchit, Israel tahlepa sipokni puta i noshkoboka vhleha ha im achi mvv,

22. Chitokaka Chihowa na holbut toba moma i shahli, Chitokaka Chihowa na holbut toba moma i shahli, yvmmvt

ithanvshke, mikma Israel ak kia ithana chi hoke; Chihowa im asanali hokma, keyukmut i yoshuba hokma, nana hatuk ma, (himak nitak a ik pi okchalincho kashke.)

23. Chihowa iakaiya kut il i filvma chi hosh, keyukmut hukmit isht aiokpuchi il onocha chi hokma, keyukmut, ilhpak isht ai okpuchi il onocha chi hokma, keyukmut, it i nanaiyuchi isht aiokpuchi il onocha chi hokma, nana hosh alta il ikbi tuk okma, Chihowa ak inli hosh pim a hoyashke;

24. Micha ilvpa fehna kak o pi nuktvhut il ahanchi kut, Nitak inlakma hvchim vlla vhleha hut pim vlla vhleha ha Israel in Chitokaka Chihowa ya nanta isht hvchi ahalaia cho?

25. Chihowa yut Chatan ak osh, pititakla ai vli ya chi ho apesa tok oka, Luben im vlla vhleha, micha Kat im vlla vhleha aiena hvchia ma! Chihowa ya hvsh ahalaia keyu hoke, im acha hinla: Yohmi hosh pim vlla vhleha hut Chihowa ya holitobli ka hvchim vlla vhleha hut issucha hi oke, il achi tuk.

26. Yohmi hosh il achi kut, Himak ano alta ya il atahlashke, onochit a hukmit isht aiokpuchi keyu, vbit onochit isht aiokpuchi keyu:

27. Amba pititakla, micha pim isht atiaka piakaya ka nan atokoli yosh hikia chi ho, na hukmit isht il aiokpuchi, micha nan vbit isht il aiokpuchi, micha iti nanaiyuchi isht il aiokpuchi aiena ka Chihowa itikba ya isht il ai ahanta hi osh il ikbashke; yohmikma hvchim vlla vhleha hut nitak inlakma pim vlla vhleha ha Chihowa ya hvsh ahalaia keyu hoke, ik acho kashke.

28. Yvmohmi hosh il achi kut, Yakohma hi oke, nitak inlakma pishno yvma pim achikma, keyukmut, pim isht atiaka ya yvma im achikma, anonti Yakeh! Chihowa im alta holbut toba, onochit a hukmit isht aiokpuchi keyu, micha vbit onochit isht aiokpuchi keyu, amba pititakla nan atokoli yosh hikia chi ho piki vhleha hut ikbi tok oke, il im acha he, il achi hatuk.

29. Himak nitak a Chihowa im alta im vhtipo holitopa yosh itikba hikia kak o keyu ho onochit a hukmit isht aiokpuchi ya chi, ilhpak onochit isht aiokpuchi ya chi, keyuk-

mut ai vbit onochit isht aiokpvchi ya chī ka, alta il ikbi cha, Chihowa ya il im antia tuk vt, i filmmmit Chihowa ya il i yoshuba hi a, Chihowa yvt pim alvm mashke, im achi tok.

30. Atuk o naholitompa isht vta Finehas, micha okla moma i holitompa vheha, Israel tahlepa sipokni puta noshkoboka aiena kak osh ahevut asha tuk vt, Luben im vlla vheha, micha Kat im vlla vheha, micha Manasseh im vlla vheha aiena kvv im anumpa ha haklo mut, im achukma tok.

31. Mihma Eleasa ushi na holitompa isht vta Finehas vt Luben im vlla vheha, micha Kat im vlla vheha, micha Manasseh im vlla vheha aiena ka, Himak nitak a Chihowa yvt pibafoyuka ka il akostininchishke, nan ashvchi ilvppa yvmohmit, Chihowa ya hvch ik i sanalo hoka: himak a Israel im vlla vheha ha Chihowa ibbak a hvsh a hlakofichishke.

32. Micha Eleasa ushi, Finehas na holitompa isht vta, micha holitompa vheha aiena hash osh Luben im vlla vheha, micha Kat im vlla vheha aiena ka i filmmmit, Kileat yakni ya akohchvt Kenan yakni ya onvt, Israel im vlla vheha ha im ona cha, anumpa isht im ona tok.

33. Mihma Israel im vlla vheha hvv nana ka haklo mut, im achukma tok: micha Israel im vlla vheha hvv Chitokaka ya aiokpvchi mut, Luben im vlla vheha, micha Kat im vlla vheha aiena kvv aiasha yakni ymma ivt itibit okpna he ik ahno tok.

34. Mihma Luben im vlla vheha, micha Kat im vlla vheha aiena kvv alta yash Et hochifo tok: Chihowa vt Chitokaka yoka pititakla ya na pim atokoli ya chī hoka, achi tok.

CHAPTA XXIII.

ATUK o yakobmi tok, Chihowa vt Israel a in tvnvp moma ka ai i fohvchit taiyahli tok nitak hopaki ma, Choshua vt sipoknit nitak in laurt taiyaha tok.

2. Mihma Choshua vt Israel moma, micha im asvnonchi vheha, micha i noshkoboka vheha, micha i nan apesa vhe-

ha, micha okla pehlichí vhleha aiena ka hoyo cha, Sa sipoknit nitak an lauvt sa taiyahvshke.

3. Micha Chihowa hvchin Chitokaka yvt hvchishno pul-la kak o oklushi ilvppa puta ka kaniohmihinchí tuk a hvsh pìsvshke; Chihowa hvchin Chitokaka yvmmak osh hvchim itibi tuk oka.

4. Yakeh! hvchim ishtatiaka puta i yakni ya chí ka, oklu-shi asha moma puta ka nashoeli hosh hvch itakvshkolit, Chatan vttvt a tvptulit kanchi li tuk vt mominchit hvshi ai okatula imma okhvta chito ont vhli ka hvch ima li tuk oke.

5. Mikma Chihowa hvchin Chitokaka yvt hvchi tikba akohchit hvsh a pìsa ka a tihlelit kocha wehla chí hoke; mikmvt Chihowa hvchin Chitokaka yvt hvchim ahanchi tok mak o i yakni ya hvsh ishi cha, hvsh abinila chí hoke.

6. Yvmohmi hoka kvllot hvchim anukfila fehna hosh Moses i nan vlvhisa holisso ha a holihìso ka mominchit holitoblit hvsh yvmihinchashke; yvmohmi hosh shanaiyvt nak-sika isht impak imma, micha vlvhvbeke imma kanima ka pit hvch ik fulloto kashke.

7. Yvmohmi hosh oklushi ilvppa puta hvchi takla asha moma ka hvch ik ibafohko kashke; micha i na holbvt toba puta hohchifo ha anukfillit hvch ik miho kashke; micha isht hochìfot anumpa kvllo hvch ik il onochó kashke, micha hvch ik in toksalo kashke, micha hvch ik im akachunolo kashke:

8. Amba yvmohmit mihinti himak nitak a ant vhli hokvt, Chihowa hvchin Chitokaka yak o hvsh asitiashke.

9. Chihowa hvch okla chito, micha okla kvllo aiena ho hvch itikba a tihlelit kocha wehli tuk oke: amba hvchishno yokvno hatak nana kia hvch itikba hikia he keyu tuk himak nitak a ant vhlìshke.

10. Hatak hvsh achvfa kvv tahlepa sipokni ho tihlela hi oke: Chihowa hvchin Chitokaka ak osh miha tuk okvt hvchim itibi hoka:

11. Yvmohmi hoka achukmalit ahah! hvsh il ahni cha, Chihowa hvchin Chitokaka ya hvsh holitoblashke.

12. Keyu hosh kaniohmi hosh falamvt hvsh ia cha, oklu-shi asha moma ilvppa puta, ilvppa hvchi takla asha ka asi-

tiut itauwayvchit, hvsh iba chukowakma, micha hvch iba chukowakma,

13. Chihowa hvchin Chitokaka yet himak pilla ma oklu-shi ilvppa puta moma ka hvchi tikba tihlelit kohcha wehla he keyu hoke : amba nan isht hvch ibetvbli, micha nan isht hvchi hokli, micha nan isht hvchi fema yosh hvchi naksi ya onvtoyula chi hoke ; micha krti hosh hvchi nishkin a shammelli na yakni achukma ilvppa Chihowa hvchin Chitokaka yet hvch ima tok a ai illit hvchin taha chi pulla krt hvsh ithaiyanashke.

14. Michā yakeh ! himak nitak a yakni moma a maya chatuk mak o ia la chishke ; mihma hvchi chukvsh moyuma, micha hvchimi shilombish moyuma isht hvsh ithaiyana ka, nana achvfa kia nana achukma moma ka Chihowa hvchin Chitokaka yet hvchishno ya isht hvchi anumpohonli tok vt ont ik ai ahlo keyushke ; nana moma krt ont ai ahlit tahvshke ; micha nana achvfa kia ik ai ahlo krt ikshoshke.

15. Yrmohmi hoka yakohma hi oke, nana achukma moma Chihowa hvchin Chitokaka yet miha tuk vt hvchi onvtoyula tuk oke ; yohmi tuk okrt nana ik achukmo moma Chihowa yet hvchi onochit, yakni achukma Chihowa hvchin Chitokaka yet hvch ima tuk vt ai okpvnit hvchi tahla chi hoke.

16. Chihowa hvchin Chitokaka nan it im apesa anumpa hvchim apesa tok a hvsh kobvffi cha, na holba puta ka ont im antirt hvsh im akachunolikma, yohmikma Chihowa im ai i nukkilli vt libbit hvchi sanalikma, chekosi fehna yakni achukma hvch ima tok a ai illit hvchi taha hi oke, im achi tok.

CHAPTA XXIV.

MIHMA Choshua vt Israel apelihchi moma ka hoyot Shechem a ai itvnahli cha, Israel im asvnonchi puta, micha i noshkoboka puta, micha i nan apesa vhleha, micha okla pehlichī vhleha moma ka hoyo tok ; mihma Chihowa itikba ya hielī tok.

2. Mihma Choshua vt okla moma ka, Israel in Chihowa

Chitokaka yvt ilo^{pp}ak o achishke, Hvch iki vhleha, Telah Eblaham iki, Naho iki aiena kv^t okhina mish tnnvp ak o ai asha tok : micha naholbvt toba puta ai okp^rchi tok oke.

3. Mihma hvch iki Eblaham a okhina mish tnnvp a ai ishit, ila^uelit ayvt Kenan yakni moma ka hlo^pullichit isht aya li tok ; micha im ishtatiaka ya apaknv^rchit Aisaak a ima li tok.

4. Micha Aisaak a Chekob, micha Esau ita tuklo ka ima li tok : micha Esau ya Sei nvⁿih hak o immi ha chi ho ima li tok, amba Chekob, micha im vlla vhleha aiena kv^t Echip ak o ona tok.

5. Moses, micha Alon ak kia hvchi pila li tok ; micha Echip a nana palv^mmi onochit, nana ka ititakla a ymihⁱnchi li tok ; atuk osh i himmakma, hvchi pehlichit, koheha li tok oke.

6. Micha hvch iki vhleha ha pehlichit Echip a koheha li tok oke : mihma okhvta ya hvsh la tok oke : mihma Echip okla hv^t hvch iki vhleha ha tnnvp itichanv^lli puta, micha issuba om binili puta ieshi hosh hliolit Okhvta Humma ya isht ona tok.

7. Mihma Chihowa ya okla i pahaya ma, hvchishno, micha Echip okla aiena hvchim ititakla ya okhlili takalichi tok, micha okhvta ha falv^mminchit onochit ompohomo tok : micha Echip a nana akaniohmihⁱnchi li tok a hvchi nishkin vt pisa tok oke : micha yakni haiaka hvsh ai asha na nitak laua tok.

8. Micha Amolait okla i yakni Chatan mish tnnvp a hvch isht v^la li tok ; mihma hvch itibi tok : mihma i yakni ya hvsh ishi cha, hvsh a binila chi ho, hvch ibbak a fohki li tok ; micha hvchi tikba ya ai okp^rnit tahli li tok.

9. Yohmi ma Sippo ushi Balak Moab i miko vt wakaya cha, Israel a in tanampi tok ; micha Beo ushi Balaam vt hvchi kalakshichit miha chi ho pit hoyo tok :

10. Yohmi kia Balaam a i haponaklo la he keyu ho, hvchi yukpalit anumpuli moma tok ; yohmit ibbak a hvchi a hlakofichi li tok.

11. Mihma Chatan a hlopullit Cheliko ya hvsh la tok

oke ; mihma Cheliko okla Amolait vhleha, micha Pelissait vhleha, micha Kenanait vhleha, micha Hitait vhleha, micha Kikashait vhleha, micha Hifait vhleha, micha Chebusait vhleha aiena kv̄t hv̄chin tanampi tok ; mihma hv̄ch ibbak fohki li tok oke.

12. Mihma fohkul a hv̄chi tikba pila li tuk o, yumm̄t Amolait okla i m̄iko tuklo ka hv̄chi tikba tihlelit tahl̄i tok : yohmi kia hv̄ch̄i bv̄shpo falaia keyu, micha hv̄chim iti tanampo atok keyu hoke.

13. Michā yakni yā tokselit isht hv̄sh asitvbi tuk keyu ka hv̄ch ima li tuk oke : micha tmaha holihta puta hv̄sh ikbi tuk keyu ka, hv̄ch ima li ma hv̄sh ai ah̄ashwv̄shke ; pak vpi ahollokehi, micha alif osapushi aiena hv̄sh hokehi tuk keyu kv̄t hv̄sh ai v̄pv̄shke, im achi tok.

14. Yvmohmi hoka Chihowa yā hv̄sh holitobli cha, ch̄ukv̄sh ahli, micha apissali bieka hosh hv̄sh im antiashke ; micha na holbt toba puta hv̄ch īki vhleha hv̄t okhina mish tv̄nv̄p, micha Echip a aiokpv̄chi tok a hv̄sh kanchashke ; micha Chihowa yak o hv̄sh im antiashke.

15. Michā Chihowa im antia ka ik achukmo hv̄sh ahnikm̄t, k̄v̄na h̄o hv̄sh im antia ch̄ik m̄t himak nitak a hv̄sh atokolashke, na holbt toba puta okhina mish tv̄nv̄p aiasha na hv̄ch īki vhleha hv̄t aiokpv̄chi tok ak okm̄á, keyukm̄t Amolait okla i yakni yā hv̄sh aiasha kv̄t i na holbt toba puta yak okm̄á nanakm̄t, amba vno, micha an chuka achv̄fa vto Chihowa ak o il im antia ch̄i hoke, im achi tok.

16. Mihma okla hash osh afalamichit Chihowa yā e kanchi cha, na holbt toba il im antia hi a Chitokaka yv̄t pim olv̄bashke.

17. Chihowa pin Chitokaka ak osh, yvm̄mak osh pishno, micha p̄iki vhleha aiena ka Echip yakni, micha aboha yuka a kochehit pisht v̄la tok ; micha yvm̄mak osh, e p̄isa h̄o nan isht atokowa chinto fehna ka yvm̄ih̄inchi tok ; micha kanima il atia moma, micha okla moma hlopullit il aya ka pi okchalinchi tuk oka,

18. Michā Chihowa yv̄t pi tikba yā okla moma Amolait vhleha yakni yash aiena puta ka tihlelit akohhonchi tok ;

yemohmi hoka pishno ak kia Chihowa ya il im antia chi hoke, pin Chitokaka hoka, achi tok.

19. Mihma Choshua vt okla ha, Chihowa ya hvsh im antia he keyu hoke; Chitokaka nan ashvchi iksho yoka: Chitokaka nuktahanhla hoke; na hvsh yoshuba, micha na hvsh ashvchi aiena puta ka hvch i kashofa he keyu hoke.

20. Chihowa ya hvsh kanchi cha na holbt toba puta ka hvsh im antiakma, yohmikma nana achukma ho hvchi yemihinechi tuk kia, filema cha hvchi hotopalit hvchi tahla hi oke, im achi tok.

21. Mihma okla hash osh Choshua ya Aha! Chihowa yak o il im antia chi hoke, im achi tok.

22. Mihma Choshua vt okla hash, Chihowa ya hvsh im antia chi hosh hvsh atokoli kv hvchishno akinli hvsh il atokoli, hvsh tobreshke, im achi ma, Nan atokoli pia hoke, okla achi tok.

23. Yemohmi hoka himak a naholbt toba puta ka hvch ititakla ya hvsh kanchashke, micha hvchi chukvsh a Israel in Chihowa Chitokaka ak o isht hvsh asitiashke, achi tok.

24. Mihma okla hash osh Choshua ya, Chihowa pin Chitokaka ak o il in toksahanli cha, im anumpa ha il im antia chi hoke, im achi tok.

25. Yohmi ho nitak yemma Choshua vt okla ha anumpa it im apesa cha, nan vlpisa, micha nan isht im apesa ya Shechem a ai apesa tok.

26. Mihma Choshua vt anumpa ileppa puta ka Chitokaka i nan vlpisa holisso ha aholissochi tok; micha teli chito ishi cha, baiyi yemmet Chihowa im vlhtipo holitopa bilika nikia tuk o nutaka ya hilechi tok.

27. Mihma Choshua vt okla moma kash Yakeh! teli ilvpak osh Chihowa im anumpa puta pim anumpohonli ka haklo tok okvt pi atokoli ya chi hoke, yemohmi hoka hvchin Chitokaka ya hvsh kancha he keyu ka hi a hvchi atokoli yashke.

28. Yohmi ho Choshua vt tishelichi na okla hash osh i yakni aiyukali ka onvt taha tok.

29. Atuk o ileppa i himmak ma, yakohmi tok, Chihowa

in tishu, Nun ushi Choshua vt afrmmi tahlepa achefa cha pokoli aiena hosh illi tok.

30. Mihma ilap i yakni vhli Timnallh-selah, yummvt Eflaim nvnih talaia ka Kaash bokko falvmmi in tennvp ak o okla hohpi tok.

31. Mihma Israel vt Choshua vt okchaya nitak moma, micha hatak asnonchi vhleha hvvt Choshua vt illi haya, okchaya moma, Chihowa yvt na fehna Israel i yvmihinchu ka, pisa tok vt okchaya nitak moma kno Chihowa ya im antia tok.

32. Mihma Chosef foni Israel im vlla vhleha hvvt Echip a kohchit isht vla tok vt Chekob vt teli hvta tushahli tahlepa achefa hq Shechem iki Hamo ushi vhleha ha isht in chumpa tok yakni talaia hq Shechem ak o a hohpi tok: mihma Chosef im vlla vhleha ha i yakni toba tok oke.

33. Mihma Alon ushi Eleasa vt illi tok; mihma bokko hosh ushi Finehas a immi hatok yummvt Eflaim nvnih ak o talaia hq ima tok o, a hohpi tok.

NAN APESA UHLEHA HOLISSO.

NAN APESA UHLEHA

HA ISHT ANUMPA HOKE.

CHAPTA I.

YUMOHMI ma Choshua vt illi haya yakohmi tok, Israel im vlla vhleha hvt Chihowa ya i ponaklot, Keta hosh Kenanait vhleha ha tikba itiba chi hosh pim ia chi cho? achi tok.

2. Mihma Chihowa hvt, Chutah yak osh ia chi hoke: yakeh! yakni yash yemma ibbak a fohki lishke, achi tok.

3. Mihma Chutah vt itibapishi Simeon a, Si awant nashoelit ishi li tok yakni ya ish ona na Kenanait vhleha ha ont il itibashke; atukma vno ak kia chi awant nashoelit ish ishi tok yakni ya ona la chi ke, im achi tok. Mihma Simeon vt awant ia tok.

4. Mihma Chutah vt ia ma, Chihowa hvt Kenanait vhleha, micha Pelissait vhleha aiena ka ibbak a fohki tok: yohmi na Besek a hatak tablepa sipokni pokoli ho ai vbi tok.

5. Micha Besek a Atoni-besek o ai ahayuchi cha itibi tok; micha Kenanait vhleha, micha Pelissait vhleha aiena ka vbi tok.

6. Yohmi kia Atoni-besek vt maleli tok; mihma iakaiyvt hlioli tuk osh hokli cha, ibbak-ishki, micha iyishki aiena ka teptuli tok.

7. Mihma Atoni-besek vt, Miko pokoli untuklo hosh ibbak-ishki, micha iyishki aiena kv teptua na im ilhpak a vm ai impa nutaka a hoyot vpa beka tok; nana a kaniohmi li tok mak o, Chitokaka hvt si atobbichishke, achi tok. Mihma Chelusalem a isht ona na yummak o ai illi tok.

8. Mihma Chutah im vlla vhleha hvt Chelusalem a itibi cha, ishit, bushpo falaia halupa isht issot kanchi cha, tuma-ha holihta ya hukmi tuk atok.

9. Atuk osh i himmak o Chutah im vlla vhleha hvt Kenanait vhleha nvnihi foka aiasha, micha oka mahli pilla ai asha, micha okfa ai asha aiena ka itiba chi hosh ilhkoli tok.

10. Mihmut Chutah vt Kenanait vhleha Heblon ai asha ka itiba chi hosh ilhkoli tok; (Heblon vt Kichalh-aba hohchifo hatok:) mihmut Sheshai, micha Ahinam, micha Talmai aiena ka vbi tok.

11. Mihmut ymma vttvt Tebi okla aiasha ka ont itibi tok: Tebi vt tikba ka Kichalh-sefe hohchifo beka tok.

12. Mihma Kaleb vt, Kena hosh Kichalh-sefe ya issot kanchi cha, ishikma, svsotek Achsah vt tekchi yachi ho ima la chi hoke, achi tok.

13. Mihma Kaleb nakfish Kenas ushi Olhniel ak osh ishi tok: mihma tekchi yachi ho Achsah ya ima tok.

14. Atuk o yakohmi tok, im ona mut, iki ya osapa im asilhha chi ho atohnochi tok: atuk osh issuba haksobish falaia om binili tuk vt akowa tok; mihma Kaleb vt, Nanta ho ish ahni cho? im achi tok.

15. Mihma, Nan isht yukpali ya is sumashke; oka mahli yakni ya is suma tuk okvt, oka keli taloha ak kia is sumashke, im achi tok. Mihma Kaleb vt nvnihi keli taloha kak o ima mut, micha okfa keli taloha kak o ima tok.

16. Mihma Moses ipochi Kenait in chipota hvt pam iti tumaha holihta ya kohchvt ivt, Chutah im vlla vhleha ha awant ivt yakni haiaka, ymmvt Alat im oka mahli imma yo ona cha, okla takla ai asha tok.

17. Mihma Chutah vt itibapishi Simeon a awant ia cha, Kenanait vhleha Sefalh ai asha ka vbit tahli cha, okpvnit vmohmichi tok. Mihma tumaha holihta ymmvt Homah hohchifo tok.

18. Mihma Chutah vt Kasa, micha yakni afullota, micha Askelon, micha yakni afullota, micha Eklon, micha yakni afullota aiena ka ishi tok.

19. Mihma Chihowa hvt Chutah ya ibafoyuka tok; mih-

ma nunih foka okla ha tihlelit kocha wehli cha, a binili tok ; yohmi kia okfa aisha kvto tvli iti chanvlli im asha hatuk o, tihlelit kocha wehla he keyu ki tok.

20. Mihma Moses vt achi tok mak o Heblon a Kaleb ak o okla ima tok ; yohmi na Anak ushi tuchina ka yumma a tihlelit kocha wehli tok.

21. Mihma Benchamin im vlla vhleha hvt Chebusait vhleha Chelusalem ai asha ka tihlelit ik kocha wehlo ki tok : amba Chebusait vhleha hvt Benchamin im vlla vhleha ha apehvt Chelusalem ai asha tok osh himak nitak a moma hoke.

22. Mihma Chosef in chuka achvfa yummak kia Behlel a itiba chi hosh ia tok : mihma Chihowa hvt ibafoyuka tok.

23. Mihma Chosef in chuka achvfa yvt Behlel a pisa chi ho pila tok. Mihma tmaha holihta yummvt tikba ka Lus hohchifo tok.

24. Na pisvt aya vhleha hash osh hatak vt tmaha holihta yash kohchvt minti na pisa tok ; mihmvt, Tmaha holihta achukowa ya pim anoli, e chim asilhhvshke, mikma e chi nukhakla chi hoke, im achi tok.

25. Atuk o tmaha holihta achukowa ya pisachi ma, tmaha holihta ya breshpo falaia halupa isht issot kanchi tok : amba hatak ash, micha in chuka achvfa yano hlakofichi tok.

26. Mihma hatak ash osh Hittait vhleha i yakni yo ona cha, tmaha holihta ya ikbi mvt, Lus hochifo tok o ; yummak osh himak a hohchifo moma hoke.

27. Manasseh ak kia Belhshean okla ai asha, micha tmaha puta afullota aiena okla ai asha, micha Taanach okla ai asha, micha tmaha puta afullota aiena okla ai asha, micha To okla ai asha, micha tmaha puta afullota aiena okla ai asha, micha Ibleam okla ai asha, micha tmaha puta afullota okla ai asha, micha Mekitto okla ai asha, micha tmaha puta afullota aiena okla ai asha aiena ka tihlelit kocha wehli keyu ak inli tok ; amba Kenanait vhleha hvt yakni ya ai asha pulla kak o ahni tok.

28. Atuk o yakohmi tok, Israel vt kvllet taha mvt, Kenanait vhleha ha noshkobo atobbichi cha, tihlelit kocha wehli ik vmohmicho ki tok.

29. Eflaim ak kia Kenanait vhleha hvt Kесе aiasha ka tihlelit ik kocha wehlo ki tok; amba Kenanait vhleha hvt takla Kесе okla ai asha tok.

30. Sebulun ak kia Kitlon okla ai asha, micha Nahalol okla ai asha aiena ka tihlelit kocha wehli tok keyu; amba Kenanait vhleha hvt takla ai ashvt, noshkobo atobbi toba tok.

31. Asha ak kia Akcho okla ai asha, micha Siton okla ai asha, micha Ablab okla ai asha, micha Achsib okla ai asha, micha Helbah okla ai asha, micha Afik okla ai asha, micha Lehob okla ai asha aiena ka tihlelit kocha wehli keyu ak mli tok.

32. Amba Ashalait vhleha hvt Kenanait vhleha yakni ai asha kak o kocha wehli tok keyu hatuk osh, takla ai asha tok.

33. Naftali ak kia Belh-shemesh okla ai asha, micha Belh-analh okla ai asha aiena ka tihlelit kocha wehli tok keyu; amba Kenanait vhleha, okla yakni yash aiasha kak o takla ahanta tok; yohmi kia Belh-shemesh okla aiasha, micha Belh-analh okla aiasha aiena kvт noshkobo atobbi toba tok.

34. Mihma Amolait vhleha hvt Tar im vlla vhleha ha tihleli na nvniн foka ont ai asha tok: akowvt okfa ha ant ik ai ashá, im ahni keyu hatuk okvt:

35. Michа Amolait vhleha hvt Aichalon Heles nvniн talaia, micha Shaalbim ita tuklo kak o ai asha pulla kak o ahni tok; yohmi kia Chosef in chuka achvfa ibbak vt imaiya tok, yohmi na noshkobo atobbi toba tok.

36. Mihma Amolait vhleha im ai vhli hvt ai oiyvt ia Aklabbim, tvli vba maya kak atok oke.

CHAPTER II.

YOHMI ma Chihowa im enchel vt Kilkal pilla minti hosh Bochim a vla mvt, Echip a hvchi kohchichit, hvch iki vhleha ha anumpa kello il enochit im issa li tok yakni ya

hveh isht v̄la li tok: micha anumpa chit im apesa li tok vt kobvffi la himma keyu;

2. Mikma okla het yakni ilvppa ai asha ka anumpa hvsh ai itibai achvfa he keyu; im alta puta ka kinahlichit hvsh tahlashke: achi li tok: yohmi tok kia sv̄tih h̄a hvchik sv̄m antioshke: nanta katiohmi h̄o ilvppa hvsh yv̄mihchi cho? achi tok.

3. Yv̄mohmi ket, V̄no ak kia hvchi tikba tihlelit kocka wehli la he keyu; amba kv̄ti hosh hvchi naksi ȳa shamv̄lli chiyuhma hi oke; micha i na holbt toba puta kv̄t nan isht hvch ibetv̄bli yachi hoke, achi li tok, achi tok.

4. Atuk o yakohmi tok, Chihowa im enchel vt Israel im v̄lla v̄hleha h̄a anumpa ilvppa im anumpuli ma, okla chitolit yaiya tok.

5. Mihmt yemma Bochim okla hochifo tok: micha nan v̄bit a hukmit Chihowa ȳa isht aiokpv̄chi tok.

6. Mihma Choshua vt okla h̄a tishelichi ma, Israel im v̄lla v̄hleha het momvt ai isha he v̄lhpesa yakni ȳa isha chi hosh ilhkoli tok.

7. Mihma Choshua vt okchaya nitak moma, micha hatak asnonchi v̄hleha het, Choshua vt illi haya, okchaya moma Chihowa yvt nana a fehna Israel a i yv̄mih̄inchi ka p̄isa tuk vt okchaya nitak moma ka okla het Chihowa ȳa im antia tok oke.

8. Mihma Nun ushi Choshua Chihowa in tishu het afv̄mi tahlepa achvfa cha, pokoli aiena hosh illi tok.

9. Mihma ilap i yakni v̄hli Timnalh-heles yv̄mmvt Eflaim nvn̄ih talaia ka bokko Kaash falem̄mi in tennv̄p ak o okla hohpi tok.

10. Michā nitak yemma okla āsha moma yv̄mmak kia īki v̄hleha h̄a im ai itv̄nahvt taiyaha tok: mihma ai unchololi hosh iakaiyvt Chihowa, micha Israel a nana im atahli tok a ithana keyu hosh ai asha tok.

11. Mihma Israel im v̄lla v̄hleha het nana ik achukmo ka Chihowa itikba a yv̄mohmit, Baalim a aiokpv̄chi tok.

12. Mihmt īki v̄hleha in Chihowa Chitokaka, yv̄mmak osh Echip yakni ȳa ishit kohcha tok a issa cha, naholbt

toba puta, okla fullotet im ai asha ka iakaiyvt im akachunoli cha, Chihowa ya ishit nukhobelvchi tok.

13. Mihmet Chihowa ya issa cha, Baal, micha Ashtaloh ita tuklo kak o iakaiya tok.

14. Mihma Chihowa im ai i nukkilli vt Israel a i sanalit libbi tok, micha wehpuli puta ka ibbak fohki na wehpuli tok; micha in tenvp afullotet ai asha ka i kanchit ibbak foki na in tenvp itikba hiohla he keyu tok.

15. Chihowa yvt ahanchi tuk mak osh, micha Chihowa yvt anumpa kullo ile onochit miha tuk mak osh kanima yo kochvt iakma, Chihowa ibbak vt nana ik achukmo isht im asanali beka tok: mihma okla komunta fehna tok.

16. Yohmi kia Chihowa yvt nan apesa vhleha ha i hilechi na wehpuli ibbak a a hlakofichit kohechi tok.

17. Yohmi kia nan im apesa vhleha ha i haponakla he keyu hosh, amba okla inla i naholbvt toba puta ka i hauit im akachunoli beka tok: iki vhleha hvvt Chihowa i nan vlpisa ha iakaiya tok a okla yohmi tok keyu, amba chekosi fehna filvmmitt naksika ona beka tok.

18. Mihma Chihowa yvt nan apesa vhleha ha i hilechikmvt, yvmohmikmvt Chihowa yvt nan apesa ya ibafoyukvt, nan apesa vt okchaya itintakla ka in tenvp vhleha ibbak a a hlakofihinchii beka tok: ilbvshali, micha apistikeli hatuk o kifahaha ka Chihowa yvt i nukhaklo hatok.

19. Atuk o yakohmi beka tok, nan apesa yvt illikma, falamvt iki vhleha hatuk a i shahlit naholbvt toba puta ka iakaiyvt, aiokpvrhit im akachunolit, il okpuni beka tok: ilap nana akaniohmi, micha ilapunlvvt aya kvvt issa he keyu beka tok.

20. Mihma Chihowa im ai i nukkilli vt Israel a i sanalit libbi tok: micha, Okla ilvppvt anumpa itim apesa iki vhleha im apesa li tok a kobvffi cha, vm anumpa ha a haponakla he keyu beka tuk oka;

21. Uno ak kia himak pilla ma oklushi Choshua vt tihlelit ik kocha wehlo hosh illi tok, achvfa kia itikba tihlelit kocha wehli la he keyu;

22. Micha yvmmak o Israel vt Chihowa i hina ya holitob

lit a nohowa he iki vhleha hut holitobli tok mak o choh-mikmá, keyukmá, nana ka isht imomaka pisa lashke, achi tok.

23. Yvmohmi hatuk osh Chihowa yvt tushprt tihlelit ik kocha wehlo, micha Choshua ak kia ibbak ik fohko hosh oklushi ymma ashanchi tok.

CHAPTA III.

MIHMA oklushi ilvppak o Chihowa yvt ashanchi kut (Israel laua kaniohmi hosh Kenan tnvvp ai asha tok moma ka ik ithano ;

2. Peh Israel im vlla vhleha isht atiaka yvt tnvvp ithrvnt imomakvt taha chi ho, yvmohmi ho peh tikba ka ik ithano ya isht imomaka pisa chi hatok ;)

3. Yakohmi ak atok, Filistin hochitoka tahlapi, micha Kenanait vhleha moma, micha Sitonian vhleha, micha Hifait vhleha Lebanon ai asha, Baal-hemon nvnih asht isht ia hosh Hamalh a chukowa ont ai vlli tok.

4. Yvmmak o Israel vt Chihowa i nan vllhpisa puta yvma iki vhleha ha Moses a tohno na ibbak ak osh i holissochi tok a haponaklokmá, nana chi ka imomaka pisa chi hatok.

5. Mihma Israel im vlla vhleha hut Kenanait vhleha, Hittait vhleha, micha Amolait vhleha, micha Pelissait vhleha, micha Hifait vhleha, micha Chebusait vhleha aiena ka takla aiasha tok.

6. Mich a ushetik vhleha ha tekchi yachi ho okla ishi mvt, ilap ushetik vhleha ha ymma ushi vhleha ha okla ima cha, i na holbvt toba puta ka aiokprechi tok.

7. Mich a Israel im vlla vhleha hut nana ik achukmo ka Chihowa itikba a yvmohmi cha, Chihowa in Chitokaka ya im a haksit Baalim, micha Ashtelah itatuklo ka aiokprechi tok.

8. Yvmohmi ma Chihowa im ai i nukkilli yvt Israel a i sanalit libbi tok, micha Chushan-lishahlaim Mesopotamia i miko ya ibbak fohki tok : mihma Israel im vlla vhleha hut afemmi untuchina ho Chushan-lishahlaim a i nutaka tok.

9. Mihma Israel im vlla vheleha hvt Chihowa ya i pahaya ma, Chihowa yvt hlakofichi ya Israel im vlla vheleha ha i hilechi na hlakofichi tok, ymmvt Kaleb nakfish Kenas ushi Olhniel ak atok.

10. Mihma Chihowa im i Shilombish vt onvtola cha, Israel nan im apesa toba cha, kohchvt tenvp ia tok: mihma Chihowa yvt Chushan-lishahlaime Mesopotamia i miko ya ibbak fohki tok: mihma ibbak vt Chushan-lishahlaime a imaiyechi tok.

11. Mihma yakni vt afemmi pokoli ushta ho foha tok: mihma Olhniel Kenas ushi vt illi tok.

12. Mihma anonti Israel im vlla vheleha hvt nana ik achukmo ka Chihowa itikba ya a ymmohmi tok: Israel vt nan ik achukmo ka Chihowa itikba ya a ymmohmi kak o, Chihowa yvt Moab i miko Eklon a kvloochit i sanalichi tok.

13. Mimmvt Ammon in chipota, micha Amelek in chipota vheleha aiena ka hoyot itnahli cha, ivt Israel a issot kanchi cha, pam iti temaha holihta ya ishi tok.

14. Ymmohmi ho Israel im vlla vheleha hvt Moab i miko Eklon a afemmi auah untuchina ho i nutaka tok.

15. Ymmohmi tuk kia Israel im vlla vheleha hvt Chihowa ya i pahaya ma, Chihowa yvt hlakofichi Ehut, Kela ushi, Benchamait hatak afabi yo i hilechi tok: micha ymmak o tohno cha, Israel im vlla vheleha hvt Moab i miko Eklon a nahvlbina i pila tok.

16. Yohmi kia Ehut vt beshpo tahlalakka halupa falaia kvtkubit achufa ho ikbi cha, iyubi isht impak imma nafohka nutaka isht il ai vskofvchi tok.

17. Micha na nahvlbina ya Eklon Moab i miko ya isht im ona tok: mihma Eklon vt hatak nia fehna hatok.

18. Atuk osh nahvlbina ya im issvt atahli mvt, okla nahvlbina shali tuk a pit tihleli tok.

19. Amba ilap vto Kilkal bilika tvli na holbvt toba a hiohli ya falama cha, Anumpa luma ya isht chim aya lishke, miko ma! achi tok: mihma ymmak ash osh, Chulusashke, achi tok. Mihma bilika hiohmaya tuk vt kohcha tok.

20. Mihma Ehut vt im ona tok; mihma aboha paknaka

tofa chuka talaia ilap bano immi yosh yemmet in talaia tuk osh binili tok: mihma Ehut vt, Chihowa im anumpa ho isht chim aya lishke, achi tok. Mihma im ai om binili ya binili tuk vt wakaya tok.

21. Mihma Ehut vt ibbak vlfvfbek imma pit welit iyubi isht impak imma ya breshpo yash pit ai ishi cha, ikfoka ya ishit bahli tok.

22. Micha halupa vt pit chukowa ma, vpi ak kia awant pit chukowa tok: mihma nia vt itakmot halupa ya luhmi tok: yohmi na breshpo falaia ya kohcha he keyu ma, lukfi vt kohcha tok.

23. Yemohmi ma Ehut vt kochevt hoshontika ya hlopul-lit tofa chuka okhissa ya on okshita cha, ashvniehi tok.

24. Atuk osh kochevt ia ma, in tishu vhleha vt vla tok: micha okla ant pisa mvt, yakeh! aboha paknaka chuka talaia okhissa yvt ashana tok; mihma, Aboha paknaka tofa chuka talaia iyi ya ai ompohomo pullvshke, okla achi tok.

25. Micha hielit polaka hofahyvt taha tok; mihma yakeh! aboha paknaka chuka talaia okhissa ya ik tiwo ma, isht-tiwa okla ishi cha, tiwi tok: mihma yakeh! i miko yvt illit aka itula tuk atok.

26. Mihma Ehut vt, hielit itintakla ma, teli naholvt toba a hiohli ya ont ivt, hlakofit Seilalh a ona tok.

27. Atuk osh ona mvt yakohmi tok, Eflaim nvni h a isht pufa ai olachi ma, Israel im vlla vhleha vt awant nvni h a akowa ma, yemmak osh tikba ia tok.

28. Mihmt, Hvs si akaiyashke; hvchin tvnvp Moab okla h a Chihowa yvt hvch ibbak a fohki hoka, im achi tok. Mihma okla iakaiyvt akowvt ia ma, Chatan okhina akocha Moab pilla ka ishi cha, hatak achvfa kia ik hlopulli, ahna he keyu tok.

29. Micha nitak yemma Moab a hatak tahlepa sipokni pokoli foka, hatak nia bieka, micha hatak hlampko bieka tok: mihma hatak achvfa kia hlakofi tok keyu hoke.

30. Yemohmi hosh nitak yemma Moab a Israel vt imai-yachit nutakvchi tok. Mihma yakni vt afvmmi pokoli untuchina ho foha tok.

31. Mihma iakaiya kut Analh ushi Shamka, yummvt Filistin tahlepa hannali ho wak toksvi isht bihi yo isht vbi tok: yummak kia Israel a hlakofichi tok.

CHAPTA IV.

MIHMA Ehut vt illi ma, Israel im vlla vhleha hut anonti nana ik achukmo ka Chihowa itikba a yvmohmi tok.

2. Mihma Chihowa yvt kanchit Chabin Kenan i miko, yummvt Haso ak o apelihchi ya in tvshka chipota i kpitvni hut Sisela atok, yummvt Chentail Haloshelh ak o ai vta beka tok.

3. Mihma Israel im vlla vhleha hut Chihowa ya im ilbvshvt i pahaya tok; tenvp tvi itichavlli vt in tahlepa chakkali tok; micha afvmmi pokoli tuklo ho Israel im vlla vhleha ha ilbvshali fehna tok.

4. Mihma Lapitolh tekchi Tebolah ohoyo hopaii yosh nitak ymma Israel a nan im apesa atok.

5. Micha Tebolah i pam iti nutaka Effaim nvni, micha Behlel itin takla yak o vta tok: mihma nan im apesa chi ho, Israel im vlla vhleha hut im ona beka tok.

6. Mihma Abinoam ushi Balak a pit hoyot Ketesh-naf-tali ai isht vla mv, Israel in Chihowa Chitokaka yvt apesa kut, Ivt Tabo nvni ha pit akanvlli cha, Naftali im vlla vhleha, micha Sebulun im vlla vhleha aiena hatak tahlepa sipokni pokoli ho isht ish iashke,

7. Mikma Chabin in tvshka chipota i kpitvni Sisela, micha tenvp im iti chanvlli puta, micha im okla laua aiena ka kanvllichit okhina Kishon ak o isht vla lish, chibbak a fohki la chi hoke, ahanchi tuk keyu cho? im achi tok.

8. Mihma Balak vt, Si awant ish ia hokmvno, ia la hinla; amba si awant ish ia he keyu hokmvno, ia la he keyu, im achi tok.

9. Mihma, Chi awant ia li pulla chi hoke: yohmi kia ymma nowvt ish aya kut ishit chi annoa he keyu hoke; Chihowa yvt Sisela ya kanchit ohoyo ho ibbak fohka chi

hoka, achi tok. Mihmut Tebolah vt wakaya mut, Balak a awant Ketesh a ona tok.

10. Mihma Balak vt Sebulun, micha Naftali hoyot Ketesh a isht ona tok: mihma hatak tahlepa sipokni pokoli hosh iakaiya tok: mihma Tebolah vt awant ia tok.

11. Mihma Hebe Kenait, ymmut Hobab Moses ipochi ya im vlla vhleha ai achvfa hosh Kenait vhleha ha ile filv-michit, Saanaim yakni patvsvchi Ketesh bilika yak o im vltipo ha ont hilechi tok.

12. Mihma Abinoam ushi Balak vt Tabo nenih ha ona ka Sisela ya okla im anoli tok.

13. Mihma Sisela vt tenep im itichanvlli moma, vli itichanvlli tahlepa chakkali, micha okla moma Chentail Haloshelh pilla minti im ai asha tuk vt Kishon okhina yak o hoyot ai itvnahli tok.

14. Mihma Tebolah vt Balak a, Wakayá, himak nitak ak o Chihowa hvv Sisela ya chibbak a fohki hoka: Chihowa yvt chi tikba ia tuk keyu? im achi tok. Mihma Balak vt Tabo nenih ha akowv ia ma, hatak tahlepa sipokni pokoli hosh iakaiya tok.

15. Mihma Chihowa yvt Sisela, micha tenep im itichanvlli, micha im okla chito aiena ka Balak itikba ya beshpo falaia halupa ya ishit komuntvchit yuhli tok; yohmi na Sisela vt itichanvlli ya akowa cha, aka hikia hosh maleli tok.

16. Yohmi kia Balak vt tenep itichanvlli, micha okla chito aiena ka iakaiyvt Chentail Haloshelh a isht ona tok; mihma Sisela im okla chito moma kvv beshpo falaia halupa onvtolvv akakovv taiyaha tok; mihma hatak achvfa kia iksho tok.

17. Yohmi kia Sisela vto aka hikia hosh malelit Chael Hebe Kenait tekchi im vltipo ya ona tok: Chabin Haso i miko, micha Hebe Kenait in chuka achvfa itatuklo kvv it i nanaiya hatuk oka.

18. Mikma Chael vt kovchvt Sisela ya ont afama cha, Fullotvt ish chukowashke; fullotvt is svba chukowashke; chi nukshopa ná, a shahli ma! im achi tok. Atuk o vltipo ya fullotvt chukowa ma, anchi isht ompohomo tok.

19. Mihma, Oka kanomosi hō sa petá, chim asilhha lishke, satukshila hoka, im achi tok. Mihma pishukehi kotoba vlhto hō shufi cha, ishkoehichi cha, ompohomo tok.

20. Anonti, Ulhtipo okhissa ish hikiashke; atukma kv-na hosh vla cha, chí ponaklot, Hatak vt 'asha? achikma, Keyú, ish achashke, im achi tok.

21. Yohmi ma Hebe tekchi Chael vt vlhtipo chofak a ishi, micha chofak isht anvlichí a ishi mvt, lumvt onvt chofak a imosana ishit mvlit, yakni pit shamvlichí tok: hoyrb-lit nusit illi hatuk o. Ycmohmi na illi tok.

22. Mihma yakeh! Balak vt Sisela ya iakaiyvt aya ma, Chael vt koehvt afama mvt, Mintí, mikma hatak hoyot ish aya ka chi pisachi lashke, im achi tok. Atuk o im vlhtipo ya ant chukowa ma, yakeh! Sisela vt illi cha, itoyula ma, chofak vt imosana ya shamvli tok.

23. Ycmohmi hosh Chitokaka hvt nitak yemma Kenan miko Chabin a Israel im vlla vhleha itikba ya anutakvchi tok.

24. Mihma Israel im vlla vhleha ibbak vt Kenan miko Chabin a iakaiyvt i kellt mahayvt, Chabin Kenan miko ya vbit tahli tok.

CHAPTA V.

YCMOHMI ma Tebolah, micha Balak Abinoam ushi ita-tuklo kv nitak yemma talovt yak ahanchi tok.

2. Okla hvt aiokpanchit im il ihisa ma, Chihowa hvt Israel a im il aiokha ka hvsh holitoblichashke.

3. Hvsh haklashke, miko hvchia ma! ho hakló, hochitoka hvchia ma! vno, vno fehna kv Chihowa ya in taloa la chí hoke; Israel in Chihowa Chitokaka holitoblichí ishit taloa la chí hoke.

4. Chihowa ma! Sei ya koehvt ish ia ma, Etom yakni ya koehvt ish ia ma, yakni vt wvnihinchi ma, shutik vt hoiya tok, hoshonti yak kia oka hoiya tok.

5. Chihowa itikba ya nvni putá, Sainai yemma fehna kv Israel in Chihowa Chitokaka itikba ya bilvt yanahanli tok.

6. Anallh ushi Shamka i nitak ma hina ya ik ai itnnowo hosh, nowet aya vhleha hvt hinaksho, hina fullota yak o ai itnnowa tok.

7. Temahushi puta ket chuk il issa tuk, Israel i yakni ya a chuk il issa tuk o, Tebolah sia hvt hikia li tuk, Israel okla ishki yosh hikia li tuk oke.

8. Naholbvt toba himona ishi tok; yohmi ma holihta okhissa ya tenp vt ai asha tok: telihpa yokma, tibi tuli halupa ontela nana kia Israel tahlepa sipokni pokoli ai ititakla ka itoyula na haiaka tok o?

9. Israel okla pehlichi vhleha hvt okla ai ititakla ya aiokpanchit il ihisa tuk a sa chukvsh vt ibafoyuka hoke: Chihowa ya hvsh aiokprechashke.

10. Ho anumpuli, issuba haksobish falaia tohbi hvsh onchieya ma! nan apesvt hvsh chieya ma! micha hina takla hvsh itnnowa ma!

11. Oka ai ochi iti tanampo sholi tushka paya ka i hlakofi hvchia ma! yemma Chihowa yet Israel yakni temahushi puta ka nana ai vhlpiesa ka i yermihchi tuk a it im anola hi oke: yermohmikma Chihowa im okla hvt akowrt holihta okhissa puta ka falamvt ona hi oke.

12. Okcha, okcha, Tebolah ma! okcha, okcha, ish taloashke; wakaya, Balak ma! micha chi yuka ha yukachit ish pehliechashke, Abinoam ushi chia ma!

13. Yermohmi ma hlakofi ka okla ai ititakla hochitoka vhleha ha pehlichi ikbi tok: micha Chihowa vt im okla hat tak hochitoka pehlichi sakbishke.

14. Hakshish Eflaim a akochvt Amalek a i sanali tuk; Benchamin ma! chiakaiyvt chim okla ha ibai vlhto tuk: Machi ya pehlichi vhleha hvt minti tuk, micha Sebulun a ishit holissochit ieshi ak atuk oke.

15. Mihma Issaka pehlichi vhleha hvt Tebolah ya ibafoyuka tuk; Issaka fehna, micha Balak ak kia ibafoyuka tuk ak inli: yummak ash osh aka hikia ho okfa ha pila tok. Luben vt itachowrt aiasha ka chukvsh im anukfila chito fehna tuk oke.

16. Nanta katiohmi ho chukvhlpoa ai asha ka antvt chuk-

felhpoa yaya ka ish haklo tuk o? Luben vt itachowvt ai asha ka chukvsh silhhi chito fehna tuk oke.

17. Kileat vt Chatan mish tennv ak o anta tuk: micha nanta katiohmi ho Tan vt peni hochito ai ahanta tuk o? Asha vt okhuta lapalika ak inli antvt, peni hochito atakali ya ai ahanta tuk.

18. Sebulun, micha Naftali achahaka ahielet ilhfiohak a illi ka il im ihisa okla hoke.

19. Miko puta kvv vlvv itibi tuk; yohmi na Mekitto oka taloha bilika Tanaach a Kenan miko puta kvv ai itibi tuk oke; nawehpoa tvli holisso ya ishi tuk keyu hoke.

20. Uba minti hosh okla itibi tuk; fochik puta ai ia he vlhpesa kvv avvt Sisela ya itibi tuk oke.

21. Kishon okhina, okhina nitak chashpo yummvt, Kishon okhina yvt pifit kanchi tuk oke. Umi shilombish ma! hatak hlampko chilita ya yakni ya ish a hvhlichishke.

22. Yvmohmi ma ilauatvchi kak o, micha hatak hlampko chilita yvt ilauatvchi kak o, issuba iyi akchush vt kobahli tuk oke.

23. Chihowa im enchel vt Chihowa ya okla ant apela tuk keyu, Chihowa ya ant apelv chilita hochitoka ya i sanali tuk keyu hoka, Melos a kalakshichit hvsh mihashke, okla yvma ai asha ka hvsh kalakshichi fehnashke, achi tok.

24. Hebe Kenait tekchi Chael vt holitopa kvv ohoyo puta ka i shahla chi hoke, ohoyo puta vlhtipo ahanta ka holitopa kvv i shahla hi oke.

25. Oka im asilhha ma, pishukchi yo ipeta tuk: pishukchi nia ya ampo holitopa yo fohkit isht im vla tuk ok.

26. Ibbak a chofak a isht ishi mvt, ibbak isht impak imma ya chofak isht anvlichi yash Sisela ya isht isso tuk oke: imosana bahlit hlopullichi mvt, noshkobo ha chanlit tvbli tuk oke.

27. Iyi itikba ya akachunoli tuk, itula tuk, aka itoyula tuk: iyi itikba ya akachunoli tuk, itula tuk; iyi itikba ya akachunoli tuk mak osh yvma illit itula tuk oke.

28. Sisela ishki vt okhissushi ya pit a hopokoyot, okhissushi isht okshilita tenna pit tahpvt, Nanta katiohmi ho

im itichanvlli hvt minti kvt hopaki cho? nanta katiohmi h_o im itichanvlli hvt chanvlli kvt svlaha cho? achi tuk oke.

29. Ohoyo hopoyuksa im asha vhleha hvt anumpa falama ya ima, ahli, ilap inli hosh anumpa falama ya il anumpulit,

30. Nana ahayuchi tuk keyu h_o? na wehpoa ya itakrshkovt, ohoyo himita achufa, keyukmvt tuklo kia, hatak chilita puta kvt ishit, Sisela vto na wehpoa pisa ilaiyukali, chofak ushi isht vlhtaha na wehpoa pisa ilaiyukali, pisa ilaiyukali tahlalaka chofak ushi isht vlhtaha, na wehpoa ishi tuk vt i nucha he vlhpesa ka itakrshkova tuk keyu h_o? achi tok.

31. Yvmohmi hosh chin tenvp moma kvt illashke, Chihowa ma! amba Chihowa holitobli vto hvshi vt imi hlampko il ai eshi hosh kohcha kak inli h_o chiyuhmashke, ahanchi tok oke. Mihma yakni vt afemmi pokoli ushta h_o foha tok oke.

CHAPTA VI.

YUMOHHI ma Israel im vlla vhleha hvt nana ik achukmo ka Chihowa itikba ya ai yvmohmi tok: mihma Chihowa vvt afemmi untuklo h_o Mitian ibbak a fohki tok.

2. Mihma Mitian ibbak vt Israel a i sanali kvt kvlllo tok; micha Mitianait vhleha pulla kak o Israel im vlla vhleha hvt hiehukbi nvnih chaha, ai asha ka, micha yakni chiluk, micha aiatukko kvlllo aiena ka il ai ikbi tok.

3. Micha Israel vt nana hokchi ma, yakohmi tok; Mitianait vhleha, micha Amalekait vhleha, micha hvshi akochaka in chipota aiena kvt vlvt, Israel a ant itibi beka tok.

4. Micha ant im i sanalit abinanchi cha, yakni na waya ya okpvnit, Kasa ish ona ka ont vhlichu beka tok: micha Israel a isht okchaya nana kia chukfi vlhpoe, wak, issuba haksobish falaia nana kia ik im ashanchu beka tok.

5. Laua kvt hatvffo ak o chiyuhmi hosh i wak, micha im vlhtipo aiena ka isht vla hatuk osh; okla, micha i kamel aiena kvt a holhtina iksho hatuk osh; micha yakni yash chukowet okpni tok.

6. Mihma Mitian okla pulla kak o Israel vt ilbusha fehna tok; mihmut Israel vt Chihowa ya i pahaya tok.

7. Mihma yakohmi tok, Mitianait vheleha pulla kak o, Israel im vlla vheleha hut Chihowa ya i pahaya ma,

8. Chihowa yvt Israel a hopai i pila tok: mihma ymmak ash osh, Israel in Chihowa Chitokaka yvt yak ahan-chishke, Uno ak osh Echip a ai ishit hvechi kokehi li tok, micha aboha yuka a kohchit hveh isht vla li tok oke.

9. Micha vno ak osh Echip okla ibbak a, micha hveh ilbushali tok ibbak a a hvechi hlakofichi li tok; micha hveh itikba tihlelit kohchit, micha i yakni ya hveh ima li tok oke.

10. Micha, Uno ak osh hvechin Chitokaka Chihowa sia hoke; Amolait vheleha i yakni yo hvsh ai asha kut i naholvt toba puta ka hvsh i nukshopa na, hvechim achi li tok kia, vm anumpa ha hvsv sm antia tuk keyushke, im ahanchi tok.

11. Mihma Chihowa im enchel vt vla cha, iti baiyi akish-tvla yemmut Oflah hikia hosh Choash Abieslait ak o im atalaia ak o binili tok: mihma ushi Kiteon vt Mitianait vheleha hak o in luhma chi hosh paki abushli ya bilika ho onush a boli tok.

12. Mihma Chihowa im enchel ash osh i haiaka cha, Chihowa yvt chib afoyukrvshke, hatak hlampko, hatak chilita nukwia iksho chia ma! im achi tok.

13. Mihma Kiteon vt, An Chitokaka ma! Chihowa yvt pibafoyuka hokak o nanta katiohmi ho ilvppa puyuta kut pi onvtola tuk o? nana afelna puta piki vheleha hut pim anolli, Chihowa ak osh Echip a akohchit pisht vla keyu, ahanchi beka tok mvto? yohmi kia himak ano Chihowa yvt pi kanchit, Mitianait vheleha ibbak a pi fohkishke.

14. Mihma Chihowa yvt i holhponayo onochit pisa mv, Ilvppa ish a kello kut ymmohmi hosh ia, mikmut Israel a Mitianait vheleha ibbak a ish hlakoficha chi hoke; chi pila li keyu cho? achi tok.

15. Mihma an Chitokaka ma! nanta hak o Israel a ishit hlakofichi la chi cho? yakeh! an chuka achvfa yvt Manasseh ya ilbusha yoke, micha aki in chuka achvfa ya moma ik lauwo sia hoke, im achi tok.

16. Mihma Chihowa yvt, Chibafoyuka li pulla chi hoke; mikma Mitianait vhleha hə hatak achufa chiyuhmichit issot ish kancha chi hoke, im achi tok.

17. Mihma, Himak a chi holhponayo hanta a chi ahayu-chi li hokma, yohmikma is sem anumpuli tuk vt nan isht atokowa is sə haiakvchashke.

18. Ish ia ná, chim asilhha lishke, ont falamvt nan isht aiokprehi yə isht vtvt, chi tikba talali li hayashke, achi tok. Mihma, Binili li anonti ish lashke, achi tok.

19. Mihma Kiteon vt ont chukowrt, issi kosoma ushi, micha bota tohbi efa achufa hə pska ik shatmmo atahli tok: nipi ano kishi fohki mvt, okchi yə shuti vni mvt, baiyi akishtela yə isht im ona cha, isht aiokprehi tok.

20. Mihma Chitokaka im enchel vt, Nipi micha pska ik shatmmo yə ishi cha, teli ilvppa onochi cha, okchi yə hlatvli, im achi tok. Mihma yvmohmi tok.

21. Mihma Chihowa im enchel vt tvbi ibbak foyuka tuk vt weli cha, tvbi wishakchi yə nipi micha pska yə tikelichi ma, luak vt teli yə kohcha cha, nipi micha pska ik shatmmo yə hushmit tahli tok. Yvmohmi ma Chihowa im enchel vt ia na ik peso ki tok.

22. Mihma Kiteon vt Chihowa im enchel atuk ə akostinichi mvt, Kiteon vt, Ikikkeh! Chitokaka Chihowa ma! Chihowa im enchel a nashuka itipisa li hokvt, achi tok.

23. Mihma Chihowa hvvt, Chi nuktaiyalashke, chi nukshopa ná, chilla he keyu hoke, im achi tok.

24. Yvmohmi ma Kiteon vt Chihowa yə alta im ikbi cha, Chihowa-shalom hochifo tok: himak nitak a Abieslait vhleha in tumaha Oflah yə a hikia moma hoke.

25. Atuk ə yakohmi tok, mih ninak ak inli hə Chihowa yvt, Chiki i wak hobeik himita, wak hobeik atukla afvmmi untuklo kak ə ish ishashke; micha Baal im alta chiki vt ikbi tok a ish kinvffashke, micha iti lokoli bilika hieli ka chanlit ish akvchashke:

26. Micha teli paknaka ilvppa a chim apesa li ka Chihowa chin Chitokaka yə alta ish im ikbi cha, wak hobeik atukla kash ishit vbit, iti lokoli chanlit ish akvcha chi kvvt,

isht hukmit isht aiokpvechi isht ish aiokpvehashke, im achi tok.

27. Yvmohmi ma Kiteon vt in tishu pokoli h_o ishi cha, Chihowa yet im achi tuk mak o yvmohmi tok: mihmvt i_{ki} in chuka achvfa, micha tvmaha holihta hatak aiena ka i nukshopa hatuk osh, nitak a yvmihcha he keyu hosh, ninak o yvmohmi tok.

28. Mihma tvmaha holihta hatak vhleha hvt onnahnili fehna wakaya ma, yakeb! Baal im alta vt kinafa ma, mihma iti lokoli ymma bilika hikia tuk vt chayvt kinahli, micha wak hobvk atukla kash o alta toba tuk a onochit isht aiokpvechi tuk achini tok.

29. Yvmohmi ma it i ponaklot, Keta hosh ilvppa yvmihchi tuk oh cho? achi tok. Atuk osh okla asilhhvchit ponaklo ma, Choash ushi Kiteon ak osh ilvppa yvmihchi tuk oke, okla achi tok.

30. Yvmohmi ma tvmaha holihta hatak vhleha hvt Choash a, Chiso ha ishit ish kohcha na illashke: Baal im alta ya kinvffi hokvt, micha bilika iti lokoli tuk a chanlit kinvffi hokvt, im achi tok.

31. Mihma Choash vt i sanalit hiel kash, Baal a apehport hvsh anumpula chi ho? hvsh apoba chi cho? kena hosh apehport anumpula hinlakmvt, yvmmak osh onnahnili moma na illashke; kena hosh im alta ya kinvffi ka Chitokaka naholbvt toba ak okmvt, ilap ak inli hosh il apehport anumpulashke, im achi tok.

32. Yvmohmi mvt nitak ymma Chelub-baal hochifot, Im alta kinvffi hoka, Baal ak osh apehport anumpulit i sanalashke, achi tok.

33. Yvmohmi ma Mitianait vhleha, micha Amalekait vhleha, micha hvshi akochaka in chipota vhleha aiena kv itiboyvt itnaha cha, ivt Chesleel okfa hak o ont binanchi tok.

34. Yohmi kia Chihowa imi Shilombish vt Kiteon a onvtola na isht-pufa olachi na Abiese vt im itnahvt iakaiya tok.

35. Mihma anumpa shali vhleha Manasseh ya pilvt hlopullichi tok: mihma yvmmak kia im itnahvt iakaiya tok: mihmvt Asha, micha Sebulun, micha Naftali aiena ka anumpa shali vhleha i pila tok: mihma afamvt minti tok.

36. Mihma Kiteon vt Chitokaka ya, Ish achi tuk vt yu-mohmit subbak ak o Israēl a isht ish hlakoficha chī hokmvt,

37. Yakeh! chukfi hishi ya anihechi ya bohli la chī hoke: yohmi ka fichak vt chukfi hishi ak bano hō onvtola cha, yakni inla hokvto shila biekakma, yohmikma ish achi tuk vt Israēl a subbak ak o isht ish hlakoficha chī ka, ithaiyana la chī hoke, im achi tok.

38. Atuk o yrmohmi tok; onna ma onnahinli wakaya mvt, chukfi hishi ya yichiffit ishi cha, fichak a bushlit chukfi hishi akohchi na oka vt ampo alota achvfa tok.

39. Mihma Kiteon vt Chitokaka ya Isht chim anukkilli vt a sanalit ik libbo kashke: mikma himonna ilvppak bano hō anumpuli lashke: Himonna ilvppak bano hō chukfi hishi ya isht imomaka pisa lashke, chim asilhha lishke; himak ano chukfi hishi ak illa hosh shilakma, yakni paknaka moma hokvno fichak vt onvtolashke, im achi tok.

40. Mihma Chitokaka yvt ninak yvmma yvmihechi tok: ohukfi hishi ak illa hosh shila ma, fichak vt yakni moma onvtola tok.

CHAPTA VII.

YUMOHMI ma Chelub-baal (yrmvmt Kiteon) ak osh okla moma apeha tuk aiena kv̄t onnahinli fehna wakaya mvt, keli Halot ak o bilika binanchi tok: yohmi hō Mitianait okla ehito vt i falm̄mi imma in tvm̄vp n̄nih Moleh bilika okfa kak o aiasha tok.

2. Mihma Chihowa yvt Kiteon a, Okla chi apihvt aya kv̄t laua fehna hatuk o, Mitianait v̄hleha hā ibbak fohki la he keyushke; i yohmi li hokma, Israēl vt v̄m ilauatvt, Uno subbak ak inli hosh sa hlakofichishke, acha hinla hoka.

3. Yrmohmi hoka himak a okla hā haklochit anumpulit, Kv̄na hosh nukshopvt komuntakmvt, Kileat n̄nih hā onnahinli a falamvt iashke, ish achashke, achi tok. Mihma okla hv̄t tahlepa sipokni pokoli tuklo cha tuklo aiena kv̄t falamvt ia tok; mihma tahlepa sipokni pokoli hosh asha tok.

4. Mihma Chihowa yvt Kiteon a, Okla hv̄t laua momvsh-

ke : oka aiasha isht ish onashke, mikma yummak o ai imomaka chi pisa lashke : mikma yakohma chi, kena ho, Ilvppak osh chi awant ia chi, chim achi likma, yummak osh chi awant ia chi hoke ; micha kena ho, Ilvpput chi awant ia he keyu, chim achi likma, yummak oket ia he keyu hoke, im achi tok.

5. Yemohmi ma, okla ha oka ai asha isht ona tok : mihma Chihowa yvt Kiteon a, Isunlesh a oka isht taklit ishko krt, ofi yosh isunlesh isht takli ka chohmikma moma kia ila naksika ish hilechashke ; mikmut iyikvlaha hachukbihlept hikia hosh ishko kak kia ila naksika ish hilechashke, im achi tok.

6. Yohmi ma ibbak isht taklit ishko krt holhtina krt talepa tuchina tok : amba inla moma kuto hachukbihlept iyikvlaha isht hikiut ishko tok oke.

7. Mihma Chihowa yvt Kiteon a, Hatak talepa tuchina oka taklit ishko tuk mak o ishit chi hlakofichit, Mitianait vheha ha chibbak fohki la chi hoke : mikma okla inla moma kuto ai vta aiyukali onashke, im achi tok.

8. Yemohmi ma pinak, micha isht pufa aiena ka ibbak isht ieshi tok : mihma Israel vheha inla moma kuno im vlbina aiyukali pit tihleli cha, hatak talepa tuchina yummak ash o ishi tok. Mihma Mitian okla tvshka chipota hut nutaka okfa ho aiasha tok.

9. Atuk o yakohmi tok, mih ninak ak inli Chihowa yvt, Wakaya cha, tvshka chipota ai asha ka akowvt ona ; chibbak a fohki li hoka.

10. Amba ia ka chi nukwiakmut, chin tishu Fulah yak o ish ishi cha, tvshka chipota ai asha ka ish onashke.

11. Micha nana achi ka ish hakla chi hoke ; micha himmakma chibbak vt hlampko cha, tvshka chipota aiasha ka ish im ona chi hoke, im achi tok. Yohmi ma in tishu Fulah ya ieshi cha, ivt hatak na halupa ieshi tvshka chipota ibafoyuka vli ho ona tok.

12. Mihma Mitianait vheha, micha Amalekait vheha, micha hvshi akochaka in chipota aiena krt okfa ha kahvt aya krt, lawa krt hateffo chiyuhmi ma, i kamel vt a holhtina

iksho, laua kut okheta lapalika shinuk ai asha kak o chiyuhmi tok.

13. Atuk o Kiteon ut ona ma, yakeh! hatak achufa kut holhpokuna cha, ilap ai achufa ka im anoli mut, Yakeh! holhpokuna sa holhpokuna ma, yakeh! bali pska lumbo achufa hosh tonolit ia mut, Mitian tushka chipota iba chukowut ia mut, binah ho ona cha, issot kinffi na binah hash ot filema cha, aka ptaya tuk oke, achi tok.

14. Mihma ilap ai achufa yut afalamichi mut, Ilvppet inla keyu, amba Kiteon Choash ushi, Israel hatak i bshpo falaia mak oke: Chitokaka yut Mitian, micha in tushka chipota moma ka ibbak a fohki hoka, achi tok.

15. Atuk o yakohmi tok, Kiteon ut holhpokuna, micha toshowa aiena anoli na haklo mut, Chihowa aiokprechi mut, falamut Israel tushka chipota ai asha ka ona mut, Hush wakayashke, Chihowa hut Mitian tushka chipota laua ya hvch ibbak a fohkishke, achi tok.

16. Mihmut hatak tahlepa tuchina kash apehlichu tuchina ho ita kvshkoli cha, hatak moma ka isht pufa ibbak fohki mut, ishtochi nana vhto keyu pula ho fohki tok.

17. Michu, Hs sa pisa cha, ymmak inli hvsh yohmashke: atuk osh yakeh! binah vli ona likma, yakohmashke, nana ymmohmi li kak o hvsh ymmohmashke.

18. Isht pufa yo olachi li, vno, micha si apeha aiena kut, mikma hvchishno ak kia momut binah apakfoyuput isht pufa ya hvsh olachashke, mikmut Chihowa, micha Kiteon i bshpo falaia yoke, hvsh ahanchashke, im achi tok.

19. Ymmohmi tuk o Kiteon, micha hatak tahlepa achufa apihut aya tuk ut ninak atoni ikvna isht ia vmona ho b nah vli ho ona tok; mihma himona atoni hilechit tahli tok: mihma isht pufa olachi mut, ishtochi ibbak fohka tuk ut koli tok.

20. Michu apehlichu tuchina tuk ash osh isht pufa ya olahanchi mut, ishtochi ya koli, micha ibbak vhfubek imma ya pula isht ieshi mut, ibbak isht impak imma yano isht pufa olacha chi kut isht ieshi tok: micha okla tushka paya mut, Chihowa, micha Kiteon i bshpo falaia yoke, ahanchi tok.

21. Mihma hatak moma kv̄t a hikia he v̄lhpesa kv̄t hikīvt binah h̄a apakfoyupa tok; mihma tv̄shka chipota laua yv̄t yihlepv̄t yaiya mv̄t, maleli tok.

22. Mihma tahlepa tuchina kash osh isht p̄ufa olahanchi tok; mihma Chihowa hv̄t tv̄shka chipota laua ȳa hatak puta ī bv̄shpo falaia ilap b̄ika isht it ī sanalichi tok; mihma tv̄shka chipota laua yv̄t yihlepv̄t Selelalh imma Belh-shittah h̄a, micha Tabbalh Abel-meholah v̄hli ka ona tok.

23. Mihma Israel hatak v̄hleha hv̄t Naftali, micha Asha, micha Manasseh moma aiena ka akohev̄t itihoyot itvnaha cha, Mitianait v̄hleha h̄a iakaiyv̄t hlioli tok.

24. Mihma Kiteon vt anumpa shali ȳa Eflaim nvnih moma ka tihlelit, Akowv̄t hv̄sh minti cha, oka Belh-balah, micha Chatan ont ai v̄hli ka tikba hv̄sh ai ishashke, ahanchi tok. Mihma Eflaim hatak moma kv̄t iti hoyot itvnaha cha, oka Belh-balah, micha Chatan ont ai v̄hli ka ishi tok.

25. Mihmv̄t Mitianait tv̄shka pehlichī tuklo Oleb, micha Seeb a ishi tok: micha Oleb a Oleb tv̄li onochit v̄bi cha, Seeb a p̄aki a hollokchi Seeb in talaia ka ai v̄bi tok; micha Mitian a hlioli tok, mihmv̄t Oleb, micha Seeb noshkobo h̄a ish̄it Chatan mish tv̄nnvp̄ Kiteon a isht im ona tok oke.

CHAPTA VIII.

YUMOHMI ma Eflaim hatak v̄hleha hv̄t, Nanta katiohmi h̄o ish pi yakohmichi tuk oh cho? Mitianait v̄hleha h̄a itibit ish ia mv̄t, chik pi hoyo kv̄t, achi tok; mihmv̄t okla itachowv̄t ī kullo tok.

2. Mihma, Uno kaniohmi li tuk vt chishno ȳa nanta isht ahoba cho? Eflaim p̄aki v̄lb̄elli ak osh achukma kv̄t Abiese vt p̄aki vmo ka ī shahli keyu?

3. Chitokaka yv̄t Mitian tv̄shka pehlichī Oleb, micha Seeb a hv̄ch ibbak fohki tuk oke: yohmi ka nanta hak o nana hv̄sh yvmihchi tuk o chohmi h̄o yvmihchi la hinla tuk o? im achi tok. Yvmohmit yv̄mma achi ma, anukhobela tuk vt ī yokopa tok.

4. Mihma Kiteon vt Chatan a ona tok; mihmvt yemma, micha hatak tahlepa tuchina apihvt aya kash aienvt hoyrbli kia, hlioli moyuma hosh hlopulli tok.

5. Mihma Sukkolh hatak vhleha ha, Okla si akaiya ka pska lumbo kanohmi ka hvsh imashke, hvchim asilhha lishke: hoyrbli hoka, micha Mitian miko Sebah, micha Salmunna ita tuklo ka hlioli li hoke, im achi tok.

6. Mihma Sukkolh okla pehlichu vhleha hvt, Sebah, micha Salmunna ibbak vt chibbak a foyuka tuk o, chin teshka chipota ya pska il ipeta hinla cho? achi tok.

7. Mihma Kiteon vt, Ymohmi ka Chihowa yvt Sebah, micha Salmunna ya svbbak fohkikma, yakni haiaka kvt, micha onush isht nihechi aiena ho hvchi nipi ya ishit hllilichi la chi hoke, achi tok.

8. Michu yemma vttvt irt Penuel a ona mvt, yemmak inli ho i miha tok: mihma Penuel hatak vhleha hvt afalamichit anumpuli kvt, Sukkolh hatak vhleha hvt afalamichit anumpuli tuk mak o chohmi tok.

9. Mihma Penuel hatak vhleha hak kia im anumpulit, Si achukmakvt falamvt vla likmvt, holihta chaha ileppa kinffi la chi hoke, achi tok.

10. Mihma Sebah, micha Salmunna itatuklo kvt, micha in teshka chipota, hatak tahlepa sipokni auah talilapi foka hosh hvshi akochaka in chipota teshka chipota laua yatuk a hlakofi tuk vt moma mak o aiena kvt Kalko ak o aiasha tok; hatak bvshpo falaia ieshi vt tahlepa sipokni tahlepa achefa cha, pokoli tuklo hosh akuma tuk oka.

11. Mihma Kiteon vt Nobah, micha Chokbehah hvshi akochaka imma vhtipo aiasha hina ia hosh teshka chipota laua ya ont issot kanchi tok; teshka chipota laua yvt ik nuktahlo hatuk oka.

12. Mihma Sebah, micha Salmunna vt tihlaiya ma, hlioli tok; micha Mitian miko tuklo Sebah, micha Salmunna yash ishi cha, teshka chipota laua ya komuntvchit yuhli tok.

13. Mihma Choash ushi Kiteon vt hvshi vt ik kohcho kisha ho tenp aya tuk vt falama tok.

14. Michu Sukkolh hatak vhleha ha ai achefa hatak hi-

mita y_o hokli cha, i ponaklo tok: mihma Sukkolh pehlich i vhleha, micha hatak asvnonchi vhleha aiena yvmmvt pokoli untuklo cha, untuklo h_o holissochit anoli tok.

15. Mihma Sukkolh hatak vhleha h_a im ona cha, Yakeh Sebah, micha Salmunna yvmma isht hvsh yopulvt, Sebah, micha Salmunna ibbak vt chibbak a foka tuk o, hatak chi apehvt aya hoyvbli ka pvska il ipeta hinla cho? ishit hvs si ahanchi tuk mak oke, achi tok.

16. Mich a tumaha holihta hatak im asvnonchi vhleha yash ishi cha, yakni haiaka kvti, micha onush isht nihechi aiena h_o Sukkolh hatak vhleha h_a nan isht im avvchi tok.

17. Mihmut Penuel holihta chaha y_a kinvffi cha, tumaha holihta yash hatak vhleha h_a vbi tok.

18. Yvmohmi mut Sebah, micha Salmunna itatuklo ka, Tabo hvsh ai vbi kvt hatak katiohmi hatok o? im achi ma, afalamichit anumpuli mut, Chi kaniohmi ka, yvmmak kia yohmi tok: miko y_o ushi vhleha nana chohmi bieka tok.

19. Mihma Kiteon vt, Itibapishi li vhleha ha tok, hvshki ushi vhleha ha tok oke: Chihowa yvt okchaya pulla ka apowvt ish okchalanchi tuk okma, hvchibe la he tuk keyu hoke, achi tok.

20. Mihmut ushi uttahpi fehna Chehle y_a, Wakaya cha, vbi, im achi tok. Yohmi kia hatak himita vt bvshpo falaia ya shufit ik esho tok: vlla fehna moma hatuk osh nukshopa hokvt.

21. Yohmi ma Sebah, micha Salmunna vt, Chishno vt ish wakaya cha, ish pi onvtolashke; hatak ak osh kaniohmikma, imi hlampko hvt yvmohmi chatuk oka, achi tok. Mihma Kiteon vt wakaya cha, Sebah, micha Salmunna y_a vbi mut, nan isht il akshema i kamel inuchi tuk a im ai ishi tok.

22. Yohmi ma Israel hatak vhleha hvt Kiteon a, Ish pi pehlichashke, chishno, micha chiso, micha chiso h_a iso ak kia aiena kvt: chishno ak osh Mitian ibbak a ish pi hlakofichi tuk okvt; im achi tok.

23. Mihma Kiteon vt, Hvchi pehlich i la he keyu, svso hak kia hvchi pehlich a he keyu: Chihowa ak osh hvchi pehlich a hi oke, im achi tok.

24. Mihma Kiteon vt, Nana asilhha achufa hq huchim ahni lishke, yummvt hatak hush puta kt na wehpoa haksobish takali immi aiyukali kt hrs sumashke, im achi tok. (Ishmaelait vhleha atuk okvt, teli holisso lakna haksobish takali vt im asha tok oke.)

25. Mihma afalamichit anumpuli mv, Aiokpanchit e bohlahske, im achi tok. Mihmv nafohka patali cha, hatak puta kt na wehpoa haksobish takali immi aiyukali kt pit fohki tok.

26. Mihma teli holisso lakna haksobish takali asilhha tuk weki kt teli holisso lakna shekel tahlepa sipokni achufa cha, tahlepa untuklo tok; nan isht il akshema puta, micha ikunla inuchi, micha nafohka hummaiyi Mitian miko vbeha tuk, micha itatakeli kamel vt inuchi tuk puta kt aiena tok.

27. Mihma Kiteon vt efot a ai ikbi cha, in tvmaha holihta, yummvt Oflah yak o bohli tok: mihma Israel moma kt ivt huit iakaiya tok: yummvt Kiteon, micha in chuka achufa isht ai ibetvli tok.

28. Yakohmi hosh Mitian vt Israel im vlla vhleha itikba ya i nutaka cha, i himmakma noshkobo ha ik akachakalecho tok. Mihma Kiteon i nitak afemmi pokoli ushta ka yakni vt achukmv talaia tok.

29. Mihma Chelub-baal Choash ushi vt ivt ilap in chuka akinli hq ont ahanta tok.

30. Mihma Kiteon vt ilap nipi tobachi vt ushi nakni pokoli untuklo tok; tekehi vt in laua tok okvt.

31. Mihma im itaiena yvt Shechem a anta tuk osh, yvmak kia vlla nakni yo im eshi na, hohchifo ka Abimilech hochifo tok.

32. Mihma Choash ushi Kiteon vt sipokni achukma hosh illi cha, iki Choash im ahollopi yvt Oflah Abieslait vhleha yakni ahikia ka a hollopi tok.

33. Atuk o yakohmi tok, Kiteon vt illi mak inli hq, Israel im vlla vhleha hvt anonti falamvt huit ia cha, Baalim a iakaiya cha, Baal-belilh naholbt toba ya aiokechi tok.

34. Micha Israel im vlla vhleha hvt Chihowa in Chito-

kaka yummak osh in tenvp vt apakfoyupa tuk ibbak a ahla-kofichit kohonchi tuk a ik ithaiyano tok.

35. Micha Chelub-baal, yummvt Kiteon in chuka achvfa ya, yummvt Israel a i kana tuk a chiyuhmit okla i kana tok keyu hoke.

CHAPTA IX.

YUMOHMI ma Abimilech Chelub-baal ushi vt Shechem onvt, ishki itibapishi vhleha ha im ona cha, itim anumpulit, micha ishki ya iki in chuka achvfa moma ka itim anumpulit yak abanchi tok.

2. Shechem hatak moma ka im anumpulit hvsh haklo-chashke, hvchim asilhha lishke, Chelub-baal ushi vhleha pokoli untuklo kak osh hvchi pehlich kvt hvchim vhpiesak-má, ak cho? achvfa hosh hvchi pehlich kak oh cho? hvsh im achashke, micha vno chi foni, micha chi nipi ak inli sia ka, hvsh ithaiyanashke, achi tok.

3. Mihma ishki itibapishi vhleha hvv anumpa ilvppa puta ka Shechem hatak moma ka isht im anumpuli tok: mihma chukvsh vt Abimilech a iakaiya kak o nukfoyuka tok: Piti-bapishi hoka, achi hatuk osh.

4. Micha tvli hvta tushahli pokoli untuklo ho Baal-belilh in chuka ya a kohchit okla ima na yummak o Abimilech vt hatak makali, micha hatak ilefenrchi ya ishit tohno na iakaiya tok.

5. Micha iki in chuka Oflah talaia ka ona cha, itibapishi vhleha Chelub-baal a ushi vhleha hatak pokoli untuklo ho tvli achvfa ho onochit vbi tok: yohmi kia Chohlam Chelub-baal ushi ishtaiyopi vto hlakofi, luma hatuk osh.

6. Mihma Shechem hatak moma kvt iti hoyot itrnaha, micha Millo in chuka moma aiena kvt ivt, holihta Shechem talaia baiyi ya bilika kak o Abimilech a miko ai ikbi tok.

7. Atuk o Chohlam a im anoli ma, ivt Kelisim nvni paknaka ont hikia cha, chitolit pahayvt, Hvs sa haponaklashke, Shechem hatak vhleha hvchia ma! yummohmi ho Chitokaka yvt hvchi haponaklashke.

8. Pehlicha chī ka iti puta ket himonna ma nan ahemmit miko ikba chī hosh kohevt ia tok: micha Alif vpi ya, Ish pi mikashke, im achi tok.

9. Yohmi kia Alif vpi vt, Sa nia yummak o Chitokaka, micha hatak aiena ka ishit holitoblichi chatuk a issa lish, ivt iti puta kak o pehliehit o wakayvt hikia la hinla cho? im achi tok.

10. Mihma iti puta ket fik vpi ya, Ish la cha, ish pi mikashke, im achi tok.

11. Yohmi kia fik vpi vt, Sa champuli tuk, micha vni achukma ho vni li tuk vt kanchi lish, iti puta kak o pehliehit o wakayvt hikia la pinla cho? im achi tok.

12. Yvmohmi ma iti puta ket paki vpi ya, Ish la cha, ish pi mikashke, im achi tok.

13. Mihma paki vpi vt, Um oka paki ya yummvt Chitokaka, micha hatak a chukesh yukpali chatuk a issa lish, ivt iti puta kak o pehliehit o wakayvt hikia la hinla cho? im achi tok.

14. Yvmohmi ma iti puta ket shumo ya, Ish la cha, ish pi mikashke, im achi tok.

15. Mihma shumo vt iti puta ka, Ahli mak oshi hvechi pehlichi miko hrs sakbi hokmt, vlt a hoshontika nutaka ya hrsh atukkashke: keyukma luak vt shumo ya akohcha cha, Lebanon chuahla ya hukmit tahlashke.

16. Yvmohmi ka himak a Abimilech a miko hrsh ikbi ket, chukesh ai ahli apissanli tuk okma, micha Chelub-baal, micha in chuka achvfa ya ai vlpiesa, micha ibbak asitebi tuk vlpesa kak o hrsh i yvmohmi tuk okma,

17. (Aki vt hvechim itibit, im ilhfiopak a ishkenapvehi fehvt, Mitian ibbak a ahlakofichit hvechi kohehichi tok.

18. Yvmohmi tok a himak nitak a aki in chuka achvfa ya i sanalit hrsh wakaya cha, ushi vhleha hatak pokoli untuklo ho teli achvfa onochit hrsh bi cha, in tishu ohoyo ushi Abimilech a hveh itibapishi hoka, Shechem hatak vhleha ha i miko hrsh ikbishke.)

19. Yvmohmi ka chukesh ai ahli hosh himak nitak a Chelub-baal, micha in chuka achvfa ya hrsh i yvmohmi ket

ghlikmut, yohmikmut Abimilech a hvsh a yukpakma, Abimilech vt hvchi a yukpashke.

20. Amba keyukma, luak vt Abimilech a akohcha hosh Shechem hatak vhleha, micha Millo in chuka ya hukmit tahlashke: micha luak vt Shechem hatak vhleha, micha Millo in chuka ya akohcha hosh Abimilech a hukmit tahlashke, in achi tok.

21. Mihmut Chohlam vt malelit knivt, Bee ak o ona cha, itibapishi Abimilech a i nukshopa kak osh ymmak o vta tok.

22. Abimilech vt Israel a i miko tok afummi tuchina ma,

23. Yohmi ma Chitokaka yvt shilombish okpulo ya Abimilech, micha Shechem hatak vhleha ha itintakla ya pila tok; mihma Shechem hatak vhleha hv ai vhpiesa keyu ho Abimilech a i yvmohmi tok.

24. Yvmohmi ho Chelub-baal ushi pokoli untuklo ka ilbushali tok vt micha im issish vt itibapishi Abimilech ymmak osh vbi tok a, micha Shechem hatak vhleha, ymmut itibapishi vhleha vbi ka apelvchi tok aiena ka ant onvtoyula chi hatok.

25. Mihma Shechem hatak vhleha hv im aiehchi hatak a nnih paknaka ashachi na ymma pilla ka kva hosh ayakma, moma okla wehpuli tok: atuk o Abimilech vt im annoa tok.

26. Mihma Kaal Ebet ushi vt mintit itibapishi vhleha itapihvt Shechem a ona tok: mihma Shechem hatak vhleha hv anukehieto tok.

27. Atuk osh kohchvt osapa ona cha, paki ya vmot tahli mut, ahvhlich chi, chepullit nayukpvt aiasha tok: mihmut i naholbvt toba im aboha chukowa cha, impvt, nan ishkot aiasha mut, Abimilech a kalakshichit mihachi tok.

28. Mihma Kaal Ebet ushi vt, Abimilech vt kva ho? micha Shechem vt kva hatuk o il im antia hinla ho? Chelub-baal ushi keyu? Sebul ak osh im anumpeshi keyu ho? Hamo hatak vhleha Shechem iki ak o hvsh im antiashke: nanta katiahmi ho ymma il im antia hinla cho?

29. Michi okla ilvppa sabbak a i nutakvchi tuk okbano,

yohmikma Abimilech a kenullichi la hinla, achi tok: mihmut Abimilech a, Chin tvshka chipota ya ish lauachi cha, ish kohchashke, im achi tok.

30. Atuk o Sebul tmaha holihta pehlichi vt, Kaal Ebet ushi im anumpa ha haklo mut, im ai i nukkilli vt libbi tok.

31. Mihmut Abimilech a anumpa shali vhleha ha lumt i pilt, Yakeh! Kaal Ebet ushi vt, micha itibapishi aiena kut Shechem a vlvshke; micha yakeh! chi sanalit tmaha holihta ya ai yimilichishke.

32. Yohmi ka inta! ninak a wakaya cha, chishno, micha okla chi apehvt aiasha aiena kut, micha osapa yak o hvsh im aiehchashke.

33. Atukma yakohma chi hoke, onnahinli hvshi kohcha mak inli ho onnahinli fehna ho wakayvt, tmaha holihta ya akanvllit ish fahamashke, micha yakeh! yvmma, micha okla apehvt aiasha kut kohchvt chitibikma, kaniohmi na ish pisakmut, nana ho kaniohmichi chi bnnakmut, ish yvmohmashke, achi tok.

34. Mihma Abimilech vt, micha okla apehvt aya tuk aiena kut ninak o wakaya, aya ushta hosh Shechem a im aiehchit aiasha tok.

35. Mihma Ebet ushi Kaal vt kohchvt tmaha holihta a chukowa holihta okhissa ya hikia tok: mihma Abimilech, micha okla apehvt aya tuk moma kut im aiehchit aiasha tuk vt wakaya tok.

36. Mihma okla ha Kaal vt pisa mut, Sebul a, Yakeh! okla het neni ha akowvt mintishke, im achi tok. Mihma Sebul vt, Neni het hoshontika kak osh hatak ahoba ho ish pisa hoke, im achi tok.

37. Mihma anonti Kaal vt anumpulit, Pisá, okla het brcha i shahli ha minti ma, aya inla kut baiyi Meonenim pilla ho mintishke, achi tok.

38. Yvmohmi ma Sebul vt, Chitih isht anumpulit, Abimilech ak osh keta hatuk o il im antia hinla cho? ish ahanchi tuk mvto? okla ileppak o ish shitilema tuk mak keyu? inta! himak a ish kohcha cha, ish itibashke, im achi tok.

39. Mihma Kaal vt Shechem hatak vhleha ha itikba ia cha, Abimilech a itibi tok.

40. Mihma Abimilech vt hlioli na i maleli ma; laua ket akakohvt, micha nvhvt mahayvt holihta okhissa a chukowa ya ona tok.

41. Mihma Abimilech vt Alumah yak o vtta tok: mihma Sebul vt Kaal, micha itibapishi vhleha ha kohchichi na Shechem a vtta he keyu tok.

42. Atuk o yakohmi tok, onna ma okla hvt kohchvt osapa ona tok: mihma Abimilech a im anoli tok.

43. Mihma okla ishit apelhichi tuchina ho ita kvshkoli mvt, im aiehchit hoyot osapa ya aiasha ma, yakeh! okla hvt tmaha holihta ya kohcha tuk o pisa tok: mihma wakayvt itibi cha, issot kanchi tok.

44. Mihma Abimilech, micha aya achufa apeha tuk vt yihlept tikba ivt, tmaha holihta okhissa achukowa ya hieli tok: mihma aya tuklo kvt okla moma osapa aiasha ka o yihlepa cha, vbit tahli tok.

45. Mihma Abimilech vt tmaha holihta ya itibi na nitak yemmet shohbi tok: micha tmaha holihta ya ishi cha, okla aiasha ka vbit tahli mvt, tmaha holihta ya tivblit tahli cha, hvpi o fimmit tahli tok.

46. Mihma Shechem chuka chaha ai atoni hatak aiasha tuk vt yemma haklo mvt, naholvt toba Belilh in chuka holihta chaha nahalupa aiasha ya okla chukowa tok.

47. Mihma Shechem chuka chaha ai atoni hatak moma ket iti hoyot itnahvt aiasha ka, Abimilech a im anoli tok.

48. Mihma Abimilech vt ivt nvnih Salmon a oiyvt, ilap, micha okla apelvvt aya tuk moma ket ona tok; mikma Abimilech vt iskifa ishi cha, iti naksish chanlit tvblit ishi cha, tahchi onochi mvt, okla apelvvt aya tuk a, Nana kaniohmi li ka hvv sa pisa ket, tushpt nana kaniohmi li ka hvsh ymihchashke, im achi tok.

49. Mihma okla moma ket iti naksish tvbli ak inli bieka cha, Abimilech a iakaiya mvt, holihta chaha nahalupa aiasha ya ai itnahli cha, holihta chaha nahalupa aiasha ya luak on tikelihi tok: yohmi na Shechem chuka chaha ai atoni hatak aiasha tuk moma ket yemmak kia hatak, micha ohoyo tahlepa sipokni achufa foka hosh illit taha tok.

50. Yumohmi ma Abimilech vt Hlebes a ona cha, Hlebes a abinachit itibi cha, ishi tok.

51. Yohmi kia tumaha holihta ya chuka chaha ai atoni kello hosh talaia tuk o yummak o hatak, micha ohoyo moma, micha tumaha holihta aiasha tuk moma ket yihlept chukowa cha, il on okhishta met, chuka chaha ai atoni paknaka ya ona tok.

52. Mihma Abimilech vt chuka chaha ai atoni ya ona cha, itibi met, luak ishit hukma chi hosh chuka chaha ai atoni okhissa ya bilika ona tok.

53. Mihma ohoyo achufa hosh tanchi afotoha teli tushafa yo Abimilech noshkobo ha ishit kahlaha chi hosh et pila tok.

54. Yohmi ma tushpa hosh in tishu hatak himita i nahalupa sholi ya i howet, Chi breshpo falaia ya ish shufi cha, is svbashke, yohmi na hatak vt, Ohoyo hosh rbi tuk ik si acho kashke, im achi tok. Mihma hatak himita ash osh ishit bahlit hlopullichu na illi tok.

55. Yumohmi ma Israel hatak vheha hvt Abimilech vt illi na pisa met, iet aitta ai yukali ona tok.

56. Yakohmi hosh Chitokaka yet Abimilech nan ashvchit iki ya nana kaniohmichit itibapishi pokoli untuklo rbi tok a onochi tok.

57. Micha Shechem hatak vheha nana ik achukmo yumohmi tuk puta ka Chitokaka yet ilap noshkobo hak o onochi tok: mihma Chelub-baal ushi Chohlam vt nana ik achukmo ka he anumpa anumpuli tok mak osh onvtola hatok.

CHAPTA X.

YUMOHMI ma Abimilech a iakaiyvt Israel a apela chi ket Toto ushi, Puah ushi yosh Tola Issaka hatak osh hikia tok: micha Shami Eflaim nmih ak o rta tok.

2. Micha Israel a afcmmi pokoli tuklo akucha tuchina ho nana im apesa met, illi cha, Shami yak o a hollopi tok.

3. Mihma iakaiya ket Chai Kileat hatak osh hikia cha, Israel a afcmmi pokoli tuklo akucha tuklo ho nana im apesa tok.

4. Mihma yummvt ushi vt pokoli tuchina hosh issuba haksobish falaia ushi vt i pokoli tuchina om binohli; micha tumaha holihta yvt pokoli tuchina himak nitak a Hafolh Chai hohchifo hosh Kileat yakni talaia yummak osh im aia-sha tok.

5. Mihma Chai vt illi cha, Kamon ak o a hollopi tok.

6. Mihma Israel im vlla vhleha hvt Chihowa itikba ya nana ik achukmo ka yvmohmit Baalim, micha Ashtaloh, micha Silia i naholbvt toba puta, micha Siton i naholbvt toba puta, micha Moab i naholbvt toba puta, micha Ammon in chipota i naholbvt toba puta, micha Filistin vhleha i naholbvt toba puta aiena kak o aiokprechi cha, Chihowa ya issa cha, ik im antio tok.

7. Mihma Chihowa im ai i nukkilli vt libbit Israel a i saneli cha, kanchit Filistin okla ibbak a fohki mvt, Ammon in chipota aiena ka ibbak a fohki tok.

8. Mihma afvmmi yvmma Israel im vlla vhleha ha afvmmi auah untuchina ho apistikelit ilbrshali tok, Israel im vlla vhleha moma Chatan mish tennvp Amolait vhleha i yakni Kileat aiasha kak atok.

9. Michā Ammon in chipota hvt Chatan a vbanvblit Chutah, micha Benchamin, micha Eflaim in chuka achufa ya itibi tok: yvmohmi ho Israel vt ilbrsha fehna tok.

10. Mihma Israel im vlla vhleha hvt Chihowa ya i pahayvt, Pin Chitokaka ya il issa cha, Baalim a il aiokprechi kak osh pi yoshuhumba tuk oke, achi tok.

11. Mihma Chihowa yvt Israel im vlla vhleha ha, Uno ak osh Echip okla, micha Amolait vhleha, micha Ammon in chipota, micha Filistin vhleha aiena ka a hvchi hlakofichi li tok keyu?

12. Sitonian vhleha ak kia, micha Amalekait vhleha, micha Maonait vhleha aiena kv hvch ilbrshali tok; mihma hrs sa pahaya ma, ibbak a ai i mokofit hvchi hlakofichi li tok oke.

13. Yohmi kia hrs sa kanchi cha, okla inla i naholbvt toba puta ka hvsh aiokpahanchi tuk oke: yvmohmi ka himakma hvchi hlakofichi la he keyu hoke.

14. Oh ia cha, naholbvt toba vhleha hvsh ahni tuk ak osh hvsh i pahayashke.

15. Mihma Israel im vlla vhleha hv Chihowa ya, Pi yoshuhumba tuk oke: nana ho vhpesa ish ahnikmvt, ish pi yvmihchashke; peh himak nitak a ish pi hlakofichashke, e chim asilhhvshke, im achi tok.

16. Mihmvt okla inla i naholbvt toba puta kvv im ai itintakla aiasha ka kanchi cha, Chihowa yak o im antia tok: mihma Israel vt ilbvsha kak o imi shilombish vt nukhaklo tok.

17. Mihma Ammon in chipota vhleha hv itvnahvt, Kileat ak o abinachi tok. Mihma Israel im vlla vhleha hv itiho-yot itvnaha cha, Mispvh yak o abinachi tok.

18. Mihma Kileat okla, micha pehlichv vhleha aiena kvv, Hatak kvta hosh Ammon in chipota ha itibit ishit wakaya chi cho? kvna hosh yohmikmvt, Kileat okla moma ka i noshkoboka ya chi hoke, im achi tok.

CHAPTA XI.

YOHMI ma Chefhlah Kileat hatak hlampko chilita nuk-wia iksho hosh ohoyo haui ushi atok; mihma Kileat vt Chefhlah ya tobachi tok.

2. Mihma Kileat tekchi vt ushi vhleha im eshi tok; atuk osh tekchi ushi vhleha hv hofantit taha mvt, Chefhlah ya kocha pit tobli cha, Piki in chuka achvfa ya ish ahalaia he keyu, ohoyo inla ushi chia hokvt, im achi tok.

3. Yvmohmi ma Chefhlah vt itibapishi vhleha ha i maleli cha, Tob yakni ak o ont ai vttatok: mihma hatak makali puta kvv Chefhlah ya im itvnaha cha, awant kohchvt ia tok.

4. Atuk o nitak inla ma yakohmi tok, Ammon in chipota hv Israel a in tanampi tok.

5. Atuk ash o Ammon in chipota hv Israel a in tanampi ma, Kileat hatak asvnonchi vhleha hv Chefhlah ya Tob yakni ya ont ai isht vla chi hosh ia tok:

6. Michv Chefhlah ya, Ish minti cha, pi kvpitvni ish toba na Ammon in chipota ha il itibashke, im achi tok.

7. Mihma Chefhlah vt hatak asnonchi vhleha hash, Hvs sa nukkilli cha, aki in chuka ya kocha pit hvs san tobli tok keyu? micha nanta katiahmi ho hrech ilbvsha mvto himak a hvs svm vla cho? im achi tok.

8. Yvmohmi ma Kileat hatak asnonchi vhleha hash osh Chefhlah ya, Yvmohmi kak o pi awant ish ia cha, Ammon in chipota ha ish itibi cha, pi noshkoboka tobtv Kileat okla moma ish i shabla chi ho, himak a anonti filemtv e chi pi-hivshke, im achi tok.

9. Mihma Chefhlah vt Kileat hatak asnonchi vhleha hash, Ammon in chipota ha itibi la chi ka an chuka hvs susht ona tuk o, Chihowa hvv yvmma vma hokma, hvchi noshkoboka sia ha chi cho? im achi tok.

10. Mihma Kileat hatak asnonchi vhleha hash ot, Chihowa ak osh pim atokolashke, chim anumpa ha ke yvmohmokma, im achi tok.

11. Mihma Chefhlah vt Kileat hatak asnonchi vhleha awant ia ma, okla hvv i noshkoboka, micha kvpitvni ikbi tok: mihma Chefhlah vt Mispah ya ilap im anumpa moma Chihowa itikba ya ai anumpuli tok.

12. Mihma Chefhlah vt Ammon in chipota i miko ya anumpa shali vhleha i pila mvv, Nanta isht hvs si ahalaia hosh a yakni satibit ish la cho? achi tok.

13. Mihma Ammon in chipota i miko vt Chefhlah im anumpa shali vhleha ha afalamichit, Israel vt Echip a kohchvt aya kvv, a yakni ya vm ai ishi tok, Anon a vttvt ivv Chabbok, micha Chatan ona ai vhli ka yvmohmi tok: yvmohmi ka himak a it i kanvt yakni yvmma puta ka anonti hvsh falvmmichashke, im achi tok.

14. Mihma Chefhlah vt anonti anumpa shali vhleha ha Ammon in chipota i miko ya i pila tok.

15. Micha, Ilvppak o Chefhlah vt achishke, Israel vt Moab a yakni im ishi tok keyu, Ammon in chipota ha yakni ak kia im ishi tok keyu hoke.

16. Amba Israel vt Echip a kohchvt yakni haiaka nowvt aya mvv, Okhvta hvmma hlopullit Katesh a vla tok.

17. Yohmi mvv Israel vt Etom i miko ya anumpa shali

vhleha ha i pila mvt, Chi yakni ya hlopulli lashke, chim asilhha lishke, achi tok: yohmi kia Etom i miko vt i haponakla he keyu tok. Micha Moab i miko ma yummak inli chohmi ho i pila tok; yohmi kia vhpesa ahna he keyu tok. Mihma Israel vt Katesh ak o aiasha tok.

18. Yumohmi mvt yakni haiaka hlopullit ivt Etom yakni, micha Moab yakni aiena ka apakfopa cha, Moab i hvshi a kochaka imma yo minti hosh Anon mish tennv a abinachi tok; yohmi kv Moab ai vhli fullota ka ont chukowa tok keyu: Anon yummak okvt Moab yakni ai vhli atuk oka.

19. Mihma Israel vt Sihon Amolait okla i miko, yummvt Heshbon i miko anumpa shali vhleha ha i pila tok; micha Israel vt, Chi yakni ya hlopullit pi yakni ya il onashke, e chim asilhhvshke, im achi tok.

20. Yohmi kia Sihon vt Israel a ik i yimmo hosh i yakni ya ik hlopulli, ik ahno tok: amba Sihon vt im okla moma ka hoyot itvnahli cha, Chahas a abinachi cha, Israel a itibi tok.

21. Mihma Israel Chihowa in Chitokaka yvt, Sihon, micha im okla moyuma ka Israel ibbak a fohki na okla issot kanchi tok: yohmi ho Israel vt yakni yumma okla Amolait vhleha i yakni moma ka ishit a binili tok.

22. Micha Amolait vhleha i yakni Anon vttet ia kv Chabbok ont ai vhli, micha yakni haiaka vttet ia kv Chatan ont ai vhli aiena ka okla ishit abinili tok.

23. Yumohmi ka himak a Israel Chihowa in Chitokaka ak osh Amolait vhleha yakni ya im ishit im okla Israel a i kanvllichi tok a, chishno vt ish isha he vhpesa cho?

24. Chi naholbvt toba Chemosh vt chima tuk ak o ish iesha he vhpesa keyu? Yumohmi ka kva ho Chihowa pin Chitokaka yvt pi tikba a tihlelit kocha wehlikma yummak oka il iesha chi hoke.

25, 26. Yohmi ka himak a chishno vt Sippo ushi Balak Moab i miko ya i shahli nanta chia hoh cho? Israel vt Heshbon, micha in temahushi puta, micha Aloe, micha in temahushi puta, micha temaha holihta moma, yummvt Anon afullota ka talohvt aya ka afvmmi tahlepa tuchina ho aiasha

ka, Balak vt himonna kia Israel a itibit, keyukmut himonna kia in tanampi tok o? yvmohmi ka nanta katiohmi ho yvma ititakla ka falvmminchit hvch ik esho chatuk oh cho?

27. Yvmohmi hoka chi sai yoshuba tuk keyu hoke, amba is san tanampi kv chishno ak osh ai vhpiesa keyu ka is si yvmihchi hoke: Chihowa Nanapesa yak osh himak nitak a Israel im vlla vhleha, micha Ammon in chipota vhleha aiena ka ilvppa fehna ka nan im apesa yashke, im achi tok.

28. Yohmi kia Ammon in chipota i miko vt Chefhlah vt anumpa i pila tuk a i haponakla he keyu tok.

29. Yvmohmi ma Chihowa imi Shilombish vt Chefhlan ya onvtola na Kileat, micha Manasseh ya hlopullit, micha Mispheh Kileat a talaia ya hlopulli cha, Mispheh Kileat a talaia ya vttvt ia mut, hlopullit Ammon in chipota ha im ona tok.

30. Mihma Chefhlah vt ilap im anukfila hosh Chihowa nan im issa he ahnit anumpa il onochit, Ammon in chipota ha svrbak a fohkit is sema kv ahlikma,

31. Yvmohmikma yakohma he, Ammon in chipota i yakni ya si achukmakvt falamvt vla likmut, nana hosh an chuka okhissa ya kohchvt si afama chi hosh mintikmut, Chihowa immi pulla chi hoke, mikma Chihowa ya im issvt hukmit isht aiokprchi la hi oke, achi tok.

32. Yvmohmi hosh Chefhla vt Ammon in chipota ha itiba chi hosh hlopullit im ona tok: mihma Chihowa yvt ibbak a fohki tok.

33. Mihmut issot kanchi kv Aloe ya vttvt isht ia kv Minnilh ish ona ka ont vlichit, temaha holihta pokoli tuklo ho issot kanchi hosh paki ahollokchi yakni patali ya ont vlichit na illi kv laua fehna tok. Yakohmi hosh Ammon in chipota hv Israel im vlla vhleha ha i nutaka tok.

34. Mihma Chefhlah vt in chuka Mispheh ya a talaia ka ona tok; mihma yakeh! ushetik vt timblel ieshit, hihihlvvt kohchvt afama chi hosh minti tok; yvmmut im vlla yvmmak bieka hatok; inla yvt ushi, peh ushetik nana kia iksho tok.

35. Atuk o yakohmi tok, pisa mut, im anchi ya ita hlilvffi cha, Ikikkeh! svsso tek ma! akanlosi is svshst envshke, sa

nukhaklochi ya ish ibai achufa hoke: svtih ha wakummit Chihowa ya im anumpuli li tuk osh, falama la he keyu hokvt, achi tok.

36. Mihma, Aki ma! chiteh wakummit Chihowa ish anumpuli tuk okmvt, nana hosh chitih ha a kohcha tuk mvt is si yvmihchashke; Chihowa yvt chin tenvp Ammon in chipota pulla ka chim il aiokha tuk oka, im achi tok.

37. Mihmvt iki ya, Ilvppak osh a yvmohmashke: Heshi tuklo ho ik anta is svm ahnashke; yohmi ho nvni chaha oiyvt, micha akowvt itafullokahanchit hatak ak halelo kv isht ile yayvt aya lashke, vno, micha ohoyo sa bika iti kana li aiena kv, im achi tok.

38. Mihma, Ia, im achi tok. Mihmvt hvshi tuklo ho kanimi pila tok: mihma ohoyo bika iti kana aiena kv ia channvni chaha paknaka yak o hatak ik halelo kv isht ile yayvt aya tok.

39. Atuk o yakohmi tok, hvshi tuklo kv ont taha ma, falamvt iki ya im ona na ymmvt ilap im anukfila hosh Chihowa nan im issa he ahnit anumpa il onochi tuk mak osh yvmihchi tok: mihma hatak a ik ithano tok.

40. Atuk o Israel a ai yvmohmi vt, Israel ushetik vhleha hv afemmikma iet, Kileatait Chefhlah ushetik a afemmi achefakma nitak ushta ho ishit yahaya tok.

CHAPTA XII.

YUMOHMI ma Eflaim hatak vhleha hv iti hoyot itenaha cha, falmmi pilla iet, Chefhlah ya, Nanta katiohmi ho Ammon in chipota ha itibit ia hosh hlopullit ish aya hokak osh, chi awant il ia chi ka chik pi hoyo tuk o? chin chuka ya e chi a hukmicha chi hoke, im achi tok.

2. Mihma Chefhlah vt, Uno, micha vm okla hv Ammon in chipota ha il itin tanampi fehna, mihma hvchi paya li ka, ibbak a a kohchit is sa hlakofichi tuk keyu hoke.

3. Mihma hv sa hlakofichi keyu ho pisa li mvt, vm ilhfiopak a subbak fohkit ieshit, hlopullit Ammon in chipota ha

itibi li ma, Chihowa yvt svbbak a fohki tuk oke: yvmohmi ka nanta katiohmi hō himak nitak a hvs svtiba chī hosh hvs svu vla cho? im achi tok.

4. Mihmvt Chefhlah vt Kileat hatak moma ka hoyot itv-nahli cha, Eflaim a itibi tok: mihma Kileat hatak vhleha hvt Eflaim a issot kanchi tok: Kileatait hvchia hvt Eflaim i flvmmi tihlaya hvchia hosh Eflaimait vhleha, micha Manas-sait vhleha aiena ka itintakla hvsh ai asha hoke, achi kak atok.

5. Mihma Kileatait vhleha hvt Chatan okhina akocha wiha Eflaimait vhleha itikba ai ishi tok: atuk o Eflaimait vhleha hvt yvmvt hlakofi tuk vt, Ak kohchá, achikma, Kileat hatak vhleha hash osh, Eflaimait chia hoh cho? im achi tok. Mihma, Keyú, achikma,

6. Yohmi hokma, Himak a Shibbolelh achí, im achi tok: mihma ai vhpiesa ka miha he keyu hatuk osh Sibbolelh achi beka tok. Yohmikma ishi cha, Chatan okhina akocha taloha ka ai vbi beka tok. Mihma nitak yvmma Eflaim hatak vhleha hvt tahlepa sipokni pokoli ushta akucha tuklo hosh illit akakoha tok.

7. Mihma Chefhlah vt afvmmi hannali hō Israel a nan im apesa tok: mihmvt Chefhlah Kileatait vt illi cha, Kileat tmaha holihta puta achvfa ka a hollopi tok.

8. Mihma yvmma iakaiya kvv Belh-lehem ai vta Ibsam vt Israel a nan im apesa tok.

9. Micha yvmvt ushi vt pokoli tuchina cha, ushetik vt pokoli tuchina tok: ushetik vhleha hā tmaha inla pila mvt, tmaha inla ohoyo pokoli tuchina hō ushi vhleha hā ai i hoyo tok: micha afvmmi untuklo hō Israel a nan im apesa tok.

10. Yohmi ma Ibsam vt illi cha, Belh-lehem ak o a hollopi tok.

11. Mihma yvmma iakaiya kvv Elon Sebulonait osh Israel a nan im apesa cha, afvmmi pokoli hō Israel a nan im apesa tok.

12. Mihmvt Elon Sebulonait vt illi cha, Aichalon Sebulun i yakni talaia kak o a hollopi tok.

13. Mihma yumma iakaiya kv̄t, Hillel' ushi Abton Pilahlonait osh Israel a nan im apesa tok.

14. Mihmut yumm̄t ushi vt pokoli ushta, micha ibaiyi hv̄t pokoli tuchina aiena hosh issuba haksobish falaia ushi pokoli untuklo hō on chieya tok atok: micha yumm̄t af̄m̄mi untuchina hō Israel a nan im apesa tok.

15. Mihmut Hillel ushi Abton Pilahlonait vt illi cha, Pilahlon Effaim ī yakni Amalekait nv̄nih hak o a hollopi tok.

CHAPTER XIII.

YUMOHMI ma Israel im vlla v̄hleha hv̄t anonti nana ik achukmo ka Chihowa itikba a ymohmi tok: mihma Chihowa yvt af̄m̄mi pokoli ushta hō Filistin okla hā ibbak fohki tok.

2. Mihma Tan ai in chuka achvfa Solah hatak achvfa hosh ahanta hosh hohchifo kv̄t Manoah atok; mikma ym̄ma tekchi vt vlla ik im iksho yatuk osh ik esho tok.

3. Mihma ohoyo hash Chihowa im enchil vt ī haiaka cha, Yakeh! vlla ik im iksho chia yatuk osh chik eshoshke: yohmi kia vlla ish shali cha, vlla nakui yo ish esha chī hoke,

4. Ymohmi ka himak a ahah! ish ahni cha, oka p̄aki, micha nan ishko kv̄llo nana kia chik ishko kashke, micha nana ik kashofo nana kia chik po kashke, chim asilhha lishke.

5. Yakeh! vlla ish shali cha, vlla nakni yō ish esha chī hoka: mikma nutakhish ishit shafi nana kia noshkobo hā onrtoyula he keyu hoke: vlla yumm̄t im oshvto fōka mo-ma hosh Chitokaka ī Nasalait ya chī hoke: micha Israel a Filistin okla ibbak a a hlakofichit isht ia chī hoke, im achi tok.

6. Ymohmi ma ohoyo hash osh ī hatak a ont im anolit, Chitokaka a minti hosh hatak vt v̄m v̄la kv̄t ī nashuka yvt Chitokaka im enchil nashuka chiyuhmi, holitopa fehna tuk: yohmi kia a minti tuk a ak ī ponaklo, hohchifo hak kia ik s̄m̄ anolo tuk oke.

7. Yohmi kia, Yakeh! vlla ish shali cha, vlla nakni yo ish esha chi hoke; yohmi ka himak a oka paki, micha nan ishko kello nana kia chik ishko kashke, micha nana ik kashofo nana kia chik po kashke: vlla yummvt im oshvto foka moma hosh Chitokaka i Nasalait osh ayvt illa hi oke, vm achi tuk oke, achi tok.

8. Yvmohmi ma Manoah vt Chihowa ya im asilhhvt, An Chitokaka ma! Chitokaka a minti hatak et ish pila tuk vt anonti pim vla cha, vlla vtta chi ka e kaniohmicha chi ka pim abvchashke, achi tok.

9. Mihma Chitokaka yvt Manoah vt anumpuli ka i hapo-naklo tok; atuk o anonti ohoyo hash osh osapa binili ma, Chitokaka im enchel vt im ona tok: yohmi kia i hatak Manoah vto iksho tok.

10. Mihma ohoyo hash osh tushpvt ivt malelit, i hatak a ont im anoli cha, Yakeh! hatak vt nitak inla kash vm vla kash osh a haiakvshke, im achi tok.

11. Mihma Manoah vt wakaya mvt, tekchi ya awant ia cha, hatak ash im ona cha, Hatak chishno ak osh ohoyo ha im anumpuli tuk chia hoh cho? im achi ma, Mih sia hoke, achi tok.

12. Mihma Manoah vt, Yohmi ka himak a chim anumpa hvt ont ai ahlashke. Katiohmi hosh vlla nana il im apesa chi cho? micha nanta ho il i katiohmicha chi cho? achi tok.

13. Mihma Chihowa im enchel vt Manoah ya, Nana moma ohoyo ha im achi li tuk a ithaiyanashke.

14. Paki vpi nana atoba imma ka vpa he keyu, oka paki, micha nan ishko kello nana kia ik ishko kashke, micha nana ik kashofo nana kia ik po kashke: nana moma im apesa li tuk a ithaiyanashke, im achi tok.

15. Mihma Manoah vt Chihowa im enchel a, Chi ataklvmmmit issi kosoma ushi ya e chim atahli hayashke, chim asilhha lishke, im achi tok.

16. Mihma Chihowa im enchel vt Manoah ya, Chik si ataklvmmi hoh kia, chi pska ya vpa la he keyu: yohmi ka nahuknit isht aiokprehi ish im issa hokmvt, Chihowa hak

o isht ish aiokprehashke, im achi tok. Chihowa im enchel oka, Manoah vt ik ithano hatuk oka.

17. Mihma Manoah vt Chihowa im enchel a, Chi hohchifo hvt nanta hoh cho? yohmi tukma nana ish achi tuk puta kvt ont ai ahlikma, e chi holitoblashke, im achi tok.

18. Mihma Chihowa im enchel vt, Nanta katiohmi ho sa hohchifo ha ish a ponaklo cho? na fehna yoka, im achi tok.

19. Yvmohmi ma Manoah vt issi kosoma ushi, micha nan il impa isht aiokprechi aiena ka ishi cha, tvli ai onochit Chihowa im issa tok: mihma enchel ash osh nana a fehna ka yvmihchi na Manoah, micha tekchi itatuklo kvt pisvt hieli tok.

20. Yakohmi tok oka, luak vt libbit alta takalit vba pilla maya ma, Chihowa im enchel vt vba ivt alta luak libbi ka itibafoyukt ia tok; mihma Manoah, micha tekchi vt pisa tok, mihmvt nashuka ya aka ishit hlipkvtchi tok.

21. Yohmi kia Chihowa im enchel vt i himmakma Manoah, micha tekchi itatuklo ka ik i haiako tok. Yohmi ma Chihowa im enchel atuk a Manoah vt ithana tok.

22. Mihma Manoah vt tekchi ya, Pilli pulla chi hoke, Chitokaka ya e pisa hokvt, im achi tok.

23. Yohmi kia tekchi vt, Chihowa yvt pilla he ak o vllh-pesa ahni hokmvt, nahukmit isht aiokprechi, micha nan il impa isht aiokprechi aiena ka pibbak a ai ishit pim aiokprecha he tuk keyu; micha nana ilvppa puta ka pi haiakvcha he tuk keyu, micha himak ak kia nana ilvppa puta ka pim anola he tuk keyu, im achi tok.

24. Atuk o ohoyo hash osh vlla eshi cha, hohchifo ha Samson hohchifo tok. Mihma vlla yvt hofantit isht ia ma, Chihowa yvt yukpali tok.

25. Mihma yvmvt Solah, micha Eshtaol ititakla Tan binah ha ahanta ma, nitak kanimikma Chihowa imi Shilombish vt ilhkolichit isht ia beka tok.

CHAPTA XIV.

MIHMA Samson vt Timnalh a ona cha, Filistin okla ushetik vhleha ha ai achvfa ohoyo ho Timnalh a a pisa tok.

2. Atuk osh falamvt vla mvt, iki, micha ishki itatuklo ka im anoli mvt, Filistin okla ushetik vhleha ha ai achvfa ohoyo ho Timnalh a a pisa li tuk: yvmohmi hoka himak a sa tekchi yachi ho ishit hrs smashke, achi tok.

3. Yvmohmi ma iki, micha ishki itatuklo kv, Chitibapishi vhleha, keyukmvt vm okla moma ka ushetik vhleha ha ohoyo hv iksho nanta ho, hv hakshup ik tapo Filistin okla ha ohoyo ish ai isha chi cho? im achi tok. Mihma Samson vt iki ya, Isht is smashke, ahninch i li fehna hoka, im achi tok.

4. Yohmi kia Chihowa yak atuk mak o Filistin vhleha ha nan isht mihvt i sanali anukfilli ka iki, micha ishki itatuklo kv ik akostinincho tok; nitak yummak oka Filistin okla hv Israel a i shahli tok.

5. Yvmohmi ma Samson, micha iki, micha ishki aiena kv Timnalh a hv ona tok, micha Timnalh paki ahollokchi ya ona tok: mihma yakeh! koi chito himita yvt kilihhv afama tok.

6. Mihma Chihowa imi Shilombish vt onvtola fehna ma, issi kosoma ushi yokma yvmichea he tuk vt chohmichit hilleffi tok, yohmi kv ibbak a nana foka tok keyu: yohmi kia nana kaniohmichi tuk vt iki, micha ishki itatuklo ka im anoli tok keyu hoke.

7. Mihma ia cha, ohoyo hash ont it im anumpuli tok: mihmvt Samson vt ahninch i fehna tok.

8. Atuk osh nitak inla ma ohoyo hash isha chi hosh ia tuk osh koi chito illi yash pisa chi hosh fullota tok; micha yakeh! foishki, micha foi bila aiena kv koi chito illi yash anukaka ya aiasha tok.

9. Mihma ibbak isht ishi cha, ahampvt ia tuk osh, iki micha ishki itatuklo ai ashwa ka ona mvt, ima na vpv okla tok: yohmi kia foi bila ya koi chito illi yash anukaka ya ai ishi tuk vt ik im anolo tok.

10. Yohmi ma iki vt ohoyo ai vta ka ona tok: mihma Samson vt ipetvchi ikbi tok: hatak himithoa yummak o yohmi beka tok oka.

11. Atuk o yakohmi tok, okla pisa mvt, itapeha chi ka it i kana pokoli tuchina ho okla isht vla tok.

12. Mihma Samson vt Inta! himak a nana it im ithana

hvehin takalichi lashke: hvsh yvmohma hinlakmvt, nitak untuklo ipetvchi itintakla ka hvsh ithana cha, hvs sum anoli pullakma, ilefoka lumbo pokoli tuchina, micha nafohka fohka pokoli tuchina hq hvch ima lashke:

13. Amba hvs sum anola he keyukmvt, hvchishno ak osh ilefoka lumbo pokoli tuchina, micha nafohka fohka pokoli tuchina hq hvs sumashke, im achi tok. Mihma, Nan it im ithana ya ish takalichikma, e haklashke, im achi tok.

14. Mihma yvmmak ash osh, Nan vpa ya ilhpak osh a kohcha tuk, micha kvilo ya na champuli yosh akohcha tuk oke, im achi tok. Mihma nitak tuchina ka nan it im ithana ya otninchit anola he keyu tok.

15. Atuk osh nitak ont isht untuklo ma Samson tekchi ya, Chī hatak a ish haksichi na pim anolashke, keyukma chishno, micha chīki in chuka achvfa ya luak isht e chi hukma chī hoke: nana il ieshi tuk a hvsh pim ai isha chī kvt hvsh pi hoyo tuk o? yvmmak keyu? im achi tok.

16. Mihma Samson tekchi ash osh yayvt, Is sa nukkilli kak bano cha, is sa hullo keyu hoke: vm okla in chipota ha nan it im ithana ish in takalichi ho kak osh chik sum anoloshke, achi tok. Mihma, Yakeh! aki, micha hvshki okma, ak im anolo kv, chishno ya chim anoli la hinla? im achi tok.

17. Mihma nitak untuklo ipetvchi isht asha itintakla ka yahaya tok: atuk o yakohmi tok, nitak ont isht untuklo ma anumpulichi fehna hatuk o im anoli tok: mihma im okla in chipota ha nan it im ithana ya im anoli tok.

18. Mihma nitak ont isht untuklo kv hvshi vt ik okatulo kisha hq tmaha holihta hatak vhleha hv, Nanta hak osh champuli kv foi bila ya i shahli cho? micha nanta hak osh kello kv koi chito ya i shahli cho? im achi tok. Mihma, A wak-tek himita ishit hvsh patvfi keyu tuk mvt, a nan it im ithana ya hvsh ithana he tuk keyu, im achi tok.

19. Mihma Chihowa imi Shilombish vt onvtola ma, ivt Ashkelon a hatak pokoli tuchina hq vbi cha, wehpulit, nan it im ithana yash ithanvt okla hv otninchit tuk a nafohka fohka kanohmi ka ima tok. Michā chukvsh libbi mvt, iki in chuka ia tok.

20. Amba Samson tekchi ano ai itapeha yumma i kana chohmichi kash o ima tok.

CHAPTER XV.

YOHMI tuk kia yakohmi tok, nitak i himmak foka ma onush vmo yo, Samson vt issi kosoma ushi ishi cha, tekchi ya i nowut ona tok; micha, Aboha ya chukowut, sa tekchi ya iba chukowa lashke, achi tok. Yohmi kia iki vt ik chukowá, ik im ahno ki tok.

2. Mihma iki vt, Ish shitlemet vmohmi ahni li kut ahli tuk; yvmohmi hatuk osh ish ai itapeha ya ima li tuk: nak-fish vt aiokli kut i shahli keyu? atobbichit yummak o ish ishashke, chim asilhha lishke, achi tok.

3. Mihma Samson vt yumma isht anumpuli met, Himak a nan ik im achukmo ka ak yumihechi hoh kia, anumpa onvtola keyu kut Filistin vhleha ha i shahli la chi hoke, achi tok.

4. Mihma Samson vt ivt, chula tahlepa tuchina ho hokli cha, hasimbish bika ititikelichi cha, hasimbish tuklo ka itintakla pva ha takalichi tok.

5. Michá pva ha luak lapalichi cha, Filistin vhleha im onush hikia ka, pit tihleli na onush talakehi, micha hikia aiena, micha paki ahollokehi, micha alif aiena ka hukmit tahli tok.

6. Yvmohmi ma Filistin vhleha hvt, Keta hosh yakohmichi cho? achi tok. Mihma afalamichit, Samson Timnait iyup ak oke, tekchi yatuk a im ishi cha, ai itapeha ya ima kak o yumihechi hoke, achi tok. Mihma Filistin vhleha hvt vlvut yumma, micha iki aiena ka luak ishit hukmi tok.

7. Mihma Samson vt, Ilvppak okvno hvsh yumihechi ak inli kia, hvchishno ya il aiokha la chi hoke, micha i himmakma issa la chi hoke, im achi tok.

8. Mihmet lauachit vbi na iyubi achoshuli, micha iyubi aiena kut iti onvtola tok. Mihmet Etam teli chiluk ona cha, ai vtta tok.

9. Yemohmi ma Filistin vheleha hvt ivt, Chutah ya a bi-nachi cha, Lehi ak o pataiyvt aya tok.

10. Mihma Chutah hatak vheleha hvt, Nanta katiohmi ho pitibit hvsh la cho? achi tok. Mihma afalamichi mvt, Samson ak o e takchi cha, nana pi kaniohmichi tuk a ilap ma e yrmihcha chi hosh e la hoke, achi tok.

11. Yemohmi ma Chutah hatak tahlepa sipokni tuchina hosh Etam teli paknaka ona cha, Samson a, Filistin okla hvt pi shahli ya chik ithano ke tuk oh cho? ilvppvt nanta ho ish pi yrmihchi cho? im achi tok. Mihma, okla si yrmihchi tuk mak o yrmihchi li tuk oke, im achi tok.

12. Mihma, E chi takchi cha, Filistin okla ibbak e fohka chi hosh e la hoke, im achi tok. Mihma Samson vt, Anumpa kullo il onochit hvs svba he keyu kvt hvs sa mihashke, im achi tok.

13. Mihma im anumpulit, Keyu, amba kullochit e chi takchi cha, ymma ibbak a e chi fohka chi hoke; amba e chiba he keyu kvt ahli hoke, achi tok. Mihmvt aseta himona tuklo ho teli ya ont ishit takchi cha, ai isht vla tok.

14. Atuk o Lehi ya vla ma, Filistin vheleha hvt i shakapa tuk: mihma Chihowa imi Shilombish vt onvtola fehna ma, aseta ishit talakchi kash osh nuchi yosh luak o ishit lua tuk chohmi tok: mihma ibbak ishit talakchi tuk vt mokohli tok.

15. Mihma issuba haksobish falaia nutakfa foni himona yo ahayuchi cha, ibbak a pit weli cha, ishi mvt, hatak tahlepa sipokni achvfa ho isht vbi tok.

16. Mihma Samson vt, Issuba haksobish falaia nutakfa foni yo itenahahchi vt itontlvhkvchi ka, issuba haksobish falaia nutakfa ya hatak tahlepa sipokni achvfa ho isht vbi lishke, achi tok.

17. Atuk osh yakohmi tok, anumpulit issa mvt, nutakfa foni ya kanchi cha, ymma Lamalh-lehi hochifo tok.

18. Mihmvt itukshila fehna mvt, Chihowa ya i pahayvt, A hlakoti chinto ilvppa chin tishu ha ibbak ish fohkishke: mihma himak a itukshila hosh sulli cha, hakshup ik tapo ibbak fohka la chi cho? achi tok.

19. Yohmi kia Chitokaka yvt nutakfa kulukbi ya pahlvlli

na oka yvt koheha tok : mihma ishko mvt, im ilhfiopak vt anonti i falama cha, nipi okcha tok. Yvmolmi hq ymma hochifot Enhakkoli achi tok o, himak nitak a Lehi ya talaia hoke.

20. Micha Filistin okla i nitak a afvmmi pokoli tuklo hq yvmmak ash osh Israel a nan im apesa tok.

CHAPTA XVI.

ATUK osh Samson vt Kasa ya ona cha, ymma ohoyo haui pisa cha, iba chukowa tok.

2. Atuk o Kasait vhleha ha im anolit, Samson vt ilvppa vlshke, achi tok. Mihma afulloblit holihta okhissa im aiechit aiasha na ninak achvfa tok : mihmvt, Onnahinli onnvt tahak mak o e bashke, achi mvt, nuktaiyalvt ai asha na on-na tok.

3. Mihma Samson vt itonla na ninak iklena tuk osh ninak iklena ma wakaya cha, holihta okhissa isht okshilita, micha iti hielit tuklo, micha iti okhowata aiena ka ishi cha, isht iabanali cha, isht ivt, nnvnh Heblon itikba hikia ka paknaka isht ona tok.

4. Atuk osh yakohmi tok, i himmakma Solek okfa ohoyo ymma hohchifo kvv Telilah ya anushkunna tok.

5. Mihma Filistin okla i hochitoka vhleha hvv im vla cha, Ish haksichi cha, isht im ai i hlampko chito kvv kanima yak o itola ka, micha kaniolmi kak osh il imaiya hinla aiena ka ish im akostininchi na e takchi cha, il ilbvshalashke ; mikma e moyuma kvv tvli hvta tushahli tahlepa auah achvfa hq e chimashke, im achi tok.

6. Mihma Telilah vt, Samson a, Isht chim i hlampko chinto kvv kanima yak o itoyula hokma, micha nana hq isht chi talakchi na chilbvshala hinlakma is svv anolashke, chim asilvha lishke, im achi tok.

7. Mihma Samson vt fuli okchaki untuklo shileli tok keyu hq ishit sa takchi hokma, sa kotvt, hatak inla kak inli chohmi la hinla hoke, im achi tok.

8. Mihma Filistin okla i hochitoka yvt fuli okchaki untuklo shileli tok keyu hō isht im ona na ishit takchi tok.

9. (Atuk o hatak vt im aiehchi kvt aboha anukaka apehvt asha tok.) Mihma, Filistin vhleha hvt chishishke; Samson ma! achi tok. Mihma fuli okchaki tvptuli kvt nu-chi ponola hosh luak haleli cha, tvptua ka chohmichi tok. Yohmi hō a hlampko ka ik akostinineho tok.

10. Mihma Telilah vt Samson a, Yakeh! peh is sa yimmichi cha, is sa holabishke; himakvno nana hō ishit chi talakeha hinla ka is sm anolashke, chim asilhha lishke, im achi tok.

11. Mihma, Aseta himona nana ishit talakehi tok keyu hō kellochit ishit sa takchi hokma, sa kotvt, hatak inla kak inli chohmi la hinla hoke, im achi tok.

12. Yohmi ma Telilah vt aseta himona ishi cha, ishit takchi mvt, Filistin vhleha hvt chishishke, Samson ma! im achi tok. (Mihma im aiehchi vt aboha anukaka asha tok.) Mihma ponola nana chohmichit shakba ishit talakehi tuk vt tvblit kanchi tok.

13. Mihma Telilah vt Samson a, Himak a ant vhli is sa yimmichit is sa holabi bekvshke, nana hō ishit chi talakeha hinla kvt vm anoli, im achi tok. Mihma, Sa noshkobo pashi tenna untuklo ka ponola vpi ish a tenvchi hokmvno, im achi tok.

14. Mihma chofak ash isht a nvhlichit kellochi mvt, Filistin vhleha hvt chishishke, Samson ma! im achi tok. Mihma nusit itonla tuk vt nana atenna iti okhowata chofak ash, micha ponola vpi aiena ka ishit ia tok.

15. Mihma, Katiohmi kak osh, Chi hullo li, ish acha hinla? chi chukvsh vt svbafoka keyu kvt, im achi tok. Ilvpt ont isht atuchina mak o is sa yimmichi cha, chim i hlampko chito vt ai itola ka chik sm anoloshke, im achi tok.

16. Atuk o yakohmi tok, onna hosh onnakma im anumpa ha isht im achibvt atushpalechi fehna tok; yohmi hō imi shilombish vt im okpulot illa he chiyuhmi tok:

17. Yohmi na chukvsh nana anukfohka tuk vt moma im anolit, Nutakhish ishit shafi vt sa noshkobo ha onttoyula

tok keyu chatuk oke: hvshki im oshvto fohka li moma hosh Chitokaka i Nasalait sia hatok okvt: sa shafa hokma, im i hlampko vt a knia cha, sa kotvt, hatak inla kak inli chohmi la hinla hoke, im achi tok.

18. Mihma chukvsh nana anukfoyuka hatuk vt moma im anoli na Telilah vt pisa mvt, Filistin okla i hochitoka vhleha ha i howvt hoyo cha, Himonna ilvppa hvsh lashke, chukvsh nana anukfoyuka kvt moma vm anoli hoka, achi tok. Yvmohmi ma Filistin okla i hochitoka vhleha hvv tvli holisso ya ibbak isht ishit im vla tok.

19. Mihma iyikvlaha paknaka a nusichi tok; mihmvt hatuk o hoyo cha, noshkobo pashi tenna untuklo kash shafichechi tok: micha hotopalit isht ia ma, im i hlampko vt i knia tok.

20. Mihma, Filistin vhleha hvv chishishke, Samson ma! achi tok. Mihma nusi tuk vt okeha mvt, Tikba yohmi li beka tuk vt chohmi lish, kohevvt ile tahtoli lashke, achi tok. Micha Chihowa yvt issvt ia tuk a ik ithano tok.

21. Amba Filistin vhleha hvv ishi cha, nishkin a fotohlit kocha wehli mvt, Kasa ya isht ona cha, asonak lakna ibbak a abehlit takchi tok; mihma aboha kvllo ya afotohli tok.

22. Yvmohmi kia noshkobo pashi vt shafa hayvt anonti ofot isht ia tok.

23. Yvmohmi ma Filistin okla i hochitoka vhleha hvv nan vbit isht aiokpvchi chinto ho i naholbvt toba Takon a im issvt na yukpvt ai asha chi hosh iti hoyot itenaha tok: mihmvt, Pi naholbvt toba yak osh Samson pin tenvp a pibbak a fohki tuk oke, okla achi hatuk okvt,

24. Mihmvt okla pisa mvt, i naholbvt toba ya ahninchit isht anumpuli tok: Pi naholbvt toba yak osh pin tenvp, micha pi yakni okpni, lava ka pibi tuk a pibbak a fohki tuk oke, okla achi hatuk okvt.

25. Atuk o yakohmi tok, okla chukvsh yukpa mvt, Samson a ho hoyo na pim itukhlakafet pi yukpvchashke, achi tok. Mihma Samson a aboha kvllo kohevvt hoyo tok: mihma im itukhlakafet yukpvchi tok: mihma tonik tuklo ho ititakla hilechi tok.

26. Mihma Samson vt vlla ibbak hal'elli tuk a, Ulhpesa is sum ahni na tonik chuka vt onvtoyula ka potoli lish, ataya lashke, im achi tok.

27. Chuka yoka hatak, micha ohoyo aiena kv't alotowa tok: mihma Filistin okla i hochitoka moma kv't yemma asha tok: mikma hatak, micha ohoyo tahlepa sipokni tuchina foka hosh Samson vt im itukhlakafet yukprehi ka pisa kv't, aboha ishit holmo paknaka aiasha tok.

28. Mihma Samson vt Chihowa ya i paya cha, Chihowa Chitokaka ma! is scthaiyanashke, chim asilhha lishke, micha is sa hlampkoclashke, chim asilhha lishke, yohmi na himonna ileppak bano ho sa nishkin tuklo tuk a Filistin vchleha ha il aiokha lashke, Chitokaka ma! achi tok.

29. Mihmet Samson vt tonik tuklo ikl'ena hieli chuka yvt on talaivt vba takali tuk a ibbak isht impakimma achvfa ka isht ishi mvt, achvfa ya ibbak vchfcbekimma isht ishi tok.

30. Mihmet Samson vt, Filistin vchleha ha awant s'vllashke, achi tok. Mihmet alushummit il akachunolechi tok: mihma chuka vt hochitoka vchleha, micha okla moma aiena anuka asha tuk a o kinafa tok. Yohmi ho ambit illi na illi kak osh laua kv't okchaya mvt, vbi tuk ak kia i shahli tok.

31. Mihma itibapishi vchleha hv't, micha iki in chuka moma kv't ona cha, ishit iki Manoah im ahollopi Solah, micha Eshtaol itintakla yak o isht onvt a hohpi tok. Mihma Israel a afemmi pokoli tuklo ho nan im apesa tok.

CHAPTA XVII.

MIHMA Eflaim nv'nih hatak osh anta yemma hohehifo kv't Mikah atok.

2. Mihma yummak ash osh ishki ya, Teli hv'ta shekel tahlepa auah achvfa chim ishi na sa haksobish vt a haklo ho nana ik achukmo im ahnit ish mihachi chash yakeh! an tonla hoke; vno ak osh ishi li tok, im achi tok. Mihma ishki vt, Chihowa i holitopa chia hashke, s'vso ma! achi tok.

3. Atuk o t_uli h_uta auah ach_ufa kash fal_umminehit ishki ya ima ma, ishki vt, T_uli h_uta s_ubbak foyuka tuk vt Chi-howa ya i hullochi li mak osh i hullochi li tuk o, s_uso h_ut t_uhlit naholb_ut toba, m_ucha bilelit naholb_ut toba itatuklo ka ikba chin tuk atuk oke : yohmi hoka himak a ch_ui fal_ummi-chi lashke, achi tok.

4. Yohmi kia t_uli holisso yash ishki ya i fal_ummichi tok ; mihma ishki vt t_uli h_uta shekel tahlepa tuklo h_u ishi cha, t_uli h_uta ikbi ya ima na y_ummak ash osh t_uhlit naholb_ut toba, m_ucha bilelit naholb_ut toba itatuklo ka ikbi tok : mihma Mikah in chuka yak o h_ueli tok.

5. Mihma hatak Mikah yash osh, naholb_ut toba puta in chuka y_ut i hikia cha, efot, m_ucha telafim aiena ka ikbi m_ut, ushi v_uhleha h_u ach_ufa h_u hullochi na y_ummak ash osh naholitompa isht vtta in toba tok.

6. Nitak y_umma foka ka Israel a m_uiko vt iksho tok ; amba hatak puta k_ut ilap nishkin ai im v_uh_upiesa aiyukali hosh y_umohmi beka tok.

7. Mihma hatak himita yosh Behlehem-chutah minti, Chutah in chuka ach_ufa, y_umm_ut Lefait osh y_umma ahanta tok.

8. Mihm_ut hatak y_ummak ash osh in t_umaha holihta Behlehem-chutah ya kohch_ut kanima ai vtta ahayuchikm_ut, vtta ch_ui hosh ia tok : atuk osh now_ut aya m_ut, Eflaim n_unih Mikah in chuka ya ona tok.

9. Mihma Mikah vt, Katima ish minti cho ? im achi tok. Mihma Lefait sia hosh Behlehem-chutah minti li hosh ai vtta kanima ahayuchi likm_ut, vtta la ch_ui hosh aya li hoke, im achi tok.

10. Mihma Mikah vt, Sa takla ish vtta cha, a_uki, m_ucha na holitompa isht vtta is san tobashke ; mikma af_ummikma t_uli h_uta shekel pokoli h_u chima likm_ut, nafohka fohka ach_ufa, m_ucha il impa aiena ka chima lashke, im achi tok. Yohmi h_u Lefait ash osh chukowa tok.

11. Mihm_ut Lefait vt hatak ash takla ahanta k_ut im achukma tok ; mihma hatak himita yash osh y_umma ushi v_uhleha ach_ufa kak inli in chohmi tok.

12. Mihma Mikah vt Lefait ash hullochi tok; mihma hatak himita yash osh na holitompa isht vta in toba cha, Mikah in chuka ya ahanta tok.

13. Yohmi ma Mikah vt, Chihowa yvt nana achukma an yemihcha chi ka himak ano ithana lishke, na holitompa isht vta vt Lefait osh vm anta hokvt, achi tok.

CHAPTA XVIII.

NITAK yemma foka ka Israel a miko vt iksho tok: micha nitak yemma foka ka Tan aiunchololi hut yakni ai isha he vhpesa aiasha chi kut hoyo tok; nitak yemma out vhli ka ai isha he vhpesa moma kut Israel ai unchololi puta ka iba takvt, ik im vhpiso kisha hatuk okvt.

2. Mihma Tan im vlla vhleha hut in chuka achufa ak inli ka aiasha ai vhli Solah, micha Eshtaol a hatak tahlapi, hatak chilita nukwia iksho yo yakni hoyot pisvt tahla chi ho a tihleli tok; micha, Oh ia cha, yakni hush hoyashke, im achi tok: atuk o yummak ash osh Eflaim nenih Mikah in chuka ona mvt, okla a nusi tok.

3. Mikah in chuka ya ona mvt, Lefait hatak himita yash anumpuli ka ithana tok: mihmet yummak o iba chukowa cha, Keta hosh chisht vla tuk o? ilvppa nanta ho isht ish vta ho? micha nanta hosh ilvppa chim asha cho? im achi tok.

4. Mihma, Yakohmi, micha yakohmi aiena kak o Mikah vt an yemihchi cha, sa tohno ho naholitompa isht im vta sia hoke, im achi tok.

5. Mihma, Il atia yemma il ia kut pim aihla chi hokma nana ka Chitokaka ya ish im a ponaklashke, im achi tok.

6. Mihma naholitompa isht vta yash osh, Achukmakvt hush ayashke, hvch i hina yemma hush ia kut Chihowa itikba yoke, im achi tok.

7. Yohmi ma hatak tahlapi kash osh ia mvt, Laish a ona cha, okla yemma aiasha kut ahah! ahni iksho, Sitonian vhleha a yemohmi chatuk ak inli holba hosh nuktaiyalt, nuk-

tahla keyu hosh aiasha hō pisa tok; micha miko im asha tuk osh im alvmma hinla kv̄t iksho tok: Sitionian okla hō i hopaki cha, hatak nana kia nana it i kaniohmi keyu tok.

8. Mihma itibapishi vhleha hv̄t Solah, micha Eshtaol aiasha ka im v̄la tok: mihma itibapishi vhleha hv̄t, Nanta hō hv̄sh achi cho? im achi tok.

9. Mihma, Hv̄sh wakaya na iv̄t ont iloh itibashke: yakni yā ont e pisa ka yakeh! achukma fehna: mihma lumv̄t hv̄sh aiasha cho? iv̄t ont hv̄sh chukowa cha, yakni yā ishi ka hv̄sh sv̄laha ná.

10. Hv̄sh iakmv̄t, okla nuktaḥla keyu yosh aiasha, micha yakni chito hō hv̄sh ona ch̄i hoke: Chitokaka yv̄t hv̄ch ibak a fohki tuk oka; yv̄mma nana hosh yakni moma aiasha kv̄t iksho keyushke, achi tok.

11. Mihma Tanait in chuka achv̄fa vt yv̄mma asht Solah, micha Eshtaol a a kohchv̄t ia kv̄t hatak tahlepa hannali hosh tv̄nv̄p aya nahalupa il apakshv̄nnit in taiyaha hosh ia tok.

12. Micha ia cha, Chutah yakni Kichalh-chealim a abinachi tok: yohmi hosh yv̄mma Mahaneh-Tan hochifo tok a himak nitak a moma hoke; yakeh! Kichalh-chealim im ashaka yā talaia hoke.

13. Micha yv̄mma asht ia mv̄t, Eflaim nv̄nih onv̄t, Mikah in chuka yā ona tok.

14. Yvmohmi ma hatak tahlapi Laish yakni pisv̄t aya tuk ash osh itibapishi vhleha hā, Chuka ilv̄ppa talohm̄aya ka efot, micha telafim, mikmv̄t tv̄hlt naholbv̄t toba, micha bilv̄t naholbv̄t toba aiena kv̄t asha ka hv̄sh ithana cho? yvmohmi ka himak a nana hv̄sh kaniohma ch̄i kv̄t hv̄sh anukfillashke, im achi tok.

15. Micha yv̄mma pilla hō iv̄t, Lefait hatak himita yash in chuka, Micha in chuka yā ona cha, aiokp̄v̄chi tok.

16. Mihma hatak tahlepa hannali hosh tv̄nv̄p aya, nahalupa il apakshv̄nnit in taiyaha, Tan im v̄lla vhleha hash osh achukowa holihta okhissa yak o hiel̄i tok.

17. Mihma hatak tahlapi yakni pisv̄t aya tuk ash osh iv̄t, ont chukowa cha, tv̄hlt naholbv̄t toba, micha efot, mikmv̄t

telafim, micha bilvt naholbvt toba aiena kash ishi tok: mihma naholitompa isht vtta yvt achukowa holihta okhissa hatak tahlepa hannali hosh tenvp aya nahalupa il apakshvnnit in taiyaha kash takla hikia tok.

18. Mihma ilvppak osh Mikah in chuka ya ont chukowa cha, tvhlt naholbvt toba, micha efot, micha telafim, micha bilvt naholbvt toba aiena kash ont isht kocha tok. Yohmi na naholitompa isht vtta yash osh, Katiohmi hō hvsh yvmihchi cho? im achi tok.

19. Mihma, Ish anumpuli kv̄t issá, chibbak a chiteh hā isht ish akamolashke, micha pi awant ish ia cha, p̄iki, micha naholitompa isht pim vtta ish tobashke: hatak achvfa in chuka yō naholitompa isht vtta ak okmá, ak cho? Israel a chuka achvfa yvmmvt Israel a apelihchika achvfa naholitompa isht im vtta ak okmá, katimampo kak osh achukma kv̄t chim i shahli cho? im achi tok.

20. Mihma naholitompa isht vtta yash osh chukvsh yukpa mvt, efot, micha telafim, micha tvhlt naholbvt toba aiena kash ishi cha, okla iklena hikiēt ia tok.

21. Yohmi mvt okla filema cha, ia mvt, wak, micha vlla micha na-weki aiena ka tikba hilechi tok.

22. Atuk osh Mikah in chuka ya hopakieh̄it tahli ma, hatak Mikah in chuka bilika chuka taloha aiasha tuk vt iti hoyot itv̄naha cha, Tan im vlla v̄hleha hā ont sakki tok.

23. Mihma Tan im vlla v̄hleha hā i paya tok. Mihma okla et filema cha, Nanta ch̄i katiohmi hosh okla yohmi hō pehlichit ish la cho? im achi tok.

24. Mihma, naholbvt toba puta ikbi li tok, micha naholitompa isht vm vtta ya hvsh ishi cha, hvsh temoa tuk: yohmi ka himmakma nanta hosh vm āsha cho? micha nanta katiohmi hō Ch̄i katiohmi cho? ilvppa is sv̄m achi kv̄t nanta hoh cho? achi tok.

25. Mihma Tan im vlla v̄hleha hv̄t, Chim anumpa hā pitakla ik a haklashke, hatak chukvsh homi v̄hleha hv̄t chi o maleli na chishno, micha chin chuka achvfa aiena kv̄t illi yoba ná, im achi tok.

26. Mihma Tan im vlla v̄hleha hv̄t ai ia hetuk vt ilhkoli

tok: mihma kullo kv̄t ilap ā i shahli na Mikah vt pisa mv̄t, falamv̄t in chuka yā ona tok.

27. Mihma nana Mikah vt ikbi tuk, micha naholitompa isht im vtta aiena im vtta tuk ā im ishi cha, Laish ckla nuktaiyalvt nuktaḥla keyu hosh aiasha ka ona tok: micha bv̄shpo falaia halupa isht issot kanchi cha, tmaha holihta yash luak ishit hukmi tok.

28. Mihma hlakofichi vt iksho tok: Siton ā i hopaki, micha hatak inla yā nana it i kaniohmi keyu; micha okfa yosh Belh-lehob bilika bachaya kak ō talaia hatuk oka. Mihma tmaha holihta ikbi cha, yummak ō okla aiasha tok.

29. Mihmv̄t tmaha holihta yā iki Tan Israel im vtta tok ak ō a hochifochit Tan achi tok: yohmi kia tmaha holihta hohchifo vt vmmona ka Laish atok.

30. Mihma Tan im vlla vhleha hv̄t tv̄hlt naholbv̄t toba yā hilechi tok; mihma Manasseh ushi Keshom ushi Chonahlan yumma, micha ushi vhleha aiena kak osh Tan ai unchololi yā naholitompa isht im ahashwa na nitak yakni vt yuka ka ont vhli tok.

31. Mihma tv̄hlt naholbv̄t toba Mikah vt ikbi tok ā okla hilechi na, Chitokaka im aboha hv̄t Shiloh yā hikia moma ka hikia tok.

CHAPTA XIX.

A TUK ō yakohmi tok, nitak yumma Israel ā miko vt iksho kisha ma, Lefait osh Eflaim nunih chev̄kpatali yo vtta hosh yummv̄t im it aiena Belhlehem-chutah yā ai ishi tok.

2. Mihma im it aiena vt haui in toba cha, i kv̄niv̄t iki in chuka Belhlehem-chutah yā ona cha, ahanta na hv̄shi ushta kv̄t hlopulli tok.

3. Mihma i hatak ash osh wakaya mv̄t, i kv̄nȳt im anum-pulit falv̄mminchit isht vla ch̄i hosh in tishu, micha issuba haksobish falaia tuklo aiena h̄o ishi cha, hoyot ia tok: mihma ohoyo hv̄t ilauelet iki in chuka isht ona tok: mihma ohoyo iki yash osh pisa mv̄t, itafama kv̄t nayukpa fehna tok.

4. Mihma ipochi, ohoyo himita iki vt halelli na nitak tuchina hō takla ahanta tok: yohmi hō impet, micha ishkot, a nusi tok.

5. Atuk o yakohmi tok, nitak ont ai ushta onnahinli tani ma, ia chi hosh wakaya tok: mihma ohoyo himita iki yash osh iyup a, Preska iskitini kia chi chukesh isht ish hlampkochi hayak osh ish ayashke, im achi tok.

6. Mihma itatuklot impet, micha ishkot chieya tok: ohoyo himita iki vt hatak a, Chim vhpesa cha, ish anta na ont onnashke, micha chi chukesh vt yukpashke, im achi tok.

7. Mihma hatak ash osh ia chi hosh wakaya ma, ipochi vt im achiba tok; yohmi na anonti a nusi tok.

8. Mihma nitak ont isht tahlapi ma ia chi hosh onnahinli fehna wakaya tok; mihma ohoyo himita iki vt, Chi chukesh a ish hlampkochashke, chim asilhha lishke, achi tok. Mihma itatuklo ket impet oklet ahashwa na tabokoli ont ia tok.

9. Atuk o hatak ash osh ia chi hosh ilap, micha im it aiena, micha in tishu aiena ket wakaya ma, ipochi, ohoyo himita iki vt, Yakeh! himak a nitak vt opirt isht ieshke; ish anta na ont onnashke, chim asilhha lishke: yakeh! nitak vt tahrt isht ieshke: ileppa a chi nusi cha, chi chukesh vt yukpashke: micha onna haya onnahinli chi hina fohket ish ia cha, chin chuka ya ish onashke, im achi tok.

10. Yohmi kia hatak ash osh ninak yemmeno anta he keyu hosh, amba wakaya cha ia mvt, Chebus, yemmet Chelusalem a ona tok: mihma issuba haksobish falaia i potelhpo tuklo hō, isht aya hō im it aiena takla aya tok.

11. Atuk osh Chebus a bilika ona ma, nitak vt taha fehna tok: mihma in tishu hvt, Himak a fullotet Chebus okla in temaha holihta yak o il ona cha, a pi nusashke, im achi tok.

12. Mihma i shahli ash osh, Okla inla Israel im vlla vhleha keyu ka fullotet ivt, il iba chukowa he keyu; ont ivt Kibeah ya il onashke, im achi tok.

13. Mihmet in tishu ha, Inta! Kibeah, keyukmvt Lamah iluppa kanimampo kak o fullotet il ona cha, a pi nusashke, im achi tok.

14. Micha ont ia tok; atuk osh Kibeah yvmmvt Benchamin immi h_o ona ma, hvshi vt pit kvnia tok.

15. Mihma Kibeah ak o chukowvt a nusa ch_i hosh pit fullota tok: atuk osh chukowa mvt, tmaha holihta ai itvnowa hina binili tok: hatak nana kia in chuka ishit chukowvt a nusecha hinla kv iksho hatuk o.

16. Mihma yakeh! hatak sipokni, yvmmak kia Eflaim nvnih a minti ak inli hosh Kibeah v_tta yosh osapa toksvlt v_tta tuk osh opivt taha ma v_la tok; yohmi kia tmaha holihta a_sha kv Benchamait vhleha atok.

17. Atuk osh akachakalit hatak nowvt aya yvt tmaha holihta ai itvnowa hina ya binili h_o pisa tok: mihmvt hatak sipokni yash osh, Katima ish ia cho? micha katima ish minti cho? achi tok.

18. Mihma, Belhlehem-chutah ashvt Eflaim nvnih chvk-patali yak o ia hosh il aya, yvmmak o minti li yosh: Belhlehem-chutah yak o ia li tuk osh, amba himak ano Chihowa im aboha ia hosh aya li hoke: atuk o hatak nana kia in chuka ik chukowá, ik sm ahno hoke.

19. Yohmi kia hishunluk, micha issuba haksobish falaia vpa ch_i ka a_sha; mikma puska, micha oka paki aiena kv vno, micha chin tishu ohoyo, micha hatak himita chin tishu takla ahanta aiena hokvto im a_sha, nana bnna hinla kv iksho keyu hoke, im achi tok.

20. Mihma hatak sipokni vt, Chi nuktaiyalashke; yohmi kia nana chi bnna kv vno ak o si onvtoyulashke: peh ai itvnowa hina ya ik chi nuso kashke, achi tok.

21. Yohmi mvt ilap in chuka ishit chukowa cha, issuba haksobish falaia ipeta tok: mihma iyi ya achifa cha, impvt, micha nan ishko tok.

22. Atuk osh chukesh yukpalit chihya ma, yakeh! tmaha holihta hatak vhleha Belial ushi vhleha yosh chuka ya a folubli cha, okhissa ya boli mvt, chuka pehlich i hatak sipokni ya im anumpulit, Hatak vt vlt, chin chuka ant chukowa tuk a isht ish kohcha na il ithanashke, achi tok.

23. Mihma hatak chuka achvfa pehlich i yash osh kohchvt im ona cha, Keyú, itibapishi li vhleha ma! keyú, hvchim

asilhha lishke, nan ashvchi yakohmi ka hvsh yvmohmi ná : hatak ilvppvt an chuka ant chukowa hatuk oka, im anukfila iksho ilvppa hvchik yvmohmo kashke.

24. Yakeh ! svsotek ohoyo himita, micha im it aiena yoke : yvmmak o himak a ishit hvchi kohcha likma, hvsh hofahyalit, nana hosh hvchim achukmakmvt, hvsh yvmihchashke ; amba hatak ilvppak okvno nana ik achukmo yakohmi ka hvsh yvmihchi ná, im achi tok.

25. Yohmi kia hatak vhleha hv t i haponakla he keyu tok : yohmi ma hatak ash osh im it aiena ishit kohchvt isht im ona tok : mihma okla ithana cha, im ahlia na ont onna tok : atuk osh ont onnvt mihinti ma ik iá, im ahni tok.

26. Mihma ohoyo hash osh onnvt mihinti ma, vla cha, hatak ash in chuka i shahli hv ai itola kash okhissa ant itula cha, itonla na tohwikelit taha tok.

27. Atuk o i shahli hv onnahninli ma wakaya cha, chuka ash okhissa ya tiwi mvt, i hina ya ia chi hosh kohcha tok : mihma yakeh ! im it aiena ohoyo hash osh chuka okhissa yash ont itula tuk osh okhissa intola ya ibbak isht umbitepa hosh itoyula tok.

28. Mihma, Wakayá, mikma il ayashke, im achi tok. Yohmi kia afalamichit nana ik acho tok. Yohmi ma hatak ash osh ishi cha, issuba haksobish falaia onochi cha, hatak ash osh wakaya mvt, ai vta ya isht ona tok.

29. Atuk osh in chuka ont chukowa mvt, bvshpo ishi cha, im it aiena ya foni moma na tvptua auah tuklo hō tvptuli cha, Israel aiasha moma ka i pila tok.

30. Atuk o yakohmi tok, moma kv pisa mvt, Israel vt Echip yakni ya kohchvt vla tok nitak ilvppa ant ai vhli ka yakohmi ka yvmihchi tok keyu, micha pisa tok keyu hoke : anukfihinlit it im anumpulit hvchim anukfila hā hvsh anum-pulashke, achi tok.

CHAPTA XX.

YUMOHMI ma Israel im vlla vhleha moma kv kohchvt ia tok ; micha okla moma kv hatak achufa chiyuhmit

iti hoyot Tan vttvt ia kv̄t Beesheba ont v̄hli, Kileat aiena hosh Misp̄eh yā Chihowa im ai itvnaha tok.

2. Mihma okla moma, Israel ap̄ehlich̄i moma ka noshko-boka puta tahlepa sipokni tahlepa ushta, hatak aka āya br̄shpo falaia ieshi hosh Chitokaka im okla hosh itvnahvt chieya tok.

3. (Mihma Benchamin im vlla vhleha hv̄t Israel im vlla vhleha hv̄t Misp̄eh yā ona ka haklo tok.) Yvmohmi ma Israel im vlla vhleha hv̄t, Nan ashv̄chi ilv̄pp̄vt katiohmi hatuk ̄o? pim anol̄i, achi tok.

4. Mihma ohoyo illi tuk ī hatak Lefait ash osh afalami-chit, Ūno micha v̄m it aiena aiena kv̄t a pi nusa ch̄i hosh Kibeah, yvm̄m̄vt Benchamin im̄mi ak ̄o e chukowa tok.

5. Atuk ak ̄o Kibeah hatak vhleha hv̄t wakayvt ā sanali cha, ninak ̄o chuka yā afulloblit si apakfoypa cha, sv̄bi b̄v̄nna tok: micha v̄m it aiena yā im ahliā na illi tuk oke.

6. Mihma v̄m it aiena yā ishi lish, b̄v̄shlit tv̄ptulit tahli li m̄vt, Israel ai isha he v̄lhpesa yakni moma ka hlopullichit pila li tuk oke: haui toba, micha im anukfila iksho aiena h̄o Israel ā a yvmohmi hoka.

7. Yakeh! Israel im vlla vhleha hv̄chia hokvt, ilv̄pp̄ak oka hv̄chim anukfila, micha anumpa h̄a hv̄sh bohlashke, achi tok.

8. Mihma okla moma kv̄t hatak achv̄fa chiyuhmit wakaya cha, Pishno vt achv̄fa kia im v̄lbina h̄a il ona he keyu, micha achv̄fa kia fullotvt in chuka yā e chukowa he keyu:

9. Amba himak ā Kibeah yā ilv̄pp̄ak ̄o e yvmihchashke: na shoeli hosh ont il itibashke.

10. Micha Israel ap̄ehlich̄i puta moma ka tahlepa achv̄fak-ma, hatak pokoli, micha tahlepa sipoknikma, tahlepa achv̄fa, micha tahlepa sipokni pokolikma, tahlepa sipokni achv̄fa il ai ishikma, okla pinak isht āyashke; yohmi h̄o Kibeah Benchamin ā onakm̄vt, nana ik achukmo Israel ā a yvmihchi tuk moma pulla mak ̄o yvmihchashke.

11. Yohmi ma Israel hatak moma kv̄t tv̄maha holihta yā ī sanalit itvnaha tuk vt hatak achv̄fa chiyuhmit iti halv̄lli tok.

12. Mihma Israel ap̄ehlich̄i puta kv̄t Benchamin ap̄ehlich̄i

moma ka hlopullichit hatak pilvt, Nan ashvchi ileppvt nanta mak osh hvch itintakla a yvmohmi cho?

13. Yvmohmi hoka himak a hatak, Belial in chipota yvmvt Kibeah asha ka, pibbak hvsh fohki na e bi cha, nana ik achukmo ya Israel a ai isht e kanchashke, achi tok. Yohmi kia Benchamin im vlla vhleha hvv itibapishi vhleha Israel im vlla vhleha im anumpa ha i haponakla he keyu tok.

14. Amba Benchamin im vlla vhleha hvv iti hoyot, in tvmaha holihta puta ka akochevt Israel im vlla vhleha ha itibit ia chi hosh Kibeah ya ona tok.

15. Nitak yvmma Benchamin im vlla vhleha hvv in tvmaha holihta puta a holhtina kvv tahlepa sipokni pokoli tuklo cha hannali tok; Kibeah vt ik iba holhtino ka, yvmak okvto holhtina kvv hatak aiyua vt tahlepa untuklo tok.

16. Okla moma ileppa hatak aiyua tahlepa untuklo kvv afabi yosh tuli pila kvv, pashi achvfa kia ashvcha he keyu bika tok.

17. Mihma Israel im vlla vhleha hvv, Benchamin vt ik iba holhtino ka, bvshpo falaia ieshi kvv holhtina kvv tahlepa sipokni tahlepa ushta tok: ileppa moma kvv hatak tenvp aya bika tok.

18. Mihma Israel im vlla vhleha hvv Chitokaka im aboha ona cha, Chitokaka im anukfila im asivhvvt, Pi katima kak osh tikba ivv Benchamin im vlla vhleha ha il itiba chi cho? achi tok. Mihma Chihowa yvt, Chutah yak ashke, achi tok.

19. Mihma Israel im vlla vhleha hvv onnabinli wakaya cha, Kibeah ya i sanalit binachi tok.

20. Mihma Israel hatak vhleha hvv Benchamin a itiba chi hosh kochevt ia tok: micha Israel im vlla vhleha hvv Kibeah aiasha ka itiba chi hosh achukmvv hiohli taha tok.

21. Mihma Benchamin im vlla vhleha hvv Kibeah kohcha cha, nitak yvmma Israel okla ha hatak tahlepa sipokni pokoli tuklo akucha tuklo hvv vbit akakohli tok.

22. Mihma okla, Israel hatak vhleha hash osh ilai yimitachi mvv, vmona nitak a achukmvv a hiohli tuk ak inli hvv itiba chi kvv achukmvv hiohli tok.

23. (Mihma Israel im vlla vhleha hvt Chihowa itikba ona cha, yahaya na ont opia mvt, Chihowa im anukfla im asilhhvt, Anonti ia lish, itibapishi li Benchamin im vlla vhleha ha itibi la chi cho? achi tok. Mihma Chihowa yvt, Itibit hvsh iashke, achi tok.)

24. Mihma nitak atukla ma, Israel im vlla vhleha hvt Benchamin im vlla vhleha ha itiba chi kv bilika ona tok.

25. Mihma Benchamin vt nitak atukla ma Kibeah ya kohchvt ia cha, itibi tok; micha hatak tahlepa sipokni auah untuchina ho Israel im vlla vhleha ha vbit akakohli tok: ilvppa moma kv bvshpo falaia ieshi atok.

26. Yohmi ma Israel im vlla vhleha, micha okla moma kv itv Chitokaka im aboha ona cha, Chihowa itikba chieyvt yahaya tok: micha nitak yemma nahullochit aiasha na opia mvt, Chihowa itikba ya na hukmit isht aiokpvchi, micha it i nanaiyvchi isht aiokpvchi aiena ka ai imihisa tok.

27. Mihma Israel im vlla vhleha hvt Chihowa ya im a ponaklot, (Chitokaka it im apesa afohka itombi holitopa vt nitak yemma yummak o talaia hatok.

28. Mikma Alon ushi Eleasa ushi Finehas ak osh nitak yemma itikba hikia tok oka,) Anonti ia lish, itibapishi li Benchamin im vlla vhleha ha itibi la chi cho? ak cho? issa la chi cho? achi tok. Mihma Chihowa yvt, Hvsh iashke, onakma hvch ibbak a fohki la chi hoke, achi tok.

29. Mihma Israel vt im aiehchi ya Kibeah apakfoblit ashachi tok.

30. Mihma Israel im vlla vhleha hvt Benchamin im vlla vhleha ha itiba chi hosh tikba tuk ak inli chohmit nitak ont atuchina ma achukmvt hiohli cha, Kibeah ya itibi tok.

31. Mihma Benchamin im vlla vhleha hvt kohchvt okla ha itibi mvt, tmaha holihta ya issvt ia tok; hina takla achvfa kv Chitokaka im aboha ia, achvfa kv Kibeah osapa ia itatuklo ka foyukvt tikba tuk ak inli chohmit issot, micha vbit isht ia kv hatak pokoli tuchina foka ho vbi tok.

32. Mihma Benchamin im vlla vhleha hvt, Tikba tuk a chohmit pi tikba akakohvshke, achi tok. Yohmi kia Israel im vlla vhleha hvt achi kv, Kiloh i yihlepa cha, tmaha

holihta ya akohchit isht ivt hina takla isht il onashke, achi tok.

33. Mihma Israel hatak moma kvt aiasha tuk vt wakayvt ia mvt, Baal-tama yak o achukmvt hiohlit, mikma im aiehchi Israel Kibeah oktak aiasha tuk vt akohcha tok.

34. Mihma Kibeah itibi kvt hatak tahlepa sipokni pokoli aiya yosh Israel moma a kohcha hosh itibi na palummi fehna tok: yohmi kia nana ik achukmo kvt i bilika kvt ik ithano tok.

35. Mihma Chihowa yvt Israel itikba ya Benchamin a issot kanchi tok: mihma Israel im vlla vhleha hvt nitak ymma Benchamin a hatak tahlepa sipokni pokoli tuklo cha, akucha tahlapi, micha tahlepa achufa ho vbi tuk ilvppa moma bvshpo falaia ieshi atok.

36. Yohmi ma Benchamin im vlla vhleha hvt ilap ak o imaiya ka pisa tok: Israel hatak vhleha hvt im aiehchi Kibeah bilika okla ashachi tuk ak osh anukchieto hatuk osh Benchamin a i kanelli tok oke.

37. Mihma im aiehchi vt tushpa hosh Kibeah ya o yihlepa tok; mihmvt im aiehchi yash osh auatvt maya mvt, tmaha holihta ya bvshpo falaia halupa ya isht issot kanchi tok.

38. Mihma Israel hatak vhleha, micha im aiehchi vhleha nan it im apesa kvt luak libbi chito ho ikbi na shobullit tmaha holihta akochvt vba ia he it im apesa tuk atok.

39. Mihma Israel hatak vhleha hvt itibi ka i kanvllit isht ia ma, Benchamin vt issot vbit isht ia kvt Israel hatak pokoli tuchina foka tok: Ummona tuk ak inli chohmit pi tikba ya illit akakoha hoka, achi hatok okvt.

40. Yohmi tuk kia tmaha holihta ya luak libbi, micha shobohli chito aiena hosh vba maya na Benchamait vhleha hvt ashaka pit filema ma, yakeh! tmaha holihta lua kvt vba ivt shutik a ona ho pisa tok.

41. Mihma Israel hatak vhleha hvt anonti falama ma, Benchamin hatak vhleha hvt nukhlakancha tok: nana ik achukmo kvt onvtola ka pisa hatuk osh.

42. Yrmohmi ma Israel hatak vhleha ha itikba ya i sha-

naiyvt, yakni haiaka pilla hō ia tok: yohmi kia in tanampi kvt sakki tok; mikma tmaha holihta yā kohcha ka ai ititakla vbit tahli tok.

43. Yakohmi hosh Benchamait vhleha hā apakfopa cha, hliolit nana ik ahobo hō Kibeah ichapaka i hvshi akocha imma yō ai ahvhlichhi tok.

44. Mihma Benchamin vt hatak tahlepa sipokni auah untuchina hosh akakoha tok; ilvppa moma kvt hatak chilita nukwia iksho bieka tok.

45. Okla filema cha, maleli mvt, yakni haiaka imma ivt Limmon tvi yā ona tok: mihma hina takla yā vlvullit isht aya kvt hatak tahlepa sipokni tahlapi tok; micha ahliovt atikonofvt isht ayvt Kitom a isht onvt, hatak tahlepa sipokni tuklo vbi tok.

46. Yvmohmi hō nitak yvmma Benchamin vt akakoha moma kvt bvshpo falaia ieshi vt hatak tahlepa sipokni pokoli tuklo akucha tahlapi tok: ilvppa moma kvt hatak chilita nukwia iksho bieka tok.

47. Yohmi kia hatak tahlepa hannali kvto falamvt malelit yakni haiaka Limmon tvi yak o ona tok; micha Limmon tvi yak o aiasha na hvshi ushta tok.

48. Mihma Israel hatak vhleha hvt falamvt, Benchamin im vlla vhleha hā tmaha holihta puta hatak ak kia, nana vlvpoa ai itilauechit, micha nana hō ibbak a fohkakma, bvshpo falaia halupa isht issot kanchi tok: micha tmaha holihta puta onakmvt, okla luak tikelichi tok.

CHAPTA XXI.

MIHMA Israel hatak vhleha hvt Mispēh āsha mvt, anum-pa kullo il onochi mvt, Il achvfa kia Benchamin a tekchi ya chī ka pim ushetik il ima he keyu, ai achi tuk atok.

2. Mihmvt okla hvt Chitokaka im aboha ona cha, Chitokaka itikba aiasha na opia tok: micha itih hā vba takalechit vahaya fehna tok.

3. Mihmvt, Israel in Chitokaka Chihowa ma! nanta ka-

tiohmi ho Israel a ant a yakohmi na himak nitak a Israel a ap ehlich i achvfa kvt iksho cho? achi tok.

4. Atuk osh onna ma yakohmi tok, okla hvt onnahinli wakaya cha, alta ikbi cha, na hukmit isht aiokpuchi, micha isht iti nanaiyuchi isht aiokpuchi aiena ka im issa tok.

5. Mihma Israel im vlla vhleha hvt, Kvt a hosh Israel ap ehlich i puta moma ka Chihowa im itvnaha ka takla kvt ik lo cho? achi tok. Anumpa kvlo fehna ile onochit, Kena kia Misp eh ya Chihowa ya im ai itvnaha ka ik ayokmvt, illi pullashke, achi tuk atok okvt.

6. Mihma Israel im vlla vhleha hvt itibapishi Benchamin ak o ishit nukhaklo tok: micha, Israel a ap ehlich i achvfa kvt himak nitak a mosholishke.

7. Hiei moma ka tekehi ya chi keno il i katiohmicha chi cho? Chihowa pulla anumpa kvlo il onochit tekehi ya chi ka piso tek a il ima he keyu, il achi tuk okvt, achi tok.

8. Mich a anonti, Kvt a achvfa hosh Israel ap ehlich i moma ka Misp eh ya Chihowa ya ik im ai vlo tuk oh cho? achi tok: mihma yakeh! achvfa kia Chabesh-kileat minti kvt abinanchit ai itvnaha ya ik lo tok.

9. Okla ha hotihna ma, yakeh! Chabesh-kileat okla hvt achvfa kia yvma iksha tok.

10. Mihma okla itvnaha yash osh yvma hatak tahlepa sipokni auah tuklo chilita nukwia iksho moma i shahli ka pila cha, im apesa mvt, Hvsh ia cha, Chabesh-kileat okla ohoyo, micha vlla aiena ka bvshpo falaia halupa isht vbit hvsh tahlashke.

11. Mich a nana ilvppak o hvsh yvmihcha chi hoke, Nakni, micha ohoyo puta hatak apota tok puta ka vbit tahlit hvsh vmohmichashke, achi tok.

12. Atuk o Chabesh-kileat okla ha ohoyo himita tahlepa ushta hosh nakni nana kia iba teshkit ithana tok keyu yo okla ahayuchi tok: mihmvt Shiloh vlhtipo holitopa ya yvmvt Kenan yakni talaia ka isht ona tok.

13. Mihma itvnahvt aiasha tuk moma kvt Benchamin im vlla vhleha, yvmvt Limmon teli aiasha ka ont im anumpulit, i kanvt i howa chi ho pila tok.

14. Mihma Benchamin vt nitak yvmma anonti vla tok: mihma Chabesh-kileat ohoyo apowvt okchallnchi tuk vt tekchi okla ima tok: yohmi kia yvmmvt okla ik im ono tok.

15. Mihma Benchamin a okla ishit nukhaklo tok; Chihowa yvt Israel apelhichi puta ai ititakla ya ashahbichi hatuk o.

16. Yvmohmi ma itvnaha aiasha tuk im asvnonchi vhleha hvt, Hieli moma ka tekchi ya chi ka il i katiohmicha chi cho? Benchamin a ohoyo hvt illit taha hoka, achi tok.

17. Micha anonti, Ai isha he vhpesa vt Benchamin hla-kofi in talaia he vhpesa, yohmi ho apelhichi achufa kv Israel a illit ik taho kashke, achi tok.

18. Ik yohmi kia tekchi ya chi ka piso tek a il ima he keyu; Israel im vlla vhleha hvt anumpa kullo il onochit, Kva hosh Benchamin a tekchi imakmv, okpulot tahrshke, achi tok.

19. Mihmv, Yakeh! Shiloh ya yvmmvt Behlel a i falvmmi in tvnvp hina Behlel a vttvt ivt Shechem ona ka hvshi akochaka imma in tvnnvp, micha Lebonah im oka mahli imma ya afvmmikma Chihowa impvchi holitopa isht aiasha chatuk oke.

20. Yvmohmi ma Benchamin im vlla vhleha ha okla im apesvt, Hvsh ia cha, paki ahollokchi ya ont im aiehchit hvsh aiashashke.

21. Micha hvsh hopokoyashke, micha yakeh! Shiloh ushetik vhleha hvt kohchvt talovt hihla ya hihlv ayakma; yohmikma paki ahollokchi yo hvsh kohcha, hatak hvsh moma kv hvchi tekchi ya chi aiyukali ka Shiloh ushetik vhleha ha hvsh hokli cha, Benchamin i yakni ya hvsh onashke.


22. Atuk o yakohmikma iki vhleha, keyukmv, itibapishi vhleha hvt nana achit pim vlakma, Pishno ak atuk mak o hvsh i kanaske: il it in tanampi ka hatak tekchi aiyukali ka kil im il atombo tuk oka; himak a hvsh ashvcha chi hosh hvsh ima tuk keyu hokvt, il im acha hi oke, achi tok.

23. Mihma Benchamin im vlla vhleha hvt yvmohmi cha, holhtina ka vhpisa ho tekchi ya chi ka hihlv aya yvmmak oka hoklit ai ishi tok: micha falamvt ia cha, ai isha he vhl-

pesa yakni yash ona cha, in tumaha holihta puta ka apoksi-
achi cha, aiasha tok.

24. Mihma Israel im vlla vhleha hut nitak yemma ashvt
tisheli mvt, hatak puta kvv im avehliche ka, micha in chuka
achufa aiyukali kvv ona tok: micha yemma ashvt okla ia
mvt, ai isha he vllhpesa aiyukali kvv ona tok.

25. Nitak yemma foka hoka Israel a miko vt iksho tok:
hatak puta kvv ilap nishkin ai im vllhpesa aiyukali hosh
yvmohmi beka tok.



LULH A

ISHT ANUMPA HOKE.

CHAPTA I.

ATUK o yakohmi tok, nan apesa vhleha hvt pehlichit maya nitak ma, yakni ymma hohchifo chito tok. Mihma Belh-lehem chutah hatak osh ymma, micha tekchi, micha ushi tuklo aiena ket irt, Moab yakni ya ont ahashwa tok.

2. Michā hatak ymma hohchifo ket Elimelech okma, micha tekchi hohchifo ket Naomi, micha ushi tuklo hohchifo ket Mahlon, micha Chilion, Effahlait okla Belh-lehem chutah asha; ymohmi met Moab yakni ymmak o ona cha, ahashwa tok.

3. Atuk o Naomi i hatak Elimelech ash osh illi tok; yohmi na Naomi, micha ushi tuklo aiena ak illa hosh ahashwa tok.

4. Atuk o Moab ohoyo ha ishit itauwayet okla tok; achufa hohchifo ket Opah yokma, anonti achufa hohchifo ket Lulh atok: micha ymma ahashwa na afummi pokoli foka tok.

5. Atuk osh Mahlon, micha Chilion ita tuklot illi ak inli tok; mihma ohoyo hash osh ushi tuklo, micha i hatak aiena ket illi na ilap bano hosh ahanta tok.

6. Ymohmi met ipok tuklo ka awant Moab yakni ya issut falamet ia chi hosh wakaya tok: Moab yakni anta moma ket Chihowa yet im okla ha i nowa cha, pska ima tuk a haklo hatak.

7. Ymohmi hosh ai vta tuk vt ipok tuklo ka awant kacha tok; mihmet Chutah yakni falamet ona chi hosh hina ya okla itenohowa tok.

8. Mihma Naomi vt ipok tuklo kash, Oh ia cha, falamvt hvch ishki bika in chuka ya hvsh onashke: illi chash, micha vno aiena ka hvs sa kana tuk a chiyuhmit Chihowa yvt hvchi kanashke.

9. Chihowa yvt vllpesa ahnit hvch ima na afoha ahayuchit, hatak in chuka ya im achukmvt hvsh chieya bikashke, im achi tok. Mihmvt i suksowa ma, chitolit yaiyvt okla tok.

10. Mihmvt, Falamvt chim okla achvfa i yakni ish ia ka chi takla il ia pulla chi hoke, achit okla tok.

11. Mihma Naomi vt, Suso tek vhleha ma! hvsh falamashke; nanta katiohmi ho si awant hvsh ia hinla ho? himakma ushi vt vm oshvto ya vlhto tuk osh hvchi hatak toba hinla cho?

12. Falamvt hvsh iashke, susotek vhleha ma! sa sipokni fehna hokvt hatak vm asha he keyu hoke. Yohma chi ahni li, micha himak ninak ak kia hatak vm asha cha, ushi vm asha chi achi li kia;

13. Hvsh im ashwa na hofantittaha hinla cho? hvsh im ashwa na hatak hvch ik auwayo ka hinla cho? Keyu, susotek vhleha ma! hvchishno pulla kak o sa nukhaklo fehvshke, Chihowa ibbak vt si asanalit si onvtola hoka, im achi tok.

14. Mihma anonti chitolit yaiyvt okla tok. Mihmvt Opah hv ipokni ya i suksowa tok; amba Lulh vto heh ahnit asitia tok.

15. Mihma Naomi vt Yakeh! ish ita tuklo tuk vt falamvt im okla, micha i na holvt toba puta ka im ivshke: ish ita tuklo ka falamvt iakaiyvt ish iashke, achi tok.

16. Mihma Lulh vt, Chissa la he, micha chiakaiya li kv falama la he a chik svm asihvlo kashke: kanima ish ayakma, aya la chi; kanima ish ai vttakma, ahanta la chi; chim okla hak osh vm okla cha, chin Chitokaka ak osh an Chitokaka ha chi hoke.

17. Kanima a chillikma, a svlla chi, micha yvmmak o a sa hollopa chi hoke: illi ak illa hosh chishno, micha vno pit i filvmmichi keyukma, Chihowa yvt yakohmi, micha i shakli kia si yvmihchashke.

18. Mihma ia pulla kak o kullot im anukfila na pisa mvt, im anumpuli kv̄t issa tok.

19. Yvmohmi ma itatuklot itiachi tuk osh Belh-lehem a ona tok. Atuk o yakohmi tok, Belh-lehem a itonachi ma, tumaha moma kv̄t a kv̄tullit, Ilp̄p̄t Naomi o? okla achi tok.

20. Mihma *Naomi hvs si achi ná, †Mala hvs si achashke: Nana moma i shahli hvt homi h̄o si yvmihechi tuk oka.

21. Si alota hosh kohchvt ia li tok kia, iksho h̄o anonti an chuka Chihowa yvt svsht vlvshke: yohmi ka nanta kati-ohmi h̄o Naomi hvs si achi h̄o? Chihowa yvt si atokolit a sanali, micha Nana moma i shahli hvt sv̄lv̄shali tuk oka.

22. Yvmohmit Naomi, micha ipok Lulh Moab ohoyo ita tuklot falamvt Moab yakni ya a kohchvt ona tok: micha bali ya bv̄shlit isht ia h̄o Belh-lehem a it onachi tok.

CHAPTA II.

MIHMA Naomi vt i hatak i kanomi yosh hatak holitompa im il a yak chito fehna Elimelech in chuka achufa yosh anta tok; micha hohchifo kv̄t Boas atok.

2. Mihma Lulh Moab ohoyo hash osh Naomi ya, Himak a osapa ak ia chá, k̄na h̄o i holhponayo hanta ai ahayuchi likmvt, onush noshkoba ya vlv̄rellit iakaiya lashke, im achi ma, Iá, svsotek ma! im achi tok.

3. Mihma ia tuk osh ona cha, onush bv̄shli v̄hleha h̄a iakaiyvt osapa ya ai vlv̄relli tok: micha Boas Elimelech i kanomi im osapa kashapa yoba h̄o ona tok.

4. Yohmi ma yakeh! Boas vt Belh-lehem a minti hosh vla cha, onush bv̄shli v̄hleha h̄a, Chihowa yvt hv̄ch ibafoyukashke, im achi ma, aalamichit, Chihowa yvt chi yukpalashke, okla im achi tok.

5. Yvmohmi ma Boas vt in tishu onush bv̄shli v̄hleha pehlich̄i ya, Ilp̄p̄t kv̄ta ushetik o? im achi tok.

6. Mihma tishu onush bv̄shli v̄hleha pehlich̄i yash osh

* Achukma.

† Homi.

afalamichit, Moab ohoyo himita, Naomi vt Moab yakni kohchvt falamvt vla ma, takla vla tok mak oke.

7. Yohmi hosh, Onush bvshli vhleha ha iakaiyvt onush talakchi ai asha ka ak vlvlli, achi tuk; atuk osh vla cha, ahanta na onnahinli yatuk vt himakvshke, peh ik hopako ho chuka ya ont ashvt foha tuk oke, achi tok.

8. Yvmohmi ma Boas vt Lulh a, Chik haklo? svstok ma! osapa inla ya vlvllit chik aiyo, micha ilvppa issvt chik aiyo hosh amba ohoyo himita vhleha ilvppa vm asha ka apotvt ish ahantashke:

9. A bvshli ka osapa ya chi nishkin a onochit ish pisa cha, ish iakaiyashke: hatak himita vhleha ha chi potola he keyu ka i miha li tuk keyu cho? micha chitukshilakmvt, oka ai vltto puta ka ishit hatak himita vhleha oka ochi tuk a ont ish ai ishkashke, im achi tok.

10. Yvmohmi ma akachunolit aka hlipvt, Nanta katiohmi ho chi holhponayo hanta a chi ahayuchi li, ithanvt is sa pisa cho? ohoyo ik ithano sia hoka, im achi tok.

11. Mihma Boas vt afalamichit, Chi hatak vt illi tok ititakla haya chipokni ya ish kaniohmihinchit tuk a, moma kv atokowvt vm annoa tuk oke: yohmi kv chiki, micha chishki, micha yakni ish ai vttat yatok a issvt okla chashpo ish ithana chatuk keyu kv ant ish ibafokvshke.

12. Nana ish a kaniohmi tuk a Chihowa yvt chim atobashke, micha Israel in Chitokaka Chihowa, yvma sanahchi a nutakvt ish a nukchieta chi hosh ish la tuk a vlttoba ai ona achukma ho chimashke, im achi tok.

13. Yvmohmi ma A shahli ma! chi holhponayo hanta ak chi ai ahayuchi, ohoyo himita vhleha chim aiasha ka achvfa ka chohmi li keyu kia, is sa hopohlvi hoka, micha chin tishu ohoyo ha i kanvt ish im anumpuli hoka, achi tok.

14. Mihma Boas vt, Impa ai ona ish la cha, pinak a vpvvt, chi pvska tushafa winaka ibai okvchit ish pashke, im achi tok. Mihma onush bvshli vhleha bilika binili tok: mihma yvmak ash osh onush vlvvsha pit ima na impvt fihopa ma, asha moma tok.

15. Mihma vlvlla chi hosh wakaya ma, Boas vt hatak

himita vhleha ha i mihvt, Onush talakchi ai asha kak kia ik vlbulli, micha hvsh hofahyali ná;

16. Micha ibbak alolua kanimi kia ik chilofá, ahnit asha-chit isht hvsh aya na vlbulla chike; micha hvsh im olvbi ná, im achi tok.

17. Yohmi na osapa ya vlbullit ahanta na opiet taha ma, vlbulli tuk vt bolit nihechit tahli ma, bali vt efah achufa foka tok.

18. Mihma ishi met, temaha holihta yash ont chukowa tok: mihma ipokni vt vlbulli tuk a pisa tok; mihma fihopa met ilatomba tuk vt isht vlt ima tok:

19. Mihma ipokni vt, Katima yak o himak nitak a ish ai vlbulli tuk oh cho? mikmet katima yak o ish a tokseli tuk o? kena hosh yohmi, chi ahni tuk vt holitopashke, im achi tok. Mihma kena ho iba tokseli tuk vt ipokni ya im anolit, Himak nitak a iba tokseli li tuk hohchifo ket Boas oke, achi tok.

20. Mihma Naomi vt ipok a, Hatak yemmet okchaya, micha illi tok aiena kash i kana ket Chihowa im aholitopashke, im achi tok. Micha Naomi vt, Hatak yemmet pi kanomi fehna, pi kanomi i shahli moma hoke, im achi tok.

21. Mihma Lulh Moab ohoyo het, Ohoyo himita vhleha vm asha ka apotort ish ahanta na onush a beshlit tahla chi hoke, vm achi tuk oke, achi tok.

22. Mihma Naomi vt ipok Lulh a, Ilvppak osh achukma, svsotek ma! ohoyo himita vhleha im ai asha kak o takla ish aya na osapa inla kanima ik chi ai itafamo kashke.

23. Yemohmi na Boas ohoyo himita vhleha im ai asha kak o apotort vbellit ahanta na bali beshli; micha onush beshli aiena ket ont taha tok; mihma ipokni takla ahanta tok.

CHAPTA III.

MIHMA ipokni Naomi vt, Svsotek ma! nana chim ai achukma hi a afoha chi hoyo la he keyu cho?

2. Yohmi ka himak a Boas yemma ohoyo himita vhleha

im aiasha kak o takla ish aya tuk vt pi kanomi keyu? yakeh! himak ninak a a nihechi ya bali muslichit isht anta hoke.

3. Yumohmi hoka yupit pashi ahama il ai ahvmmi na-fohka ish fohka cha, a nihechi ya ish onashke; yohmi kia hatak vt impet ishkot ik isso kisha ka ish im ile haiakvchi ná.

4. Yumohmi tuk o tushkikma, ai itola ka achukmalit ish pisa tuk osh, ish chukowa cha, iyi ompoholmo ka ish wakvmmi cha, ish tushka chike; yohmikma ish kaniohma chi ka chim anola chi hoke, im achi tok.

5. Mihma, Nana is svm achi tuk a moma ka yvmihchi la chi hoke, im achi tok.

6. Mihmut a nihechi ya ona cha, ipokni vt nana i miha tuk moma ka yvmihchi tok.

7. Yumohmi tuk o Boas vt impet nan ishkot, chukvsh yukpet taha mut, ivt onush nihi itvnahachi vhli ont tushki tok: mihma lumut ivt iyi ompoholmo ya wakvmmi cha, tushki tok.

8. Atuk o yakohmi tok, ninak iklvna ma hatak ash osh nukshopa cha, filema tok: mihma yakeh! ohoyo hvv iyi ya itoyula tok.

9. Mihma, Kuta chia hoh cho? achi ma, afalamichit, Chin tishu ohoyo Lulh sia hoke: yumohmi hoka chin tishu ohoyo ha ish anchi vhli ka et si onochi; a kanomi fehna chia hokvt.

10. Mihma Chihowa i holitopa chia hashke, svvotek ma! hatak himita ilbvsha yokma, nana in laua yokma nana kia chik iakaiyo hosh, vmmona tuk ak kia i shahlichit ishtaiyopi ka is sa kana hokvt.

11. Yumohmi ka inta! svvotek ma! chi nukshopa ná; nana is svm ahni tuk a moma chi yvmihchi lashke: ohoyo kostini chia ka vm okla moma tvamaha holihta ai asha kvv ithana hoka.

12. Yohmi ka chi kanomi fehna sia kvv ahli: yohmi kia chi kanomi a shahli kvv anta hoke.

13. Himak ninak a ish anta tuk o onnahnlikma, i kanomi

nana a kaniohmichi chatuk a chi yohmikma vllhpesa chi: i kanomi nana akaniohmichi chatuk a yohmashke: amba i kanomi nana akaniohmichi chatuk a chi yohma he keyukma, vno ak osh i kanomi nana akaniohmichi chatuk a, Chihowa yet okchaya pulla ka, chi yohmi la chi hoke; ish itonla na onnashke, achi tok.

14. Mihma iyi ya itoyula na onna tok: mihmut achvfa ket inla ya ithana he keyu moma ho wakaya tok. Mihma a nihechi ya ohoyo het vla tuk a, kena kia ik akostinincho kashke, achi tok.

15. Micha, Anchi ish anchi ket isht vla cha hahanli, achi tok. Mihma halanli ma, bali vllhpisa hannali ho apesa cha, shalichi tok: mihma temaha holihta yash ont chukowa tok.

16. Mihma ipokni ya im ona ma, Keta chia hoh cho? svsotek ma! achi tok. Mihma hatak ash osh nana akaniohmi tuk a moma im anoli tok.

17. Micha Bali vllhpisa hannali ilvppa vma tuk oke: nana iksho ho chipokni ya chik im ono kashke, vm achi hatuk oket.

18. Yohmi ma Svsotek ma! lumut asha cha, nana ket kaniohmi na ish pisashke; hatak yummvt nana ka himak nitak a ik tablo ket achukmt binila chi keyu hoka.

CHAPTER IV.

YOHMI ma Boas vt ivt holihta okhissa yummak o ont binili tok: mihma yakeh! i kanomi Boas vt anoli tuk ash osh ant ia tok; yummak ash o, Yakeh! chishno ya; fullotet ilvppa ant binili, im achi ma, fullotet binili tok.

2. Yohmi ma temaha holihta yash hatak im asnonchi pokoli ho hoyo cha, Ilvppa ho binohli, achi ma, okla binohli tok.

3. Mihma i kanomi yash, Naomi, yummvt Moab yakni kohket salamvt vla kash osh, yakni kashapa pitibapishi Elimelech inni atok a, kanchi mak oke.

4. Yemohmi hō atokolit chim anolit, okla itikba, micha vm okla im asvnonchi vhleha itikba a chumpá, achi la hō ahni li tuk oke. Falaminchit chumpa lashke, ish ahnikmvt, falaminchit ish chumpashke; amba falaminchit ish chumpa he keyukmvt vm anolí, yohmi na haklo lashke: falaminchit chumpa inla ket iksho, chishno ak illa hoka; mikma vno ak osh chiakaiya li hoke, im achi tok. Mihma falaminchit chumpa lashke, achi tok.

5. Mihma Boas vt, Nitak kaniohmi hō osapa yash Naomi ish in chumpakmvt, Moab ohoyo Lulh illi tok tekehi ak kia ish in chumpa cha, illi tok hohchifo hā im ikbit i yakni ya ish ai o hilechi pullashke, achi tok.

6. Mihma i kanomi yash osh yakni ieshi li vhpesa kash okprni la hinla hatuk osh, vno yak inli hokvto falaminchit chumpa la he keyu; vmmi vhpesa tuk a chishno yak osh falaminchit chumprt ish ishashke; falaminchit chumpa la he keyu hoka, achi tok.

7. Yohmi ka Israel a nitak chashpo ka na falaminchit chumpa, micha nan itatoba puta aiena ka ai ahlichā chī ket yakohmi beka tok, hatak vt i shulush a shufi cha, in chuka a bilika hatak a ima beka tok: mihma ilvppak o Israel okla hut ai yemohmi beka tok.

8. Yemohmi hō i kanomi hash osh Boas a, Chimmi ha chī hosh ish chumpashke, im achi tok. Yohmi met i shulush a shufi tok.

9. Mihma Boas vt hatak asvnonchi puta, micha okla moma aiena ka, Himak nitak fehna ka hvsh pisa hō, nana Elimelech immi hatok moma, micha Chilion immi hatok moma, micha Mahlon immi hatok moma aiena ka Naomi ya in chumpa lishke.

10. Micha illi tok hohchifo hā im ikbit i yakni ya ai o hilechi la chī hosh Lulh Moab ohoyo, Mahlon tekehi atok a, sa tekehi ya chī hosh chumpa lishke; yohmi hō illi tok hohchifo hut itibapishi vhleha ai ititakla, micha ai etta tok holihta okhissa ya ik knio kashke; himak nitak a pisa hvchia hoke, im achi tok;

11. Mihma okla moma holihta okhissa hielī tuk, micha

asnonchi aiena kut, Pisa pia hoke. Ohoyo chin chuka chukowa ka Chihowa yet Lechel, micha Leah, tuklo ymmak osh Israel chuka achufa ya ikbi tok oka ymmak o chohmichashke: mikma Eflatah ya ish a holitopashke, micha Belh-lehem a chi hohchifo kut ai annohowashke:

12. Michā chin chuka yet chim ishtatiaka Chihowa yet ohoyo himita iluppa ai isht chima chi kut Tama yet Chutah ya im eshi tok Fales in chuka yak o chohmashke, okla achi tok.

13. Ymmohmi ma Boas ut Lulh a ishi na tekchi tok: atuk osh iba chukowa ma, Chihowa yet vhpesa ahni na vlla shali tuk osh, vlla nakni yo eshi tok.

14. Mihma ohoyo vhleha hut Naomi ya, Chihowa yet holitopashke; ymmut himak nitak fehna ka i kanomi iksho ik chi kanchō ho, Israel okla ha hohchifo kut holitoput ai annohowa chi hoke.

15. Michā falaminehit okchalinehi chin chiyuhma chi hoke, micha chi sipoknit taiyaha ka chi shoyuli ya chi hoke: heh chi ahni kut ushi untuklo chim i shahli chipok ut chim eshi tuk okut, im achi tok.

16. Mihma Naomi ut vlla yash ishi cha, ikkishi ha onochi cha, vlla ya shoyulit hofantiehi tok.

17. Michā chuka abilika ohoyo vhleha hash osh, Naomi ut ushi ashushke, mihmut hochifot Obet achi tok: ymmak osh Chesse Lewi iki ya iki yoke.

18. Yohmi ka Fales ishtatiaka yet iluppak oke: Fales ut Heslon a tobachi tok,

19. Mihma Heslon ut Lam a tobachi tok, mihma Lam ut Amminatab a tobahehi tok,

20. Mihma Amminatab ut Nahshon a tobachi tok, mihma Nahshon ut Salmon a tobachi tok,

21. Mihma Salmon ut Boas a tobachi tok, mihma Boas ut Obet a tobachi tok,

22. Mihma Obet ut Chesse ya tobachi tok, mihma Chesse ut Lewi ya tobachi tok.oke.

THE
FIRST AND SECOND BOOKS OF SAMUEL.

AND THE
FIRST BOOK OF KINGS,

TRANSLATED INTO
THE CHOCTAW LANGUAGE.

SAMUEL I HOLISSO
UMMONA, ATUKLA ITATUKLO,

MICHA
MIKO UHLEHA,
ISHT ANUMPA UMMONA

AIENA KUT TOSHOWET
CHAHTA ANUMPA TOBA HOKE.

NEW YORK:
AMERICAN BIBLE SOCIETY,
INSTITUTED IN THE YEAR MDCCCXVI.

1913.

S A M U E L

I H O L I S S O U M M O N A H O K E.

SAMUEL

I HOLISSO UMMONA HOKE.

CHAPTA I.

MIHMA hatak achufa kut Lamahlaim-sofim Eflaim nunih minti hosh hohchifo kut, Elkanah Eflahlait hatak osh ahanta tok, yemmet Cheloham ushi, yemmet Elihu ushi, yemmet Tohu ushi, yemmet Suf ushi atok.

2. Micha yemma tekchi vt in tuklo tok; achufa hohchifo kut Hannah yokma, achufa vto hohchifo kut Peninnah atok: mihma Peninnah vt vlla im ashakma, amba Hannah vto vlla ik im iksho ki tok.

3. Mihma hatak ilvppet afemmikma in temaha holihta ya kohchvt Shiloh ya onvt, vba nan okluha il ai eshi Chihowa aiokpvehit nan vbit isht aiokpvechi beka tok. Mihma Hofni, micha Finehas Eli ushi tuklo Chihowa nan isht im ashwa vt yemma ashwa tok.

4. Atuk o Elkanah vt nan vbit isht ai aiokpvechi nitak vt vla ma, tekchi Peninnah, micha ushi vhleha moma, micha ushetik vhleha aiena ka i hopela tok.

5. Amba Hannah ano, holhpela tuklo ho ima tok: Hannah ya i hullo hatuk okvt; yohmi kia Chihowa vt im oshvto ya im okhishta tok.

6. Mihma ichapa yvt Chihowa vt im oshvto im okhishta kak o chukvsh okpulochi fehvt nokovvchi tok.

7. Mihma afemmi hosh afemmikma Elkanah vt yemohmi hatuk o, Chihowa im aboha ya onakmvt, yemohmit chukvsh okpulothonchi beka tok; yemohmi ma yaiya cha, inpa he keyu tok.

8. Mihma i hatak Elkanah vt, Hannah ma! nanta katiohmi h_o ish yaiya cha, ish impa he keyu cho? micha nanta katiohmi h_o chi chukvsh vt nukh_haklo cho? ushi pokoli kak kia chim i shahli li keyu cho? im achi tok.

9. Yrmohmi ma Shiloh ya nan ai imp_ut, micha nan ish-kot issa ma, Hannah vt wakaya tok: (mihma Eli na holi-tompa isht v_tta y_vt Chihowa in tempel tonik bilika ai om binili hikia h_o om binili tok.)

10. Mihma Hannah ash osh chukvsh nukhahvmmi cha, Chihowa im asihihlv_t yahaya fehna tok.

11. Mihm_ut ilap im anukfila hosh Chihowa im ai ablich_a he anumpa il onochit, Uba nan okluha il aieshi Chihowa ma! chin tishu ohoyo ilbvsha ka ish pisa pulla mvhli, micha is svthaiyana cha, chin tishu ohoyo h_a ik chim ahakso hosh, amba chin tishu ohoyo h_a vlla nakni y_o ish ima pullakma, yrmohmikma okchayv_t ahanta nitak moma ka Chihowa ya ima la hi oke; mikma nutakhish ishit shafa y_vt noshkobo onvtoyula hi keyu hoke, achi tok.

12. Atuk o yakohmi tok, Chihowa itikba ya anumpa ilbvsha anumpohonli imoma ma, Eli vt itih ha atokolit pisa tok.

13. Mihma Hannah vt chukvsh ak inli anumpohonli tok; itivlbi ak illa hosh ilhkoli ma, amba im anumpa hano ik haklo tok: yohmi hatuk osh Eli vt haksi h_o im ahoba tok.

14. Mihma Eli vt, Chi haksi na hopaki kv_t katiohma chi cho? chim oka paki ya ish kanvllichashke, im achi tok.

15. Mihma Hannah vt afalamichit, Keyú, a shahli ma! ohoyo chukvsh nukh_haklo sia hoke: oka paki, micha nan ishko kvllo nana kia ishko li tuk keyu hoke, amba Chihowa itikba ya sa chukvsh a kocha pit fohobli li hoke.

16. Chin tishu ohoyo h_a Belial ushetik chik si apeso kashke: nana a nukh_haklo, micha isht a svlvsha kv_t laua kak osh anohonlit anumpohonli li himakvshke, achi tok.

17. Mihma Eli vt afalamichit, Chi nuktaiyav_t ish ayashke: mikma Israel in Chitokaka vt nan asilhha ish im asilhha tuk a chimashke, achi tok.

18. Mihma, Chin tishu ohoyo hv_t chi tikba ya isht i kana

ya ai ahayuchashke, achi tok. Yrmohmi mut ohoyo hash osh ia cha, impa mut, himmakma nashuka ik il apisso tok.

19. Mihma onna ha onnahinli moma ho okla wakaya cha, Chihowa itikba ai aiokprechi mut, falamut in chuka Lamah ha ona tok: mihma Elkanah vt tekchi Hannah ya ithana tok; mihma Chihowa vt ithaiyana tok.

20. Yrmohmi ho ont yakohmi tok, Hannah vt vlla shali havt nitak ont ai vhpiesa ma, vlla nakni yo eshi cha, Samuel hochifo tok; Chihowa ya im asilhha li tuk okvt, achi tok.

21. Mihma hatak Elkanah ash osh, micha in chuka achufa aiena ket afemmikma, nan vbit isht aiokprechi im issa chi, micha ilap im anukfila hosh Chihowa nan im issa he anumpa il onochit ai ahlichia chi hosh ia tok.

22. Yohmi kia Hannah vt ik aiyo tok: i hatak a, Ulla vt pishit ik isso kisha ka ia la he keyu; yohmi ka yohmik mvno, Chihowa itikba hikia he, micha yrmak o ahanta na bilia hi o isht ona la hi oke, im achi tok.

23. Mihma i hatak Elkanah vt, Nana chim vhpesa kak osh ish yrmihchashke; ish antvt vlla pishi ka ish issvchi ha yashke; peh Chihowa yak osh im anumpa ha ai ahlichashke: im achi tok. Yohmi ho ohoyo hash osh ahantvt vlla ya pishechi tuk osh issvchi tok.

24. Atuk osh pishechi tuk vt issvchi mut, ishi cha, wak hobvk himita tuchina, micha bota tohbi efah achufa, micha okapaki kotoba achufa aiena ka ishi cha, Chihowa in chuka Shiloh ya isht ona tok: mihma vlla yash osh himita tok.

25. Mihma wak hobvk himita achufa ho okla vbi cha, vlla yash Eli ya isht im ona tok.

26. Mihma Hannah ash osh, A shahli ma! chimi shilombish vt okchaya pulla ka a shahli ma! vno ak osh ohoyo hut chi bilika ilvppa Chihowa ya im asilhhvt hikia tok mih sia mak oke.

27. Ulla ilvppak o asilhha li tok oke: atuk o Chihowa vt nan asilhha im asilhha li tok a vma tok oke.

28. Yrmohmi hoka Chihowa ya im pota li ak inli hoke: okchaya ititakla ka Chihowa ya im pota li hoke. Mihma yrmak o Chihowa ya ai aiokprechi tok.

CHAPTA II.

MIHMA Hannah vt anumpa ilbvsha anumpulit, Sa chv-
krsh vt Chihowa ya ai yukpvshke, an lapish okvt Chi-
howa ya a chahvshke; svtih hvt wakamvt an tnvvp vhleha
ha o walvpli hoke; is si apelvchi tuk a sai yukpa hokvt.

2. Nan ashvchi iksho Chihowa ohmi kvv iksho hoke: inla
yvt iksho ho, chishno ak bieka hokvt: mieha tvli chaha
nana kia pin Chitokaka chohmi kvv asha keyu hoke.

3. Himak pilla ka yohmit ile chahvchi atampa fehvt
hvsh anumpuli na: ilefehvvchi anumpa hvt chitih ha ik koh-
cho kashke: Chihowa vt Chitokaka nan ithana yosh yvm-
mak osh nana kaniohmi puta ka wekichu hoka.

4. Hatak hlampko imiti tanampo puta kvv kobahlshke,
mikma hliposhi tuk vt hlampko yo isht vskofvchishke.

5. Kaiya tuk vt pvsha ya asitvba chi hosh inla im ile
tohnoshke; mikma hohchvfo tuk vt ik yohmoshke: yvmoh-
mi ho vlla ik im iksho vt untuklo ho eshi ma, vlla in laua
tuk vt hliposhit isht irshke.

6. Chihowa ak osh illichu hoke, mikmvv okchalinchi hoke:
akovvchit ahollopi isht ona hoke, mikmvv wakayvchi hoke.

7. Chihowa vt ilbvsha ikbi hoke; mikmvv nan in laua
ikbi hoke: akanlosechi hoke, mikmvv wakayvchi hoke.

8. Hatak ilbvsha ya hituk chubbi ya akohchit wakayvchi
hoke, mieha hatak nan asilhha vt chopilhvsh ititakla binili
tuk a wakayvchi cha, hochitoka takla binilichit ai om binili
holitompa ieshichu hoke: yakni in tonik puta kvv Chihowa
yak o immi hokvt, mieha yvmmak osh yvma vba puta ya
ai on talali hoke.

9. Yvmmvv ilap i holitopa vhleha iyi ya im atona hi oke;
mikma nan ashvchi vhleha hvt ai okhlilika aiashtv chulusa
hi oke; ilap imi hlampko ak inli kvv kvna hosh imaiya he
keyu hoke.

10. Chihowa i sanali vhleha hvt kobahlit taha hi oke:
vba shutik o et ai o hiloha hi oke: Chihowa vt yakni ont ai
chli ka nan im apesa hi oke; miko ya atokoli tuk vt hlamp-

ko ima cha, Nan ahamvt im vltoka in lapish a chahvcha hi oke, achi tok.

11. Mihma Elkanah vt in chuka Lamah ya ona tok. Mihma vlla yash osh Eli naholitompa isht vtta itikba ya ahantvt Chihowa nan isht im vtta tok.

12. Mihma Eli ushi tuklo kv Belial ushi atok: micha Chihowa ya ik ithano tok.

13. Mihma naholitompa isht vtta yvt okla ha na kaniohmichi kv, ymmvt hatak nana hosh nan vbit isht aiokprechi ya im issakma, naholitompa isht vtta in tishu hv nipi vt wahlvlli moma na, nipi ishit bihli noti tuchina ibbak foyuka hosh vla beka tok.

14. Mihmt asonak mahaia, keyukmt asonak lakna, keyukmt shuti mahaia chito, keyukmt shuti iyi asha yokma, nanakma bihlikma, nipi ishit bihli vt ishit kohchikma, moma naholitompa isht vtta yvt ilap achi hosh ishi beka tok. Yvmohmit Islaelait moma kv Shiloh ona ka okla yvmihechi beka tok.

15. Mikmt nia ya ik hukmo kisha ho, naholitompa isht vtta in tishu hv vla cha, hatak nan vbit isht aiokprecha chi kash, Naholitompa isht vtta yvt apushla chi ka nipi ima, honni ya chim isha he keyu hoka, amba okchaki ya, im achi beka tok.

16. Atuk o hatak nana hosh, Chekosi nia ya ik hukmo ki na, yohmikmeno laua kaniohmi ho chi chukvsh vt ahnikmt, ish ishashke im achikma: yvmohmikma afalamichit, Aha himonasi ya issvmashke: keyukma afoa hosh ishi la chi hoke, im achi beka tok.

17. Yvmohmi hosh hatak himita tuklo kash osh nan ashvchi kv Chihowa itikba ya chito fehna tok: hatak vhleha hv Chihowa nan im issa ya shitlema tok oka.

18. Amba Samuel vto Chihowa itikba ya vlla yosh linen tenna efot isht vskofaiyachi hosh nan isht ahanta tok.

19. Yohmi ma ishki vt nafohka iskitini afvmmi hosh afvmikma i hatak vt afvmmi aiyukali nan vbit isht aiokprechi im issvt ayakma, isht im ona beka tok.

20. Mihma Eli vt Elkanah, micha tekchi ya yukpalit

anumpulit, Chihowa vt ohoyo iluppa ai unchololi a chimashke, nan im pota yumma Chihowa ya hvsh im pota tuk oka, achi tok. Mihma in chuka akinli itonachi tok.

21. Mihma Chihowa vt Hannah im aya na, vlla shahanli cha, ushi tuchina, micha ushetik tuklo h_o eshi tok. Mihma vlla Samuel vt Chihowa itikba ya hofantit ahanta tok.

22. Mihma Eli vt sipokni fehna tok; micha ushi tuklo kvt Israel moma ka kaniohmichi moma ka, micha ohoyo hv_t okla moma im vhtipo holitopa okhissa ya ai itahoba ka iba tvshkit okla aiena ka haklo tok.

23. Michā, Nanta katiohmi h_o iluppa chohmi ka hvsh yumihechi cho? nana ik achukmo hvsh yumihinchī ka okla iluppa moma ka a hahaklo li hoka.

24. Keyú, svso vhleha ma! nan annoa achukma keyu h_o haklo li hoka; Chihowa im okla h_a hvsh yoshublishke.

25. Hatak achvfa hosh inla ya nan im ashvchi hokma, nan apesa yosh nan im apesa hi oke; amba hatak vt Chihowa ak o i yoshuba hokm_o, kvt hosh isht anumpula hinla cho? im achi tok. Yohmi kia i_{ki} im anumpa h_a haponakla he keyu tok, Chihowa vt vba chī kvt ai ahni tuk oka.

26. Mihma vlla Samuel vt hofantit mahaya mv_t, Chihowa, micha hatak vhleha aiena ka i holitopa tok.

27. Mihma hatak Chitokaka im antia yosh im vla cha, Chihowa vt yak ahanchishke, Chīki in chuka achvfa ya Echip Feleo in chuka ahanta ma i haiaka li tuk mvhli keyu cho?

28. Michā Israel apelihchi puta ka naholitompa isht v_m ahanta yosh, v_m alta ya ai onochit v_m issv_t, na balama hukmit, efot foyukv_t sa tikba hikia chī h_o ai atokoli li tok keyu cho? micha chīki in chuka achvfa ya Israel im vlla vhleha hv_t i na hukmit isht aiokpvchi moma ka ima li tok keyu cho?

29. Yohmi ka nanta katiohmi h_o nan vbit ishit si aiokpvchi, micha nan v_m issa an chuka ai apihisa li tuk a ish habli cha, chiso vhleha hak o ish holitobli kvt is s_a shahlichī cha, v_m okla Israel vt nan v_m issa ya achukma moma i shahli kak o isht hvsh ile niachi cho?

30. Yrmohmi hoka Israel in Chitokaka Chihowa vt yak achishke, Chin chuka achvfa, micha chiki in chuka achvfa vt sa tikba a nohowa na bilia hi oke, achi li mvhli tok: yohmi tok kia himak ano Chihowa vt achi kv, Ak yohmo kashke; sa holitoblikma, yummak oka holitobli la he, micha kvna hosh sa shitilemakmv, ik ahobo ka hi oke.

31. Yakeh! chin chuka achvfa ya hatak sipokni vt iksho ka hi o, chishakba ya tvbli likmv, chin chuka achvfa shakba ya a tvbli la he nitak vt mintishke.

32. Mikma nana hochukma puta Chihowa vt Israel a ima he tuk kia ai vta li ya tenvp osh aiasha na ish pisa hi oke: yohmikma chin chuka achvfa ya hatak sipokni vt iksho ho bilia hi oke.

33. Hatak chishno akinli yosh vm alta ya ai ahanta ka fiopa ak in tvbli kv, ymmv chi nishkin illicha he, micha chi chukvsh nukhaklocha he ak achij hoke: chin chuka achvfa ai unchololi vt hatak im ahli moma hosh ihinla hi oke.

34. Mikma ilvppak osh nan isht chim atokowa yosh chiso tuklo Hofni, micha Finehas itatuklo ka onvtola chij hoke: nitak achvfa ho itatuklot illa chij hoke.

35. Mikma naholitompa isht vta ai ahli nana vm anuk-fila, sa chukvsh aiena a sa nukfoyuka kak o a yvmihehi ho il atokolit hilechi la hi oke; mikmv chuka kvllot hikia ho im ikbi la hi oke: mikma Nan ahamv vm vlhtoka itikba ya a nohowa na bilia hi oke.

36. Atukma yakohma hi oke, chin chuka achvfa kv asha tuk puta kv ont im akachunolit, tvli hvta tushafa, micha pska iskitini i benvv, Naholitompa isht vta ahikia achvfa ka is sa fohkashke, yohmi na pska tushafa vpa lashke, chim asilhha lishke, acha hi oke, im achi tok.

CHAPTA III.

MIHMA vlla Samuel vt Eli itikba ahantvt Chihowa ya nana isht im ahanta tok. Mihma nitak yemma Chi-

howa im anumpa hvt achafqa tok; Chihowa nana otvninchi vt tiapa tok keyu hoke.

2. Atuk o nitak yumma yakohmi tok, Eli vt ai itola ya itoyula mvt, nishkin vt knivt isht ia na pisa he keyu tok;

3. Mihma Chitokaka i pvla hvt Chihowa in tempel Chitokaka im itombi holitopa a talaia ya hikia tuk vt ik mosho! kisha ho, Samuel vt nusa chi hosh tvshki tok.

4. Mihma Chihowa vt Samuel a i howa tok: mihma afalamichit, Yak itonla lishke, achi tok.

5. Mihma malelit Eli ya im ona cha, Yak hikia lishke, is sa howa tuk oka, achi tok. Mihma, Chi howa li tuk keyu, anonti tvshki, achi tok. Mihma ia cha, ont tvshki tok.

6. Mihma himakma anonti Chihowa vt i howvt, Samuel ma! achi tok. Mihma Samuel vt wakayvt, Eli ya im ona cha, Yak hikia lishke, is sa howa tuk oka, achi tok. Mihma afalamichi mvt, Chi howa li tuk keyu, suso ma! anonti tvshki, achi tok.

7. Mihma Samuel vt Chihowa ya ik ithano kisha, mihma Chihowa im anumpa hvt ik im otaiyano kisha hatok.

8. Mihma Chihowa vt ont atuchinama, Samuel a i howa tok. Mihma wakaya cha, Eli ya im ona mvt, Yak hikia lishke, is sa howa tuk oka, achi tok. Mihma Eli vt Chihowa ak osh vlla ya i howa tuk a akostininchi tok.

9. Yvmohmi hatuk osh Eli vt Samuel a, Ish ia cha, ish tvshkashke: atukma yakohma chi hoke, chi howakma, Anumpuli, Chihowa ma! chin tishu hvt haklo hoka, ish achashke, im achi tok. Yohmi ma Samuel vt ai itola ya ona cha, tvshki tok.

10. Mihma Chihowa vt ont hikivt, tikba tuk a chohmit i howvt, Samuel, Samuel, achi tok. Yohmi ma Samuel vt afalamichit, Anumpuli, chin tishu hvt haklo hoka, achi tok.

11. Mihma Chihowa vt Samuel a, Yakeh! Islael nana a yvmihchi la hi oke; yumma kuna kia haklokmvt, hakso-bish vt itichampvt chasa hi oke.

12. Nitak yumma nana moma Eli in chuka pulla ka anumpuli li tuk vt yvmihchit Eli ya onochi la hi oke: micha ishit wakaya likmvt, ont vlichhi la hi oke.

13. Nan ashvchi ithana yemma pulla kak o in chuka achvfa ya nan im apesa li bilia chi kvt im anoli li tok: ushi vhleha hvt ile hofahyali ma, ik im olabo chatuk oka.

14. Mihma yemohmi kak o Eli in chuka achvfa ya anum-pa kvtlo il onochit, Eli in chuka achvfa nan ashvchi nan vbit isht ai okprechi, micha ilhpak isht aiokprechi ya ishit kashofa he keyu bilia hi oke, achi li tuk, im achi tok.

15. Mihma Samuel vt itonla na onna tok; mihmvt Chihowa im aboha okhissa ya tiwi tok: mihmvt Samuel vt Eli ya Chihowa nan otvnnichi ash im anoli kvt nukshopa tok.

16. Yohmi ma Eli vt Samuel a i howa cha, Samuel, srso ma! achi tok. Mihma afalamichit, Yak hikia lishke, achi tok.

17. Mihma Eli ash osh, Nanta ho CHIHOWA vt chim achi tuk o? is san luhmi ná, chim asilhha lishke: nana chim achi tuk moma ka nana kia is san luhmikma, Chitokaka vt yakohmi, micha i shahli kia chi yvmihchashke, achi tok.

18. Mihma Samuel vt lushummit im anoli cha, nana kia ik in luhmo tok. Mihma yummak ash osh, Chihowa yoke, im vlhpiesa kak osh yvmihchashke, achi tok.

19. Mihma Samuel vt hofantit ia tok; mihma Chihowa vt ibafoyuka cha, im anumpa hvt achvfa kia aka ik itulá, im ahni tok keyu hoke.

20. Mihma Israel moma kvt Tan vttvt iet Bee-sheba ont vlli kvt, Samuel vt Chihowa i hopaii tobt ai ahli ka ithai-yana tok.

21. Mihma Chihowa vt Samuel a anonti Shiloh ya ai i haiaka tok: Chihowa vt Shiloh ya ai im ile haiakvchit; Chihowa im anumpa isht im ile haiakvchi tok oke.

CHAPTA IV.

MIHMA Samuel im anumpa hvt Israel moma ka im ona tok. Mihma Israel vt Filistin okla ha itiba chi hosh kohchvt ia cha, Ebenese bilika binachi tok: mihma Filistin okla hvt Afek ak o binachi tok.

2. Mihma Filistin okla hvt Israel a itiba chi kvt im vlhta-

hvt hieli tok: mihmut itibit itafama ma, Israel vt Filistin okla itikba akakoha tok; micha ai itibi yumma tushka chipota ya tahlepa sipokni ushta foka ho okla vbi tok.

3. Mihma okla hvt falamvt im vlbina ha ona ma, Israel hatak im asvnonchi vhleha hvt, Katiohmi ho Chihowa vt himak nitak a Filistin okla itikba ya issot pi akakohlichei cho? Chihowa nan it im apesa afoyuka itombi holitopa ya Shiloh ya ont ai isht iloh vlashke, yohmi na pititakla vlakmut, pin tenp ibbak a kohehit pi hlakofichashke, achi tok.

4. Yvmohmi mvt vba nan okluha il aieshi Chihowa che-lubim ititakla ahanta i nan it im apesa afoyuka itombi holitopa ya ont ai isht vla chi ho Shiloh ya pila tok: mihma Eli ushi tuklo Hofni, micha Finehas itatuklo ket Chitokaka nan it im apesa afoyuka itombi holitopa ya takla ashwa tok.

5. Atuk o Chihowa nan it im apesa afoyuka itombi holitopa vt binah ha vla ma, Israel moma ket shakapa chito shakapa tok; yohmi ho anonti yakni vt winihvchi tok.

6. Mihma Filistin vhleha hvt shakapa ka haklo cha, Heblu vhleha i binah ha shakapa chito ilvppet nanta hoh cho? achi tok. Mihma Chihowa im itombi holitopa vt binah vla ka akostininchi tok.

7. Mihmut Filistin vhleha hvt nukshopa tok; Chitokaka hvt binah ha vleshke, okla achi hatuk osh. Mihmut, Na palvmmi vt pi onvtolushke! tikba ka nana ilvppa chohmi ket yakohmi tok keyu hoka.

8. Na palvmmi vt pi onvtolushke! Keta hosh Chitokaka nana moma imaiya vhleha ilvppa ibbak a a kohehit pi hlakoficha chi cho? Chitokaka vhleha ilvppak osh Echip okla ha yakni haiaka ya na palvmmi puta isht issot kanchi tuk mak oke.

9. Hvsh vellashke, micha nakni hvsh chiyuhmashke, Filistin hvchia ma! Heblu vhleha hvt yvmohmi tuk a chohmit in tishu ha hvch ik tobo kashke: nakni chiyuhmit hvsh itibashke, achi tok.

10. Mihmut Filistin vhleha hash osh itibi ma, Israel vt akakoha tok: mihmut okla yihlepa cha, hatak vt i binah ai-yukali ka ona tok: mihma illi ket laua fehna tok: Israel vt

hatak aka aya vt tahlepa sipokni pokoli tuchina hosh aka-koha tok oke.

11. Mihma Chitokaka im itombi holitopa ya ishi tok: mihma Eli ushi tuklo, Hofni, micha Finehas itatuklo ket illi tok.

12. Mihma Benchamin hatak osh tushka chipota aiasha ka hikiyt maleli mvt, mih nitak akinli ho Shiloh ya i nafohka vt hlilafa cha, lukfi vt noshkobo ha onvtoyula hosh ona tok.

13. Atuk osh ona ma, yakeh! Eli vt hina apota ka hopokoyo hosh ai om binili on asha tok; Chitokaka im itombi holitopa pulla kak o chukvsh vt wenihinchu hatuk osh. Atuk o hatak ash osh temaha holihta ya ont chukowa cha, anoli na temaha holihta moma ket chitoli hosh yaiya tok.

14. Mihma yayiyet shakapa na Eli vt haklo mvt, Nanta katiohmi ho shakapa yakohmi ket yohmi cho? achi tok. Mihma hatak ash osh tushpa hosh chukowa cha, Eli ya im anoli tok.

15. Mihma Eli vt afvmmi pokoli chakkali akucha untuchina tok; micha nishkin vt tohbi cha, nana pisa he keyu tok.

16. Mihma hatak ash osh Eli ya, Uno ak osh tushka chipota aiasha ka kohcha li tuk oke, micha himak nitak ak o tushka chipota aiasha ka kohchvt maleli li tuk oke, im achi tok. Mihma, Nanta ho katiohmi cho? soso ma! achi tok.

17. Mihma anumpa shali yash osh afalamichit, Israel vt Filistin vhleha itikba ya yihlepshke; micha illi ket laua fehvshke; mihma chiso tuklo Hofni, micha Finehas itatuklo kak kia illishke; mihma Chitokaka im itombi holitopa ya ishishke, achi tok.

18. Atuk o yakohmi tok, Chitokaka im itombi holitopa ya isht anumpuli ma, holihta okhissa lapali ka ai om binili on asha tuk vt olbulhpelet ivt ont itula mvt, ikunla vt tilofa cha, illi tok: hatak sipokni yosh weki hatuk okvt. Michu Israel a afvmmi pokoli ushta ho nan im apesa tuk atok.

19. Mihma ipok Finehas tekchi vt vlla shali tuk osh eshi ahosi tok: atuk osh Chitokaka im itombi holitopa ya ishi tuk annoa ka haklo, micha imvfo, micha i hatak aiena ket

illi tuk a haklo mvt, aka chunoli cha vlla eshi tok; nukhvni vt ant onvtoyula hatuk okvt.

20. Atuk osh illi fokali ma, ohoyo bilika hieli kash osh, Chi nukshopa ná, vlla nakni yō ish eshi hokvt, im achi tok. Yohmi kia afalamichi kvt nana ik acho, micha nana yohmi ik ahno tok.

21. Mihmvt, Israel isht a holitopa vt kvnivshke, achi hosh vlla ya Ikabot hochifo tok. (Chitokaka im itombi holitopa ya ishi, micha imvfo, mikmvt i hatak aiena hatuk pulla kak o.)

22. Mihmvt, Israel isht aholitopa vt kvnivshke: Chitokaka im itombi holitopa ya ishi hoka, achi tok.

CHAPTA V.

MIHMA Filistin vhleha hvt Chitokaka im itombi holitopa ya Ebenese ya ai ishi cha, Ashtot a isht ona tok.

2. Filistin vhleha hvt Chitokaka im itombi holitopa ya ishi mvt, Takon im aboha okla isht ona cha, Takon apotolit talali tok.

3. Atuk o Ashtot asha tuk vt onna ma onnahinli fehna wakaya ma, yakeh! Takon vt Chihowa im itombi holitopa itikba ya nashuka ya ishit hlipivt aka itula tuk achini tok. Mihma Takon a okla ishi cha, aiasha ya anonti hilechi tok.

4. Atuk osh onna kvt onnahinli moma na wakaya ma, yakeh! Takon vt Chihowa im itombi holitopa itikba ya nashuka ishit hlipivt aka itula tuk achini tok: mihma Takon noshkobo, micha ibbak putha vt iti champa aiena kvt tuptua tuk osh okhissa in tola yak o kahvt maya tok: Takon vt peh haknip ak bano hosh itonla tok.

5. Yvmohmi tok o Takon i naholitompa isht asha, micha kuna kia Takon im aboha ya chukowakmvt, Takon im aboha Ashtot hikia ka okhissa in tola ya ik a nowo tuk osh himak nitak ak kia yvmohmi momvshke.

6. Yvmohmi kia Chihowa ibbak vt Ashtot ai asha ka i weki fehna tok; micha okpvni cha, Ashtot, mikmvt ai vlli fullota ka isht asha hlachowa onochi tok.

7. Mihma Ashtot hatak vhleha hvt yemohmi na pisa mvt, Israel in Chitokaka im itombi holitopa vt pi takla talaia he keyu: ibbak vt weki fehna hosh pishno, micha Takon pi na holbrt toba aiena ka pi onvtoyula hoka, achi tok.

8. Yemohmi hō hoyot Filistin okla i hochitoka puta ka itvnahli cha, Israel in Chitokaka im itombi holitopa ya e katiohmicha chī cho? achi tok. Mihma afalamichit, Israel in Chitokaka im itombi holitopa ya falvmmichit Kalh a isht onashke, achi tok. Mihma Israel in Chitokaka im itombi holitopa ya yemma isht ona tok.

9. Atuk o yakohmi tok, yemma isht ona haya, Chihowa ibbak vt tmaha holihta yash im i sanalit nukhlakvshli fehna tok: micha tmaha holihta hatak chipunta, micha hochito moyuma ka isso na isht asha ya okla hlachowa vbi tok.

10. Yemohmi ma Chitokaka im itombi holitopa ya Eklon ak o pila tok. Atuk o yakohmi tok, Chitokaka im itombi holitopa vt Eklon a vla ma, Eklonait vhleha hash osh payvt, Israel in Chitokaka im itombi holitopa ya pishno ma, micha pim okla aiena ka isht vbit pi tahla chī hosh ishit pim vlvshke, achi tok.

11. Yemohmi hō piltv, Filistin okla i hochitoka vhleha puta ka okla hoyot itvnahli cha, Israel in Chitokaka im itombi holitopa ya hvsh pila na atalaia he vlvpesa kv anonti onashke, yemohmi hosh pishno, micha pim okla aiena ka ik pe bo kashke; tmaha holihta moma afullota ka ililli okpulo vt ishit nukhlakanchit ihinli tok oka; Chitokaka ibbak vt yvmmak kia weki fehna tok.

12. Mihma hatak vhleha hvt ik illo tuk a isht asha hlachowa isht vbichi tok: mihma tmaha holihta yaiya kv shutik a ona tok.

CHAPTA VI.

MIHMA Chihowa im itombi holitopa vt Filistin okla i yakni ya aya na hvshi untuklo tok.

2. Mihma Filistin okla hvt naholitompa isht asha vhleha, micha hatak fvppo vhleha ha i howa cha. Chihowa im

itombi holitopa ya e katiohmicha chi cho? pim anoli, katiohmit atalaia he vlhpesa ka e pila chi cho? achi tok.

3. Mihma afalamichit, Israel in Chitokaka im itombi holitopa ya hvsh pila hokmvt, nana iksho ka hvch ik pelo kashke: amba ik kaniohmi kia nan ashvchi isht vlhtoba ya hvsh i falvmmminchi pullashke: yvmohmikma hvchi hlakofa hi oke; micha kaniohmi kak o ibbak vt ik hvchi kanvlllo tuk a hvsh ithana hi oke, achi tok.

4. Mihma afalamichit, Nanta ho nan ashvchi isht vlhtoba ya il i falvmmmincha chi cho? achi tok. Mihma afalamichit, Hlachowa yash tvli holisso lakna yosh holbvt toba tahlapi, micha tvli holisso lakna yosh pinti holbvt toba tahlapi, Filitin okla i hochitoka vhleha holhtina kak inli chohmi ho ililli okpulo achvfa hosh hvsh moma, micha hvchi hochitoka aiena ka onvtoyula beka hatuk oka, achi tok.

5. Yvmohmi hoka hvchi hlachowa yash holba ho ikbit, micha hvchi pinti yakni okpvi yash holba ho hvsh ikbashke; micha Israel in Chitokaka ya hvsh holitoblichashke: yohmi na ibbak vt hvchi onvtoyula tuk vt shohhvlachit hvchi ai ishit hvchi naholbvt toba puta ka ai ishit, micha hvchi yakni aiena ka ai ishi yoba na.

6. Yvmohmi hoka nanta katiohmi ho Echip okla, micha Feleo aiena kvv chukvsh kvllochi tok chohmichit hvchi chukvsh a hvsh kvllochi cho? Ai ititakla ya nana afehna ka yvmihinchi ma, ik ia okla im ahni na ia tok keyu cho?

7. Yvmohmi hoka himak a itichanvlli himona ikbi cha, wak tek pishinchi tuklo ikunla abana vt, onvtola tok keyu yo ishit, wak tek ash itichanvlli ya hvsh a takchichashke; micha ushi ya im ai ishit pehlichit i holihta ya isht hvsh lashke.

8. Michi Chihowa im itombi holitopa ya itichanvlli ya hvsh on talali cha, nan ashvchi isht vlhtoba tvli holisso lakna yash hvsh i falvmmminchi kvv itombi iskitini yo vlhto ho apotolit hvsh talalashke; micha hvsh pila na iashke.

9. Michi hvsh pisashke; ilap im ai vli Belh-shemesh iakma, yohmikma nan ik achukmo fehna ilvppa pi yvmihchi tuk achi hoke; amba keyu hokma, peh yohma he yoba

tuk osh pī yemohmi; yemma ibbak ak osh pisso tok keyu ka il ithaiyanashke, achi tok.

10. Mihma hatak vhleha hvt yemihchi tok: micha wak tek pishinchi tuklo hō ishi cha, itichanvlli yā a takchichi cha, ushi ano i holihta apittvt im okshilita tok.

11. Mihmet Chihowa im itombi holitopa yā, micha itombi iskitini teli holisso lakna pinti, micha hlachowa holba vt vltō yash aiena ka itichanvlli yā on talali tok.

12. Mihma wak tek ash osh apissanlit Belh-shemesh pilla ia tok; micha hina takla yā wohohvt aya mvt, isht impakimma, micha vlfvfbekimma kia naksika pit fullota keyu hosh ia ma, Filistin okla i hochitoka vhleha hvt iakaiyvt ia mvt, Belh-shemesh ai vlli ka ona tok.

13. Mihma Belh-shemesh asha yvt onush bvshli hosh okfa hā maya tok: atuk osh akachakali cha, itombi holitopa yash pisa mvt, pisa kv na yukpa tok.

14. Mihma itichanvlli ash osh Choshua Belh-shemait im osapa yō ont chukowa cha, teli chito ai itola hō yummak o ont hikia tok: mihma itichanvlli iti yā puhli cha, wak tek ash hukmit isht aiokprechi yō Chihowa yā im issa tok.

15. Mihma Lefait vhleha hvt Chihowa im itombi holitopa yash, micha itombi iskitini teli holisso lakna ai vltō kash aiena ka akvchi cha, teli chito yā on talali tok: mihma Belh-shemesh hatak vhleha hash osh nitak yummak inli ka na hukmit isht aiokprechi, micha nan vbit isht aiokprechi yā Chihowa yā im issa tok.

16. Mihma Filistin okla i hochitoka tahlapi kash osh pisa mvt, mih nitak akinli hō falamvt Eklon ā ona tok.

17. Mihma teli holisso lakna yosh na hlachowa holbt toba ilvppak o nan ashvchi isht vltoba yā Chihowa yā i falmminchi tok: Ashtot ā achvfa, Kasa yā achvfa, Ashkelon ā achvfa, Kalh ā achvfa, Eklon ā achvfa tok.

18. Micha teli holisso lakna pinti vt Filistin okla in tuma-ha holihta moma holhtina ka vllhpisa, hochitoka tahlapi ka immi, tumaha holihta kello, micha kocha tumahushi aiena, teli chito Abel yummak o Chihowa im itombi holitopa on

talali tok ont ai vhli ak atok oke ; teli yummvt himak nitak a Choshua Belh-shemait im osapa ya talaia hoke.

19. Mihma Belh-shemesh hatak vhleha ha Chihowa im itombi holitopa anukaka ya pisa tuk pulla mak_o, okla tahlepa sipokni pokoli tahlapi cha, pokoli untuklo h_o vbit tahli tok. Mihma Chihowa vt issot kanchi na illi kv_t laua fehna hatuk _o, okla hv_t yahaya tok.

20. Mihma Belh-shemesh hatak vhleha hv_t, Kv_ta ho_{sh} Chitokaka Chihowa nan ashvchi iksho ilvppa itikba ya hikia hinla cho ? micha pissvt kv_ta hak _o im ia ch_i cho ? achi tok.

21. Mihmv_t anumpa shali vhleha ha Kichalh-chealim okla ha pit i pila cha, Filistin okla hv_t falvmminchit Chihowa im itombi holitopa ya isht vlvshke ; ho minti cha, ant ishit hvsh ai asha ka isht hvsh onashke, achi tok.

CHAPTER VII.

MIHMA Kichalh-chealim hatak vhleha hv_t vla cha, Chihowa im itombi holitopa ya ant isht ona cha, Abinatab a in chuka nv_nih paknaka talaia ya isht ona mv_t, ushi Eleasa ak _o Chihowa im itombi holitopa ya iesha ch_i h_o hullochi tok.

2. Atuk _o yakohmi tok, itombi holitopa yvt Kichalh-chealim talaia na hopaki tok ; afvmmi pokoli tuklo tok oka : mihma Israel in chuka achvfa moma kv_t i palatvt Chihowa ya im itvnaha tok.

3. Mihma Samuel vt Israel in chuka achvfa moma ka im anumpulit, Hvchi chukvsh isht ai oklvh_vchit Chihowa ya famv_t hvsh im ona hokmv_t, oklushi inla i na holv_t toba, micha Ashtaloh aiena ka hvch ititakla ya hvsh a kanchi cha, hvchi chukvsh a Chihowa ya hvsh im atahli cha, yvm-mak bano h_o hvsh aiokpvchashke ; mikma Filistin okla ibbak a akohchit hvchi hlakoficha ch_i hoke, achi tok.

4. Yvmohmi ma Israel im vlla vhleha hv_t Baalim, micha Ashtaloh a kanvllichi cha, Chihowa ak bano h_o aiokpvchi tok.

5. Mihma Samuel vt, Israel moma ka Misp_h ak _o hvsh

ai itnahlashke, mikmut ishit huchi anumpulit Chihowa ya im ilbvsha lashke, achi tok.

6. Mihma iti hoyot Mispah ak o itnaha cha, oka ya ochi mut, Chihowa itikba ya hlatvbi tok; micha nitak yemma na hulochi cha, Chihowa ya il i yoshuba tuk oke, yemma ai achi tok. Mihma Samuel vt Israel im vlla vhleha ha Mispah ya nan im ai apesa tok.

7. Atuk o Israel im vlla vhleha hut iti hoyot Mispah a ai itnaha ka Filistin okla hut haklo mut, Filistin okla i hochitoka yak osh Israel itibit ia tok. Atuk o Israel im vlla vhleha hut haklo mut, Filistin vhleha ha i nukshopa tok.

8. Mihma Israel im vlla vhleha hut Samuel a, Isht ish pi anumpohonlit pin Chitokaka Chihowa ya ish i pahaya kut chik isso kashke, yemohmi na Filistin vhleha ibbak a akohchit pi hlakofichashke, okla im achi tok.

9. Mihma Samuel vt chukfclhpoa ushi pishi yo ishi cha, hukmit isht aiokpvehit mominchit Chihowa ya im issa tok; mihma Samuel vt Israel a isht anumpulit Chihowa ya i pahaya tok; mihma Chihowa vt i haponaklo tok.

10. Mihma Samuel vt na hukmit isht aiokpvehi yash im issat isht anta ma, Filistin vhleha hut Israel a itiba chi hosh akanvllit bilika vla tok; yohmi tuk kia Chihowa vt hilohhvehit hiloha chinto ho Filistin vhleha ha et onochi cha, komuntvchit yuhli tok; mihma Israel itikba ya akakoha tok.

11. Mihma Israel hatak vhleha hut Mispah ya kohcha cha, Filistin vhleha ha hlioli cha, issot kanchit ishit mayvt Belhka nuta ya ona tok.

12. Yemohmi ma Samuel vt teli ishi cha, Mispah micha Shen ititakla ya hilechi cha, Ebenese hochifot, Ilvppa ant vli ka Chihowa vt pi apelvshke, achi tok.

13. Yemohmit Filistin vhleha ha imaiya na himmakma Israel im ai vli ha ik chukowo tok: mihma Samuel vt ahanta nitak moma ka Chihowa ibbak vt Filistin okla ha i sanali tok.

14. Mihma tmaha holihta puta Filistin okla hut Israel a im ishi tok vt Israel a i falvmminchi tok, Eklon vttvt ivt Kalh ont vli tok; micha ai vli ka Israel vt Filistin okla

ibbak a mokofit im ishi tok. Mihma Israel, micha Amolait okla aiena kut it i nanaiya tok.

15. Mihma Samuel vt okchayvt ahanta nitak moma ka Israel a nan im apesa tok.

16. Mikmut afvmmi hosh afvmmikma ivt Behlel, micha Kilkal, micha Mispel aiena ka fullota cha, tvmaha holihita yvmma moma ka Israel a nana im ai apesa beka tok.

17. Michal falamakmut, Lahai ak o ona beka tok; yvm-mak o in chuka yvt talaia hatuk aka; micha yvmmak o Israel a nan ai im apesa tok; micha yvmmak o Chihowa ya alta ya ai im ikbi tok.

CHAPTA VIII.

ATUK o yakohmi tok, Samuel vt sipoknit taiyaha mut, ushi vhleha ha Israel nan im apesa ikbi tok,

2. Michal tikba im vttai yvt Choel hohchifo hokma, im atukla yvt Abiah hohchifo hatok: Bee-sheba ak o nan im ai apesa yatok.

3. Mihma ushi vhleha hash osh a nohowa tok ik ayo hosh, amba naksika fullotvt nana ahayuchi ai vhlpesa keyu asitia, micha habenvchi ishi cha, ai vhlpesa ka shanaiyvtchi tok.

4. Yvmohmi ma Israel im asvnonchi vhleha hvit iti hoyot itvnaha cha, Samuel ai vttai Lahai ya ona tok.

5. Michal, Yakeh! sipoknit chi tahvshke; mikma chiso tuklo kut ish ataya ya ik a nowoshke: himak a miko ish pim ikbi na oklushi moma kut a yohmi chatuk chohmit na pim apesashke, im achi tok.

6. Yohmi kia, Miko ish pima na nana pim apesashke, okla achi ma, Samuel vt nana isht ik im vhlpeso tok. Mihma Samuel vt Chihowa ya im ilbvshvt anumpuli tok.

7. Mihma Chihowa vt Samuel a, Okla im anumpa nana chim ahanchi ka moma ish i haponaklashke: chishno ak o chi kanchi keyu hoka, amba vno ak osh i miko la chi keyu ka ahnit, sa kanchi hoke.

8. Pehlichit Echip a kohcha li tok nitak minti kvt himak nitak ant vhli ka nana toksvli puta yvmihinchit sa kanchi cha, naholbvt toba puta ka aiokpvchi chatuk mak osh chish-no yak kia chi a yvmihchi akinlishke.

9. Yohmi hoka himak a im anumpa ha ish i haponaklashke; yohmi kia atokolit vhpesa keyu ish im achashke, micha miko vt mika chi kvt nana akaniohmi ya ish im anolashke, im achi tok.

10. Mihma Samuel vt Chihowa im anumpa moma ka okla miko im asilhha kash im anoli tok.

11. Mihmt, Miko hvchi miko nana akaniohmi vt ilvppak ahi oke: Chiso vhleha ha ishi cha, ilap apistikeli, micha im itichanvlli apistikeli, micha im issuba om binili ya chi aiena ka atokola hi oke; mikma kanimi kvt im itichanvlli itikba chahafa ya hi oke.

12. Michah tahlepa sipokni i kvpitvni, micha pokoli tahlapi i kvpitvni il atokola hi oke; mikmt yakni in lapushkiehit onush i vrshlit, micha tvnvp isht itibi, micha tvnvp itichanvlli isht halvlli aiena ka ikba hi o apesa hi oke.

13. Michah hvch iso tek vhleha hv ilimpa champuli ikbi, micha hoponi, micha pvska ikbi aiena ya chi ho isha hi oke.

14. Michah hvchim osapa puta ka, micha paki hvchim ahollokechi, micha alif hvchim ahollokechi aiena achukma i shahli kia ishi cha, in tishu vhleha ha ima hi oke.

15. Michah nawaya ishit pokoli, micha paki hvchim ahollokechi ishit pokoli aiena ka ishi cha, im aboha apistikeli vhleha, micha in tishu vhleha aiena ka ima hi oke.

16. Michah hatak hvchin tishu vhleha, micha ohoyo hvchin tishu vhleha, micha hatak himithoa achukma hvchim i shahli, micha hvchim issuba haksobish falaia aiena ka ishit ilap nana toksvli im atahla chi ho hilecha he;

17. Michah hvchin chukvvlhpoa ishit pokoli ka isha he: mikma in tishu vhleha hvchia hi oke.

18. Mikma nitak ymma hvchi miko hvsh il atokoli tuk ash pulla kak o hvsh pahaya hi oke; mikma nitak ymma Chihowa vt hvchi haponakla he keyu hoke, achi tok.

19. Yohmi kia okla hv Samuel im anumpa ha im antia

ik bunno ki tok: micha, Ahá; yohmi kia miko yosh pi peh-
lichi vt pim asha eki hoke;

20. Yymohmi ho pishno ak kia oklushi inla moma ka e
chohma hi ak oke; yohmikma pi miko vt na pim apesvt,
micha pi tikba kohchvt ia cha, pin tenvp a itiba he ak
oke, achi tok.

21. Mihma Samuel vt okla im anumpa moma ka haklo
cha, Chihowa haksobish a haklohonchi tok.

22. Mihma Chihowa vt Samuel a, Im anumpa ha ish i
haponaklo cha, miko ish im ikbashke, im achi tok. Mihma
Samuel vt Israel hatak vhleha ha, Hatak hvsh puta kvv hvsh
ia cha, hvchin tmaha holihta aiyyukali hvsh onashke, im
achi tok.

CHAPTER IX.

MIHMA Benchamin hatak, Kish hohchifo, hatak holitom-
pa fehna im ilayak chito hosh anta tok; yummvt Abiel
ushi yokma, yummvt Selo ushi yokma, yummvt Becholah
ushi yokma, yummvt Benchamait Aphiah ushi atok.

2. Mihma yummvt Sal hohchifo hosh ushi vt im anta
tok, hatak himita achukma, micha pisa aiokli hatok; Israel
im vlla vhleha ha hatak aiokli yumma achukma i shahli kvv
iksho tok: tahchi vttvt vba ia kvv chaha kvv okla moma ka i
shahli tok.

3. Atuk o Sal iki Kish im issuba haksobish falaia vt ta-
moa tok: mihma Kish vt ushi Sal a, Himak a tishu vhleha
ha achvfa ka ish ishi cha, wakayvt, ivt issuba haksobish
falaia puta kash hoyot hvsh iashke, im achi tok.

4. Mihma Effaim nvniha ha hlopullit, Shalisha yakni ya
hlopullit aya kia, ik ahayuchot okla tok; yohmi mvt Shalim
yakni ya hlopullit ayvt okla ma, yumma iksho tok; micha
Benchamait vhleha i yakni ya hlopullit aya kia, ik ahayu-
chot okla tok.

5. Atuk osh Suf i yakni ya ona ma, Sal vt in tishu awant
aya tuk a, Inta! e falamashke; aki vt issuba haksobish

falaia puta anukfilli kash osh issa cha, pishno ak o nukhaklot pi anukfilli yoba ná, im achi tok.

6. Mihma, Yakeh! himak a tumaha holihta ilvppa hatak Chitokaka im antia hosh anta kv̄t hatak holitompa hoke; nana moma ahanchi kv̄t ont ai ahli pulla chatuk oke: himak a yvmmak o il iashke; hina il atia he vlhpesa pim anola hinla yoba ká, im achi tok.

7. Yohmi ma Sal vt in tishu ha, Yohmi kia yakeh! il iakm̄t, hatak a nanta h̄o isht il im ona ch̄i cho? pvska vt pim ai vlhto yā tahvshke, mikma hatak Chitokaka im antia yā nana kia isht im onvt e habenv̄cha hi vt ikshoshke; nanta h̄o il īshi cho? im achi tok.

8. Mihma tishu hash osh afalanichit anonti Sal a, Yakeh! tvli hv̄ta shekel kv̄shkoa ai ushta kv̄t ilvppa sv̄bbak fohkv̄shke; yvmmak o hatak Chitokaka im antia hv̄t hina il atia ch̄i ka pim anola ch̄i ka ima lashke, im achi tok.

9. (Nitak tikba ka hatak vt Chitokaka yā ī ponaklot iakm̄t, Inta! napisa yak o kil im oná, achi beka tok: himak a hopaii achi vt chashpo hokv̄no napisa achi beka tok.)

10. Yvmohmi ma Sal vt in tishu ha, Anumpa hv̄t achukm̄vshke; inta! kil iá, im achi tok. Yohmi ma itiachit tv̄maha holihta hatak Chitokaka im antia aiv̄tta yā it onachi tok.

11. Atuk osh nv̄nih ha oiyvt tv̄maha holihta ia hosh maȳa m̄t, ohoyo himithoa yosh oka ochit kohehv̄t aya h̄o pisa tok; micha, Napisa v̄to anta cho? im achi tok.

12. Mihma okla afalanichit, Antv̄shke; yakeh! hv̄chi tikba anta hoke: himak a hv̄sh tv̄shpashke, himak nitak ak o tv̄maha holihta yā vla hoka; okla hv̄t nan v̄bit isht aiokp̄vchi yā himak nitak a achahaka yā isht asha hoka.

13. Tv̄maha holihta yā ont hv̄sh chukowa mak inli hosh achahaka yā oiyvt imp̄t ik aiyo k̄isha h̄o hv̄sh ahayucha ch̄i hoke: ik lo k̄isha ka okla hv̄t imp̄a he keyu hoka, nan v̄bit isht aiokp̄vchi yā aiokp̄vchi chatuk oka; mikma ī himmak o im annoa tuk vt imp̄a chatuk oke. Yohmi hoka himak a hv̄sh oiyashke; himak a foka kak o hv̄sh ahayucha hinla hokvt, im achi tok.

14. Mihma pit oiyet temaha holihta ya chukowa tok: micha temaha holihta ya ont chukowa ma, yakeh! Samuel vt achahaka yash ona chi hosh kohehvt ont afama tok.

15. Nitak achvfa tikbanli Sal vt ik lo kisha ho, Chihowa vt Samuel a haksobish a haklochit,

16. Onnaha himak a chohmi fokakma Benchamin i yakni ya a kohehit hatak a et chi pila la chi hoke; mikma ym-ma bila ahvmmi ish atokoli na vm okla Israel a pehliechi cha, vm okla ha Filistin okla ibbak a a mokofit hlakofichashke: pahaya kvv vm ahanla hatuk o, vm okla ha pihisa li hoke, achi tuk atok.

17. Atuk o Samuel vt Sal a pisa ma, Chihowa vt, Yakeh! hatak chim anoli li kash pisa; ilvppa fehna hosh vm okla ha i mika chi hoke, im achi tok.

18. Mihma Samuel vt holihta okhissa hikia na Sal vt i bilika ona cha, Vm anoli, chim asilhha lishke, katima yak osh napisa in chuka yoh cho? achi tok.

19. Mihma Samuel vt afalamichit Sal a, Vno ak osh napisa sia hoke: sa tikba ivt achahaka yash ish onashke; himak nitak a is svbai impa chi hoka: atukma onnakma ik ia, chim ahni la chi hoke; micha nana moma chi chukvsh foka ka chim anoli la chi hoke.

20. Yehmi ka chim issuba haksobish falaia nitak tuchina kash tamoa tuk ak heno chik anukfillo kashke; haiaka tuk oka. Yohmi ka Israel moma aiahni kvv kvta hak oh cho? Chishno, micha chiki in chuka achvfa kak keyu cho? achi tok.

21. Mihma Sal vt afalamichit, Vno vt Benchamait sia keyu? Israel apiehlichit puta ka moma ik lauwo keyu cho? micha Benchamin apiehlichit chuka achvfa puta ka an chuka achvfa ak osh moma ik lauwo keyu cho? yohmi ka nanta katiohmi ho yakohmichit is svv anumpuli cho? achi tok.

22. Mihma Samuel vt Sal, micha in tishu pehlichit ai impa aboha isht ona cha, im annoa tuk vt hatak pokoli tuchina foka hosh chieya ka ai ititakla ai ombinili holitopa i shahli kak o binohlichit tok.

23. Mihmvt Samuel vt hoponi ya, Kvshkoa achvfa ka

chima lish, Naksika talali, chim achi li kash isht vlá, im achi tok.

24. Mihma hoponi yash osh fullup a, micha nana onvtola tuk a aiena ka ishi cha, Sal a itikba talali tok. Mihma Samuel vt, Yakeh! yemma il atomba tuk mak oke; chi tikba talali cha, impá: chishno ak o, Okla ha hoyo lishke, achi li tuk itintakla ka chin talaia tuk oke, achi tok. Yohmi ho Sal vt nitak yemma Samuel a ibai impa tok.

25. Atuk osh achahaka ya akowvt temaha holihta ya chukowa ma, Samuel vt aboha pakna ai itim anumpuli tok.

26. Atuk osh onnahinli fehna ho wakayvt okla tok: atuk o yakohmi tok, nitak vt onvt mihinti foka ma, Samuel vt aboha paknaka Sal a ai i howvt, Wakayá, yohmi na chi pilá likma, ish ayashke, achi tok. Mihma Sal vt wakaya ma, itatuklot kohevvt it iachi mv, yemma, micha Samuel itatuklot yakni haiaka itonachi tok.

27. Atuk osh oktahvt ivt temaha holihta ai vli ka ona ma, Samuel vt Sal a, Tishu ha tikba ia chi ka, i mihá, (mihma ia tok:) amba chishno vto lumvt hikia na Chitofaka im anumpa ha chim anoli lashke, im achi tok.

CHAPTER X.

YUMOHMI ma Samuel vt kotoba bila vlhto ho ishi cha, noshkobo ha on hlatebli tok; mihmv i suksowa cha, Ai isha he vlhpesa ya pehliehi chia ha chi ho Chihowa vt bila ishit chi a hvmmi tuk kak keyu cho?

2. Himak nitak a a filvmmi ish iakmv, hatak tuklo ket Lechel im ahollopi bilika Benchamin im ai vli Selsah hinli na hvsh ahayucha chi hoke; mikma, Issuba haksobish falaia puta kash hoyot hvsh ia tuk vto haiaka tuk oke: mikma yakeh! chiki vt issuba haksobish falaia puta anukfilli tuk vt issa cha, ishit chi nukhaklot, Seso hano katiohmi la chi cho? ahanchishke.

3. Yohmikma yemma ont hielit ont hvsh iakmv, Tabo yakni patssvchi ya hvsh ona chi hoke; mikma hatak tu-

china kv̄t Behlel a Chitokaka im ia kv̄t hv̄chi afama chī hoke; achvfa kv̄t issi kosoma tuchina hō ieshikma, achvfa kv̄t pvska lumbo tuchina hō ieshikma, achvfa kv̄t oka p̄ki kotoba achvfa hō iesha chī hoke.

4. Mikmv̄t okla chi aiokpv̄chi cha, pvska lumbo tuklo hō chima chī hoke, yv̄mma ibbak a ish im ai isha chī hoke.

5. Yohmi hayokma, Chitokaka i nv̄nih Filistin holihta atalaia yā hv̄sh ona chī hoke; atukma yakohma chī hoke, tv̄maha holihta yv̄mma ish onakma, hopaii kanohmi kv̄t achahaka ashv̄t salteli, micha v̄hlepushi, micha oskula, micha hap aiena tikba isht aya hosh akowv̄t minti hō ish afama chī hoke; mikma Shilombish anukfoyv̄kv̄t Chihowa aiokpahancha chī hoke.

6. Mikma Chihowa imi Shilombish vt ant chi onv̄tolakmv̄t, takla Chihowa ish aiokpahanchi cha, hatak inla ish toba chī hoke.

7. Atukma nan isht atokowa puta ilv̄ppv̄t chim v̄lakma, yakohma chiké, nana ish a yvmohma he v̄lhpiesa kv̄t ish pisakmv̄t, ish yvmohmashke, Chitokaka yv̄t chiba foyuka hoka.

8. Micha sa tikba Kilkal a ish ona chī hoke; mikma chim ona lish, na hukmit isht aiokpv̄chi, micha isht it i nanaiyv̄chi v̄bit isht aiokpv̄chi yā isht v̄tta la chī hoke: nitak untuklo hō ish ahanta na chim v̄la lish, nana ish akaniohma hi yā chim anoli la chī hoke, achi tok.

9. Atuk o yakohmi tok, filemv̄t Samuel a i filv̄mmit ia ma, Chitokaka vt chv̄kv̄sh inla ima tok: atuk o nitak yvmak inli hō nan isht atokowa yv̄mma puta kv̄t ont ai aghi tok.

10. Atuk o mintit nv̄nih hā v̄la ma, yakeh! hopaii kanohmi kv̄t afama tok; mihma Chitokaka imi Shilombish vt onv̄tola ma, ibatakvl̄v̄t Chihowa yā aiokpahanchi tok.

11. Atuk o yakohmi tok, nitak tikba ithana tok moma kv̄t, yakeh! hopaii v̄hleha taklv̄t Shilombish anukfoyv̄kv̄t anumpuli na pisa mv̄t, ilap b̄ika it im achit, Ilv̄ppak osh nanta hosh Kish ushi yash im v̄la cho? Sal ak kia hopaii iba holhtina cho? achi tok.

12. Mihma ai achufa akinli hosh afalamichit, Amba iki ak osh kuta ho? achi tok. Yumohmi ho Sal ak kia hopaii vhleha iba holhtina ho? achi anumpa hvt ai imomvt taha tok.

13. Atuk o Shilombish anukfoyukt anumpulit im vlhta-ha mvt, achahaka ya ona tok.

14. Mihma Sal imoshi vt yemma, micha in tishu ha, Katima hvsh ia tuk o? im achi tok. Mihma, Issuba haksobish falaia puta kash hoyot il ia tuk; atuk o kanima iksho kumohmi na e pisa mvt, Samuel ak o il im ona tuk, achi tok.

15. Mihma Sal imoshi vt, Samuel vt nana chim achi tuk a vm anoli, chim asilhha lishke, achi tok.

16. Mihma Sal vt imoshi ya, Issuba haksobish falaia puta kash ot haiaka tuk a atokolit pim anoli tuk oke, im achi tok. Yohmi kia ilap vt miko vlhtoka tuk Samuel vt isht anum-puli tuk ano ik im anolo ki tok.

17. Mihmvt Samuel vt okla ha i howvt, Mispah yak o Chihowa ya im ai itvnahli tok.

18. Mihmvt Israel im vlla vhleha ha, Israel in Chitokaka Chihowa vt yak ahanchishke, Uno ak osh Israel a Echip a akohechi li tok, micha Echip okla ibbak a ai i mokofit hlakofichit oklushi puta, micha hvch ilbvshali ya ibbak a a mokofit hvchi hlakofihinchli li tok oke.

19. Atuk o himak nitak fehna hvchin Chitokaka, yummvt ilap akinli hosh nan isht hvch ilbvsha, micha nan isht hvchi palvmmi ya a hvchi kohechi tok a hvsh shitilemvshke; micha, Aha! yohmi kia miko ak o pim ikbi, hvsh im achi tuk oke. Yumohmi hokvt himak a hvchim apelhlichika, micha hvchin tahlepa sipokni ai yukali kv, Chihowa itikba ya ont hvsh ile haiakvchashke, im achi tok.

20. Mihma Samuel vt apelhlichika moma ka bilika akanvllichi ma, Benchamin apelhlichika ak osh vlhtoka tok.

21. Mihma Benchamin apelhlichika ya kvshkoa yak o bilika akanvllichi ma, Matli in chuka achufa yak osh vlhtoka tok; mihma Sal Kish ushi yak osh vlhtoka tok: atuk o hoyo ma, haiaka he keyu tok.

22. Yumohmi hoka hatak ash osh vla chi ak inlikma,

nana ka achakalechit Chihowa ya okla i ponaklo tok. Mihma Chihowa vt afalamichit, Yakeh! nan chukushpa a luma tuk oke, achi tok.

23. Mihma okla yihlept ia cha, ont isht vla tok: mihma okla takla wakayvt hikia mut, tahehi vttvt vba ia kvt chaha kvt okla moma ka i shahli tok.

24. Mihma Samuel vt okla moma ka Chihowa vt atokoli tuk chiyuhmi kvt okla moma ka iksho ho hvsh pisa hoh cho? im achi tok. Mihma okla moma kvt shakapa cha, Chihowa vt miko ya okchalinehashke, achi tok.

25. Yvmohmi ma Samuel vt miko apehlichika akaniohmi ya im anoli cha, holissochit nolisso afohki mut, Chihowa itikba bohli tok. Mihmut Samuel vt okla moma ka in chuka aiyukali pit tihleli tok.

26. Mihma Sal ak kia in chuka Kibiah ya ona tok; mihma hatak kaniohmi kvt Chitokaka yvt chukvsh a anukfohki tuk a awant ia tok.

27. Yohmi kia Belial ushi vhleha hvt, Katiohmi kak osh hatak ilvppvt pi hlakoficha hinla cho? achi tok. Michia okla shitilema mut, na hvlbina isht ik im ono tok. Yohmi kia nana ik acho tok.

CHAPTER XI.

YOHMI ma Nahash Ammonait vt vla cha, Chabesh Kileat i sanalit ont binanchi tok: mihma Chabesh hatak moma kvt Nahash a, Nana it im vllhpisa ish pit im apesa na e chim antiashke, im achi tok.

2. Mihma Nahash Ammonait ash osh afalamichit, Ilvppak ok mak o Israel moma ka ishit hofahya yosh in takala chi ho hvchi nishkin isht impakimma moma ka kocha wehli li hok mak osh nana it im vllhpisa ya hvch itim apesa la chi hoke, im achi tok.

3. Mihma Chabesh im asvnonchi vhleha hvt, Nitak untuklo ho ish pima na Israel aiasha fullota anumpa shali vhleha ha e tihlelashke: yvmohmi na hatak pi hlakoficha hinla kvt ikshokmak o e chi kohchashke, im achi tok.

4. Yemohmi ma anumpa shali vheha hash osh Kibeah Sal ai vta ona tok; micha anumpa hash okla a haklo ho anoli tok: mihma okla moma kut chitolit yaiya tok.

5. Mihma yakeh! Sal vt wak a iakaiyvt yakni haiaka ya kohevt minti tok; mihma Sal vt, Okla hvt nanta i katiohmi hosh yaiya cho? achi ma, Chabesh hatak vheha hvt anum-pa anoli kash im anoli tok.

6. Mihma Sal vt anumpa yemma haklo ma, Chitokaka imi Shilombish vt onvtola tok, mihma nukhobelvt chukvsh libbi fehna tok.

7. Micha wak toksli yok achvfa ho ishi cha, bshlit tushahlichit taiyahli cha, anumpa shali vheha ibbak fohkit, Israel abinili fullota ka pilt, Kva hosh Sal, micha Samuel itatuklo ka kohevt ik iakaiyokma, i wak toksli ya yakoh-michashke, achi tok. Mihma Chihowa i nukwia kut okla ha onvtoyula cha, achvfa chiyuhmit okla koheha tok.

8. Yemohmi ma Besek a a hotihna ma, Israel im vlla vheha hvt tahlepa sipokni tahlepa tuchina ma, Chutah hatak vheha hvt tahlepa sipokni pokoli tuchina tok.

9. Micha anumpa shali vheha vla kash, Chabesh Kileat hatak vheha ha ilvppak o hvsh im achashke, Onnah lvsh-put tahakma hvchi apela vt ona chi hoke, im achi tok. Atuk o anumpa shali vheha hash osh Chabesh hatak vheha ha ont im anoli tok: mihma okla na yukpa tok.

10. Yemohmi ma Chabesh hatak vheha hvt, Onna ha ya e chi kohchakma, nana ho vhpesa hvsh ahnikmt, hvsh pi yemilichashke, achi tok.

11. Atuk o onna ma yakohmi tok, Sal vt okla apelhichi tuchina ho hilechi tok; micha onnahinli atoni yo in tenvp ititakla ka iba chukowa cha, Ammonait vheha vbit isht vt nitak lvshpa taha ka isht ona tok: atuk o yakohmi tok, hla-kofi tuk vt itafimimput taiyaha cha, tuklot itachenaiyvt aya kut iksho ki tok.

12. Mihma okla hvt Samuel a, Kva hosh Sal vt pi miko ya chi cho? achi tuk mto? yemma achi tuk hatak vheha ha isht hvsh la na e bashke, im achi tok.

13. Mihma Sal vt, Himak nitak a hatak nana hosh illa

he keyu ; himak nitak a Chihowa ak osh Israel a hlakofichi hoka, achi tok.

14. Yrmohmi ma Samuel vt okla ha, Inta ! Kilkal ak o kiloh ia cha, miko ya himonvehit il atokolashke, im achi tok.

15. Mihma okla moma kv̄t Kilkal a ona tok : micha Kilkal yvm̄mak o Sal a Chihowa itikba ya miko okla ai ikbi tok : micha yvm̄mak o it i nanayv̄chi isht aiokpv̄chi ya vbit Chihowa itikba isht ai asha tok ; micha yvm̄mak o Sal micha Israel hatak vhleha moma kv̄t na yukpa fehnvt aiasha tok.

CHAPTA XII.

MIHMA Samuel vt Israel moma ka, Yakeh ! nana hvs sv̄m achi tuk chim anumpa moma ka hv̄chi haponaklo li tuk oke : micha miko hv̄chi pehlich̄i ikbi li tuk oke.

2. Yrmohmi ka Yakeh ! himak a miko vt hv̄chi tikba a nowshke : mikma sa sipoknit noshkobo tohbit sa taiyahv̄shke : mikma yakeh ! sv̄so vhleha hv̄t hv̄chi takla ah̄shw̄shke : micha vlla sa momvt mihintit himak nitak a ont vhli ka hv̄chi tikba a nohwa li tuk oke.

3. Yakeh ! yak hikia lishke : kv̄na i wak a ishi li tok o ? keyukmvt kv̄na im issuba haksobish falaia ya ishi li tok o ? kv̄ta hak o haksichi li tok o ? kv̄ta hak o ilbv̄shali li tok o ? kv̄ta ibbak o nahv̄lbina ya ai ishi lish, sa nishkin a isht luhmichi li tok oh cho ? Chihowa, micha ahamvt im vlhtoka itikba aiena ka hvs si atokolashke ; mikma hv̄chi falv̄mminchi lashke, im achi tok.

4. Mihma, Ish pi haksichi tok keyu hoke, micha ish pilbv̄shali tok keyu hoke, micha nana achv̄fa kia hatak kv̄na ibbak o ish ai ishi tok keyu hoke, okla achi tok.

5. Mihma, Nana achv̄fa kia sv̄bbak a foka ka hv̄sh ahayuchi tuk keyu, Chihowa vt hv̄chi atokoli yoke, micha ahamvt im vlhtoka vt hv̄chi atokoli yoke, achi tok. Mihma afalamichit, Atokoli yoke, okla achi tok.

6. Mihma Samuel vt okla ha, Chihowa ak osh Moses,

micha Alon a holitoblit hilechi tok oke, micha hvch iki vhleha Echip yakni ya apelihit kohcha tok oke, im achi tok.

7. Yumohmi hoka himak a lunvt hvsh hiel na Chihowa vt hvchishno, micha hvch iki vhleha ai vlpiesa ho hvchi yemihinchit tok a Chihowa itikba ya atokolit hvchim anum-pohonli lashke.

8. Chekob vt Echip a ona tok; atuk o hvch iki vhleha hv Chihowa ya i pahaya tok: mihma Chihowa vt Moses, micha Alon itatuklo ho pit pila na, hvch iki vhleha pehlit Echip a ai ishit kohcha cha, ilvpa binohlichit tok.

9. Atuk o in Chitokaka Chihowa ya im abahaksi ma, kanchit Sisela Haso treshka chipota i kvpitni yo ibbak fohki cha, Filistin okla ibbak fohki mv, micha Moab i miko ibbak fohki na itibit in tanahampi tok.

10. Mihma Chihowa ya i pahaya cha, Pi yoshuba tuk oke, Chihowa ya e kanchi cha, Baalim, micha Ashtaloh il aiokpvchi tuk okvt: yohmi kia himak ano pin tenvp ibbak a ish pi ahlakofichikma, e chi aiokpvchashke, achi tok.

11. Mihma Chihowa vt Chelub-baal, micha Betan, micha Chefhlah, micha Samuel aiena ka hvchi pila na hvchin tenvp ibbak hvch ahlakofichit afullolichi na achukma ho hvsh aiasha tuk oke.

12. Micha Ammon in chipota i miko Nahash vt ant hvchin tanampi na hvsh pisa mv, hvchin Chitokaka Chihowa vt hvchi miko yokak o, hvchishno vt, Aha! amba miko yosh pi pehlichit chi hoke, hvsh achi tok.

13. Yumohmi hoka himak a miko hvsh atokoli tuk, micha hvsh ahni tuk vt hvsh pisashke, micha yakeh! Chihowa vt miko hvchi pehlichit hvchi hilechishke.

14. Chihowa ya hvsh holitobli cha, i nutakvt im anumpa ha im antivt, Chihowa i nan vlpisa hvch ik kobvffo, yumohmikmv hvchishno, micha miko hvchi pehlichit aiena kv hvchin Chitokaka Chihowa ya iakaiyvt hvsh mahaya chi hoke.

15. Amba Chihowa im anumpa ha hvsh im antia keyu hosh, amba Chihowa i nan vlpisa ha hvsh kobvffikma, hvch

iki vhleha i sanali tok a chohmit Chihowa ibbak vt hvch i sanala hi oke.

16. Yvmohmi ka himak ano hielit nana afehna Chihowa vt hvchi nishkin itikba ya a yvmihcha chi ka hvsh pisashke.

17. Himak nitak vt onush vmo keyu? Chihowa ya i paya likma, hiloha, micha umba aiena ka et pila chi hoke; yvmohmi ho miko hvsh asilhha kvt, Chihowa itikba nana hvsh ashvchi kvt chinto fehna ka hvsh ithaiyanashke, im achi tok.

18. Yvmohmi ho Samuel vt Chihowa ya i paya tok; mihma Chihowa vt nitak ymma hiloha, micha umba aiena ka et pila tok: mihma okla moma kvt Chihowa, micha Samuel aiena ka i nukshopa fehna tok.

19. Mihma okla moma kvt Samuel a, Chin tishu vhleha ha isht anumpulit, chin Chitokaka Chihowa ya ish im asilh-hashke, yohmi na ik p'illo kashke: miko il asilhha kvt nan il ashvchi ya il iba fohki tuk okvt, achi tok.

20. Mihma Samuel vt okla moma ka, Hvchi nukshopa na; nan ashvchi ilvppa moma ka hvsh yvmihchi tuk oke: yohmi kia Chihowa ya hvsh iakaiya kvt, naksika hvch ik shanaiyo hosh, amba chukvsh ai okluha hosh Chihowa ya hvsh im antiashke.

21. Michi naksika hvch ik shanaiyo kashke: ymma hvsh yvmohmikmvt, nana ik ahobo, nana apela he keyu, micha na hlakoficha he keyu aiena ka hvsh asitia hinla hokvt; nana ik ahobo hoka.

22. Chihowa vt ilap hohchifo holitopa ak atuk pulla kak o im okla ha kancha he keyu: Chihowa vt vlhpesa ahni pulla cha, im okla hvch ikbi tuk okvt,

23. Michi vno vt anumpa ilbvsha isht hvchi anumpuli li kvt issa lish, Chihowa ya i yoshuba la hi a Chitokaka yvt vm olvbashke; amba achukma, micha aivlhpiesa hina yak o hvch ithvnanchi la chi hoke.

24. Peh Chihowa ya hvsh i nukwia cha, aiahlit chukvsh okluha hosh hvsh im antiashke: nana achinto fehna hvchim atahli tuk a hvsh anukfillashke.

25. Amba nana ik vlhpeso hvsh yvmohmi kvt imomak-

mut, hvchishno, micha hvchi miko aiena kut illit taha hi oke, im achi tok.

CHAPTA XIII.

SAL vt afemmi achufa ho miko tok; mihmut afemmi tuklo ho Israel a i miko mut,

2. Sal vt Israel a hatak tahlepa sipokni tuchina ho il atokoli tok: yemma tahlepa sipokni tuklo hosh Sal a apehvt Mikmash, micha Behlel nvniha ha asha ma, tahlepa sipokni achufa kut Chonahlan ak o apehvt Benchamin yakni Kibeah yak o asha tok: micha okla inla kvno im vlbina aiyyukali pit tihleli tok.

3. Mihma Chonahlan vt Filistin vheha i holihta Keba hikia ka issot kanchi tok; mihma Filistin vheha hut haklo tok. Mihma Sal vt yakni moma afulloka ka hlopullichit isht pufa ya olachit, Heblu vheha hut haklashke, achi tok.

4. Mihma Israel moma kut, Sal vt Filistin vheha i holihta ya issot kanchi na Filistin vheha hut Israel a i yuwalshke, achi ho haklo tok: mihma okla hut im annort Sal a iakaiyvt Kilkal a ai itvnaha tok.

5. Mihma Filistin okla hut Israel a itiba chi hosh itihoyot, tenvp itichanvlli tahlepa sipokni pokoli tuchina, micha issuba om binili hatak vt tahlepa sipokni hannali, micha okla hut apakna kut shinuk osh okhvta vli aiasha kak o chiyuhmi hosh itvnaha tok: micha mintit vla' cha, Belh-afen i hvshi akochaka imma Mikmash ak o a binachi tok.

6. Israel hatak vheha hut ai itikonofa ho hiehi kut pisa mut, (okla komunta hokvt,) yohmi mut okla hut hiehukbi, micha kohchi foka, micha achahaka, micha yakni chiluk aiena ka a luma tok.

7. Mihma Heblu kaniohmi kut Chatan a hlopullit Kat, micha Kileat a ona tok. Sal vto Kilkal akinli ho anta moma ma; okla moma kut wvnihinchi hosh iakaiya tok.

8. Mihma nitak untuklo ho Samuel vt apesa tuk mak o ahanta tok: yohmi kia Samuel vt Kilkal a ik ono tok. mihma okla hut ita fimimput taha tok.

9. Mihma Sal vt, Na hukmit isht aiokpuchi, micha nan isht itinanaiyuchi isht aiokpuchi ishit hvs sum vlashke, achi tok. Michā na hukmit isht aiokpuchi ya im issa tok.

10. Atuk o yakohmi tok, na hukmit isht aiokpuchit issa mak inli ma, yakeh! Samuel vt cla tok: mihma Sal vt aiokprecha chi hosh kohchvt afamvt ia tok.

11. Mihma Samuel vt Sal a, Nanta mak o ish yvmihchi cho? im achi tok. Mihma Sal vt, Okla hvt a filvmmvt ita fimimpvt taha, mihma nitak vllhpisa tuk ont ai vllhpesa ma chik lo, mihma Filistin vhleha hvt iti hoyot Mikmash a itv-naha ka pisa li hokvt,

12. Yohmi kak o, Himak a Filistin vhleha hvt mintit Kil-kal a vlvvt, si onvtola chi hokak o Chihowa ya ak im asilh-hoshke, achi li hosh vllhpesa keyu ahni li ak inli kia, nahukmit isht aiokpuchi ya im issa li tuk oke, achi tok.

13. Mihma Samuel vt Sal a, Im anukfila iksho chiyuhmi hosh ish yvmihchishke; chin Ch'tokaka Chihowa i nan vllhpisa chim apihisa tuk a chik holitobloshke: himak a Chihowa vt Israel ish apehlichika kellochī na hikia kvv bilia hetuk oka.

14. Amba himak ano ish apehlichika vt mahaya he ke-yushke. Chihowa vt hatak ilap chukvsh ak inli iakaiya yo hoyo tuk oke; micha yvmmak osh im ekla i miko tobtv pehliecha chi ho Chihowa vt apesa tuk oke; Chihowa vt nana chim apihisa tuk a chik im antio tuk oke, im achi tok.

15. Mihma Samuel vt wakayvt Kilkal a vttvt Benchamin i yakni Kibeah ya ona tok. Mihma Sal vt okla apehvt asha moma ka hotihna ma, hatak tahlepa hannali foka tok.

16. Mihma Sal, micha ushi Chona'lan, micha okla apehvt asha tuk vt Benchamin yakni Kibeah yak o aiasha tok: amba Filistin vhleha hvto Mikmash ak o binachit aiasha tok.

17. Mihma na wehpuli vt aya tuchina hosh Filistin vhleha i binah ha kohchvt minti tok; aya achvfa kvv fullotvt Shual yakni Oflah ona hina hak o ia tok.

18. Mikma aya achvfa kvv fullotvt Belh-holon pilla ho ia tok: mikma aya achvfa kvv fullotvt yakni vhli Seboim okfa pit bachaya yakni haiaka pilla hina yak o ia tok.

19. Yemohmi ma teli boli vt Islael yakni moma ka iksho tok: (Filistin okla hvt Heblu vhleha hvt breshpo falaia, micha tvi teli halupa on tela ya ikbi yoba ná, achi hatok oka.)

20. Yohmi kia Islael moma kv̄t ī yakni isht patafa, micha in chahe iskifa, micha im iskifa, micha ī yakni isht patafa tikba hikia aiyukali ka halupala ch̄i hosh Filistin aiasha ka ona beka tok.

21. Yohmi kia yakni isht patafa tikba hikia, micha in chahe iskifa, micha teli chulakto, micha iskifa, micha ishit bahli ishit halupacha ch̄i kv̄t ishit mihlofa ya ieshi tok.

22. Atuk o yakohmi tok, itibi nitak ā okla Sal, micha Chonahlan apehvt āsha ka breshpo falaia kia, micha tvi teli halupa on tela nana kia iksho tok: amba Sal, micha ushi Chonahlan ak illa hosh īshi tok.

23. Mihma Filistin tvshka chipota vt kohev̄t iet Mik-mash ahlopulli yā ona tok.

CHAPTA XIV.

ATUK o yakohmi tok, nitak kaniohmi ma Chonahlan, Sal ushi vt hatak himita ī na halupa shoyuli ya, Inta! Filistin tvshka chipota aiasha tenn̄v̄p talaia ka kil iá, im achi tok. Yohmi kia īki yā ik im anolo ki tok.

2. Mihma Sal vt Kibeah ont v̄hli pomeklanat iti Miklon hikia ka nutaka yak o ahanta tok: mikma okla apehvt āsha kv̄t hatak tahlepa hannali foka tok.

3. Mihma Ahiah, Ikabot itibapishi Ahiteb ushi Chihowa ī naholitompa isht v̄tta efot fohka hosh Shiloh yā ahanta tok: Ahiteb yem̄v̄t Finehas ushi okma, anonti yem̄v̄t Eli yā ushi atok. Mihma Chonahlan vt ken̄ia tuk ā okla hvt ik akostinincho tok.

4. Atuk o ahlopullit ia Chonahlan vt hlopullit Filistin tvshka chipota ai āsha ka ona bunna ka in tenn̄v̄p ā teli halupa vt hikiakma, anonti in tenn̄v̄p ā teli halupa vt hikia tok: micha ach̄v̄fa kv̄t hohchifo kv̄t Boses okma, ach̄v̄fa yv̄t hohchifo kv̄t Seneh atok.

5. Asanali achvfa kv̄t falvmmi imma Mikmash ichapa hosh pit talaia^{kma}, anonti asanali achvfa kv̄t oka mahli imma Kibeah ak o ichapa hosh pit talaia tok.

6. Mihma Chonahlan vt hatak himita i nahalupa shoyuli ash, Inta! hakshup ik tapo ilvppa i holihta ya il onashke; Chihowa vt pi apela hinla yoba ká: Chihowa vt laua hokmá, ik lauo hokmá, nana hō isht hlakoficha hi vt im itilau i hokvt, im achi tok.

7. Mihma i nahalupa shoyuli ash osh, Nana hō chi chukvsh foyuka moma kv̄t ish yvmihchashke: ish iashke: yakeh! nana chi chukvsh ai akni ka chiba foyuka li hoke, im achi tok.

8. Mihma Chonahlan vt, Yakeh! hatak ilvppa aiasha ka il ona cha, il i haiakashke, im achi tok.

9. Mikma, Hvsh hinli na e hvchim onashke, pim achi hokma, yohmikma il a hiel i akinli ka lumvt e hinli cha, oiyvt kil im ono kashke.

10. Amba, Oiyvt hvsh pim vlashke, achi hokma, yohmikma oiyvt il iashke: Chihowa vt pibbak a fohki hoka: mikma ilvppak osh nan isht pim vlvpisashke, achi tok.

11. Mihmvt itatuklot Filištīn tvshka chipota ya ont im ile haiakvchi tok: mihma Filistin vhleha hv̄t, Yakeh! Heblu vhleha hv̄t chiluk a luma tuk vt kocha wihvshke, achi tok.

12. Micha holihta hatak vhleha hash osh Chonahlan, micha i nahalupa shoyuli itatuklo ka, Oiyvt hvsh pim v̄la na nana e hvchi pisachashke, achi tok. Mihma Chonahlan vt i nahalupa shoyuli ya, Is siakaiyashke, Chihowa vt Israel ibbak a fohki hoke, im achi tok.

13. Mihmvt Chonahlan vt ibbak, iyi aiena isht oiya hosh ayvt ia ma, i nahalupa shoyuli vt iakaiyvt ia tok: mihma Chonahlan itikba ya akakoha ma, i nahalupa shoyuli vt iakaiyvt vbi tok.

14. Micha Chonahlan, i nahalupa shoyuli itatuklo kv̄t vbi vmmona ka hatak pokoli tuklo foka tok; yakni eka iklvna wak toksvli yok achvfa kv̄t patuffa hinla ohmi hō a yvmihchi tok.

15. Mihma tvshka chipota ash osh, micha bilika aiasha,

micha okla moma kut wunihinchi tok : holihta aiasha, micha wehpuli vhleha yummak kia wunihinchi ma, yakni vt winakahanchi tok ; yvmohmi ho wunichi chito fehna tok.

16. Mihma Sal nan im atoni vhleha hut Benjamin yakni Kibeah ya asha tuk osh hopokoyo tok ; mihma yakeh ! okla chito vt bilvt ivt, bolit itikahanchit ia ho pisa tok.

17. Yvmohmi ma Sal vt okla apeha tuk a, Himonasi ya ho hotihna cha, kuna pi filvmmmit ia tuk okma, ho pisá, im achi tok. Mihma hotihna ma, yakeh ! Chonahlan, micha i nahalupa shoyuli itatuklo kut ymma iksho tok.

18. Mihma Sal vt Ahiah ya, Chitokaka im itombi holitopa ya isht ish lashke, im achi tok. Nitak ymma Chitokaka im itombi holitopa vt Israel im vlla vhleha hak o takla talaia tok oka.

19. Atuk o yakohmi tok, Sal vt naholitompa isht vtta ya im anumpuli hosh isht anta moma ho, Filistin tvshka chipota vt shakapa ishit mahayvt isht i shahlit ia tok. Mihma Sal vt naholitompa isht vtta ya, Chibbak a ishi, im achi tok.

20. Mihma Sal, micha okla apehvt asha kash osh itahoba cha, ont itibi tok ; mihma yakeh ! hatak moma i bvshpo falaia aiyukali kut ilap bika yash i sanali tok ; mihma nukhlakanehvt komunta fehna tok.

21. Mihma chashpo ka Heblu kaniohmi kut yakni afullota ka ashvt Filistin vhleha ha takla ivt, ont iba binanchi tuk vt yummak kia filemvt Israel okla ymmvt Sal, micha Chonahlan apeha tuk a ont ibafohka tok.

22. Mikma Israel hatak vhleha moma kut Eflaim nvnihlumboa tuk mvt, Filistin vhleha hut yihlepa na haklo mvt, yummak kia ahliovt sakkit in tanampi tok.

23. Yvmohmi ho Chihowa vt nitak ymma Israel a hlakofichi tok : mihma itin tanampi kut Belh-afen a isht ona tok.

24. Mihma Israel hatak vhleha hut nitak ymma tikambit ilbvsha tok ; Sal vt okla ha anumpa kullo il onochichi hosh, Opia itintakla ka nan vpa nana kia vpakmvt, na palvmmi kut onvtolashke ; yvmohmi ho an tenvp a il aiokha lashke, achi

tuk atuk oka. Yemohmi ho okla ha kena kia nan vpa ha vput ik peso ki tok.

25. Mihma yakni yummak inli yatuk moma kut kowi ya ona tok; mihma foi bila vt aka ya aiasha tok.

26. Atuk o okla hut kowi ya ona ma, yakeh! foi bila vt hohiya tok; yohmi kia hatak kena kia ishit itih ha isht ik ono tok: okla hut anumpa kullo yatuk a i nukshopa hokvt.

27. Yohmi kia iki vt okla ha anumpa kullo il onochichi tuk a Chonahlan vt ik haklo tok: yohmi hatuk osh tvi ishi tuk vt welit foi bila okvchi cha, ibbak a itih ha isht ona tok: micha nishkin vt okeha tok.

28. Mihma okla hash achvfa kut im afalamichit, Chiki vt atokolit anumpa kullo il onochichit, Hatak nana hosh nan ilhpak vpakmt, na palummi kut onvtolashke, im achi tuk oke, achi tok. Mihma okla hut tikambit ilbrsha tok.

29. Mihma Chonahlan vt, Aki vt yakni ya ilbvshalishke: foi bila ilvppa iskvtnosi ishit vpa li mt, sa nishkin vt okcha ka ho pisa, hvchim asilhha lishke;

30. Okla hut himak nitak a in tvvp imilayak na wehpoa ya vpa fehna tuk ok makhetu himak a Filistin vhleha ha vbi kut i shahlichy fehna hetuk keyu? achi tok.

31. Mihma nitak yumma Filistin vhleha ha vbi kut Mik-mash vttvt isht ia hosh Aichalon a isht ona tok. Mihma okla tikambi fehna tok.

32. Mihma okla hut na wehpoa o yihlept chukfulhpoa, micha wak, micha wak ushi aiena ka ishi cha, yumma inli ka vbit aka bohli tok: mihma okla hut issish a aieninchit vpa tok.

33. Yohmi ma Sal a im anolit, Yakeh! okla hut issish a aieninchit vpa hosh Chihowa ya i yoshubvshke, achi tok. Mihma, Hvch ik aiahloshke; himak nitak a tvi chito tonolichit ishit hrs svm vlashke, achi tok.

34. Michu Sal vt, It i filamolit okla ha ibachukowvt, Hatak puta kut i wak, micha hatak puta kut in chukfulhpoa ya ilvppa isht vm vla cha, vbit vpashke, micha issish a aieninchit vpa hosh Chihowa ya hvch ik i yoshubo kashke,

achi tok. Mihma okla moma kash hatak vt i wak aiyukali ket ninak yemma isht ela cha, yemma ai vbi tok.

35. Mihma Sal vt alta ya Chihowa ya im ikbi tok; yummvt alta vmona mak o Chihowa ya im ikbi tok.

36. Mihma Sal vt, Ninak a Filistin vheha ha kiloh iakai-ya cha, keho wehponli na onnashke, mikma hatak achufa kia ke hlakoficho kashke, achi tok. Mihma, Nana hosh achukma chim ahobakmvt, ish yemihehashke, okla achi tok. Yohmi ma naholitopa isht etta yet, Chitokaka ak o akanvllit il onashke, achi tok.

37. Mihma Sal vt Chitokaka im anukfila ha i ponaklot, Filistin vheha ha iakaiyrt ia la chi cho? Israel ibbak a ish fohka hinla cho? achi tok. Yemohmi kia nitak yemma anumpa falama ya ik emo ki tok.

38. Mihma Sal vt, Okla pehliche moma ket akanvllit bilika hrsh lashke; micha himak nitak a nan ashvchi ket kanima hatukma pisvt hrsh ithaiyanashke.

39. Yummak osh Israel a hlakofichi tuk osh Chihowa vt okchaya pulla hoka soso Chonahlan ak atuk oh kia illi pul-lashke, achi tok. Yohmi kia okla moma itintakla ka hatak achufa kia nana ik acho ki tok.

40. Yohmi ma Israel moma ka, In tennvp achufa ka hrsh hielikma, vno micha Chonahlan soso itatuklo li ket in tennvp e hielashke, im achi tok. Mihma okla hv Sal a, Nana ka achukma ish aiahni kak osh ish yemihehashke, im achi tok.

41. Yemohmi ma Sal vt Israel in Chitokaka Chihowa ya, Na shoeli ahli kak o ish imashke, im achi tok. Mihma Sal, micha Chonahlan ak o ishi tok: amba okla hvto hlakofi tok.

42. Mihma Sal vt, Uno, micha Chonahlan soso hak o na shoeli ish pi onochashke, achi tok. Mihma Chonahlan ak o onvtola tok.

43. Mihma Sal vt Chonahlan a, Nana ish yemihechi tuk vt vm anoli, im achi tok. Mihma Chonahlan vt im anolit, Peh foi bila isketinosi ho tebi subbak fohka tuk a wishakehi a okvcht isht vpa li tuk, atuk osh yakeh! sella chishke, achi tok.

44. Mihma Sal vt afalamichit, Chitokaka yet yakohmi,

micha i shahli kia yvmihehashke, chilli pulla chi hoke, Chonahlan ma! achi tok.

45. Mihma okla hvt Sal a, Chonahlan, yvmmak osh Israel hlakofichi chito ilvppa atahli tuk vt illa chi cho? ik yohmo pullashke; Chihowa vt okchaya pulla ka noshkobo ha pa-shi o hiel kvt achufa kia aka itula he keyu keke; himak nitak a Chitokaka iba toksvi tuk oka, okla im achi tok. Yvmohmi hosh Chonahlan a okla hlakofichi na ik illo ki tok.

46. Yvmohmi ma Sal vt Filistin vhleha iakaiya kvt fala-ma tok: mihma Filistin vhleha hvt ilap aiasha ya ona tok.

47. Yohmi ho Sal vt apehlichika ishit Israel a pehliechi cha, in tenvp moma afolubli ka itibit, Moab, micha Ammon in chipota, micha Etom, micha Sobah i miko vhleha, micha Filistin okla aiena ka itibi tok; micha kanima yo pit filemakmt, imaiya tok.

48. Michu tvshka chipota itvnahli cha, Amalek okla ha issot kanchi cha, Israel wehpuli tuk vhleha ibbak a hlakofichi tok oke.

49. Yohmi ka Sal ushi vhleha hvt Chonahlan, micha Ishui, micha Melchi-shua: mikma ushetik tuklo hohchifo kvt Melab, mikma nakfish hohchifo kvt Michal atok.

50. Mikma Sal tekchi hohchifo kvt Ahinoam, Ahimaas ushetik atok: mikma tvshka chipota i kvpetvni vt Sal imoshi Ne hak o ushi yosh Abne hohchifo tok.

51. Mikma Kish ak osh Sal a iki atok: mikma Abne iki Ne vt Abiel ushi atok.

52. Mihma Sal i nitak moma ka Filistin okla ha itin tanampi kvt palvmmi fehna tok: mihma Sal vt hatak hlampko, keyukmt hatak chilita nukwia iksho kia pisakmt, il ai ishi beka tok.

CHAPTA XV.

MIHMA Samuel vt Sal a, Nana avmmmit miko chi atokoli li, im okla Israel a ish pehliecha chi ho, Chihowa vt sa pila tuk oke: yvmohmi koka Chihowa im anumpa ola ka ish haklashke, im achi tok.

2. Ūba nan okluha il aieshi Chihowa vt, Amalek vt Israel a kaniohmichi tok, Echip a kohchvt minti ma, hina takla im aiehchi tok a ithaiyana lishke.

3. Himak a ish ia cha, Amalek a issot ish kanchashke, vmohminchit nana im asha moma ka okpvnit ish tahlashke: micha ish apoahanchi ná; amba hatak, micha ohoyo, vllosi, micha pishi, wak, micha chukfulhpoa, kamel, micha issuba haksobish falaia aiena ka vbit ish tahlashke, achi tok.

4. Mihma Sal vt okla ha hoyot itvnahli cha, Telaim a hatak aka hika vt tahlepa sipokni tahlepa tuklo, micha Chutah hatak vt tahlehpa sipokni pokoli a hotihna tok.

5. Michā Sal vt Amalek in temaha holihta ya ona cha, okfa ha im aiehchi tok.

6. Mihma Sal vt Kenait okla ha, Oh íá, kanima hvsh iashke, Amalek okla ai ititakla ya kohchvt i filvmmi hvsh iashke; keyukma aieninchit vbit hvchi tahli li ná; Israel im vlla vhleha hv Echip a kohchvt aya moma ka hvsh i kana tok oka, im achi tok. Mihma Kenait vhleha hv Amalek okla ai ititakla ya kohchvt ia tok.

7. Mihma Sal vt Amalek okla ha issot kanchit, Hafilah ai isht ia mvt, Shu ish ona Echip ont ichapaka ya isht ona tok.

8. Michā Amalek okla i miko Akak a okchaya ho ishi cha, vmohminchit okla moma ka bvshpo falaia halupa isht vbit tahli tok.

9. Yohmi kia Sal, micha okla aiena kv, Akak, micha chukfulhpoa hochukma i shahli, micha wak, micha wak himithoa, micha chukfulhpoa ushi aiena achukma i shabli ka ai ishit, micha nana achukma moma ka apoanchi cha, vmohminchit vbit ik tahlo ki tok: amba nana okpulo puta a shitilema yano vmohminchit okpvnit okla tahli tok.

10. Yvmohmi ma Chihowa im anumpa hv Samuel a im vlv, yak ahanchi tok.

11. Sal a miko ikbit hilechi li tuk vt sa nukhakloshke: siakaiya he tuk vt a filvmmi cha, a nan vlpisa ya ik yvmihcho hoka. Mihma Samuel vt nukhaklo tok: micha Chihowa ya ilbvshvt i pahaya na ninak achvfa kv hlopulli tok.

12. Micha onna mvt onnahinli fehua moma h_o Samuel a im anoli kvt, Sal vt Kamel a vla cha, yakeh! in tenvp imaiya isht ithana ya hilechi cha, fullotvt, hlopullit ivt, Kilkal a onvshke, achi tok.

13. Mihma Samuel vt Sal a im ona tok; mihma Sal vt, Chihowa i holitopa chia ma! Chihowa i nan vllhpisa ya yvmihchi lishke, im achi tok.

14. Mihma Samuel vt, Yohmi hokak o katiohmi h_o chukfulhpoa yahaya kvt sa haksobish a chukohowa cho? micha wak wohoha ka haklo li cho? achi tok.

15. Mihma Sal vt, Amalek okla ha ai ishit okla isht vla tuk oke: chukfulhpoa hochukma i shahli, micha wak hochukma i shahli aiena ka chin Chitokaka Chihowa ya isht aiokprecha chi hosh okla ak osh apoanchi tuk oka; amba inla kno vmohminchit vbit e taiyahli tuk oke, achi tok.

16. Mihma Samuel vt Sal a, Ish hikiakma, himak nitak a Chihowa vt nana vm achi tuk a chim anoli lashke, im achi tok. Mihma, Anoli, im achi tok.

17. Mihma Samuel vt, Chishno ak jnli ish ile pisa kvt chiskitinesi mvt, Israel apelihchi puta ka noshkobo ha ish toba tok keyu h_o? yohmi ma Chihowa vt nan ahvmmit Israel i miko chi atokoli tok keyu cho?

18. Atuk o Chihowa vt nowvt ish aya chi ka chi pila cha, Ia, micha Amalek okla nan ashvchi ya vmohminchit vbit ish tahlashke, micha ish in tanahampi na ont lushumashke, chim achi tok.

19. Yvmohmi hokak o nanta katiohmi h_o Chihowa im anumpa ola ka chik im antio hosh, na wehpoa ya o yihlept hvsh ishi cha, nana ik achukmo ka Chihowa itikba ya hvsh yvmihchi tuk oh cho? im achi tok.

20. Mihma Sal vt Samuel a, Ahli, Chihowa im anumpa ha im antia li tuk, micha yvmma pilla sa pila tuk mak o ia li tuk oke; micha Amalek i miko Akak a isht vla li tuk; micha Amalek okla ha vmohminchit vbit tahli li tuk.

21. Yohmi kia okla hak osh na wehpoa kaniohmi, chukfulhpoa, micha wak hochukma i shahli, yvmvt okpulot tahvt vmohma he atuk ak o, chin Chitokaka Chihowa ya

Kilkal a isht ai aiokprecha chi hosh ishi tuk oke, im achi tok.

22. Mihma Samuel vt, Chihowa vt na hukmit isht aiokprechi, micha nan vbit isht aiokprechi aiena ka aiokpanchi ktv, Chihowa im anumpa im antia ka im itilau i ho? Yakeh! im antia kak osh nan vbit isht aiokprechi ya i shahlikma, haponaklo kak osh chukfvlhpoe nakni i nia ya i shahli hoke.

23. Chihowa imi sanali ktv isht ahullo nan ashvchi yak o chohmikma, chukvsh ilapunla vt nan ik vlhpoe yvmihchi, micha naholbt toba aiokprechi yak o chohmi hoke. Chihowa im anumpa ha ish kanchi tuk oka, ilap ak kia miko ish hikia tuk a chi kanchishke, achi tok.

24. Mihma Sal vt Samuel a, Sai yoshuba tuk oke: Chihowa i nan vlhpisa, micha chim anumpa ha kobvfi li hokvt: okla hak o i sa nukshopa cha, im anumpa ha haklo li hatuk osh.

25. Yvmohmi hoka himak a nan ashvchi li ya is sa kashofi cha, filemt is srba fohka na Chihowa ya aiokprechi lashke, chim asilhha lishke, im achi tok.

26. Mihma Samuel vt Sal a, Chi awant falamvt ia la he keyu: Chihowa im anumpa ish kanchi na Chihowa vt Israel i miko yosh ish pehliechi tuk a chi kanchi hoke, im achi tok.

27. Micha Samuel vt ia chi hosh filema ma, im anchi wishakchi ya halvli na hlilafa tok.

28. Mihma Samuel vt, Chihowa vt himak nitak a Israel apelihchika ya chim ai ishi cha, hatak ish ai itilau achukma ktv chi shahli ho imvshke,

29. Micha Israel imi Hlampko hv holaba he keyu, micha im anukfila hv inla he keyu: hatak keyu hokvt, im anukfila hv inla he keyu hoke, im achi tok.

30. Yvmohmi ma, Sai yoshubvshke: yohmi kia himak ano vm okla im asvnonchi vhleha itikba, micha Israel itikba ya is sa holitoblit, fullotvt si awant ish ia na chin Chitokaka Chihowa ya aiokprechi lashke, chim asilhha lishke, achi tok.

31. Yohmi ho Samuel vt fullotvt Sal a awant ia tok; mihma Sal vt Chihowa ya aiokprechi tok.

32. Yohmi ma Samuel vt, Amalek okla i miko Akak a isht hvs svm vlashke, achi tok. Mihma Akak vt yuppelit mintit im vla tok. Mihmut Akak vt, Illi homi kv ant ia tuk pullvshke, achi tok.

33. Mihma Samuel vt, Chi bvshpo falaia vt ohoyo ha vlla ik im iksho ikbi chatuk oka, chishki vt ohoyo takla vlla ik im iksho ya chi hoke, achi tok. Mihmut Samuel vt Akak a Kilkal ak o Chihowa itikba ya a chanlit tushahlichit taiyahli tok.

34. Yvmohmi mut Samuel vt Lamah ya ona tok; mikma Sal vto in chuka Sal in tumaha Kibeah ya ona tok.

35. Mihma Samuel vt Sal a i himmak ma pisvt ayvt ik ono hosh illi tok: yohmi kia Samuel vt Sal a ishit yahaya tok: mihma Chihowa vt Sal a Israel i miko ikbi hatuk osh nukhaklo tok.

CHAPTA XVI.

YUMOHHI ma Chihowa vt Samuel a, Katiohmi foka uo Sal a isht ish yahaya chi cho? Israel pehliechi tuk a kanchi li tuk oka; chin lapish a bila yo alotuli cha ia; Chesse Behlehemait a pit chi pila la chi hoke: yvma ushi vhleha hak o miko ai il ahayuchi li tuk oke, im achi tok.

2. Mihma Samuel vt, Katiohmit ia la hinla? Sal vt haklokmut, svba hinla hoke. Mihma Chihowa vt, Wak tek himita ish ishi cha, ish iashke; micha, Nan vbit Chihowa isht aiokpvchit aya li hoke, ish achashke, achi tok.

3. Micha Chesse ya ish hoyo na nan vbit isht aiokpvchi ya onashke; mikma nana ish kaniohma hi a chim anoli la chi hoke: mikmut kanima ho chi hochifo likma, nan ahvmmit is svm atokola chi hoke, achi tok.

4. Mihma Samuel vt Chihowa vt im achi tuk mak o yvmohmi cha, Behlehem a ona tok. Mihma ona ma, tumaha hatak im asvnonchi vhleha hv vwnihinchi cha, Achukma ahni hosh ish aya cho? achi tok.

5. Mihma, Achukma ahni hosh aya li: nan vbit Chihowa

isht aiokprchit aya li hoke: hvsh ile hullochi cha, nan vbit isht aiokprchi ya si awant hvsh onashke, achi tok. Mihmvt Chesse, micha ushi vhleha ha hullochi cha, nan vbit isht aiokprchi ya ona chi ka im anoli tok.

6. Atuk o yakohmi tok, okla vla ma, Eliab a atokolit pisa mvt, Nan ahamvt Chihowa im vlhtoka yvt itikba ya hikia pullvshke, achi tok.

7. Yohmi kia Chihowa vt Samuel a, Nashuka, micha chahaka atokolit ish pisa na; ak aiokpacho tuk oka: Chihowa vt nana pisa kvh hatak na pisa ka chohmi keyu hokvt; hatak vto nashuka ya pisa hoke, amba Chihowa vto chukvsh oka atokolit pisa hoke, im achi tok.

8. Yohmi ma Chesse vt Abinatab a i howa cha, Samuel itikba ya ont iachi tuk. Mihma, Ilvppak kia Chihowa vt atokoli tuk keyu hoke, achi tok.

9. Yohmi ma Chesse vt Shammah ya ont iachi tuk. Mihma, Ilvppak kia Chihowa vt atokoli tuk keyu hoke, achi tok.

10. Anonti Chesse vt ushi untuklo ka mominchit Samuel itikba ya ont iachi tuk. Mihma Samuel vt Chesse ya, Ilvppak kia Chihowa hv atokoli tuk keyu hoke, im achi tok.

11. Mihma Samuel vt Chesse ya, Ilvppa asha kvh chim vlla moma ho? im achi tok. Mihma, Nakfish ishtaiyopi yosh chukvshpoa apistikeli hosh antvshke, achi tok. Mihma Samuel vt, Pit hoyot isht ish lashke; ilvppa ik lo kisha ka e binila he keyu hoke, im achi tok.

12. Mihma pit hoyo cha, isht vla tok. Mihma nashuka hummvt, nashuka aiokli pisa achukma tok. Mihma Chihowa vt, Wakaya cha, ish ahvm mashke: ilvppak osh mih mak oka, achi tok.

13. Yohmi ho Samuel vt bila lapish vlhto kash ishi cha, itibapishi ai ititakla ahvmmi tok: mihma nitak yvma i himmak ia ka Chihowa imi Shilombish vt Lewi ya onvtoyulvt isht ia tok. Yohmi ho Samuel vt wakaya cha, Lamah ya ona tok.

14. Amba Chihowa imi Shilombish vt Sal a issvt ia na

Chihowa vt ik yohmi ahni na shilombish okpulo yosh nukhlakvshli tok.

15. Mihma Sal in tishu vhleha hv, Yakeh! himak a shilombish okpulo yosh Chitokaka yvt ik yohmi ahni na chi nukhlakvshlvshke.

16. Yohmi ka pī shahli hv in tishu vhleha hā itikba aia-sha ka ik im apesa na hatak hap olachi imponna ka ik im ahayuchi; atukma yakohma hi oke, shilombish okpulo yosh Chitokaka vt ik yohmi ahni na chi onvtolakma, ibbak a isht olacha hi oke, mikma nuktva hi oke, im achi tok.

17. Yvmohmi ma Sal vt in tishu vhleha hā, Himak a nan olacni imponna ka hv svv ahayuchi cha, isht hv svv vlashke, im achi tok.

18. Yvmohmi ma in tishu vhleha hā ai achvfa kv afala-minchit, Yakeh! Behlehem hatak Chesse ushi yosh nan olachi kv imponna, micha hatak hlampko, chilita, nukwia iksho, micha hatak tenvp, micha anumpuli kv imponna, micha hatak pisa achukma hoke, yohmi hō Chihowa vt ibafoyuka hoke.

19. Yvmohmi hō Sal vt Chesse ya anumpa shali ya pit in tihleli cha, Chiso Lewi chukvvhpoa pehliechit ahanta ka et is sa pilashke, achi tok.

20. Mihma Chesse vt issuba haksobish falaia ya pvska shapolichi mv, oka paki vt kotoba achvfa, micha issi kosoma ushi vt achvfa hō ushi Lewi ibbak a fohki cha, Sal a pit i pila tok.

21. Mihma Lewi vt Sal a im ona cha, itikba ya hikia tok; mihma hev ahni fehna tok: mihma na halupa i shoyuli toba tok.

22. Mihma Sal vt Chesse ya pit im anolit, Lewi vt sa tikba ik hikiā, ish im ahnashke, a holhponaya hanta si ai ahayuchi hoka, achi tok.

23. Atuk o yakohmi tok, shilombish okpulo vt Chitokaka vt ik yohmi ahni na Sal a onvtolakma, Lewi vt hap ishi cha, ibbak isht olachi beka tok: yohmi hō Sal vt okcha cha, nuktvakma, shilombish okpulo vt i filvmmitt kvnia beka tok.

CHAPTA XVII.

YUMOHHMI ma Filistin okla hvt itiba chi hosh tushka chipota ya hoyot itvnahli tok: micha Ephes-tammim yakni Shochoh, ymmvt Chutah immi hq iti hoyot ai itv-naha cha, Shochoh, micha Asekah ititakla yak o binanchi tok.

2. Mihma Sal, micha Israel hatak vhleha hvt iti hoyot itv-naha cha, Elah okfa bilika yak o binanchi cha, Filistin vhleha ha itiba chi kv achukmalit hilechit il atahli tok.

3. Mihma Filistin vhleha hvt in tennvp nnih hq hielikma, Israel vt in tennvp nnih hq hielit tok: mihma okfa hosh ititakla ya talaia tok.

4. Mihma Filistin vhleha im vlbina ha hatak chito yosh hohehifo kv Koliah Kalh vtt achi hosh, chaha kv kubit hannali cha, span achvfa aiena hosh kohevvt ia tok.

5. Mich a sonak lakna iahlipa hq iahlipeli mv, teli kello tenna nafohka isht im vltaha tok; nafohka vt a sonak lakna yosh weki kv shekel tahlepa sipokni tahlapi tok.

6. Mich a iyubi hoyolo kv a sonak lakna shulush falaia yokma, telihpa vt a sonak lakna yosh shinak ha ititakla ala-taya tok.

7. Mikma in tebi teli halupa ontela vpi vt nan tenna okho-wata yak o chiyuhmi tok; mikma in tebi teli halupa ontela noshkobo hvt teli yosh shekel tahlepa hannali tok: mihma telihpa i shoyuli kv itikba ya aya tok.

8. Mich a hiki vt Israel tushka chipota ha chitolit i pahaya cha, Katiahmi hq kohevvt hvsh itiba chi kv il atahlit hvsh hielit cho? Uno vt Filistin hatak sia keyu? mikma hvchishno vt Sal in tishu hvchia keyu? hatak achvfa ka hvsh il ai atokoli na kohevvt mintit vm vlashke.

9. Satibi cha, sva hinla hokma, yohmikma hvchin tishu e tobashke: amba imaiya lish, vbi likma, pin tishu hvsh to-ba cha, hvsh pi nutaka chi hoke, im achi tok.

10. Mikmv Filistin ash osh, Himak nitak a Israel tushka

chipota ya pafi lishke; hatak achufa ka is sama na itibi lashke, achi tok.

11. Sal, micha Israel moma kv̄t Filistin ash im anumpa ymma haklo mvt, chukvsh ielli cha, nukshopa fehna tok.

12. Yohmi ka Lewi ymmak ash osh Eflahlait Behlem-chutah hatak Chesse hohchifo hō ushi atok: micha ymmvt ushi vhleha hvt untuchina hosh im asha tok: mihma hatak ash osh Sal vt ahanta nitak a hatak sipokni vlhpisa hosh hatak takla aya beka tok.

13. Mihma Chesse ushi vhleha akni tuchina kv̄t Sal a iakaiyvt itiba chī hosh ia tok: ushi tuchina itiba chī hosh ia tok hohchifo kv̄t akni vmmona vt Eliab okma, pit iakaiya kv̄t Abinatab okma, ont atuchina kv̄t Shammah atok.

14. Mihma Lewi ak osh nakfish ish̄taiyopi atok: mikma akni fehna tuchina kak osh Sal a iakaiya tok.

15. Amba Lewi vto ia tuk vt iki in chukfulhpoa Belh-lehem asha hō ipeta chī hosh Sal a i filmmit falamvt ia tok.

16. Mihma Filistin ash osh onnahinli, micha opiakma a kv̄nullit bilika ia mvt, nitak pokoli ushta hō ile haiakvchi tok.

17. Mihma Chesse vt ushi Lewi ya, Onush vlwvsha ilvpa efah achufa hō, micha pv̄ska lumbo pokoli ilvppa ishi cha, maleli hosh chitibapishi im vlbina ha ish iashke.

18. Michā pishukchi palv̄ska pokoli ilvppa in tahlepa sipokni i kv̄pitvni ya isht ish im ona cha, chitibapishi hvt kaniohmi hosh mayakma ish pisa cha, heh ahni isht akostinichi ish im isha chike, im achi tok.

19. Yohmi ka Sal, micha ymmak ash osh, micha Israel hatak puta moma kv̄t Filistin vhleha ha itibi hosh Elah okfa hak o aiasha tok.

20. Atuk o Lewi vt onna ha onnahinli hō wakaya cha, chukfulhpoa ya apistikeli im ashachi mvt, iki vt im apesa tuk mak o ishi cha, ia tok: micha itichanvlli aiasha ya ona ma, tvshka chipota vt itiba chī hosh im vlhtahvt achukmvt hiohli hosh itiba chī kv̄t shakapa tok.

21. Israel, micha Filistin vhleha aiena kv̄t itiba chī kv̄t

hiohli il atahli tok ; mikma tvshka chipota laua bika hosh itichapvt hiohli tok.

22. Mihma Lewi vt nan isht aya tuk vt nan isht aya apistikeli ibbak a fohki cha, malelit ia hosh, tvshka chipota vt itiba chi hosh im vlhtahvt achukmvt hiohli ka ont ibachukowa cha, itibapishi vhleha ha aiokpvchi tok.

23. Atuk osh anumpulit hikia ma, yakeh ! Filistin hatak Kalh ai vtta Koliah hohchifo kash osh Filistin tvshka chipota laua ya kohchvt minti tok ; micha anumpa yummak ash inli ho anumpohonli tok : mihma Lewi vt haklo tok.

24. Mihma Israel hatak moma kvv hatak ash pisa mvt, i yihlepa cha, nukshopa fehna tok.

25. Mihma Israel hatak vhleha hvv, Hatak ilvppvt vla ka hvsh pisa cho ? Israel a pafa chi hosh vla pullrvshke : atuk o yakohma chi, hatak nana hosh vbikma, miko vt imilayak chito ishit holitobla chi hoke, micha ushetik a imakmvt, iki in chuka achvfa ya noshkobo atobbi ya issvcha hi oke, achi tok.

26. Mihma Lewi vt hatak bilika hieli tuk a im anumpuli mvt, Hatak kvna hosh Filistin ilvppa vbi cha, Israel ishit hofahya ka ishit kanchikma, i katiohma chi cho ? Filistin hatak hakshup ik tapo ilvppvt kvta hatuk osh Chitokaka okchaya in tvshka chipota ya pafa hinla cho ? achi tok.

27. Mihma okla hvv afalamichit, Hatak kvna hosh vbikma, ilvppa chohmi kash o yvmihcha chi hoke, im achi tok.

28. Mihma akni fehna, Eliab vt hatak vhleha ha im anumpuli ma, haklo tok ; mihmvt Eliab vt Lewi ya i nokowa kvv libbi fehna cha, Nanta katiohmi ho mintit ish la tuk o ? micha kvta hak osh apistikela chi ho chukfelhpoa kanomosi kash yakni haiaka ya issvt ish minti tuk o ? ish ilefehvvchi, micha chi chukvsh ik achukmo ka ithana li ; itibi kak o pisa ka ish ahni hosh ish la hoka, achi tok.

29. Mihma Lewi vt, Himak a nanta ho katiohmi li ho ? yvmohma he ai vlhpiesa kvv asha keyu cho ? achi tok.

30. Michi filema mvt, inla ho anumpa yummak ash inli ho anumpuli tok : mihma okla hvv tikba kash chohmichit anonti afalamichit anumpuli tok.

31. Mihma Lewi vt anumpuli tuk vt annoa ma, okla vbi-telit Sal a im anoli tuk ; mihma Sal vt pit hoyo tok.

32. Mihma Lewi vt Sal a, Yvmmak o mvhli ho hatak kuna kia chukvsh ik iello kashke ; chin tishu hak osh ia cha, Filistin ilvppak ash itibashke, im achi tok.

33. Mihma Sal vt Lewi ya, Filistin ilvppa itibi ka nana ish kaniohma he keyu, peh vlla chia fehnakma, yvmmvto hatak tnvvp vlla moma isht auehinchu tok oke, im achi tok.

34. Mihma Lewi vt Sal a, Chin tishu hvv iki in chuk-fulhpoa apistikeli hosh anta tuk o, koi chito, micha nita ita-tuklo kvv alokoli achvfa ka chukfulhpoa ushi achvfa ka a kohchit ishi tok oke.

35. Mihmvv kohchvv iakaiyv vbi lish, itakha foyuka tuk a hlakofichi li tok oke : micha wakayv si afama ma, nutak-hish a hoklit ishi lish, issot vbi li tok oke.

36. Chin tishu hvv koi chito, micha nita ya itaienincht vbi li tok oke : micha Filistin hakshup ik tapo ilvppv yvm-ma achvfa ka chohma chi hoke ; Chitokaka okchaya in tvsh-ka chipota ya pafi tuk okv, im achi tok.

37. Micha Lewi vt achakalinchu mvv, Chihowa, yvmmak osh koi chito ibbak, micha nita ibbak a a sa hlakofichi tuk vt Filistin ilvppa ibbak ak kia a sa hlakoficha chi hoke, achi tok. Mihma Sal vt Lewi ya, Ia, mikma Chihowa vt chiba foyukashke, im achi tok.

38. Micha Sal vt ilap i nahalupa akinli Lewi ya fohkv-chi mvv, asonak lakna iahlipa ha noshkobo iahlipelichi mvv, tvli kello tvnna nafohka ya fohkvchi tok.

39. Micha Lewi vt tnvvp nafohka paknaka ya bvshpo falaia ya il isht vskovchi mvv, ivv pisa tok ; avvcht ik peso kisha hatuk okv. Mihmvv Lewi vt Sal a, Ilvppa ieshi li kvv ia la he keyu, avvcht ak peso kisha hatuk okv. Micha Lewi vt shoeli tok.

40. Mihmvv tvbi ya ishi mvv, bokushi tvli halushki tahlapi ho ai aiowa cha, chukfulhpoa apistikeli i bahta, bahta ishi tuk mak osh apitta tok : micha ishit pila vt ibbak a foka tok ; mihmvv Filistin ash bilika ia tok.

41. Mihma Filistin vt minti mut, Lewi ya bilika vla tok; mihma telihpa i sholi yash osh tikba ia tok.

42. Atuk o Filistin ash osh filemvt Lewi ya pisa mut, ik ahobalot shitilema tok: peh himita fehna cha, nashuka humma, micha pisa ha okshauanli hatuk oka.

43. Micha Filistin ash osh, Ofi sia ho tvi ish ieshi hosh is sm vla cho? im achi tok. Mihmut Filistin vt i nahol-bvt toba puta ka hochifot Lewi ya kalakshichit mihachi tok.

44. Micha Filistin vt Lewi ya, A minti, mikma chi nipi ya hushi puta vba itnowa, micha nampoa puta yakni haiaka aiasha ka ipeta lashke, im achi tok.

45. Yohmi ma Lewi vt Filistin a, Brshpo falaia, micha tvi tvi halupa ontela, micha telihpa aiena ho ish ieshi hosh is sm vlshke: amba vno vto vba nan okluha il aieshi Chihowa, micha Israel tushka chipota in Chitokaka ish pafi tuk mak o hochihifo hosh chim vla lishke.

46. Himak nitak a Chihowa vt chishno ya subbak a chi fohki na issot chi kanchi likmut, chi noshkobo ha tvbli la chi hoke; micha Filistin tushka chipota nipi illi ya hushi puta vba itnowa, micha nampoa nukshopa puta yakni aiasha ka ipeta la chi hoke; yohmi ho Chitokaka vt Israel i yakni ya ahanta ka yakni moma ket ithaiyanashke.

47. Micha okla ileppa aiasha ket Chihowa vt brshpo falaia, micha tvi tvi halupa ontela ishit hlakofichi keyu ka ithaiyanashke: itibi ket ont a kaniohma hi a Chihowa immi hoket, hvchishno ya pibbak a hvchi fohka chi hoke, im achi tok.

48. Atuk o yakohmi tok, Filistin ash osh wakaya mut, Lewi ya afama chi hosh akanvllit minti ma, Lewi vt tushpa hosh malelit tushka chipota vt itiba chi hosh im vlhtahvt biohli ka ivt, Filistin ash afama chi hosh ia tok.

49. Micha Lewi vt ibbak a bahta ya pit shamvllichi cha, tvi ya kohchit ishi cha, pila mut, Filistin ash ibitakla isso na tvi vt ibitakla ya chukowvt oka kenia tok: mihma nashuka ishit hlipvt aka itula tok.

50. Yohmi hosh Lewi vt ishit pila, micha tvi yo ieshi hosh Filistin ash imaiya cha, Filistin ash isso cha, vbi tok;

yohmi kia Lewi ibbak a bvrshpo falaia vt foka tok keyu hoke.

51. Yvmohmi hosh Lewi vt malelit, Filistin a ont o hikia cha, i bvrshpo falaia ya i shukcha ya shufit ishi cha, vbi mvt, ishit chanlit noshkobo ha tvbli tok. Mihma Filistin vhleha hvt hatak in chaha yash osh illi na pisa mvt, yihlepa tok.

52. Mihma Israel hatak vhleha, micha Chutah hatak vhleha aiena kvv wakaya cha, shakampa mvt, hliolit isht ia hosh okfa ish ona ka, micha Eklon holihta okhissa ya isht ona tok. Mihma Filistin vhleha hvt nvhlvt chilofvt maya kvv, Shaalaim pilla mayvt Kalli, micha Eklon a ont vlli tok.

53. Mihma Israel im vlla vhleha hvt Filistin vhleha ha hlioli tuk vt falama cha, im vlhtipo puta ka wehpuli tok.

54. Mihma Lewi vt Filistin ash noshkobo ya ishi cha, Chelusalem a isht ona tok: amba i nahalupa hano im vlhtipo yak o ashachi tok.

55. Mihmvt Lewi vt kohchvt Filistin ash itibit ia na Sal vt pisa mvt, tvshka chipota i kvpitvni Abne ya, Abne ma! hatak himita ilvppvt kvta hak o ushi yo? im achi tok. Mihma Abne yvt, Chi shilombish vt okchaya pulla ka anoli la he keyushke, miko ma! achi tok.

56. Mihma miko vt, Hatak himita yash osh kuna ushi yokma ponakló, achi tok.

57. Atuk o Lewi vt Filistin ash vbit falama ma, Abne vt ilauelet Filistin ash noshkobo ya ieshi ho Sal itikba ya isht vla tok.

58. Mihma Sal vt, Hatak himita chia ma! hatak nanta ushi chia ho? im achi tok. Mihma Lewi vt aalamichi mvt, Chin tishu Chesse Behlehemait ushi sia hoke, achi tok.

CHAPTA XVIII.

ATUK o yakohmi tok, Sal a im anumpuli tuk vt ont tahli ma, Chonahlan imi shilombish vt Lewi imi shilom-

bish a abonutvt kenia tok; micha Chonahlan vt hel ahni kv̄t ilap imi shilombish ak inli chiyuhmi tok.

2. Mihma Sal vt nitak ymma ishi cha, himmakma iki in chuka ya ik iá, ik im ahno ki tok.

3. Mihma Chonahlan, micha Lewi itatuklo kv̄t nana it im v̄lh̄pisa it im apesa tok, i hullo kv̄t ilap imi shilombish ak inli chiyuhmichi hatuk okvt.

4. Mihma Chonahlan vt anchi holiropa foyuka tuk vt shufi cha, Lewi ya ima tok; micha i nafohka, micha i b̄vsh-po falaia, im iti tanampo, micha im vskofvchi aiena kash kia ima tok.

5. Mihma Lewi vt kanima yo Sal vt pilakma, ihiya hosh ahanta cha, ile hopoyuksvli tok: mihma Sal vt hatak tenvp aya ya pehlich̄i ikbi ma, okla moma kv̄t pisa kv̄t aiokpanchikma, Sal in tishu v̄hleha hak kia pisa kv̄t aiokpanchi tok.

6. Atuk o yakohmi tok, Filistin hatak ash v̄bit aya tuk vt Lewi vt falamvt v̄la ma, ohoyo v̄hleha hv̄t Israēl in tv-maha holihta puta ka kohchvt talovt, h̄ih̄lv̄t, ahlepushi puta, micha nan isht taloa ieshi hosh, nayukpa hosh miko Sal a afama ch̄i hosh minti tok.

7. Mihma ohoyo v̄hleha hash osh nan isht taloa olanchit, iti falamolichit achi kv̄t, Sal vt tahlepa sipokni h̄o v̄bikma, Lewi v̄to tahlepa sipokni pokoli h̄o v̄bishke, achi tok.

8. Mihma Sal vt nukhobela fehna cha, nan achi kash ik im v̄lh̄peso tok; micha, Lewi ano tahlepa sipokni pokoli h̄o i hotihna hokak osh, v̄no ano tahlepa sipokni bano h̄o a hotihnvshke, achi tok: ymma i shahli h̄o ishi kv̄t nanta hinla cho? apēhlichika yak keyu kv̄t?

9. Michā Sal vt nitak ymma v̄ttvt isht ia ka Lewi ya i nuktrhla tok.

10. Atuk o onna ma yakohmi tok, shilombish okpulo vt, Chitokaka yvt ik yohmi ahni na Sal a ont onvtola tok; mihma aboha iklvna tasimbot ai anumpuli tok: mihma Lewi vt tikba chatuk akinli chohmit ibbak a isht olachi tok: mihma Sal ibbak a tvbi tvli halupa ontv̄la vt foka tok.

11. Mihma Sal vt tvbi tvli halupa ontv̄la ya pila tok;

Lewi ya issot aboha okhowata ya anghlichi lashke, achi hatuk osh. Mihma Lewi vt hitukla ha i kanvllit kohcha tok.

12. Mihma Sal vt Lewi ya i nukshopa tok; Chihowa vt ibafoyuka cha, Sal ano i filvmmi hatuk o.

13. Yvmohmi kak o Sal vt ilap ai ititakla ya kanvlliechi cha, tahlepa sipokni pehliecha chi ho i kvpitvni ikbi tok: micha okla itikba ya akohchit ivt ont chukohowa tok.

14. Mihma Lewi vt nana a kaniohmi puta kvt ile hopoyuksvli tok; mihma Chihowa vt ibafoyuka tok.

15. Yvmohmit ile hopoyuksali fehna na Sal vt pisa mvt, i nukshopa tok.

16. Yohmi kia itikba ya akohchvt ivt, ant chukohowa hatuk o, Israel moma, micha Chutah moma aiena kvt Lewi ya holitobli tvk.

17. Mihma Sal vt Lewi ya, Yakeh! svso tek akni Melab yvmvvt chi tekchi ya chi ho chima la chi hoke: peh nukwia ikshot is svv in chilitvt Chihowa im itibi ya ish itibashke, im achi tok. Subbak vt ik onvtolo kashke, amba Filistin okla ibbak ak osh onvtolashke, Sal vt achi hatuk okvt.

18. Mihma Lewi vt Sal a, Kvta sia hoh cho? Israel ai ititakla ha vv ilhflopak, micha aki in chuka achefa vt nanta hatuk o miko ya iyupi la hinla cho? im achi tok.

19. Atuk oh kia yakohmi tok, Sal ushetik Melab a Lewi ya ima he vvhpesa ak inli kia, Meholahlait hatak Atliel ak o tekchi yachi ho ima tok.

20. Mihma Michal Sal ushetik vt Lewi ya anushkunna tok: mihma Sal a okla im anoli ma, nana ka im vvhpesa tok.

21. Mihma Sal vt, Yvmmak o ima lashke, yohmikma isht ibetvbli na Filistin okla ibbak vt im asanalashke, achi tok. Yvmohmi hosh Sal vt Lewi ya, Himak nitak a tuklo ka achefalit is svv iyupa chi hoke, achi tok.

22. Mihmvt Sal vt in tishu vvhleha ha im apesvt, Lewi ya lumvt hvsh im anumpulit, Yakeh! miko vt chi ahninchishke, mikma in tishu vvhleha hvvt chi holitoblishke: yvmohmi hoka himak ano miko ya ish iyupashke, hvsh achashke, achi tok.

23. Mihma Sal in tishu vhleha het anumpa yemma Lewi haksobish a haklochit anumpuli tok. Mihma Lewi vt, Miko iyupi ka nana ik ahobo huchim ahoba cho? vno vto hatak ilbrsha, holitopa keyu sia hoka, achi tok.

24. Mihma Sal in tishu vhleha het im anoli ket, Ilvppak o Lewi vt anumpulishke, achi tok.

25. Mihma Sal vt, Ilvppak o hush im achashke, miko vt ohoyo vltoba bunna keyu, amba miko vt in tenvp a ilai-okha chi ket, Filistin tikba hakshup tahlepa achefa ho ahni hoke, achi tok. Yohmi kia Sal vt Filistin okla ibbak ak o isht akema hi a ahni tok.

26. Atuk o in tishu vhleha het Lewi ya anumpa ilvppa im anoli ma, Lewi vt miko iyupi ka im vlpesa fehna tok: atuk o nitak vlpisa vt ont ik taho kisha tok.

27. Yumohmi ma Lewi, micha hatak apeha tuk aiena ket wakayvt ilhkoli cha, Filistin tahlepa tuklo ho vbi tok: micha Lewi vt tikba hakshup isht vla tok; mihma holh-tina ont ai vlpiesa ho miko ya ant okla ima tok, yohmi na miko iyupa chi hatok. Mihma Sal vt tekehi yachi ho ushetik Michal a ima tok.

28. Mihma Chihowa vt Lewi ya ibafoka, micha Sal ushetik Michal vt Lewi ya anushkunna ka pisvt ithana tok.

29. Yohmi met Sal vt isht i shahlit Lewi ya i nukshopa tok: micha Sal vt Lewi ya in tenvp toba ket i shahlit mahaya tok.

30. Yohmi ma Filistin pehlichu vhleha het kohevvt ia tok: atuk o yakohmi tok, kohevvt ia haya, Lewi vt ile ho-poyuksali ket Sal in tishu vhleha moma ka i shahli tok: yohmi ho hohevifo het holitopa fehna tok.

CHAPTA XIX.

YUMOHMI ma Sal vt ushi Chonahlan, micha in tishu vhleha moma ka im anumpulit, Lewi ya vba chi ka i miha tok.

2. Yohmi kia Chonahlan, Sal ushi vt Lewi ya ahninchi

fehna tok: micha Chonahlan vt Lewi ya im anolit, Aki Sal vt chiba chi hosh chi hoyoshke: yohmi hoka himak a ahah! ish il aiahni na onnahinlashke, micha ish luma cha, alumaka ish ahantashke.

3. Micha kohchvt ia lish, ish ai anta osapa ya aki ont apontvt hikia lish, it im anumpuli lashke; micha nana ho pisa likmvt, yummak o chim anoli la chi hoke, achi tok.

4. Mihmvt Chonahlan vt iki Sal a im anumpulit anumpa achukma ho Lewi ya isht anumpuli mvt, Miko vt in tishu Lewi ya na kaniohmichit ik im ashvcho kashke; nana chim ashvchi tuk keyu hoka; micha nana isht ahanta kv achukma fehna kak o chi ahni tuk oka.

5. Ilap im ilhfiopak a ibbak fohkit ieshi cha, Filistin ash vbi tuk oka; mihma Chihowa vt Israel moma ka ahlakofi chito ho im atahli tuk oke: chishno vt ish pisa cha, chi yukpa tuk oke: yohmi ka nana kaniohmi keyu ka Lewi ya ish bi cha, nan okprni keyu issish a hlatvblit chi yoshuba chi cho? im achi tok.

6. Mihma Sal vt Chonahlan a i haponaklo tok: micha Sal vt anumpa kvlo il onochit anumpulit, Chihowa vt okchaya pulla ka illa he keyu, achi tok.

7. Mihma Chonahlan vt Lewi ya i howa cha, Chonahlan vt yumma moma ka im anoli tok. Micha Chonahlan vt Lewi ya Sal a isht im ona na tikba chatuk a chohmit takla ahanta tok.

8. Atuk o anonti tvnvp vt asha tok: mihma Lewi vt kohchvt ia cha, Filistin okla ha itibi cha, vbit tahli na illi kv laua fehna tok: mihma okla i yihlepa tok.

9. Mihma Chihowa vt ik yohmi ahni na shilombish okpulo vt, Sal vt tvbi tvi halupa ontvla vt ibbak foyuka hosh im aboha asha ma onvtola tok: mihma Lewi vt ibbak isht olachi tok.

10. Mihma Sal vt Lewi ya tvbi tvi halupa ontvla aboha okhowata ka isht anvhichi bvna tok: yohmi kia Sal itikba ya i kannakli na aboha okhowata ka tvbi tvi halupa ontvla nvhlit a hilechi tok: mihma Lewi vt maleli cha, ninak yumma hlakofi tok.

11. Micha Lewi in chuka im aiehchi cha, onnahinlikma vba chī hō Sal vt anumpa shali yā pit tihleli tok; micha Michal Lewi tekchi vt im anolit, Himak ninak a chik il ok-chalinchokmvt, onnaha ma chilla chī hoke, achi tok.

12. Yohmi mvt Michal vt Lewi yā okhissushi pit kohchit akowvchi tok: mihma ia cha, malelit hlakofi tok.

13. Mihma Michal vt naholbvt toba yō topa hash bohli cha, issi kosoma hishi vlpishi yō vlpishichichi cha, nantvma isht ompohomo tok.

14. Atuk o Lewi yā isha chī ka Sal vt anumpa shali yā tihleli ma, Abeka hoke, achi tok.

15. Mihma Lewi yā pisa chī hō Sal vt anonti anumpa shali yā tihleli cha, Topa hā on itonla hō ishit hvs svn vla na vbi lashke, achi tok.

16. Atuk o anumpa shali vhleha hvt ont chukowa ma, yakeh! naholbvt toba hvt topa hash issi kosoma hishi vlpishi yō vlpishi hosh itonla tok.

17. Mihma Sal vt Michal a, Nanta katiohmi hō yakohmichit is sa haksichi cha, an tvnp a ish chvffichi na hlakofi cho? im achi tok. Mihma Michal vt afalamichit Sal a, Ak iā, nanta katiohmi hō chibi la chī cho? vm achi tuk oke, achi tok.

18. Yohmi hō Lewi vt maleli cha, hlakofit, Samuel vt Lamah yā anta tuk o im ona cha, Sal vt kaniohmichi tuk a moma im anoli tok. Mihmvt yvmvt, micha Samuel itatuklo kvv itv Naiolh ak o ont ashwa tok.

19. Mihma Sal a im anolit, Yakeh! Lewi vt Lamah yakni Naiolh ak o antvshke, achi tok.

20. Mihma Lewi yā isha chī hō Sal vt anumpa shali yā tihleli tok: atuk o hopaii kaniohmi kvv Shilombish anukfo-yukvt anumpuli ma, Samuel vt vltoka tuk osh pehliechit hikia na okla pisa ma, Chitokaka imi Shilombish vt Sal im anumpa shali vhleha hā onvtola ma, yvmak kia Chihowa yā aiokpahanchi tok.

21. Atuk o Sal a im anoli ma, anumpa shali inla yō tihleli ma, Shilombish anukfo-yukvt okla anumpuli ak inli tok. Mihma Sal vt anonti ont atuchina ma, anumpa shali yā

tihleli ma, Shilombish anukfoyukvt okla anumpuli akinli tok.

22. Yohmi ma ilap ak kia ivt, Lamah ya ona cha, kvli chito yosh Sechu a hikia hō ona tok: micha ponaklot, Samuel, micha Lewi itatuklo mvto? achi tok. Mihma achvfa hosh, Yakeh! Lamah yakni Naiolh ak o ashwa hoke, achi tok.

23. Mihma Lamah yakni Naiolh ak o ona tok: mihma Chitokaka imi Shilombish vt onvtola akinli tok, micha Shilombish anukfoyukvt anumpulit mahayvt Lamah yakni Naiolh a ona tok.

24. Michā im anchi yak kia shoelit tahli cha, Samuel itikba ya Shilombish anukfoyukvt anumpuli ak inli tok; micha nipi bieka chiyuhmi hosh itoyula na nitak yvmmt shoyuhbi cha, ninak yvmmt ont blopulli tok. Yvmohmi hō achi kv, Sal ak kia hopaii vhlheha hā ibafoyuka cho? okla achi tok.

CHAPTA XX.

MIHMA Lewi vt Lamah yakni Naiolh a issvt, malelit Chonahlan a, Nanta hō katiohmi li tuk oh cho? nana ashvchi li kv nanta hō? micha chiki itikba ya nana ik vhlpeso yvmohmi li kv nanta hō vm ilhfiopak a hoyo cho? ont achi tok.

2. Mihma, Ik yvmohmo kashke, chilla he keyushke: yakeh! aki vt nana chito hokmá, keyukmvt iskitini hokmá, nana kia ik sum anolo kv yvmihcha he keyu hoke: micha nanta katiohmi hō aki vt ilvppa an luhma hinla cho? yohma he keyú, im achi tok.

3. Mihma Lewi vt anumpa kvllō il onochit anumpulit, Issa kana ka chiki vt ithana kvt ahli; atuk osh achi kv, Chonahlan vt ik nukhaklo ka chi kv ilvppa ik ithano kashke: yohmi kia Chihowa okchaya pulla ka, micha chimi shilombish vt okchaya pulla ka, peh ahabli achvfa ohmi hosh aiilli, micha si ititakla ya takali hoke, achi tok.

4. Yohmi ma Chonahlan vt Lewi ya, Nana h_o chimi shi-lombish vt abnikma, ch_i yumihehi lashke, im achi tok.

5. Mihma Lewi vt Chonahlan a, Yakeh! onna hayet heshi talali yoke, yohmi ka m_iko vt imp_{rt} binilikma, takla binili la he v_hpesa: yohmi kia, Ak ia cha, yakni haiaka ya ak luma na nitak ont atuchina ik opia.

6. Ch_iki vt iksho si ahni yobakma, yohmikma yak ish achashke, Lewi vt malelit Behlehem in t_mmaha holihta ya ona hi a achunanehit v_m asilhha tuk oke: yemma in chuka achvfa moma ket af_mmikma nan vbit isht aiokprehi isht asha hoka.

7. Yakohmikma, V_hpesa, achikma, chin tishu h_{vt} it i kana ha ch_i hoke: amba nuklibesha fehnakmet, nana ik achukmo anukfilli ka ish ithaiyanashke.

8. Y_mmohmi hoka chin tishu h_a ish i kanashke; Chihowa itikba ya chin tishu h_a nana it im v_hpisa ish it im apihisa tuk ok_{vt}: y_mmohmi ak inli kia nan ashvchi vt si atakalikma, chishno akinli hosh is svbashke; nanta katiohmi h_o ch_iki ya svst ish im ona hinla cho? im achi tok.

9. Mihma Chonahlan vt, Ik ch_i y_mmohmo kashke; nana ik achukmo ket chi on_{vt}tola hi a aki vt anukfilli ka ithana li fehnakmet, ak chim anolo ka hinla cho? achi tok.

10. Y_mmohmi ma Lewi vt Chonahlan a, K_{rt}a hosh v_m anola ch_i cho? micha ch_iki vt kelloch_i hosh chim anumpulik m_{vt}no? im achi tok.

11. Mihma Chonahlan vt Lewi ya, Inta! yakni haiaka ya kil ia, im achi tok. Mihma itatuklot kochevt i_{vt} yakni haiaka ya ona tok.

12. Mihma Chonahlan vt Lewi ya, Israel in Chitokaka Chihowa ma! onna ha foka kanima, keyukmet nitak ont atuchina ka aki im anukfila h_a akostin_inchi li ka, yakeh! achukma h_o Lewi ya im anukfilli hokma, et ch_i pilet ak chim anolokma,

13. Chihowa vt yakohmi, micha i shahli fehna kia Chonahlan a yumihehashke: amba aki vt im v_hpesa cha, nana ik achukmo ch_i yumihecha he ahni, yohmikma chim anoli lish, chi pila likma, chi achukmak_{vt} ish ayashke: mikma

aki ya ibafoyuka chatuk a chohmit Chihowa vt chibafoyukvshke.

14. Mikma ik sullo ka hi a si okchaya itintakla ka Chihowa itikba ya is sa kana kak illa he keyu,

15. Amba an chuka achvfa ak kia ish i kana cha, chik isso ho biliashke: keyu, Chihowa vt Lewi in tnvvp vhleha yakni paknaka ai asha ka mominchit vbit taiyahli haya kia, achi tok.

16. Yohmi ho Chonahlan vt Lewi in chuka achvfa ya rana it im vhpisa it im apesa kv, Chihowa ak osh Lewi in tnvvp vhleha ibbak ak o ai im a hoyashke, achi tok.

17. Mihma Chonahlan vt i hullo hatuk osh, anonti Lewi ya anumpa kvlo ya il onochichi tok; ilap shilombish i hullo kak inli kv i hullo hatuk okvt.

18. Yohmi ma Chonahlan vt Lewi ya, Onna hayvt hvshi talali yoke; mikma iksho hacha, chi ahna chi hoke, ish ai om binili vt peh talaia chi hoke.

19. Atuk o nitak tuchina ho ish ahanta tuk mvt, tushpvt ivt, nana isht il ashwa ma ish a luma tuk vt ish ona cha, vli Esel bilika yak o ish ahantashke.

20. Atuk ma oski naki tuchina ho nana ho hysa itilauechit ichapaka pila la chi hoke.

21. Mikma yakeh! hatak himita chvffichi lish, Ia cha, oski naki ont ahayuchi, achi lashke. Atokolit hatak himita ya, Yakeh! oski naki vt ish ahikia ka ola ashvshke, ishi, im achi likma, yohmikma ish mintashke: Chihowa vt okchaya pulla ka chi kana cha, anumpa nana kia chi onocha he keyu hoke.

22. Amba hatak himita yash, Yakeh! oski naki vt ish ahikia ka mish a shvshke, im achi likma, ish iashke: Chihowa vt kanima pit chi chvffichi hoka.

23. Micha nana ka chishno, micha vno il itatuklo kv isht il anumpuli kamo, yakeh! Chihowa vt chishno, micha vno il itatuklo ka pititakla hikia na biliashke, im achi tok.

24. Yohmi ho Lewi vt yakni haiaka ya luma tok: atuk o hvshi talali vt vla ma, miko ash osh impa chi hosh binili tok.

25. Mihmt miko ash osh yohmi chatuk vt im ai-om-binili, ymmvt aboha okhowata bilika yak o om binili tok: mihma Chonahlan vt wakaya ma, Abne vt Sal a apontvt binili ma, Lewi ai asha vt peh talaia tok.

26. Yohmi kia nitak ymma Sal vt nana ik acho tok: Nana i kaniohmi tuk, ik kashofo; ik kashofo pullushke, ahni hatuk osh.

27. Atuk o onna ma ymmvt hvshi nitak atukla ho yakohmi tok, Lewi ai asha vt peh talaia tok: mihma Sal vt ushi Chonahlan a, Nanta katiohmi ho pilashash, micha himak nitak aiena ka Chesse ushi vt imprt ik lo cho? im achi tok.

28. Mihma Chonahlan vt afalamichit Sal a, Lewi vt Belehem a ia hi vt achunanchit vm asilhha tuk oke.

29. Micha, Ak ia, chim asilhha lishke; pin chuka achvfa vt vmaha holihta ya nan vbit isht aiokprechi isht asha hoka; micha itibapishi li hv ona la hi a a miha tuk oke: yohmi ka chi holhponayo hanta a chi ahayuchi li tuk okmt, ak ayá, chim asilhha lishke, micha itibapishi li vhleha ha ont pisa lashke, achi tuk oke. Yvmohmi tuk osh miko im ai impa ya ik lo hoke, im achi tok.

30. Mihma Sal vt Chonahlan a i nokowa kv libbi fehna cha, Ohoyo isht acheba, micha miko im asanali ushi chia hv nan ishit chi hofahya he, micha chishki vt nipi banot ishit hofahya hi a Chesse ushi ya ish il ai ishi ka ithana li keyu?

31. Chesse ushi vt yakni paknaka ya okchayvt ai ahanta takla ka, chishno, micha ish apehlichika yvt kellot hikia he keyu koke. Yvmohmi hoka himonasi ya pit hoyot isht vm vla, illi pulla chi hoke, im achi tok.

32. Mihma Chonahlan vt iki Sal a afalamichit, Nanta katiohmi ho illa chi cho? nanta ho yvmihchi tuk o? im achi tok.

33. Mihma Sal vt tvbi tvli halupa ontvla ishit nvhla chi hosh pila tok: yvmak o iki vt Lewi ya vbi pulla kak o ahni ka Chonahlan vt isht ithaiyana tok.

34. Yohmi ho Chonahlan vt nokowa kv libbi fehna hosh

ai impa ya wakaya cha, lvshi nitak atukla ka ik impo tok : Lewi ak o ishit nukhaklo hatuk osh, iki vt hofahyali kak atok.

35. Atuk o onnahunli ma yakohmi tok, Lewi ya nitak it im apesa tuk a ont ai vlhpiesa ma, Chonahlan vt vlla nakni ya ilauei cha, kohchvt ivt yakni haiaka ya ona tok.

36. Micha im vlla nakni ya, Malelit ia cha, oski naki ya pila li ka ont ahayuchi, im achi tok. Atuk o vlla nakni yash osh maleli ma, oski naki ya vbanvblichit pila tok.

37. Atuk o vlla nakni ash osh oski naki Chonahlan vt pit pila tuk a ai ona ma, Chonahlan vt iakaiyachit i payvt, Oski naki vt ish a hikia ka misha keyu ? achi tok.

38. Micha Chonahlan vt vlla nakni ya iakaiyachit i payvt, Pulhki, tushpa, ish hikia na, achi tok. Mihma Chonahlan im vlla nakni vt oski naki yash aiowa cha, i shahli ya im vla tok.

39. Yohmi kia vlla nakni vt nana ik ithano tok : Chonahlan, micha Lewi ak illa hosh nana ka ithana tok.

40. Mihma Chonahlan vt im oski naki yash im vlla nakni ya ima cha, ia cha, temaha holihta ya isht ona, im achi tok.

41. Atuk o vlla nakni vt ia mak inli ho Lewi vt oka mahli imma talaia ho wakayvt kohecha cha, aka itulet nashuka ishit hlipia cha, hituchina ha akachunoli tok : micha it i suksowa mv, itiba yahaya ma, Lewi ak osh isht atampa tok.

42. Mihma Chonahlan vt, Chi achukmakvt ish ayashke ; il itatuklo kv Chihowa hochifot anumpa kello il onochit, Chihowa vt vno, micha chishno ya pititakla ya, micha vm isht atiaka, micha chim isht atiaka itintakla ya hikia na bilishke, il achi tuk oka, im achi tok. Mihma wakaya cha, ia tok : mihma Chonahlan vt temaha holihta ya ont chukowa tok.

CHAPTA XXI.

YUMOHI ma Lewi vt Ahimelech vt Nob a anta tuk o im ona tok : mihma Ahimelech vt Lewi ya itafama mv,

nukshopa cha, Nanta katiohmi hō chishno ak bano ma, hatak nana kia chi apihvt ik ayo cho? im achi tok.

2. Mihma Lewi vt Ahimelech naholitompa isht vtta ya, Miko vt nana vm apesa cha, Nana a kaniohmi hō tohnot chi pila li, micha nana chim apesa li tuk a kena kia ik ithano kashke: yohmi hosh an tishu vhleha hā ymma, micha ymma achit im apesvt tahli li tuk oke, vm achi tok.

3. Yvmohmi hoka himonasi ya nanta hosh chibbak a foka cho? pska lumbo tahlapi hō svbbak a ish fohkashke, keyukmt kaniohmi hosh chiyakma, im achi tok.

4. Mihma naholitompa isht vtta ash osh afalamichit Lewi ya, Pska ik hullocho vt svbbak a ik foko, amba pska hullochi yak illa hosh asha hoke; hatak himithoa ak osh ohoyo ik ahalaio tuk okma, im achi tok.

5. Mihma Lewi vt afalamichit naholitompa isht vtta yash, Ahli hoke; nitak tuchina kohchvt minti li tuk itintakla ka pi ahalaia tuk keyu hoke, micha hatak himithoa nan im aivlhto puta kvk kashofa hoke, mikma pska vt ik hullocho ohmi hosh akinli, ahli himak ak o nan aivlhto foka na hullochi tuk oh kia, im achi tok.

6. Yvmohmi hō naholitompa isht vtta yash osh pska hullochi ya ima tok: ymma pska vt iksho hatuk oka; amba pska otvni Chihowa itikba ya ai ishi tuk, micha pska lvshpa talali nitak mak inli ymmak illa hosh asha hatuk oka.

7. Yohmi ma Sal in tishu vhleha hā ai achvfa hatak achvfa hosh Chihowa itikba nana isht vtta hosh nitak ymma anta tok; micha hohchifo kvk Toek Etomait atok, nana vhpōa apistikeli Sal vt im aiasha ka i shahli fehna tok.

8. Mihma Lewi vt Ahimelech a, Michā tvbi tvli halupa ontvla, keyukmt bvshpo falaia vt chibbak a foka cho? miko nana akaniohma he ahni kak osh anukwaya hatuk o, am bvshpo falaia, micha nahalupa nana kia ak esho tuk oka.

9. Mihma naholitompa isht vtta yash osh, Yakeh! Koliash Filistin hatak a Elah okfa hā isht ish ai vbi tok bvshpo falaia ak osh nantvna abonunta hosh efot ashaka takanlishke: ymmak o ish isha hinlakmt, ishi: inla yvt iksho, ymmak

illa ilvppa itonla hoka. Mihma Lewi vt yvmma chohmi kv̄t iksho hoka v̄má, achi tok.

10. Mihmvt Lewi vt Sal ā ī nukshopa hatuk osh wakaya cha, nitak yvmma malelit, Achish Kalh ī m̄iko yā im ona tok.

11. Mihma Achish in tishu v̄hleha hv̄t, Ilvppvt Lewi yakni yvmma ī m̄iko keyu cho? ishit hihlv̄t, it in taloh̄wvt Sal vt tahlepa sipokni h̄o v̄bikma, Lewi vt tahlepa sipokni pokoli h̄o v̄bishke, achi tok mak keyu? im achi tok.

12. Mihma Lewi vt anumpa ilvppa ch̄ukvsh fohkit ieshit aya cha, Kalh ī m̄iko Achish ā ī nukshopa fehna tok.

13. Micha nana akaniohmi chatuk vt itikba yā im il inlv̄chi cha, ibbak f̄oka kv̄t tasimbo im ilahobit, holihta okhissa isht v̄lhkv̄ma yā kv̄llit, itukechi yā yanv̄llichi na nutakhish ā o yanv̄lli tok.

14. Yvmohmi ma Achish vt in tishu v̄hleha hā, Yakeh! hatak vt tasimbo yoke: yvmohmi hoka nanta katiohmi h̄o isht hv̄s sv̄m v̄la tuk oh cho?

15. Hatak tasimbo sa bv̄nna h̄o ilvppa isht hv̄sh la na sa tikba a ile tasimbochit anta cho? hatak ilvppvt v̄m aboha chukowa ch̄i cho? im achi tok.

CHAPTA XXII.

YUMOHMI h̄o Lewi vt yvmma v̄ttvt ivt, Atullam hichuk-bi ont chukowvt hlakofi tok: atuk ō itibapishi v̄hleha, micha īki in chuka achv̄fa vt haklo mvt, yvmmak ō ivt im ona tok.

2. Yohmi ma ilbv̄sha puta, aheka in takanli puta, micha ch̄ukvsh ik im achukmo puta kv̄t im itahoba tok; mihma ī kv̄pitv̄ni toba tok; mihma hatak tahlepa ushta foka hosh apeha tok.

3. Mihma Lewi vt yvmma v̄ttvt ia mvt, Moab yakni Misp̄eh ak ō ona tok: micha Moab ī m̄iko yā, Aki micha hv̄shki vt kohchvt v̄la cha, chi apehvt ah̄ashwa tuk ō Chitokaka yvt nana h̄o ā kaniohmicha ch̄i hatukma akostininchi lashke, chim asilh̄ha lishke, im achi tok.

4. Micha Moab i miko itikba ya isht im ona tok: micha Lewi vt hichukbi foyuka moma ho yvmmak o apehvt aiasha tok.

5. Mihma hopaii Kat vt Lewi ya, Hichukbi yo chik anto kashhe; ish ia cha, Chutah yakni ya ish onashke, im achi tok. Yvmohmi ma Lewi vt ia cha, Halelh kowi haiaka ya ont chukowa tok.

6. Atuk o Sal vt Lewi, micha hatak apehvt aya tuk vt haiaka ho haklo mvt, (mihmvt Sal vt tibi teli halupa ontela ibbak a foyuka hosh Lamah yakni Kibeah ak o iti nuta ahanta tok, mihma in tvshka vhleha hvt afolublithieli tok.)

7. Yvmohmi ma Sal vt in tishu vhleha hvt afolublithieli tuk a, Himak ano hvsh haiyaklashke, Benchamait vhleha ha hvchia ma! Chesse ushi vt hvsh moma ka osapa, micha pkvpi ahollokechi puta ka hvch ima cha, tablepa sipokni i kvpitvni, micha tablepa i kvpitvni hvch ikba hinla ho?

8. Yohmi ho hvsh moyuma kvv im anukfila achvft hvsvm asanali cha, hvsh achvfa kia svso hvt Chesse ushi ya anumpa it im ai achvfa ka hvsvm anoli keyu, micha hvsh achvfa kia hvsv sa nukhaklo cha, svso hvt an tishu ya nukfohkichit vm i sanalichina himak nitak ak kia vm aiehinchika hvch ik hvsvm anolo cho? im achi tok.

9. Yohmi ma Etomait hatak Toek, yvmvvt Sal in tishu vhleha puta pehlichivlhtoka ash osh afalamichit, Chesse ushi vt Nob a vlvvt, Ahitvb ushi Ahimelech a im ona ka pisa li tok.

10. Mihma Chihowa ya im i ponaklo cha, ilhpak a ima mvt, Filistin hatak Koliah i bvshpo falaia aiena ka ima ho pisa li tok oke, im achi tok.

11. Yohmi ma miko vt naholitompa isht vttahimelech, Ahitvb ushi, micha iki in chuka achvfa, naholitompa isht asha vhleha Nob aiasha tuk vt moyuma ka pit hoyo tok: mihma okla moyuma kvv miko ya im ona tok.

12. Mihma Sal vt, Himonasi ya ish haiyaklashke, Ahitvb ushi chia ma! achi tok. Mihma afalamichi mvt, Yak hikialishke, a shahli ma! achi tok.

13. Mihma Sal vt, Nanta katiohmi hq chishno, micha Chesse ushi hvsh itatuklo kv̄t im anukfila hvsh it im ai achv̄vt hvs sv̄m asanali cho? micha pv̄ska, micha bv̄shpo falaia aiena ka ish ima cha, Chitokaka ish im i ponaklo na wakayvt v̄m i sanali cha, himak nitak ak kia aiehchi cho? im achi tok.

14. Yohmi ma Ahimelech vt afalamichit miko ya, Mikma kv̄ta hosh chin tishu vhleha puta ka chim ai ahli kv̄t Lewi chohmi kv̄t anta? yummak okvt miko iyup, micha, Kanima ish iashke, ish i miha na ia hoke, micha chin chuka achv̄fa ya holitopa hosh ahanta hoke.

15. Yohmi ka yummak o Chitokaka ya imi ponaklot isht ia li tuk o? yummak oka chik si ahno kashke. Miko vt in tishu ha, micha iki in chuka achv̄fa moyuma ka nana kia ik onochokashke: chin tishu hv̄t ilv̄ppa moma ka akostininchi tuk keyu, ola takla, micha atampa kia, achi tok.

16. Mihma miko vt, Chilli pulla chi hoke, Ahimelech ma! chishno, micha chiki in chuka achv̄fa moma kv̄t, im achi tok.

17. Mihma miko vt hatak aka hika afolublit hiel̄i tuk a, Ho filema cha, Chihowa naholitompa isht asha vhleha ha hvsh bashke; yumma ibbak ak kia Lewi yak o ibafoka hoka, micha maleli ka okla ithana ak inli kia, ik sv̄m anolo hatuk oka, im achi tok. Yohmi kia miko in tishu vhleha hv̄t ibbak a pit o weli cha, Chihowa i naholitompa isht asha vhleha ha onvtola he keyu tok.

18. Mihma miko vt Toek a, Chishno ak osh ish filema cha, naholitompa isht asha vhleha ha ish onvtolashke, im achi tok. Mihma Toek vt filema cha, naholitompa isht asha vhlehai hash onvtola mv̄t, nitak yumma hatak pokoli untuchina akucha tahlapi hosh linen efot vlbeha ha vbi tok.

19. Mihma naholitompa isht asha in tmaha holihta Nob a bv̄shpo falaia isht issot kanchi mv̄t, hatak, micha ohoyo, vlla, micha na pishi puta, micha wak, micha issuba hakso-bish falaia, micha chukfulhpoa aiena ka bv̄shpo falaia halupa ya isht vbit tahli tok.

20. Mihma Ahitub ushi Ahimelech a ushi vhleha ha

achvfa kv̄t Abiahla hohchifo hosh hlakofi cha, malelit, Lewi ya iakaiya tok.

21. Micha Abiahla vt Sal vt Chihowa i naholitompa isht asha vhleha ya vbi tuk a Lewi ya im anoli tok.

22. Mihma Lewi vt Abiahla ya, Nitak yv̄mma Etomait hatak Toek vt yv̄mma anta tuk vt, Sal a im anoli pulla chi ka ithana li tok: vno ak o pulla ho chiki in chuka achvfa puta kv̄t isht illit tahvshke.

23. Sa takla ish ahantashke, chi nukshopa ná: v̄m ilhfiopak a hoyo kv̄t chim ilhfiopak a hoyo hoka: yohmi kia is sv̄bafoyakma, chi atona chi hoke, im achi tok.

CHAPTA XXIII.

YOHMI ma Lewi ya okla im anolit, Yakeh! Filistin okla hvt Keilah ya in tanampi cha, nan-anihechi ya wehpulishke, achi tok.

2. Yohmi ho Lewi vt Chihowa ya i ponaklot, Ia lish, Filistin vhleha ilv̄ppa issot kanchi la chi cho? achi tok. Mihma Chihowa vt Lewi ya, Ia cha, Filistin vhleha ha issot ish kanchi cha, Keilah ya ish hlakofichashke, im achi tok.

3. Mihma Lewi in tv̄shka vhleha hvt, Yakeh! pi nukshopa hosh Chutah ilv̄ppa il ai asha: yohmi kv̄t Keilah ya onvt Filistin tv̄shka chipota itibi hokak heno il i nukshopa kv̄t i shahli fehna v̄lhpesa keyu? im achi tok.

4. Yohmi ma Lewi vt himakma anonti Chihowa ya i ponaklo tok. Mihma Chihowa vt afalamichit, Wakaya cha, i vt Keilah ya ish onashke; Filistin vhleha ha chibbak a fohki la chi hoke, im achi tok.

5. Yohmi ho Lewi, micha in tv̄shka vhleha aiena kv̄t Keilah ya ona cha, Filistin vhleha ha itibi mv̄t, issot kanchi na illi kv̄t laua fehna tok; micha i wak a pehliehit ishit minti tok. Yohmi hosh Lewi vt Keilah okla aiasha ka hlakofichi tok.

6. Atuk o yakohmi tok, Ahimelech ushi Abiahla vt malelit, Lewi vt Keilah ya anta tuk o im ona mv̄t, efot vt ibbak a foyuka hosh ona tok.

7. Mihma Lewi vt Keilah ya ona ka Sal a im anoli tok. Mihma Sal vt, Chitokaka yvt subbak a fohki hoke: tumaha holihta okhissa, micha okhowatkuchi isht ashana asha ka chukowa kut im okshilita hoka, achi tok.

8. Mihma Sal vt, Keilah ya ona cha, Lewi micha in tvshka vhleha ha in tanampit afolubla chi hosh okla moma ka hoyot itvnahli tok.

9. Mihma Sal vt lumvt nana ik achukmo ka yvmihchit i sanali ka Lewi vt ithana tok: micha Abiahla naholitompa isht vta ya, Efot a isht ish lashke, im achi tok.

10. Yohmi ma Lewi vt, Israel in Chitokaka Chihowa ma! chin tishu vt Sal vt vno pulla kak o Keilah ya vla cha, tumaha holihta ya okpunit tahli bunna ka haklo tuk pulla hoke.

11. Keilah hatak vhleha hut ibbak a sa fohka chi cho? chin tishu hut haklo tuk a Sal vt vla chi mvhli cho? Israel in Chitokaka Chihowa ma! chin tishu ha ish im anolashke, chim asilhha lishke, achi tok. Mihma Chihowa vt, Ula chi hoke, achi tok.

12. Mihma Lewi vt, Keilah hatak vhleha hut vno, micha an tvshka vhleha ha Sal ibbak a pi fohka chi cho? achi tok. Mihma Chihowa vt, Chishit ibbak a chi fohka chi hoke, achi tok.

13. Yohmi ma Lewi, micha in tvshka vhleha ymmvt tablepa hannali foka hosh wakaya cha, Keilah ya kochevt ia cha, kanima yo ia hinlakmt, okla ia tok. Atuk o Lewi vt Keilah ya kochevt knia ka Sal vt im annoa tok: micha kochevt ia chi im anukfila tuk vt issa tok.

14. Mihma Lewi vt yakni haiaka ai atuko kvllo ahanta cha, Sif yakni haiaka nvnih foka yak o ahanta tok. Mihma Sal vt nitak moma ka hohoyo kia, Chitokaka vt ibbak a ik fohko tok.

15. Mihma Sal vt im ilhfopak a hoyo hosh kochevt minti ka Lewi vt akostinichi tok: micha Lewi vt Sif yakni haiaka kowi ahanta tok.

16. Mihma Sal ushi Chonahlan vt wakaya cha, ivt kowi Lewi ai vta ka im ona tok; micha Chitokaka pulla ka ibbak a ishit hlampkochi tok.

17. Micha, Chi nukshopa ná: aki Sal ibbak vt chi aha-yucha he keyu: mikma Islael a ish miko yahi oke, mikma pit chi chapa la hi oke: micha yummak kia aki Sal vt ithana hoke, im achi tok.

18. Micha tuklo kvt nan it im vllhpisa it im apesvt okla tok: mihma Lewi vt kowi ahanta ma, Chonahlan vt in chuka ia tok.

19. Mihma Sifait vhleha hvt, Kibeah Sal ai vtta ka ona cha, Lewi vt pi takla kowi Hachilah nvni, yummvt Cheshimon a im oka mahli yak o nvni paknaka ai atuko alumvt ahanta keyu?

20. Yrmohmi hoka himak ano miko ma! chi chukvsh nana aiahni tuk pulla mak osh chim vllhpesvt ish onashke; mikma pishno yokvto miko ibbak a e fohki kak a hi oke, achi tok.

21. Mihma Sal vt, Chihowa ya i holitopa hvchia hashke; hvs sa nukhaklo hokvt.

22. Oh ia, hvchim asilhha lishke, anonti hvchim vllhtaha cha, ai vtta, aluma aiena, micha krna hosh yemma anta ka pisa tukma, hvsh akostininchashke; i kostini fehna ho vm annoa hoka.

23. Yrmohmi hoka aluma in talohvt aluma chatuk puta ka yakohmi ahnit, pisvt hvsh tahlikmt, anonti atokowa ant hvs sum anolikma, hvchi awant ia lashke: atukma yakni ya ahantakma, Chutah tablepa sipokni puta ka mominchit a hoyot hlopulli lashke, achi tok.

24. Mihma okla wakaya cha, Sal a tikba yvt, Sif a ona tok: yohmi kia Lewi, micha in tvshka vhleha aiena kvt Maon yakni haiaka yakni patali yosh Cheshimon im oka mahli imma yak o aiasha tok.

25. Sal ak kia, micha in tvshka vhleha aiena kvt hoyot ilhkoli tok. Mihma Lewi ya im anoli tok: yrmohmi ma akowvt hichukbi ont chukowa cha, Maon yakni haiaka yak o ahanta tok. Atuk o Sal vt yemma haklo mvt, Lewi ya Maon yakni haiaka ai iakaiya tok.

26. Mihma Sal vt nvni ha ilvppa in tvnnv a ia ma, Lewi, micha in tvshka vhleha aiena kvt yemma in tvnnv a ia tok: mihma Lewi vt Sal a i nukshopa hatuk osh, tvsh-

pvt i filemmit ia tok ; Sal, micha in tvshka vhleha aiena kv̄t Lewi, micha in tvshka vhleha aiena ka isha ch̄i kv̄t afolubli hatuk oka.

27. Yohmi tuk kia anumpa shali vt Sal a im vla mvt, Tvshpvt ish mintashke, Filistin vhleha hv̄t yakni ya iba chukowa hoka.

28. Yvmohmi h̄o Sal vt Lewi ya ahlioa tuk vt falama cha, Filistin vhleha ak o itibit ia tok : yvmohmi h̄o ymma Sela-hammah-lekolh okla hohehifo tok.

29. Mihma Lewi vt ymma vttvt ia mvt, ai atuko kello En-keti yak o ona cha, ahanta tok.

CHAPTA XXIV.

A'TUK o yakohmi tok, Sal vt Filistin vhleha h̄a iakaiyv̄t aya tuk vt falama ma, im anolit, Yakeh ! Lewi vt En-keti yakni haiaka yak o antvshke, achi tok.

2. Yohmi ma Sal vt Israel moma ka hatak aiyua tahlepa sipokni tuchina h̄o ai ishi cha, Lewi, micha in tvshka vhleha aiena issi kosoma nukshopa aiasha tuli foka ona cha, a hoyo tok.

3. Atuk osh takla ya chukfvlhp̄oa i holihta vt a taloha ma, ymma hichukbi vt hikia tok : mihma Sal vt iyi ya ompohoma ch̄i hosh pit chukowa tok : mihma Lewi, micha in tvshka vhleha aiena kv̄t hichukbi anukaka vhli aiasha tok.

4. Mihma Lewi in tvshka vhleha hv̄t, Yakeh ! himak nitak ak o Chihowa vt, Yakeh ! chin tvnvp a chibbak a fohki likma, nana h̄o vlhp̄esa ish ahnikmvt, ish yvmihcha hi oke, achi tok mak oke, im achi tok. Yohmi ma Lewi vt wakaya cha, lvmvt Sal im anchi wishakehi ya tvbli tok.

5. Atuk o yakohmi tok, i himmak a Sal im anchi wishakehi ya tvbli tuk ak osh chukvsh vt nvhla tok.

6. Michā yvmmak ash osh in tvshka vhleha h̄a, A shahli Chihowa nan ahamvt im vlhtoka ya svbbak a o welit im i sanali la hi a Chihowa vt vm olvbashke, Chihowa nan ahamvt im vlhtoka yoka, im achi tok.

7. Yohmi hosh Lewi vt anumpa yakohmi kak o in tishu vheha hā isht im alummi cha, wakayvt Sal a im i sanala hi a ik im ahno tok. Amba Sal vto wakaya cha, kohchvt ia tok.

8. Mihma Lewi ak kia i himmak a hichukbi ya kohchvt ia cha, Sal a iakaiyachit i payvt, A shahli miko ma! achi tok. Atuk o Sal vt filemvt olbvl pit pisa ma, Lewi vt aka nashuka ishit hlipia cha, im aka chunoli tok.

9. Micha Lewi vt Sal a, Nanta katiohmi ho hatak im anumpa hv, Yakeh! Lewi vt chi hotopali bunnvshke, achi ka ish i haponaklo cho?

10. Yakeh! himak nitak a Chihowa vt hichukbi ya subbak a chi fohki tuk a, himak nitak a chi nishkin vt pisvshke: micha kanimi kv chibi la hi a a miha tuk oke; yohmi kia sa nishkin vt chi apovchi tuk oke: micha, Subbak a wieli lish, a shahli hā im i sanali la he keyu, Chihowa nan ahamvt im vltoka yoka, achi li tuk oke.

11. Micha aki ma! pisá, ghli, chim anchi wishakchi vt subbak foka ka pisá: chim anchi wishakchi yak o tvbli lish, ak chi bo ketuk oka, nan ik achukmo, micha miko i filvmmi i sanali aiena kv subbak a foyuka keyu ka ish pisa cha, ish ithaiyanashke; micha chi yoshuba li tuk keyu hoke; yohmi kia vmi shilombish a ishi chi banna cha, ish im aiehinchishke.

12. Chihowa yak osh pititakla ya nana pim apesashke, micha Chihowa ak osh chishno a vm il aiokhashke: amba subbak vt chi onvtola he keyu hoke.

13. Nitak chashpo nan achi vt, Nan ashvchi vt nan ashvchi yak o a minti hoke, achi chatuk oka: amba subbak okvto chi onvtola he keyu hoke.

14. Israel i miko vt kvta ho hoyo hosh kohchvt aya ho? kvta ho iakaiyvt ish hlioli ho? ofi illi yo ish hoyo cho? kvshiti ho ish hoyo cho?

15. Yvmohmi hoka Chihowa ak osh nan apesa yashke, micha vno, mikmvt chishno pititakla nana pim apesa cha, pisashke, micha si apeshpoashke, micha chibbak a si a hla-kofichashke, im achi tok.

16. Atuk o yakohmi tok, Lewi vt Sal a anumpa yakohmi im anumpulit ont tahli ma, Sal vt, Ilvppvt chiteh hoh cho?

suso Lewi ma! achi tok. Micha Sal vt chitoli hosh yaiya tok.

17. Micha Lewi ya, Chi ai vlhpiesa kv̄t vno ya is sa shahl̄ishke: achukma hō is sa falvmm̄inchi hokv̄t, ik achukmo hō chī falvmm̄inchi li kia.

18. Micha himak nitak a ai vlhpiesa hō is si yvm̄ih̄inchi chatuk vt ish otv̄n̄inchishke; Chihowa vt chibbak a sa foyuki kia, chik sv bo hokv̄t.

19. Hatak vt in tv̄np a ahayuchi kv̄t, achukmakv̄t ik iá, ahna hinla cho? yvmohmi hoka Chihowa vt achukma hō chī falvmm̄inchashke, yvm̄mak o himak nitak a is si yvm̄ihchi hoka

20. Micha yakeh! m̄iko ish toba pulla chī, mikma Israel ap̄ehlichika yvt chibbak ak o kv̄llot afoyuka chī ka ithana li fehn̄vshke.

21. Yvmohmi hoka Chihowa pulla hō anumpa kv̄llo il onochit, vm̄ ishtatiaka siakaiya ka chik hokofo ka he, m̄icha sa hohchifo hā āki in chuka achv̄fa ish a mosholicha he keyu ka is sa m̄ihashke, achi tok.

22. Mihma Lewi vt anumpa kv̄llo il onochit Sal a i miha tok. Mihma Sal vt in chuka ia tok: amba Lewi, m̄icha in tv̄shka v̄hleha hv̄t ai atuko ona tok.

CHAPTA XXV.

ATUK o Samuel vt illi tok: mihma Israelait moma kv̄t iti hoyot it̄naha cha, ishit yaiyv̄t, in chuka Lamah ya hohpi tok. Mihma Lewi vt wakaya mv̄t, iv̄t Palan yakni haiaka ya ona tok.

2. Mihma Maon v̄tta hatak osh im̄ilayak vt Kamel ak o āsha tok: m̄icha hatak yvm̄mv̄t im̄ilayak chinto fehna cha, chukfv̄lhp̄oa vt tahlepa sipokni tuchina, m̄icha issi kosoma tahlepa sipokni achv̄fa aiena hosh im̄ āsha tok: m̄icha Kamel ak o chukfv̄lhp̄oa hishi v̄mo hosh anta tok.

3. Micha hatak vt hohchifo kv̄t, Nabal atok; m̄icha tekchi vt hohchifo kv̄t Abikail atok: m̄icha ohoyo im̄ anukfila

achukma cha, pisa aiokli hatok: amba hatak vto bash iksho, micha nana akaniohmi kv̄t ik achukmo hatok; micha Kaleb in chuka achvfa ai achvfa hatok.

4. Mihma Nabal vt chukfulhpoa hishi vmo hō Lewi vt yakni haiaka antvt haklo tok.

5. Mihma Lewi vt hatak himithoa pokoli hō pila cha, Lewi vt hatak himithoa ya, Kamel a oh ona cha, Nabal a im onvt, sa hochifot hvsh aiokpvrhashke.

6. Micha hatak nan im vltaha achukma hosh ahanta ka, Achukmakvt ish ahantashke, chin chuka achvfa vt achukmakvt aiashashke, micha nana chim asha moma kv̄t achukmakvt aiashashke, hvsh im achashke.

7. Himak a chukfulhpoa hishi vmo vt chim asha miha ka haklo lishke: yohmi ka chin chukfulhpoa apistikeli vhleha hv̄t pi takla aiasha ma, e hotopali tok keyu; micha Kamel a aiasha moma ma, nana achvfa kia i kv̄nia tok keyu hoke.

8. Hatak himithoa puta chim asha ka ish i ponaklokma chim anola hinla hoke. Yvmohmi ka nitak achukma hō e la hoka, hatak himithoa vt chi holhponayo a chi ahayuchashke, chim asilhha lishke: nana hosh chibbak ont fokakmvt, hatak himithoa, micha chiso Lewi ya ish imashke, hvsh im achashke, im achi tok.

9. Atuk o hatak himithoa Lewi im asha tuk vt ona mvt, anumpa ilvppa puta kak o Lewi hochifot anumpulit ont tahli mvt, issa tok.

10. Mihma Nabal vt afalamichit, Lewi in tishu vhleha ha, Kv̄ta hosh Lewi yō? micha kv̄ta hosh Chesse ushi yō? nitak himak a fokali ka tishu laua kv̄t i shahli ha i mokofvt kv̄nia hosh aiashvshke.

11. Yohmi ka am pska, micha vm oka, micha a nipi ymma chukfulhpoa hishi vm vmo yak o im vbi li tuk vt ishi lish, hatak kanima minti ya ak ithano kv̄t ima la hinla cho? achi tok.

12. Yohmi hō hatak himithoa Lewi ya im asha yash osh filema cha, anonti ia tok; micha ona mvt, anumpa ilvppa puta ka im anoli tok.

13. Mihma Lewi vt in tvshka vhleha hash, Hatak puta

kvt i bvrshpo falaia ya isht il vskofvchashke, im achi tok. Mihma hatak puta kvt i bvrshpo falaia aiyukali ka okla isht il vskofvchi tok: mihma Lewi ak kia i bvrshpo falaia ya isht il vskofvchi tok: mihma Lewi ya iakaiyvt ia kvt tahlepa ushta foka ma, tahlepa tuklo kvto i nachukushpa yak o aiasha tok.

14. Yohmi kia hatak himithoa ai achvfa kvt Nabal tekchi Abikail a im anolit, Yakeh! Lewi vt yakni haiaka vttvt anumpa shali ya pi shahli ya et in tihleli tuk ak o i noko-vvt hofahyalit namihachi fehna tuk oke, achi tok.

15. Amba hatak vhleha yvmmvt achukma fehna hatuk ak o ik pi hotopalo ketuk; micha yakni haiaka ya il asha moma cha, it apehvt il asha moma kvt, nana kia ik pi kvnio tok.

16. Chukfvlhpoa il apistikeli takla kvt il aiasha moma ma, ninak, micha nitak aiena ka holihta pin chiyuhmi tok.

17. Yvmohmi hoka himak a ish anukfilli cha, nana ish kaniohma chi kvt ish ithaiyanashke: nana ik achukmo ho pi shahli, micha in chuka achvfa aiena ka im anukfilvt isht i sanali hoka: Belial ushi ak o ohmi ka kvna hosh im anum-pula he keyu hoka, achi tok.

18. Mihma Abikail vt tushpvt pvska lumbo tahlepa tuklo, micha oka paki kotoba tuklo, micha chukfvlhpoa vt bvrshvt vlhtaha vt tahlapi, micha onush vlwvsha vt vlhpisa tahlapi, micha paki shila champuli lokoli vt tahlepa achvfa, micha fik palvska tahlepa tuklo aiena ka ishit issuba haksobish falaia shapolichi tok.

19. Michu in tishu vhleha ha, Sa tikba oh ia: yakeh! chiakaiyvt maya la chi hoke, im achi tok. Yohmi kia i hatak Nabal a ik im anolo tok.

20. Atuk o yakohmi tok, issuba haksobish falaia om binilit aya mvt, nvni ai atuko ho ont apakfopa tok; mihma yakeh! Lewi, micha in tvshka aiena kvt ichapaka minti ma ont afama tok.

(21. Lewi vt, Peh pilla ho hatak ilvppa nana im asha moma ka yakni haiaka ya ai im apistikeli li nana kia immi hvvt ik kvnio toshke: micha nana achukma kash ik achukmo ho a falvmminchishke.

22. Yakohmi, micha i shahli kia Chitokaka vt Lewi in tenvp a yumihashke, onnahinli tohwikeli itintakla ka nana hosh im aiasha tuk moma nakni kia apoanchilikma, achi hatuk atok.)

23. Mihma Abikail vt Lewi ya pisa mut, tushpvt issuba haksobish falaia ya akowa cha, Lewi itikba ya nashuka ishit hlipvt, aka pit akachunoli tok;

24. Micha iyi itikba hlipia cha, A shahli ma! nanashvchi ilvppvt vno ak o, vno pulla kak o si onvtolashke: micha ish haklo na chin tishu ohoyo hv anumpulashke, micha chin tishu ohoyo im anumpa ha ish haklashke, chim asilhha lishke.

25. A shahli hv Belial hatak ilvppa Nabal fehna ka na yakohmi ik ahno kashke, chim asilhha lishke: hohchifo hv yummak okvt im ahli hoka: hohchifo kv Nabal atuk osh im anukfila iksho hoke: amba chin tishu ohoyo sia hokvto a shahli hv pit pila tuk hatak himithoa ya ak peso tuk oke.

26. Yvmohmi hoka himak a a shahli ma! Chihowa vt okchaya pulla ka, micha chimi shilombish vt okchaya pulla ka, Chihowa vt chi katvbi na vlv issish chik hlatvblo, micha chishno chibbak akinli ho ishit chik ilaiokhoshke; yohmi ka chin tenvp puta, micha a shahli ha nana ik achukmo ka im ahni puta kv Nabal ak o chohmashke.

27. Micha himak a nahvbina chin tishu ohoyo hv a shahli ha isht im aya tuk a hatak himithoa vhleha a shahli iakaiya tuk ak o imashke.

28. Chin tishu ohoyo nan ashvchi ya ish i kashofashke, chim asilhha lishke: Chihowa vt a shahli ha chuka kvllov hikia ho im ikba chi pulla hoka: a shahli hv Chihowa ya im itibi cha, chi nitak moma ka nana ik achukmo kv chi a takalit haiaka tok keyu hoka,

29. Yohmi kia hatak vt wakaya cha, chi hliolit, chimi shilombish a hohoyoshke: yohmi kia a shahli imi shilombish vt chin Chitokaka Chihowa im ai okchaya talakchi ya iba talaiyakcha hi oke; micha chin tenvp imi shilombish okvno ishit pila pilvt kanchi kv ishit pila iklvna yo fohki cha, pila ka chohmicha hi oke.

30. Atukma yakohma he, Chihowa vt a shahli ha nana achukma puta yvmihcha he miha tok puta kv̄t aiahlichi cha, Israel pehlichi chi atokolikma.

31. Nana kaniohmi keyu hō issish hlatv̄bli tok osh, keyukmvt a shahli hv̄t ilap akinli hosh il aiokha tok osh ilv̄ppa isht ik chi nukh̄aklo cha, a shahli hv̄t chukv̄sh ik nv̄hlo kashke: amba Chihowa vt achukma hō a shahli ha yvmih-chikma, chin tishu ohoyo ha ish ithaiyanashke, achi tok.

32. Yohmi ma Lewi vt Abikail a, Israel in Chitokaka Chihowa, yvmmak osh et chi pila na himak nitak a is si afama tuk vt holitopashke.

33. Micha chim anumpa is sa miha kv̄t holitopashke, micha chishno vt chi holitopashke, chishno pulla hosh a katv̄bli na himak nitak a issish ak hlatv̄blo, micha subbak akinli hō isht ak il aiokhoshke.

34. Ahli fehna, tushpa hosh issi afama keyu tuk ma, Israel in Chitokaka Chihowa yvmmak osh chi hotopali la chin tuk a katv̄bli tuk vt okchaya pulla ka onnahinli tohwikeli itintakla ka nakni kia Nabal a im okchaya hetuk keyushke, im achi tok.

35. Isht im aya tuk a ibbak foyuka ka Lewi vt ishi cha, Chi achukmakv̄t chin chuka ish iashke: yakeh! chim anumpa ha haklo lish, chi aiokpv̄chi li hoke, im achi tok.

36. Mihma Abikail vt Nabal aiv̄tta ka ona tok: mihma yakeh! Nabal vt miko impv̄chi chohmit in chuka ya ai impv̄chi hosh ahanta tok: mihmvt Nabal vt chukv̄sh im achukma tok haksi fehna hatuk osh: yvmohmi ma nana ola takla, micha atampa kia ik im anolo hō, ont onnv̄t tohwikeli tok.

37. Atuk oh kia yakohmi tok, onnahinli ak o oka paki vt i kv̄niv̄t taha ma, tekchi vt ilv̄ppa puta ka im anoli ma, chukv̄sh vt illi mvt, tvi nana kia chohmi tok.

38. Atuk o yakohmi tok, nitak pokoli foka ma Chihowa vt Nabal a isso na illi tok.

39. Mihma Nabal vt illi na Lewi vt haklo mvt, Nabal ibbak pulla hō ishit sa hofahya tuk a Chihowa vt si apehpoa, micha in tishu nana ik achukmo yvmohma hetuk a i

katvbli kv̄t holitopashke: Chihowa vt Nabal nan ashvchi tuk a ilap noshkobo ak inli hq̄ onochi hoka, achi tok. Mih-mvt Lewi vt Abikail a ishit itauwaya ch̄i hosh anumpa p̄lvt it im anumpuli tok.

40. Atuk o Lewi in tishu vhleha hv̄t Abikail ai vtta Kamel a ona mvt, im anumpulit, Lewi vt isht e chi ona na ish auwaya ch̄i hq̄ et ch̄i pi p̄lvshke, achi tok.

41. Mihma wakaya mvt, nashuka ya aka pit isht akachunoli cha, Yakeh! chin tishu ohoyo hv̄t peh tishu hosh a shahli in tishu vhleha hā iyi ya achifa yashke, achi tok.

42. Mihma Abikail vt tushpvt wakayvt, issuba haksobish falaia om binili ma, ohoyo himithoa tahlapi hosh iakaiya tok; mihma Lewi im anumpa shali vhleha hā iakaiyvt ia cha, tekchi toba tok.

43. Mihma Lewi vt Chesleel ohoyo Ahinoam ak kia ishi tok; mihma itatuklot tekchit okla tok.

44. Amba Sal vt ushetik Michal Lewi tekchi yatuk a Laish ushi Falti Kallim vtta yak o i bohli tok.

CHAPTA XXVI.

MIHMA Sifait vhleha hv̄t Sal aivtta Kibeah ya ona cha, Lewi vt Hachilah nv̄nih Cheshimon itikba aluma keyu? achi tok.

2. Yohmi ma Sal vt wakaya cha, Sif yakni haiaka ya ivt, Israel hatak aiyua tahlepa sipokni tuchina hq̄ pehlich̄i cha, Sif yakni haiaka yak o Lewi ya a hoya ch̄i hosh ona tok.

3. Mihma Sal vt Hachilah nv̄nih Cheshimon ichapaka hina takla yak o binanchi tok. Amba Lewi vto yakni haiaka ahanta cha, Sal vt hoyot yakni haiaka ya m̄inti ka p̄isa tok.

4. Yohmi ma Lewi vt napisa ya tihleli tok; atuk osh Sal vt vla kv̄t ahli fehna hq̄ haklo tok.

5. Atuk osh Lewi vt wakaya mvt, Sal vt abinanchi tuk a ona tok: micha Sal, micha Ne ushi Abne tv̄shka chipota i kv̄pitvni aiena kv̄t ai itola ka Lewi vt p̄isa tok. Mihma

Sal vt itichanvlli hiohltit apakfoypa hō anyakaka itoyula ma, okla hvt binanchit apakfoypa tok.

6. Yohmi ma Lewi vt Ahimelech Hitait a, micha Seluiah ushi Abishai, Choab itibapishi itatuklo ka, Kvtā hosh Sal im vlbina hā si awant ia chī cho? im achi tok. Mihma Abishai vt, Ūno ak osh ia lashke, achi tok.

7. Yohmi hō Lewi, micha Abishai itatuklo kvt ninak o okla hash itonachi tok: mihma yakeh! Sal vt itichanvlli hiohltit apakfoypa hō anyakaka itonlv̄t nusi ma, micha tvbi tvli halupa ontula vt im vllhpishi bilika yō yakni ishit nvhlit hikia na itoyula tok: mihma Abne, micha okla aiena kvt kahvt apakfoypa tok.

8. Mihma Abishai vt Lewi yā, Chitokaka yvt himak nitak a chin tv̄np a chibbak a fohkishke: yohmi hoka himak a tvbi tvli halupa ontula yā himonna achvfa hō ishit nvhlit yakni pit shamvllichi lashke, chim asilhha lishke, micha hitukla ha isso la he keyu, achi tok.

9. Mihma Lewi vt Abishai ya, Ish bi ná: kvta hosh Chihowa nan ahamvt im vlhtoka yā ibbak a o wielit i sanali kvt nana ik ashvcho ka he keyu hoka, im achi tok.

10. Michā Lewi vt achakalinchit, Chihowa vt okchaya pulla kvt Chihowa vt issa hi oke; keyukma illa he nitak vt im v̄la hi oke: keyukmvt tv̄np ia cha, illa hi oke.

11. Chihowa nan ahamvt im vlhtoka yā subbak a o wielit i sanali la he a Chihowa vt vm olvbashke: yohmi kia tvbi tvli halupa ontula vt im vllhpishi bilika hikia kak o ish ishi cha, isht ishko oka vlhto kak o ish ishi na il iashke, achi tok.

12. Yohmi hō Lewi vt tvbi tvli halupa ontula, micha isht ishko oka vlhto im vllhpishi bilika talaia tuk a ishi tok: yohmi cha ivt okla tuk kia, hatak nana kia ik peso, micha ik akostininecho, micha ik okcho tok: momvt nusit aiasha hatuk osh; Chihowa vt ik yohmī ahni na nusi kullo kvt onvtola hatok oka.

13. Yohmi ma Lewi vt misha tv̄npv̄p ona cha, nv̄nih hopaki paknaka hō o hikia tok, ititakla chito yosh takanli tok.

14. Mihma Lewi vt okla hā, micha Ne ushi Abne yā pit

i payvt, Abne chia hut anumpa falama ka chik anumpulo cho? im achi tok. Yohmi ma Abne vt afalamichit, Kuta chia hosh miko ya ish i paya cho? achi tok.

15. Mihma Lewi vt Abne ya, Nakni chia keyu cho? micha Israel a kuta hosh chishno chohmi kut anta cho? Yumohmi hokak osk nanta katiohmi ho chi shahli miko ya chik apistikelo tuk oh cho? miko chi shahli ha okla hash ai achvfa kut vba chi hosh ona tuk oka.

16. Ilvppa nana ish yvmihchi tuk vt vlhpesa keyushke. Chihowa nan ahamvt im vlhtoka hvchi shahli ha hvch ik apistikelo kut, Chihowa hut okchaya pulla ka hvch illa he vlhpeshke. Yohmi ka himak a pisa, miko in tvi tvi halupa ontela, micha im isht ishko oka vlhto im vlhpishi bilika talaia tuk mvto? im achi tok.

17. Mihma Sal vt Lewi itih ha ithana cha, Svsso Lewi ma! ilvppvt chiteh hoh cho? achi tok. Mihma, Svteh hoke, a shahli miko ma! Lewi vt achi tok.

18. Michā, Nanta katiohmi ho a shahli hut in tishu ha hliolit ish aya cho? nanta ho katiohmi li tuk oh cho? ak cho? nana ik achukmo nanta hosh subbak a foyuka cho?

19. Yumohmi ka himak a a shahli miko yvt in tishu im anumpa ha haklashke, chim asilhha lishke. Chihowa ak osh is sum asanala chi ho chi nukfohki hatuk okma, nan isht aiokpuchi ya aiokpuchashke: amba hatak im vlla vhleha ak atuk okmvt, Chihowa itikba ya na palvmmi kut onvtolashke: Chihowa im ai isha he vlhpesa ya ahanta la hetuk a himak nitak a kohchit sa chvffichi cha, Ivt okla inla i naholbvt toba puta yak o im antiá, vm achi hokvt.

20. Yumohmi ka himak a vm issish vt Chihowa nashuka itikba ya aka ik itolo kashke: Israel i miko vt, achvfa hosh nvnih foka kofi hoyot aya chohmit, kvshiti ho hoyo chi hosh kohchvt aya hoka, achi tok.

21. Yohmi ma Sal vt, Sai yoshubvshke: falamá, svsso Lewi ma! himmakma chi hotopali la he keyu hoka, himak nitak a chi nishkin vt pisa ka vmi shilombish vt holitopa tuk oka: yakeh! im anukfila iksho a yumohmi yo si yumohmi cha, ashvchi li fehvrvshke, achi tok.

22. Mihma Lewi vt afalamichit, Yakeh! miko in tvbi tuli halupa ontvla yash, hatak himithoa ai achvfa kut ant isht ik oná.

23. Chihowa vt ai vlhpiesa, micha ai ahli kak o hatak puta ka im apesashke: himak nitak a Chihowa vt svbbak a chi fohki kia, Chihowa nan ahamvt im vlhtoka ya svbbak a o wielit i sanali li tuk keyu hoka.

24. Micha yakeh! himak nitak a chim ilhfiopak a sa nishkin vt holitobli fehna tuk oka, yvmohmit vm ilhfiopak a Chihowa nishkin vt holitobli fehna cha, nana ai ilbvsha moma ka sa hlakofichashke, achi tok.

25. Yohmi ma Sal vt Lewi ya, Chi holitopashke, svso Lewi ma! nana chinto ka ish yvmihchi cha, ish imaiya akinla chi hoke, achi tok. Yohmi ma Lewi vt i hina fehkvat ia ma, Sal vt falamvt aivtta ya ona tok.

CHAPTA XXVII.

MIHMA Lewi vt chukvsh anykaka anukfillit, Nitak kani-ma ka Sal ibbak a ishit svlla chi hoke: chekosi malelit Filistin okla i yakni ya ona li kak osh vm vlhpesa hoke; mikma nantihma wa! Sal vt si ahnikmvt, himmakma Islael aiasha fullota ka ik sa hoyo ka chi hoke: yohmi hosh ibbak a i hlakofi lashke, achi tok.

2. Micha Lewi vt wakaya cha, hatak tahlepa hannali apehvt aiasha tuk a ishit hlopullit ivt, Maoch ushi Achish Kalh i miko ya im ona tok.

3. Micha Lewi vt Achish a takla Kalh a ahanta tok, yvmma, micha in tvshka vhleha aiena, hatak puta kut in chuka achvfa pehlichy biega hosh, Lewi ak kia tekchi tuklo, Chesleel ohoyo Ahinoam, micha Kamel ohoyo Nabal tekchi atok Abikail aiena pehlichy hosh aiasha tok.

4. Atuk o Lewi vt malelit Kalh a ona ka Sal a im annoa tok: micha himmakma anonti ik hoyo tok.

5. Mihma Lewi vt Achish a, Chi nishkin isht i kana chi ai ahayuchi li tuk okma, yakni haiaka tumaha ya okla vmak-

ma, yummak o ai vta lashke: nanta katiohmi ho miko in temaha holihta chi takla ahanta la hinla cho? im achi tok.

6. Yohmi ma Achish vt nitak ymma Siklak ak o ima tok: yvmohmi tok o Siklak vt Chutah i miko vhleha ha im aiena kvt himak nitak a imoma hoke.

7. Mihma Lewi vt Filistin okla i yakni ahanta kvt afm-mi achvfa vhpiesa cha, hvshi ushta tok.

8. Mihma Lewi, micha in trshka vhleha aiena kvt ivt Keshulait okla, micha Keslait okla, micha Amalekait okla aiena ka in tanampit ibachukowa tok: oklushi yvmvt yakni ymma Shu ya ish ia kvt Echip yakni ont vli ka chashpo pilli inli ho aiasha atok.

9. Mihma Lewi vt yakni aiasha ka vbit tahli cha, hatak, micha ohoyo aiena ka ik apoancho tok; micha chukfclhpoa, micha wak, micha issuba haksobish falaia, micha kamel, micha nafohka aiena ka ishi cha, falamvt Achish aivta ya ona tok.

10. Mihma Achish vt, Katima yak o himak nitak a in tanampit ont ish falama cho? achi tok. Mihma Lewi vt, Chutah im oka mahli, micha Chelahmeelait okla im oka mahli, micha Kenait okla im oka mahli ak atuk oke, achi tok.

11. Mihma Lewi vt achi kvt, Pi anolit yak ahanchi yoba na, Lewi vt yakohmichishke yohmi kvt Filistin okla i yakni ahanta takla kvt yummak o yohma chi hoke, achi hosh anumpa Kalh a isht ona hi a, hatak, micha ohoyo aiena ka ik okchalincho ki tok.

12. Mihma Achish vt Lewi ya i yimmi cha, im okla Israel a yuwalvchit kaiyanchishke; yohmi hoka an tishu bilia chi hoke, achi tok.

CHAPTA XXVIII.

ATUK o nitak ymma yakohmi tok, Filistin okla hvv tanampit Israel a itiba chi hosh trshka chipota laua ya hoyot itvnahli tok. Mihma Achish vt Lewi ya, Chishno,

micha chin tvshka vhleha aiena kv̄t si awant itibit hvsh ia ch̄i kv̄t ish ithaiyana pullashke, im achi tok.

2. Mihma Lewi vt Achish a, Chin tishu hv̄t kaniohmicha hinla ka ish ithana pulla ch̄i hoke, achi tok. Mihma Achish vt, Sa noshkobo atoni bilia chikbi la ch̄i hoke, im achi tok.

3. Mihma Samuel vt illi na Israel moma kv̄t ishit yaiya cha, Lamah in tvmaha holihta ak inli hohpi tok atok. Mihma Sal vt nana a hulhkunna puta, micha ishtahullo puta aiena ka yakni yash akohchi tuk atok.

4. Mihma Filistin vhleha hv̄t itihoyot itvnaha cha, Shunem ak ō ont a binanchi tok; mihma Sal vt Israel moma ka hoyot itvnahli cha, Kilboa yak ō abinanchi tok.

5. Mihma Sal vt Filistin tvshka chipota laua ya pisa mvt, nukshopa cha, chukvsh vt wvnihinchi fehna tok.

6. Mihma Sal vt Chihowa ya ī ponaklo kia, Chihowa vt afalamichit nana ik acho tok, holhpokna hokma, Ulim okma, hopaii okma, nana kia isht ik im anolo tok.

7. Yohmi ma Sal vt in tishu vhleha ha, Ohoyo nana a hulhkunna ya hv̄s sā hoyashke; mikma im ona lish, ī ponaklo lashke, im achi tok. Mihma in tishu vhleha hv̄t, Yakeh! ohoyo nana a hulhkunna vt Ento yak ō antvshke, im achi tok.

8. Mihma Sal vt inla ilahobit nafohka inla fohka mvt, hatak tuklo hō pehlichī cha ia mvt, ninak ō ohoyo yash ai v̄tta ka ona tok: micha, Ishtahullot, kv̄na hō ch̄i hochifo likma, is san tanichashke, chim asilhha lishke, achi tok.

9. Mihma ohoyo hash osh, Yakeh! Sal vt kaniohmichi tuk ā ish ithanvshke, nana a hulhkunna puta, micha hatak ishtahullo puta aiena ka mominchit yakni yash v̄bit tahli tuk oke; yohmi ka nanta katiohmi hō nan ishkanvpa ishit s̄ulla ch̄i ka sa tikba is sā bohli ch̄o? im achi tok.

10. Mihma Sal vt Chihowa hochifot anumpa kv̄llo il onochit ī miha cha, Chihowa vt okehaya pulla ka nana ilvppak oka na hotopa nana kia ishit chi onvtola he keyu hoke, achi tok.

11. Yohmi ma ohoyo hash osh, Kuta hō chin tanichi la

chi cho? achi tok. Mihma yummak ash osh, Samuel ak o an tanichi, achi tok.

12. Mihma ohoyo hash osh Samuel a pisa mvt, chitoli hosh paya tok: micha ohoyo hash osh Sal a im anumpulit, Nanta katiohmi ho is sa haksichi cho? Sal chia hoke, achi tok.

13. Mihma miko ash osh, Chi nukshopa na, nanta ish pisa cho? im achi tok. Mihma ohoyo hash osh Sal a, Chitokaka holba hosh yakni ya a kohcha ho pisa lishke, im achi tok.

14. Mihma Sal vt, Pisaka katiohmi cho? im achi tok. Mihma, Hatak sipokni yosh kohchvt minti mvt, anchi yo ai anchishke, achi tok. Mihma Sal vt Samuel atuk o akostinichi mvt, nashuka ak o pit ishit hlipia cha, akachunoli tok.

15. Mihma Samuel vt Sal a, Nanta katiohmi ho si ataklvmmmit is sa tanichi cho? im achi tok. Mihma Sal vt afalamichit mvt, Sa komunta fehna hoke: Filistin okla hv an tanampi ma, Chitokaka yvt a filvmmi cha, himakma hopaii, keyukmvt holhpokna hoh kia anumpa falama ka isht ik samoshke: yvmohmi kak o nana kaniohmi la chi ka is sum anola chi ho, chi hoyo li tuk oke, achi tok.

16. Yohmi ma Samuel vt, Chihowa vt chi filvmmi cha, chin tenvp toba hokak o, nanta katiohmi ho is sam ponaklo cho? achi tok.

17. Micha Chihowa vt sa tohno na anumpuli li tok mak o yvmihinchi hoke: Chihowa vt apehlichika ya mokofit chim ai ishi cha, ish ai itilau Lewi yak o ima tuk oke.

18. Chihowa im anumpa ha chik im antiot, im ai i nukkilli libbi ya aiahlichit Amalek a chik onochok tok; yohmi tok ak o himak nitak a Chihowa vt chi yakohmichishke.

19. Micha Chihowa vt Israel, micha chishno aiena ka Filistin vhleha ha ibbak a chi fohka chi hoke; micha onakma chishno, micha chiso vhleha hvsh aiena kv hvsvba fohka chi hoke. Chihowa vt Israel tvshka chipota vhleha hak kia Filistin vhleha ibbak a fohka chi hoke, achi tok.

20. Yohmi ma Sal vt yakosi ititakla chisemo hosh aka ont itola cha, Samuel vt anumpuli tuk ak o nukshopa fehna

tok: micha imi hlampko vt iksho tok; nitak achufa ka shoh-bit, micha ninak achufa ka ont hlopullit pvska ik po hatuk okvt.

21. Mihma ohoyo hash osh Sal ai itonla ka ona cha, nukshopvt wvnihinchi fehna hō pisa mvt, Yakeh! chin tishu ohoyo hvt chim anumpa hā im antiyt, v̄m ilhfiopak ā subbak ā fohkit ieshi lish, ish anumpuli ka haklo li tuk oke.

22. Yvmohmi hoka himak ā chin tishu ohoyo anumpuli ka ish haklo ak inlashke, chim asilhha lishke; mikma pvska tushafa chi tikba talali lashke: mikma ish impa cha, ish ataya hetuk vt chimi hlampko āsha hosh ish āyashke, im achi tok.

23. Yohmi kia ik haklo hosh, Impa la he keyu, achi tok. Yohmi kia in tishu vhleha, micha ohoyo hash aiena kv̄t im achunanchi na im anumpa hā haklo tok. Yohmi mvt aka itoyula tuk vt wakaya cha, topa pakna binili tok.

24. Mihma ohoyo hvt wak ushi nia yosh aboha yā im anta tok; micha tushpvt vbi tok, micha bota tohbi ishi cha, yamesli mvt, pvska ik shatvmmo yō pvska tok.

25. Mihmvt Sal, micha in tishu vhleha itikba yā ant talali na okla impa tok. Yohmi mvt okla wakaya cha, ninak yvmmak inli hō ilhkoli tok.

CHAPTA XXIX.

MIHMA Filistin okla hvt in tvshka chipota moma ka hoyot Afek ak ō ai itvnahli tok: mihma Islaelait vhleha hvto Chesleel kvli hikia hō a binanchi tok.

2. Mihma Filistin hochitoka vhleha hvt tahlepa puta, micha tahlepa sipokni puta chohmi hosh mahaya tok: amba Lewi, micha in tvshka vhleha aiena kv̄t Achish ā apehvt ishtaiyopi hō maya tok.

3. Mihma Filistin pehlichī vhleha hvt, Heblu vhleha ilv̄pvt nanta katiohmi hosh yak āsha hō? achi tok. Mihma Achish vt Filistin pehlichī vhleha hā, Ilv̄pvt Israel i miko Sal ā in tishu hosh sa takla ahanta tok ā nitak kaniohmi,

micha afummi kaniohmi hō svbbak a foka tok itintakla nana ashvchi na ak ahayucho himak nitak a ant vhli keyu cho? im achi tok.

4. Mihma Filistin pehlichi vhleha hvt i nokowa tok: mihma Filistin pehlichi vhleha hash osh, Hatak ilvppa falvminchi na ai vtta ish im apesa tok ak o anonti, ont ik antá, micha itibit ia kvno pi takla ik aiyo kashke, keyukma itibikma, pin tanampa hinla yoba ká: nanta hak o i shahli hā isht il yukpala hinla? hatak ilvppa puta noshkobo hak a hinla keyu?

5. Ilvppvt Lewi yvmmak o hihla mvt, isht it in talovt, Sal vt tahlepa sipokni hō vbikma, Lewi vt tahlepa sipokni pokoli hō vbi yoke, it im achi tok mak keyu? im achi tok.

6. Mihma Achish vt Lewi ya i howa cha, Chihowa vt okchaya pulla ka ai vlvpiesa bieka hosh ish aya tuk, micha sa tikba tvshka chipota vhleha hā awant kohchvt ish ia, mikmvt ant ish chukowa aiena kvt sa nishkin itikba ya achukma bieka tuk pullvshke; nitak yvmma is svv vla tok ititakla ka nan ik achukmo ka ak chi ahayucho hoke; yohmi kia hochitoka yvt ik chi ahninchoshke.

7. Yvmohmi hoka ish falama cha, it i kanvt ish ayashke, yohmi hosh Filistin hochitoka vhleha hā chik nokovvcho kashke, im achi tok.

8. Mihma Lewi vt Achish a, Nanta hō yohmi li tuk oh cho? chi takla ahanta li itintakla himak nitak a ant vhli ka chin tishu hā nanta hō ish ai ahayucho tuk o, a shahli miko in tvnvp a itibit ia la he keyu cho? im achi tok.

9. Mihma Achish vt afalamichit Lewi ya, Sa nishkin itikba ya chi achukma, Chitokaka im enchil ak inli chohmi tuk oke: yohmi akinli kia Filistin pehlichi vhleha hvt, Itibit ia ka pi awant ia he keyú, achi tuk oka, im achi tok.

10. Yvmohmi hoka onna hayvt onnahinli moma na ish wakaya cha, chi shahli in tishu vhleha hvt chitapehvt vla tuk a pehlichit, micha onnahinli moma na hvsh tani cha, hvchin tohwikelikmvt, hvsh iashke, im achi tok.

11. Yohmi hō Lewi, micha in tvshka vhleha aiena kvt falamvt, Filistin okla i yakni ia chi hosh onna hayvt onna-

hinli moma na wakaya tok. Mihma Filistin vhleha hash osh Chesleel a ona tok.

CHAPTA XXX.

ATUK o yakohmi tok, Lewi, micha in tvshka vhleha aiena kv̄t nitak ont atuchina hō Siklak a ona ma, Amalekait vhleha hv̄t oka mahli, micha Siklak a issot kanchi cha, luak ishit hukmit tahli tok.

2. Michā ohoyo yv̄mma aiasha tuk a yukachit ishi; hōchito, micha chipuntasi kia ik bo hosh, amba ishi cha, i hina fohkv̄t okla ia tok.

3. Yvmohmi tuk o Lewi, micha in tvshka vhleha aiena kv̄t tv̄maha holihta ya ona ma, yakeh! luak ishit hv̄t taha tok: mikma tekchi vhleha, micha ushi vhleha, micha ushetik vhleha aiena ka yukachit ishi tok.

4. Yohmi ma Lewi, micha okla apēhv̄t aya tuk aiena kv̄t chitolit yahaya kv̄t, polaka yaiya he keyut taha tok.

5. Mihma Lewi tekchi tuklo Ahinoam, Chesleel ohoyo, micha Abikail Nabal, Kamelait tekchi atok itatuklo ka yukachit isht ia tuk atok.

6. Mihma Lewi vt ilbus̄ha fehna tok: hatak puta kv̄t ushi vhleha, micha ushetik vhleha aiyukali hatuk pulla kak o, okla moma kv̄t chukv̄sh nukh̄aklo hatuk osh, tv̄li ishit boli ka miha tok oka, yohmi kia Lewi vt in Chitokaka Chihowa ya ile hlampkochi tok.

7. Mihma Lewi vt Ahimelech ushi Abiahla naholitompa isht v̄tta ya, Efot a isht v̄m v̄lá, chim asilh̄ha lishke, im achi tok. Mihma Abiahla yv̄t Lewi ya efot a isht im v̄la tok.

8. Mihma Lewi vt Chihowa ya im a ponaklot, Tvshka nawēhpuli ilv̄ppa hlioli la ch̄i cho? sakki la ch̄i cho? achi tok. Mihma afalam̄inchi mv̄t, Ish hliolashke; ish sakki pulla cha, ik kaniohmi kia mom̄inchit falv̄mm̄inchit ish isha ch̄i hokv̄t, im achi tok.

9. Yohmi hō Lewi, micha hatak tahlepa hannali apēhv̄t

aya tuk ash aiena kvt ia mvt, bokushi Beso ya ona ma, yvmma olbul asha chin tuk vt asha tok.

10. Amba Lewi, micha hatak tahlepa ushta aiena kvt hlioli tok: tahlepa tuklo hokvto hoyvbli fehna hatuk osh, Beso bokushi ya vbanvblit ont ia he keyu hatuk osh olbul asha tok.

11. Mihma yakni haiaka ya Echip hatak o ahayuchi cha, Lewi ya isht im ona ma, pvska ipeta na vpa tok; micha oka ishkochechi tok.

12. Micha fik palvska tushafa, micha paki shila cham-puli lokoli tuklo ho ima na vpa mvt, anonti imi hlampko kvt falamvt im vla tok: nitak tuchina, micha ninak tuchina ho pvska vpa tuk keyu, micha oka kia ishko tuk keyu hokvt.

13. Mihma Lewi vt, Kvta hak o immi chia hoh cho? micha katima ish minti cho? im achi tok. Mihma, Echip hatak himita sia, micha Amalekait hatak in tishu sia hoke, atuk o a shahli hvt nitak tuchina kash si abeka tuk ak o, sa kanchi tuk oke.

14. Chelehlait okla im oka mahli imma, micha Chutah i yakni ai vhli, micha Kaleb im oka mahli imma yak o il iba chukowa cha, Siklak a luak ishit hukmit e tahli tuk oke, achi tok.

15. Mihma Lewi vt, Tvshka nawehpuli ilvppa isht is si ona hinla cho? im achi tok. Mihma Chitokaka ishit hochifot anumpa kvllo il onochit, is svba he keyu, micha a shahli ibbak a is sa fohka he keyu is sa mihakma, tvshka nawehpuli ilvppa chisht ona lashke, achi tok.

16. Atuk osh isht ona ma, yakeh! hlahvt pataiyvt ayvt fullota mvt, Filistin yakni, micha Chutah yakni aiena kak o, nawehpoa chinto fehna ho ai ishit kohcha tuk okvt, impvt, nan ishkot, micha hihlv aiasha tok.

17. Mihma Lewi vt okpolusbit taha ho issot kanchit isht ia mvt, onna kvt opia tok: mihma hatak achvfa kia ik hla-kofo, amba hatak himithoa tahlepa ushta hosh kamel om binili tuk osh yihlepa kak illa tok.

18. Mihma Amalekait vhleha hvt isht ia tuk a mominchit

Lewi vt falvmminchit ishi tok: micha Lewi vt tekchi tuklo ka hlakofichi tok.

19. Mihma nana iskitini hokmá, chito hokmá nana kia, micha ushi vhleha, micha ushetik vhleha, micha nawehpoa, micha nana kia ishi tuk moma hokvt ik im iksho kv̄t iksho tok: Lewi vt moma falvmminchit ishi tok.

20. Mihma Lewi vt chukfv̄lhpoa aya kaniohmi, micha wak aya kanohmi aiena ka wak inla kash, itikba tihlelit isht ia mvt, Ilvppvt Lewi i nawehpoa yoke, achi tok.

21. Mihma Lewi vt hatak tahlepa tuklo hoyvbli fehna hatuk osh Lewi ya iakaiya he keyu ma Beso bokushi ya asha ch̄i h̄o ashachi tuk a im vla tok; mihma yvmmak ash osh Lewi ya afama ch̄i, micha apehvt aya tuk a afama ch̄i hosh okla ia tok: atuk o Lewi vt okla hash bilika vla mvt, aiokpv̄chi tok.

22. Yohmi ma hatak nan ashv̄chi, Belial hatak vhleha Lewi ya apehvt aya ka takla aya tuk momvt afalamichit, Pi apehvt ia tuk keyu hoka, nawehpoa falvmminchit il ishi tuk vt nana achv̄fa kia il ima he keyu, amba tekchi aiyukali, im vlla aiyukali kak o il imakma, ishi cha, iashke, achi tok.

23. Yohmi ma Lewi vt, Itibapishi li vhleha ma! Chihowa yvmmak osh pi hlakofichi cha, okla pin tanampi tuk a pibbak a fohki cha, nana pima tuk oka ishit hv̄sh yvmihcha he keyu pullashke.

24. Kv̄ta hosh ilvppa hv̄ch̄i haponakla hinla hotuma? amba itibit ia tuk ak osh kaniohmikma, na chukushpa apistikelit asha tuk ak kia i yvmohma ch̄i ak inli hoke: itilau hosh okla itakv̄shkoa ch̄i hoke, achi tok.

25. Atuk o nitak ymma i himmak mahaya ka yvmohmi bieka h̄o nan v̄lh̄pisa bilia Israel im ikbi tok o himak nitak a ant v̄hli hoke.

26. Atuk o Lewi vt Siklak a vla mvt, nawehpoa ash Chutah hatak im asv̄nonchi vhleha it i kana vhleha hash pit i pila cha yak achi tok, Yakeh! nan isht aiokpv̄chi Chihowa in t̄unv̄p i nawehpoa tuk vt hv̄ch̄i immi hoke;

27. Behlel asha tuk, micha Lamolh im oka mahli asha tuk, micha Chatti asha tuk,

28. Micha Aloe a_śha tuk, micha Sifmolh a_śha tuk, micha Eshtemoa a_śha tuk,

29. Micha Lachel a_śha tuk, micha Chelahmeelait v_hleha in tumaha holihta puta a_śhā tuk, micha Kenait v_hleha in tumaha holihta puta a_śha tuk,

30. Micha Holmah a_śha tuk, micha Cholashan a_śha tuk, micha Ahlach a_śha tuk,

31. Micha Heblon a_śha tuk, micha Lewi vt, micha in tvshka aiena kvt ai ashvt aya chatuk puta ka pit pila tok.

CHAPTA XXXI.

YOHMI ma Filistin v_hleha hvt Israel a itibi tok: mihma Israel hatak v_hleha hvt Filistin v_hleha itikba yihlepa ma, Kilboa nvniha a ai vbi na akakoha tok.

2. Mihma Filistin v_hleha hvt Sal, micha ushi v_hleha hak o hliolit sakki tok: micha Filistin v_hleha hvt Sal ushi v_hleha, Chonahlan, micha Abinatab, mikmut Malchishua aiena ka vbi tok.

3. Micha itibi kvt Sal a i kello fehna cha, iti tanampo sholi v_hleha hvt nvhli tok: mihma iti tanampo sholi v_hleha hvt nvhli na hotopa fehna tok.

4. Yohmi ma Sal vt i nahalupa sholi ya, Chi bvshpo falaia ya shufi cha, isht is sa bahlashke: keyukma hakshup ik tapo v_hleha ilvpprt vla cha, bahlit svs sikkopali ná, im achi tok. Yohmi kia i nahalupa sholi vt nukshopa fehna hatuk osh yvmihcha he keyu tok. Yvmohmi ma Sal vt bvshpo falaia ya ishi cha, onvtola tok.

5. Mihma i nahalupa sholi yash osh Sal vt illi na pisa mut, yvmmak kia i bvshpo falaia ya onvtola cha, awant illi tok.

6. Yohmi hosh Sal, micha ushi tuchina, micha i nahalupa sholi, mikmut in tvshka v_hleha hvt nitak yvmmak inli ho moma kvt it apihvt illi tok oke.

7. Mihma Israel hatak v_hleha okfa in tvnnvp a_śha tuk, micha Chatan misha tvnnvp a_śha tuk vt Israel hatak v_hleha hvt yihlepa, micha Sal, mikmut ushi v_hleha aiena kvt illi na

pisa mvt, tumaha holihta puta ka issa cha, yihlepa tok: mihma Filistin okla hvt vla cha, ai asha tok.

8. Atuk o yakohmi tok, onna ma Filistin vhleha hvt illi tuk a wehpula chi hosh vla mvt, Sal, micha ushi tuchina aiena kvt Kilboa nvni ha kaiyaha na ahayuchi tok.

9. Micha noshkobo ha tvbli cha, i nahalupa ya shufit ishi mvt, Filistin i yakni pilla fullolechit naholbvt toba puta ai asha chuka puta, micha okla ha im anolit isht aya tok.

10. Micha i nahalupa yash Ashtaloh in chuka okla bohli mvt, haknip ash Belh-shan holihta naksika ya apotolit anv-hlichi tok.


11. Atuk o Chabesh-Kileat okla hvt, Filistin vhleha hvt Sal a yvmihchi tuk a haklo mvt,

12. Hatak chilita nukwia iksho moma kvt wakaya cha, ninak a aya na onna hosh ivt, Sal haknip ash, micha ushi vhleha haknip ash aiena Belh-shan holihta naksika atakali tuk a ont ishit, Chabesh a isht vla cha, yvmak o a hukmi tok.

13. Mihmvt foni ya okla ishi cha, Chabesh iti hikia ho nutaka ya hohpi cha, nitak untuklo ho nahullochi tok.

S A M U E L

I H O L I S S O A T U K L A H O K E.



SAMUEL

I HOLISSO ATUKLA HOKE.

CHAPTA I.

ATUK o yakohmi tok, Sal vt illi ha ya, Lewi vt Amalek okla vbit aya tuk vt falamvt vla cha, nitak tuklo ho Siklak a ahanta tok.

2. Micha nitak ont atuchina ho yakohmi tok, yakeh! hatak vt Sal im vlbina ha akohchvt minti hosh, i nafohka hvv hlilafa cha, lukfi pushi vt noshkobo onvtoyula hosh vla tok: atuk osh Lewi ya im vla mvt, yakohmi tok, aka pit hlipia cha, aiokpuchi tok.

3. Mihma Lewi vt, Katima ish minti cho? im achi tok. Mihma Sa hlakofi cha, Israel im vlbina hak o akohchvt aya li hoke, im achi tok.

4. Mihma Lewi vt, Nana kvv katiohmi tuk oh cho? vm anoli, chim asilhha lishke, im achi tok. Mihma afalami-chi mvt, Okla hvv itibi tuk vt yihlepa cha, okla laua kvv akakohvt illi ma; Sal micha ushi Chonahlan itatuklo kak kia illishke, achi tok.

5. Mihma Lewi vt nan im anoli tuk hatak himita yash, Katiohmi kak osh Sal, micha ushi Chonahlan itatuklo kvv illi ka ish ithana cho? im achi tok.

6. Mihma hatak himita nan im anoli yash osh, Kilboa nvvni ha ona li yoba ho yakeh! Sal vt in tvbi teli halupa ontela ya onvtola tuk oke; mihma yakeh! tenvv itichanvlli puta, micha issuba om binili vhleha aiena kvv hliolit sakki tok.

7. Atuk o im ashaka pilla pit hopokoyo cha, sa pisa mvt,

a howa tuk oke. Mihma afalamichit, Yak hikia lishke, im achi li tuk oke.

8. Mihma, Kvta chia hoh cho? vm achi ma, afalaminchit, Amalekait hatak sia hoke, im achi li tuk oke.

9. Mihma anonti, Is si o hikia cha, is svbashke, chim asilhha lishke: vm ilhfioyak vt achukma hosh sa foka moma hatuk osh, shimoha kv si onvtola hoka, vm achi tuk oke.

10. Yohmi ho akama ha yokvt okchaya heto, ithana li hatuk osh o hikia lish, vbi li tuk oke: micha iachuka noshkobo on talaia tuk, micha shakba abeha tuk aiena ka ishi li tuk osh, a shahli ha isht im vla lishke, achi tok.

11. Yohmi ma Lewi vt i nafohka ya halvllit hlilvffi tok; mihma hatak apehvt aiasha tuk kak kia moma kvt yvmihchi tok.

12. Mihmut Sal, micha ushi Chonahlan, mikma Chihowa im okla vhleha, micha Israel in chuka achvfa aiena ka bvshpo falaia isht akakoha pulla kak o ishit nukhaklot yayvt, ik impo hosh okla anta na opia tok.

13. Mihma Lewi vt hatak himita im anoli kash, Katima ish minti cho? im achi tok. Mihma afalamichi mut, Oklu-shi inla ushi Amalekait sia hoka, achi tok.

14. Mihma Lewi vt, Chihowa ahamvt im vlhtoka ya chibbak a o wielit vbi ka katiohmi ho ik chi nukshopo tuk oh cho? im achi tok.

15. Mihmut Lewi vt hatak himithoa ai achvfa ka, Bilika ish ona cha, ish onvtolashke, im achi tok. Mihma isso na illi tok.

16. Mihma Lewi vt, Chim issish vt chi noshkobo ak inli onvtoyulashke; chishno chitih ak inli hosh chi atokolit, Chihowa ahamvt im vlhtoka ya vbi li tuk oke, achi hoka, im achi tok.

17. Mihmut Lewi vt Sal, micha ushi Chonahlan a ishit yayvt ilvppa ahanchi tok.

18. Michā Chutah im vlla vhleha ha iti tanampo ieshi ka ithvnancha he im apesa tok: yakeh! Chashe i holisso ha a holissot takali hoke.

19. Israel isht aholitopa vt chim achahaka ai illishke: ikikkeh! chilita nukwia iksho vhleha hv akokavushke!

20. Kalh a hvsh ai anoli ná, Askelon hina puta ai itnnowa ya ai anolit hvsh yukpvchi ná; yohmi na Filistin ushetik vhleha hv nan ishit yukpa ná, yohmi na hakshup ik tapo ushetik vhleha hv ishit hihla ná.

21. Kilboa nvni vhleha hvchia ma! fichak vt ik hvchi onvtolo kashke, micha umba kv vt ik hvchi onvtolo kashke, micha na wayahpi nan im issa ai offo osapa vt ai iksho kashke; yrmak o hatak chilita nukwia iksho in telihpa, Sal in telihpa, bila ahamvt vlhtoka keyu chohmichit ik ahobalot a kanchi tuk oka.

22. Illi im issish a, micha hatak chilita nukwia iksho vhleha ha nia ya Chonahlan im iti tanampo vt i fullotvt falama tuk keyu hoke; mikma Sal i bvshpo falaia vt iksho ho falama tuk keyu hoke.

23. Sal, micha Chonahlan ita tuklo kv okchayvt ashwa mvt, holitopa, micha achukma tuk oke, atuk osh illi mvt, ik it i filmmo tuk oke; shinimpa kv ossi ya i shahlit okla cha, kvlo kv koi chito ya i shahlit okla tuk oke.

24. Israel ushetik vhleha hvchia ma! Sal ak osh na tishpa hvchi fohkvchit, nan isht aiyukpa inla aiena ka hvchim atahli tuk, yrmak osh hvchi nafohka ya tvli holisso lakna ya ishit shemvchi tuk oka, ishit hvsh yaiyashke.

25. Ikikkeh! itibi ai ititakla ya chilita nukwia ashwa tuk vt akakohvshke; Chonahlan ma! chim achahaka ya a chilli tuk oke.

26. Itibapishi li Chonahlan ma! chisht svbvshvshke: is sv achukma fehna tuk oke: is sa hullo kv atampa fehna kv, ohoyo na heh ahni ka i shahli tuk oke.

27. Ikikkeh! chilita nukwia iksho ashwa tuk vt akakohvshke: mikma na halupa isht itibi vt okpulot tahvshke.

CHAPTA II.

A TUK osh ilvppa i himmak a yakohmi tok, Lewi vt Chihowa ya i ponaklot, Chutah in tmaha holihta kanima ka ona la chi cho? achi tok. Mihma Chihowa vt, Iá, im

achi tok. Mihma Lewi vt, Katima yak o ia la chi cho?
achi tok. Mihma Heblon a achi tok.

2. Yohmi ho Lewi vt, tekchi tuklo, Chesleel ohoyo Ahi-noam, micha Kamel ohoyo Abikail, Nabal tekchi atok aiena kvt yummak o ona tok.

3. Micha in tvshka vhleha apeha tuk vt in chuka achvfa aiyukali ishi ho Lewi vt isht vla na Heblon tumaha holihta puta yak o aiasha tok.

4. Mihma Chutah hatak vhleha hvt vla cha, yummak o Lewi ya nan ahvmmi Chutah in chuka achvfa ya i miko atokoli tok. Mihma Lewi ya im anolit, Chabesh-kileat hatak vhleha yummak osh Sal a hohpi tok, achi tok.

5. Mihma Lewi vt Chabesh-kileat hatak vhleha ha anum-pa shali vhleha ha i pila mvt, Chihowa i holitopa hvchia hashke, hvchi shahli Sal fehna ka hvsh i kana cha, hvsh hohpi tuk okvt.

6. Yohmi ka himak a Chihowa vt hvchi kana cha, aiabli ka hvchi yvmihchashke: nana ilvppa hvsh yvmihchi tuk oka, i kana ilvppa vno ak kia hvchim atobbi la chi hoke.

7. Yvmohmi hoka himak a hvch ibbak vt hlampkashke, micha chilitvt nukwia iksho hosh hvsh aiashashke: hvchi shahli Sal vt illi hoka; mikma Chutah in chuka achvfa yvt nan ahvmmi i miko si atokoli akinlishke, im achi tok.

8. Yohmi kia Ne ushi, Abne Sal in tvshka chipota i kpitvni vt Sal ushi Ishboshelh a ishi cha, pit hlopullichit Mahanaim a isht ona tok.

9. Micha Kileat, mikmvt Ashulait vhleha, micha Ches-leel, micha Eflaim, micha Benchamin, micha Israel moma ka i miko ikbi tok.

10. Sal ushi, Isboshelh vt afvmmi pokoli ushta hosh Israel, i mikot isht ia tuk osh, afvmmi tuklo miko tok: amba Chutah in chuka achvfa yvt Lewi ak o iakaiya tok.

11. Mihma Lewi vt Chutah in chuka achvfa ya i miko hosh Heblon a ahanta kvt afvmmi untuklo cha hvshi han-nali tok.

12. Mihma Ne ushi Abne, micha Sal ushi Ishboshelh in tishu vhleha aiena kvt Mahanaim a akolchvt, Kibeon a ona tok.

13. Mihma Seluah ushi Choab, micha Lewi in tishu vhleha aiena kut kohelut ia cha, Kibeon oka talaia ho bilika ont ai itafama tok: micha achufa kut oka talaia in tennup achufa ka chieya ma, achufa kut oka talaia in tennup a chieya tok.

14. Mihma Abne vt Choab a, Hatak himithoa vt ik wakaya cha, pi tikba ya ik ai ihloveli, im achi tok. Mihma Choab vt, Ik wakaya, achi tok.

15. Yohmi ma holhtina hosh Benchamin a ai achufa kut auah tuklo hosh Sal ushi Ishboshelh a ibafoyuka tuk vt, micha Lewi in tishu vhleha ha ai achufa kut auah tuklo aiena hosh wakaya cha, iut ont itafama tok.

16. Micha ilap aiyyukali kut noshkobo ha ishi mut, bushpo falaia isht iti bahli tok: yohmi hosh itapihut akakoha tok: yummohmi ho yummvt Helkallh-hassulim hohchifo hosh Kibeon a talaia tok.

17. Mihma nitak yemma itibi kello fehna tok; mihma Lewi in tishu vhleha hut Abne, micha Israel hatak vhleha ha imaiya tok.

18. Mihma Seluah ushi tuchina hosh Choab, micha Abishai, micha Asahel vt yemma asha tok: mikma Asahel vt iyi shohhvla kut issi nukshopa yak o chohmi tok;

19. Atuk osh Asahel vt Abne ya hlioli tok: micha hlioli kut isht impakimma, micha vlfubekimma kia pit fullotvt ik aiyo tok.

20. Yohmi ma Abne vt im ashaka pit filema cha, Asahel chia hoh cho? achi tok. Mihma afalamichit, Mihiyo sia hoke, achi tok.

21. Mihma Abne vt, Ishtimpakimma, keyukmut vlfubekimma ya pit ish fullota cha, hatak himithoa ai achufa kak o ish halveli cha, i nahalupa ya ish ishashke, im achi tok. Yohmi kia Asahel vt iakaiya kut naksika pit fullota he keyu tok.

22. Mihma Abne vt Asahel a, Is siakaiya kut naksika ish fullotashke: nanta katiohmi ho issot chi akrchi li pulla chi cho? yohmikmut katiohmi kak osh chitibapishi Choab a im aka chakali la hinla cho? anonti im achi tok.

23. Yohmi kia naksika pit fullota he keyu tok: yohmi ma Abne vt tvbi tvli halupa ontula ya wishakchi ashaka ya naksi foni ishit tahlapi nuta ya ishit bahli na hlopullit ashaka ont kohcha tok: mihma yummak o itula cha, yummak inli ho ai illi tok: atuk o yakohmi tok, Asahel vt ai itulvt illi tuk a laua kaniohmi kvt ant pisakmut, hikia beka tok.

24. Mihma Choab, micha Abishai itatuklo kvt Abne ya hlioli tok: atuk osh Ammah nvnihi yummvt Kiah itikba bachaya Kibeon yakni haiaka hina ya ona ma, hvshi vt oka tula tok.

25. Mihma Benchamin im vlla vhleha hvt iti hoyot itvnaha cha, Abne ya iakaiyvt tvshka chipota aya achvfa toba cha, nvnihi paknaka ya o hieli tok.

26. Yohmi ma Abne vt Choab a pit i payvt, Bvshpo falaia yvt ambi na bilia chi cho? ont ishtaiyopi kvo homi ha chi ka chik ithano cho? yohmi ka katiohmi fokak mak o okla hvt itibapishi vhleha ha iakaiya kvt falama chi ka ish im apesa chi cho? achi tok.

27. Mihma Choab vt, Chitokaka vt okchaya pulla ka chik anumpulo ke tuk okma, okla puta kvt onnahinlik mak o itibapishi vhleha ha iakaiya kvt falama hetuk pulla hoke, achi tok.

28. Mihma Choab vt isht pufa ya olachi ma, okla moma kvt hieli cha, Israel a himakma ik iakaiyo tok, micha himakma ik itibo tok.

29. Mihma Abne, micha in tvshka vhleha aiena kvt ninak yumma ayvt onnvat yakni patali hlopullit, Chatan a vbanvblit, Bilh-lon moma ka hlopulli cha, Mahanaim a okla ona tok.

30. Mihma Choab vt Abne ya iakaiya tuk vt falama tok: atuk osh okla moma ka hoyot itvnahli ma, Lewi in tvshka vhleha ha hatak auah chakkali cha, Asahel aiena kak osh iksho tok.

31. Amba Lewi in tvshka vhleha hvt Benchamin, micha Abne in tvshka vhleha ha fahamvt kanchi na hatak tahlepa tuchina cha, pokoli hannali aiena hosh illi tok.

32. Mihma Asahel a okla ishi cha, iki ahollopi Behlehem

a hikia ka isht onvt hohpi tok. Mihma Choab, micha in tvshka vhleha aiena kvt ninak a aya na hlopulli mvt, onvt mihinti hō Heblon a ona tok.

CHAPTER III.

YUMOHMI ma Sal in chuka achvfa, micha Lewi in chuka achvfa aiena kvt itin tanampi na hopaki tok: yohmi kia Lewi vt kvllo kvt isht i shahlit isht ia ma, Sal in chuka achvfa vto ik kvllo kvt isht i shahlit isht ia tok.

2. Mihma Lewi vt Heblon a ushi vhleha im ai asha tok: micha akni fehna vt Chesleel ohoyo Ahinoam vt im eshi tok Amnon ak atok.

3. Mihma im atukla kvt Kamelait hatak Nabal tekchi atok Abikail vt im eshi tok Chileab ak atok: mikma atuchina kvt Keshu i miko Talmai ushetik Maakah a ushi Absalom ak atok.

4. Mikma ont ai ushta kvt Hakkilh a ushi Atonichah ak atok; mikma ont ishit tahlapi kvt Abital a ushi Shefatiah ak atok.

5. Mikma ont ishit hannali kvt Lewi tekchi Eklah vt im eshi tok Ilhleam ak atok. Ilvppa puta kak osh Lewi vt Heblon ak o im ai asha tok.

6. Atuk o yakohmi tok, Sal in chuka achvfa, micha Lewi in chuka achvfa vt itin tanampi moma ma, Abne vt ile kullohonchit Sal in chuka achvfa ya apelvchi tok.

7. Mihma Sal vt im itaiena vt Aiah ushetik osh yvmma hohchifo kvt Lispah osh im asha tok: atuk o Ishboshelh vt Abne ya, Nanta katiohmi hō aki im itaiena ya ish iba nusi tuk oh cho? im achi tok.

8. Mihma Ishboshelh vt im anumpuli tuk pulla kak o, Abne vt nukhobela kvt libbi fehna mvt, Uno vt ofi noshko-bo sia hoh cho? Chutah ya im asanalit chiki Sal in chuka achvfa, itibapishi puta, micha i kana puta aiena ka i kanvt Lewi ibbak a ak chi fohko hokak o, ohoyo ilvppa nan ashvchi iti yvmohmi li tuk a is sa miha cho? achi tok.

9. 10. Chihowa vt anumpa kello ya il onochit, Lewi ya im achi tok a vno ak kia yvmihchi lashke, yohmi kv̄t Sal in chuka achvfa apchichi ka tosholit, Lewi ak o im ai om binili holitomp̄a hilechit Tan vttvt ia kv̄t, Beesheba ont ai v̄hli Israel, micha Chutah aiena ka pehlich̄i ikbi lashke; ak yvmihchokma yakohmi, micha i shahli kia Chitokaka yvt Abne ya yvmihchashke, achi tok.

11. Mihma i nukshopa hatuk osh, Abne ya anonti afalamichit anumpa achvfa im acha he keyu tok.

12. Mihma Abne vt ilap ahni kv̄t Lewi ya anumpa shali v̄hleha h̄a i pila cha, Yakni vt kv̄ta hak o immi hoh cho? anumpa itibai achvfa is svt im apesakma, micha yakeh! sv̄bak vt chibafoyuka cha, Israel moma ka fullolichit ishit chim v̄la lashke, achi tok.

13. Mihma, Ome; anumpa itibai achvfa chit im apesa lashke: yohmi kia nana achvfa h̄o ch̄i hoyo lishke, ymmvt iluppak oke, sa nashuka ya pisvt ish ayakmvt, Sal ushetik Michal a tikba isht is sv̄m v̄lá, keyukmvt, sa nashuka ya ish pisa he keyushke, achi tok.

14. Mihma Lewi vt Sal ushi Ishboshelh a anumpa shali v̄hleha h̄a i pila cha, Sa tekchi Michal a Filistin tikba hakshup tahlepa achvfa h̄o isht il ai apovchi li tok a, sv̄bbak a ish fohkashke, achi tok.

15. Mihma Ishboshelh vt pit hoyot, i hatak Laish ushi Faltiel a im ishi tok.

16. Mihma i hatak vt iakaiyvt olbul a yahayvt ayvt, Bahulim a ona tok. Yohmi ma Abne vt, Falamit iá, im achi tok. Mihma falama tok.

17. Mihma Abne vt Israel im asv̄nonchi v̄hleha h̄a anumpa it imvt, Chashpo ka Lewi ya hv̄ch̄i m̄iko ya ch̄i h̄o hv̄sh hoyo tok oke.

18. Yvmohmi tok okvt himak a hv̄sh yvmihchashke: Chihowa vt Lewi ya isht anumpulit, An tishu Lewi ibbak ak o v̄m okla Israel a Filistin okla ibbak, micha in tv̄nv̄p moma ibbak a akochit ishit hlakofichi la hi oke, achi tok oka, achi tok.

19. Mihmvt Abne vt Benchamin ak kia haklochit im

anumpuli tok: micha Abne vt Heblon a ia cha, Lewi ak kia haklohit Israel a kaniohmi kak osh im vllhesa moma ka, micha kaniohmi kak osh Benchamin in chuka achvfa moma kut im vllhesa ka im anumpuli tok.

20. Yohmi hosh Abne, micha hatak pokoli tuklo aiena hosh Lewi vt Heblon a anta tuk o im ona tok: mihma Lewi vt Abne, micha hatak apehvt aya tuk aiena ka impvchi tok.

21. Mihma Abne vt Lewi ya, Wakaya lish, ia likmvt, Israel moma ka a shahli miko ya, im itenahli lashke; mikma anumpa itibai achvfa okla chit im apesakma, chi chukvsh ahni kut moma ish pehliechashke, im achi tok. Mihma Lewi vt Abne ya pila na iti kanvt aya tok.

22. Mihma yakeh! Lewi in tishu vhleha, micha Choab aiena kut nawehpuli aya achvfa ka hlioli tuk vt falama cha, na wehpoa chinto isht vla tok: yohmi kia Abne vt Lewi Heblon anta ka takla ik anto tok; ymmvt pila na iti kanvt aya tuk atuk okvt,

23. Atuk o Choab, micha tushka chipota apehvt aya tuk vt vla ma, Choab a im anolit, Ne ushi Abne vt miko im vla tuk o, pila na iti kanvt ia tuk oke, achi tok.

24. Yohmi ma Choab vt miko ya im vla cha, Nanta mak o ish yvmihchi cho? yakeh! Abne vt chim vla tuk oke; nanta katiohmi ho ish pila na ivt kenia cho?

25. Ne ushi Abne ya ish im ithanvshke, ymmvt chi haksichit, kohchvt ish ia, micha ant ish chukowa aiena, micha nana ish kaniohmi moma ka akostinineha chi hosh vla tuk oke, achi tok.

26. Atuk osh Choab vt Lewi ya i filemmit kohcha mvt, anumpa shali vhleha ha pila na ymmvt Silah keli hofobi yak o ont ai ishit, anonti isht vla tok: yohmi kia Lewi vt ik ithano tok.

27. Atuk o Abne vt falamvt Heblon a vla ma, Choab vt lumvt im anumpula chi hosh naksika holihta okhissa ya isht ona cha, itibapishi Asahel im issish atuk pulla mak o naksi foni ont ishit tahlapi nuta ya bahli na illi tok.

28. Atuk o Lewi vt himmak o haklo cha, Chihowa itikba

ya vno, micha vm apelihika aiena kut Ne ushi Abne im issish a a si ahalaia keyu a bilia hoke.

29. Choab noshkobo, micha iki in chuka achufa moma kak o onvtoyulashke; micha Choab in chuka achufa ya haiyehchi okchusbut yanvlli, keyukmut leplosi vbi, keyukmut tvbi ieshi, keyukmut bvshpo falaia onvtola, keyukmut pvska ik im ono aiena kut ik im iksho kut iksho kashke, achi tok.

30. Yvmohmi hosh Choab, micha itibapishi Abishai itatuklo kut Kibeon a ai itibi ma itibapishi Asahel a vbi tok ak o Abne ya vbi tok.

31. Mihma Lewi vt Choab, micha okla moma ka, Hvchi nafohka ya hvsh hlilvffit, nahishi nantvna ishit hvsh vskofvchi cha, Abne itikba ya hvsh yaiyashke, im achi tok. Mihmut miko Lewi ak kia nipi illi om bohlit isht ia ya iakaiya tok.

32. Mihma Abne ya Heblon ak o okla hohpi tok: mihma miko vt chitolit Abne ahollopi ya a yaiya tok; mihma okla moma kut yaiya tok.

33. Micha miko vt Abne ya ishit yaiyvt, Im anukfila iksho illi hak inli ho chohmit, Abne vt illi keyu cho? achi tok.

34. Chibbak vt talakchi tuk keyu, micha chiya ak kia tvli vlbeha tuk keyushke: hatak osh hatak haksi yo itikba itula kak inli chohmit chitulvshke, achi tok. Mihma okla moma kut anonti ishit yaiya tok.

35. Mihma okla moma kut Lewi ya nitak talaya moma ho impvcha chi hosh vla ma, Lewi vt anumpa kvlo il onochit anumpulit, Yakohmi, micha i shahli kia Chitokaka vt si yvmihchashke, hvshi vt ik okvtulo kisha ho pvska, keyukmut nana hoh kia vpvvt pisa likma, achi tok.

36. Mihma okla moma kut yohmi ahnit pisa mut, aiokpanchi tok: yohmit miko vt nana ho yohmikma, okla moma kut aiokpanchi atuk okvt.

37. Miko vt Ne ushi Abne ya vbi ka ahni tuk keyu ka nitak yvmma okla moma, micha Israel moma kut ithaiyana hatuk okvt.

38. Mihma miko vt in tishu vhleha ha, Israel a hatak holitompa, micha hatak chito hosh himak nitak a itula ka hvchik ithano cho?

39. Yohmi na himak nitak a nan ahamvt miko si vlhtoka ak inli kia, ik sa kvlloshke: micha Seluah ushi hatak vhleha ilvppvt a kullo atvrvshke. Nana ik achukmo yvmihchi nan ashvchi tuk ai it vlhpiesa kak o Chihowa vt im atobba hi oke, im achi tok.

CHAPTA IV.

ATUK o Sal ushi vt, Abne-vt Heblon a ai illi tuk a haklo mvt, ibbak vt kota tok; mihma Islael moma kvv komunta tok;

2. Mihma Sal ushi vt hatak tuklo hosh aya achvfa i kvpitvni bika yosh im ashwa tok: achvfa hohchifo kvv Baanah okma, achvfa hohchifo kvv Lechab Beelohlait hatak Limmon ushi tuklo, Benchamin im vlla vhleha ai achvfa hatok: (Beelolh ak kia Benchamin iba holhtina tuk oka.

3. Atuk osh Beelohlait vhleha hvv yihlepvt Kiltaim a ona tuk osh, yvmmak o aiasha na himak nitak a ant ai vhli hoke.)

4. Mihma Sal ushi Chonahlan vt ushi yosh iyi imomokpulo yosh im anta tok: yvmmvv afemmi tahlapi ho, Sal, micha Chonahlan itatuklo ka annoa kvv Chesleel a minti hosh vla ma, ilauei vt sholi cha, maleli tok: atuk o yakohmi tok, tvshpvt maleli ma, ont itula cha, iyi imomokpulo tok. Mich a yvma hohchifo kvv Mefiboshelh atok.

5. Mihma Beelohlait hatak, Limmon ushi Lechab, micha Baanah itatuklo kvv kohchvt, nitak lvshpvt taha foka ho Ishboshelh in chuka itvlachi tok: yvmmvv tvbokoli ho in topa ho itonla tok.

6. Atuk o onush a isht ia chv chohmi hosh aboha yash iklena ya ant chukowa tok; atuk osh naksi foni ishit tahlapi nuta ya issot okla tok: micha Lechab, micha itibapishi Baanah itatuklo kvv tihlaya tok.

7. Aboha ya ant chukowa ma, aboha a nusi ya in topa itonla tuk oka issot vbi mvt, noshkobo ha tvbli mvt, noshkobo ha ishi cha, yakni patali ya hlopullit ninak a aya na onna tok.

8. Mich a Lewi vt Heblon a anta tuk o Ishboshelh nosh-

kobo ha isht im ona tok; micha miko ya, Yakeh! chin tenvp chim ilhfiopak hohoyo tuk Sal ushi Ishboshelh noshkobo yoke; mihma Chihowa vt a shahli miko ya himak nitak a im il aiokhvt Sal, micha im ai unchololi ya onochishke, im achi tok.

9. Mihma Lewi vt aalamichit Beelohlait hatak Limmon ushi tuklo Lechab, micha itibapishi Baanah ya, Chihowa vt okchaya pulla ka, yvmmak osh vmi shilombish a ai ilbvsha puta ka a sa hlakofichi tok pulla ka,

10. Achvfa kvv nana achukma ho vm anoli im ahobvt, Yakeh! Sal vt illishke, achi ma, ishi lish, nana vm anoli ka im atobbi la hi a im ahoba tuk kia, Siklak a ai vbi li tuk oka:

11. Hatak haksi vhleha yosh hatak vllhesa ya ilap in chuka, micha in topa itonla ho ai vbi kvv i shahli onvtola he vllhesa keyu cho? yvmohmi hoka im issish a hvch ibbak a a hoyo lish, yakni ya a kohchit ishit hvchi kanchi la he vllhesa keyu cho? im achi tok.

12. Mihmvt Lewi vt hatak himithoa im asha tuk vt im apesa ma, okla vbi cha, ibbak, micha iyi aiena ka tvptuli cha, Heblon oka talaia ka paknaka takohliehi tok: amba Ishboshelh noshkobo hano okla ishi cha, Abne im ahollopi Heblon ak o a hohpi tok.

CHAPTER V.

YOHMI ma Israel apiehliehi puta moma kvv Lewi vt Heblon anta tuk o im ona cha, im anumpulit, Yakeh! chi foni pia, micha chi nipi pia yoke.

2. Michā Sal vt pi miko moma ma, chishno ak osh Israel a pehlichit ish kohoncha, micha pehlichit ish ahanla tok: mihma Chihowa vt, Vm okla Israel a is sam pehliche chi hoke, micha Israel a ish i miko ach i hoke, achi tok.

3. Yvmohmi hosh Israel im asvnonchi vhleha hvv miko Heblon anta tuk o im ona tok; mihma miko Lewi vt Heblon ak o Chihowa itikba ya anumpa ai itibai achvfa it im apesa tok: mihma Lewi ya nan ahvmmitt Israel i miko okla atokoli tok.

4. Lewi vt afemmi pokoli tuchina hosh mīkot isht ia tuk osh, afemmi pokoli ushta hō mīko tok.

5. Heblon a ahantvt afemmi untuklo, micha hushi han-nali hō Chutah ya i mīko tok; micha Chelusalem a ahantvt afemmi pokoli tuchina cha, akucha tuchina hō Israel moma, micha Chutah ya i mīko tok.

6. Mihma mīko, micha in tushka vhleha aiena kv̄t Che-lusalem a onvt yakni ymma ai oklv̄t aiasha Chebusait vhleha hā im ona tok: ymmak ash osh Lewi ya im anum-pulit, Ik hoponayo, micha imomokpulo aiena kak o ishit ish kanchi keyukmvt, ilv̄ppa ish chukowa he keyu, achi tok: Lewi vt ont chukowa he keyu, im ahoba cha.

7. Yohmi kia Lewi vt Sion holihta kello ya ishi tok: ymmak osh Lewi in tuma ha holihta mak oke.

8. Mihma nitak ymma Lewi vt, Krna hosh oka ai ya-nelli ya oiya cha, Chebusait vhleha, micha imomokpulo, micha ik hoponayo aiena Lewi imi shilombish i nukkilli ka issot kanchikmvt, i shahli, micha kv̄pitni ya chī hoke, achi tok. Ik hoponayo, micha imomokpulo aiena ymmak kia chuka yash chukowa he keyu, achi hatuk oke.

9. Mihma Lewi vt holihta yash ai v̄tta cha, Lewi in tuma-ha holihta hochifo tok. Mihmvt Lewi vt chuka ikbit apak-foblit, Millo yak o ai isht iv̄t anyakaka isht ia tok.

10. Mihmvt Lewi vt isht i shahlit chitot ishit mahaya tok; mihma vba nan oklv̄ha il aieshi Chitokaka Chihowa vt ibafoyuka tok.

11. Mihma Hilam Taia i mīko vt Lewi ya anumpa shali vhleha ha i pila mvt, chuahla iti, micha chuka ikbi, micha tli toksvli aiena puta ka i pila tok.

12. Mihma Lewi vt, Chihowa vt Israel i mīko ikbit kv̄l-lochit hilechi tuk, micha im okla Israel pulla kak o im apeli-chika ya kv̄llochit hilechi ka ithaiyana tok.

13. Mihmvt Lewi vt Heblon a ai v̄ttvt v̄la ha v̄vt himak-ma tekchi, micha im itaiena ka Chelusalem a ai ishi tok: micha Lewi vt ushi vhleha, micha ushetik vhleha aiena kv̄t himakma im asha tok.

14. Chelusalem a ai im asha tok vt hohv̄hifo kv̄t ilv̄ppak

oke; Shammah, micha Shobab, micha Nahlan, micha Solomon,

15. Michā Ibha, micha Elishua, micha Nephek, micha Chaphia,

16. Michā Elishama, micha Eliata, micha Eliphalet ak atok.

17. Mihma Lewi ak o nan ahvmm̄it Is̄rael ī m̄iko atokoli tok a Filistin okla hvt haklo mvt, Filistin moma kv̄t Lewi yā hoyot v̄la tok; mihma Lewi vt haklo mvt, holihta yash ont chukowa tok.

18. Mihma Filistin vhleha hak kia okfa Lefaim ak o ant ile patali tok.

19. Mihma Lewi vt Chihowa yā ī ponaklot, Filistin vhleha aiasha ka ia la ch̄i cho? svbbak a ish fohka ch̄i cho? achi tok. Mihma Chihowa vt, Ish iashke, chibbak a fohki li pulla ch̄i hoka, im achi tok.

20. Mihma Lewi vt Baal-pelasim ona cha, ai issot kanchi tok; micha, Chihowa vt sa tikba yā an tv̄rvp a o kinafa kv̄t oka kinafa kak inli chiyuhmishke, achi tok. Yvmohmi hatuk o yv̄mma Baal-pelasim hochifo tok.

21. Mihma yv̄mmak inli ī naholvt toba puta ka kanchi tok; mihma Lewi micha in tv̄shka vhleha hvt hukmi tok.

22. Atuk o Filistin vhleha hvt himakma anonti v̄la cha, okfa Lefaim ak o ile patali tok.

23. Mihma Lewi vt Chihowa yā ī ponaklo ma, Ish ia he keyu: amba apakfopvt asha ka ish ona cha, bihi iti foka ichapaka yak o ish a sakka ch̄i hoke.

24. Atuk o yakohma chiké, ia na bihi iti puta paknaka yā ish a haiyaklokmvt, ish ile tv̄shp̄v̄lehashke; yohmikma Chihowa vt chi tikba kochevt Filistin tv̄shka chipota yā issot kancha ch̄i hosh ia ch̄i hoke, achi tok.

25. Mihma Lewi vt Chihowa vt ī miha tuk mak o yvmohmi tok; micha Filistin vhleha hā issot kanchit, Keba v̄ttvt isht ia kv̄t Kase ish ona ka isht ona tok.

CHAPTER VI.

ANONTI Lewi vt hatak aiya hochukma moma tahlepa sipokni pokoli tuchina hō hoyot itv̄nahli tok.

2. Micha Lewi vt wakaya cha, okla apehvt ai asha aiena moma kv̄t Chitokaka im itombi holitopa, yemma hohchifo kv̄t v̄ba nan okluha il ai eshi Chihowa hohchifo ka, a hohchifo hosh chelubim ititakla ai ahanta yash, im itombi holitopa yā isht v̄la chī hosh Chutah yakni Baale yā okla minti tok.

3. Mihmvt Chitokaka im itombi holitopa yā Abinatab in chuka Kibeah a talaia ka akohchit itichanvlli himona yō on talali cha, ishit minti tok: mihma Abinatab ushi tuklo, Ussah, micha Ahio itatuklo kak osh itichanvlli himona yā isht aya tok.

4. Mihmvt Abinatab in chuka Kibeah a talaia ka okla akohchit isht ia cha, Chitokaka im itombi holitopa yā apehvt aya tok: mihma Ahio vt itombi holitopa itikba yā aya tok.

5. Mihma Lewi, micha Israel in chuka achvfa moma kv̄t nan isht olachi il aiyukali tiak holba toba, hap puta, micha saltili puta, micha v̄hlepushi puta, micha ishit sumav̄chi puta, micha simbal puta aiena ka olachi tok.

6. Atuk osh Nachon onush anihechi v̄la ma, wak toksvli vt winalichi hatuk o, Ussah vt ibbak a pit weli cha, Chitokaka im itombi holitopa yā hoklit ishi tok.

7. Mihma Chihowa im ai ī nukkili vt Ussah yā ī sanalit libbi mvt, ashv̄chi pulla kak o Chitokaka vt yemma ai v̄bi tok; mihma Chitokaka im itombi holitopa bilika yak o ai illi tok.

8. Mihma Lewi vt Ussah yā Chihowa vt o kinafa tuk ak o ik im v̄lhpeso fehna tok: micha Peles-Ussah hochifo tok o himak nitak a moma hoke.

9. Mihma Lewi vt nitak yemma Chihowa yā ī nukshopa cha, Katiohmi hosh Chihowa im itombi holitopa vt v̄m v̄la chī cho? achi tok.

10. Yohmi hosh Lewi vt Chihowa im itombi holitopa yā Lewi in tvmaha holihta yā isht ona ik bunno tok: amba Lewi vt naksika isht iv̄t Kittait hatak Obet-etom in chuka yak o isht ona tok.

11. Mihma Chihowa im itombi holitopa yvt hv̄shi tuchina hō Kittait hatak Obet-etom in chuka yā talaia tok: mihma Chihowa vt Obet-etom, micha in chuka achvfa moma aiena ka yukpali tok.

12. Atuk o Lewi ya im anolit, Chihowa vt Chitokaka im itombi holitopa pulla kak o, Obet-etom in chuka achvfa ya yukpali cha, nana ahalaya moma ka im achukmalishke, achi tok. Yohmi ho Lewi vt ivt na yukpa hosh Chitokaka im itombi holitopa ya Obet-etom in chuka ont ai ishit Lewi in tumaha holihta ya isht vla tok.

13. Atuk o yakohmi tok, Chihowa im itombi holitopa sholi tuk vt a habli hannali ho ona ma, wak, micha vlhpitvt nia puta aiena ka vbit hukmit isht aiokpvchi tok.

14. Michi Lewi vt Chihowa itikba ya ai okluhvt hihla tok; mihmvt Lewi vt linen efot o vskofaiyachi tok.

15. Yohmi hosh Lewi, micha Israel in chuka achvfa moma kvv shakapvt, ishit pufa olachi aiena hosh Chihowa im itombi holitopa ya isht vla tok.

16. Atuk o Chihowa im itombi holitopa vt Lewi in tumaha holihta ya ant chukowa ma, Sal ushetik, Michal vt okhissushi pit a hopokoyo mvt, miko Lewi vt Chihowa itikba ya tullit hihla ka pisa tok: mihmvt chukesh a ishit shitilema tok.

17. Mihma Chihowa im itombi holitopa ya ishit chukowa cha, atalaia Lewi vt vlhtipo i hilechi tuk iklna okla talali tok: micha Lewi vt na hukmit isht aiokpvchi, micha isht it i nanaiyvchi isht aiokpvchi aiena ka Chihowa itikba im issa tok.

18. Atuk osh Lewi vt na hukmit isht aiokpvchi, micha isht i nanaiyvchi isht aiokpvchi aiena ka im issvt ont tahli mvt, Chihowa ya hochifot okla ha anumpa yukpali onochi tok.

19. Michi okla moma, Israel okla laua moma ka ohoyo ak kia, nakni yak inli chohmit pvka lumbo, micha nipi tushafa achukma, micha oka paki kotoba achvfa aiyukali ho i hopela tok. Mihma okla moma kvv in chuka aiyukali ia tok.

20. Yohmi ma Lewi vt in chuka achvfa ya anumpa yukpali onocha chi hosh falamvt ona tok. Mihma Sal ushetik, Michal vt kohchvt Lewi ya afama cha, Israel i miko vt himak nitak a holitopa fehna, himak nitak a in tishu vhleha

in tishu ohoyo vhleha itikba ya ile shoelit, hatak makali ak inli chohmit hofahya iksho hosh ile shoeli tok, achi tok.

21. Mihma Lewi vt Michal a, Chihowa itikba, ymmak osh chiki ya im i shahli, micha in chuka achufa moma ka im i shahli cha si atokolit, Chihowa im okla, Israel a pehliechi la chi ho si atokoli tok ak atuk oke: ymmohmi hoka Chihowa itikba ya olachit hihla la hi oke.

22. Micha himak pilla mak o ik ahobo kv i shahli la chi hoke, micha vno ak inli ile pisa li kv akanlosi la chi hoke: micha ohoyo tishu vhleha isht ish anumpuli kash ano, i holi-topa la chi hoke, im achi tok.

23. Ymmohmi hatuk o Sal ushetik, Michal vt vlla ik im iksho hosh nitak ai illi kv ona tok.

CHAPTA VII.

ATUK o yakohmi tok, Chihowa vt in tenvp vhleha apak-foyupvt aiasa moma ka im aiyachi cha, fohachi ma, miko yash osh in chuka ya binili mvt,

2. Miko vt hopaii Nahlan a, Yakeh! chuahla chuka yo ahanta lishke; amba Chitokaka im itombi holitopa vt nantenna takali ho anukaka ya talavshke, im achi tok.

3. Mihma Nahlan vt miko ya, Ia cha, chi chukvsh nana chi nukfoyuka kv moma ish ymihchashke: Chihowa vt chibafoyuka hoka, im achi tok.

4. Atuk o yakohmi tok, ymma ninak a Chihowa im anumpa hv Nahlan a im vlt,

5. Ia cha, an tishu Lewi ya ont im anolit, Chihowa vt yak achishke, Ai ahanta la chi chuka ya is svm ikba chi cho?

6. Yakohmi ik chokvsh osh Israel im vlla vhleha ha Echip isht a kohchvt minti li tok takla, himak nitak ant vhli ka chuka nana ho ai vtta li chatuk keyu, amba vhtipo, micha tabenakel o a nohowa li chatuk oke.

7. Kanima moma Israel im vlla vhleha iba nohowa li kv, Israel apelihoodi puta achufa kia vm okla Israel puta ka pehlichia he im apihisa li kia, Nanta katiohmi ho chuahla chuka

huch ik sum ikbo cho? achi li tok oh cho? ish achashke, achi tok.

8. Yvmohmi hoka himak a in tishu Lewi ya yakohmichit ish im achashke, Uba nan okluha il aieshi Chihowa vt yak ahanchishke, Um okla Israel a pehliecha chi ho chukfulhpoa iakaiyvt ish aya tuk a, chukfulhpoa ai asha ya chi ai ishi li tok oke:

9. Micha kanima yo ish iakma, chibafoyuka li tuk oke, micha chin tunvp moma ka chi tikba ya ai ishit kanchi li tuk, micha yakni hatak hochitoka hohchifo ha chohmichit hohchifo chito chim ikbi lishke.

10. Micha vm okla Israel ai asha yo im apesa lish, hokchi la chi hoke, yohmikma ilap immi aiasha yosh aiasha cha, himakma ik kanvlo ka chi hoke; mikma himakma nan ashvchi in chipota vhleha hut tikba chatuk chohmichit ilbvshala he keyu hoke.

11. Micha nanapesa yosh vm okla Israel a pehliecha he apihisa li tok takla ka, chiyuhmichit chin tunvp moma ka imaiyachit chi fohachi li tuk oke. Micha Chihowa vt chuka chim ikba chi kvv chim anolishke.

12. Atuk osh chi nitak vllhpisa kvv ont taha na chiki vhleha takla chi nusikma, chi ai unchololi yvt chikfoka a kohcha tuk ak inli hosh chiakaiya ka hilechi likmvt, im apelhichika ya kvllochit hilechi la hi oke.

13. Yvmmak osh sa hohchifo ishit holitopa he chuka vm ikbikma, im apelhichika ai om binili ya kvllochit hilechi li bilia hi oke.

14. Iki sia hokma, svso ahi oke. Nana ik vllhpeso yvmohmikma, hatak fuli yo ishit hotopali la hi oke, micha hatak im vlla vhleha ishit fvma aiena ho ishit kostininchil la hi oke:

15. Yohmi kia ai isht i nukhaklo li yokvto i filvmmitt kvnia he keyu, Sal a im ai ishi lish, Sal a chi tikba ai ishit kanchi li tok, yvmmak oka chohma he keyu hoke.

16. Micha chi tikba ya chin chuka achvfa, micha ish apelhichika aiena kvv kvllot hikia na bilia hi oke: micha ish ai om binili vt kvllot hikia na bilia hi oke, achi tok.

17. Yohmi ho anumpa ilvppa puta, micha nan im otvni

ileppa moma aiena kak o, Nahlan vt Lewi ya im anumpuli tok.

18. Yvmohmi ma miko Lewi vt chukowa cha, Chihowa itikba ya binili cha, Kuta sia hoh cho? Chitokaka Chihowa ma! micha an chuka achufa vt nanta ho himak a ant vli ka isht is sa mihinti tuk oh cho?

19. Mihma yohmi ak inli kia nana ileppvt chi tikba ya iskitinishke, Chitokaka Chihowa ma! amba chin tishu in chuka achufa ak kia nitak hopaki pilla minti ka isht ish anumpulishke, Chitokaka Chihowa ma! hatak vt a yohmi chatuk oh cho?

20. Michha himakma Lewi vt nanta ho chim acha hinla cho? Chitokaka Chihowa ma! chishno vt chin tishu ha ish ithana hoka.

21. Chim anumpa pulla kak o, micha chi chukesh ai ahni pulla hosh nana afehna ileppa puta ka ish yvmihchi kt, chin tishu ha ish ithenancha chi hatuk oke.

22. Yvmohmi hokvt chi holitopeshke, Chitokaka Chihowa ma! pi haksobish vt haiyaklo tuk pulla moma ka chishno chiyuhmi kt iksho, micha inla kt Chitokaka vt iksho hoka.

23. Michha okla achufa nanta hak osh yakni paknaka aia-sha kt chim okla Israel, yvmmak oka Chitokaka vt falvminchit, im okla ikbit ilai ishit, micha hohchifo ilai ikbit chishno ya, micha chi yakni ya nana chinto, micha nana palvmmi ka chim okla itikba ya a yvmihchit, yvmmak oka falvminchit chumpvt Echiv a akohchit, micha okla puta, micha i naholbt toba aiena puta ka a kohchit, ish ilai ihishi tuk chohmi cho?

24. Israel a chim okla ikbit ish ilai ieshi na bilia chi hoka; micha Chihowa chishno ak osh in Chitokaka ish tobrshke.

25. Michha Chitokaka Chihowa ma! himak a chin tishu ha nana ish achi tuk, micha in chuka ya nana ish achi tuk vt kullochit ish hilechi na biliashke, micha nana ish ahanchi tuk vt ish yvmihchashke.

26. Michha chi hohchifo kt holitopa na biliashke, Uba nan okluha il aieshi Chihowa ak osh Israel in Chitokaka

yoke, ahanchashke : mikma chin tishu Lewi in chuka achvfa yvt chi tikba ya kvllot hikia na biliashke.

27. Uba nan okluha il ai eshi Chihowa, Islael in Chitokaka ma! chishno ak osh chin tishu im otvinchit, Uno ak osh chuka ya chim ikbi la chi hoke, ish achi tuk oka : yvmohmi hoka chin tishu hvt anumpa ilbussha ilvppa chukesh si anukfoyukvt chim asilhha lishke.

28. Yohmi ka himak a Chitokaka Chihowa ma! chishno ak osh Chitokaka yvmma chia, micha chim anumpa hvt ahli hoke, micha nana achukma ilvppa chin tishu ha ish im ihisa tuk oke.

29. Yvmohmi hokvt himak a chin tishu in chuka achvfa ya ish yukpali na chi tikba ya hikia na biliashke : Chitokaka Chihowa chishno ak osh ish anumpuli tuk okvt : micha chin tishu in chuka achvfa yvt nan isht ish yukpali ya ishit yukpa na biliashke, achi tok.

CHAPTA VIII.

ATUK osh ilvppa i himmakma, yakohmi tok, Lewi vt Filistin vhleha ha issot kanchi cha, imaiya tok : micha Lewi vt Mehlek-ammah ha Filistin vhleha ibbak a akohehit im ishi tok.

2. Micha Moab a issot kanchi tok, micha akvehit taiyahli cha, aseta isht apesa tok ; aseta tuklo pulla ho vba chi kvt isht apesa mvt, aseta achvfa vlhpiesa kano okchalinya chi hatok. Mihma yohmi ho Moab okla hvt Lewi ya i nutaka cha, na hvlbina puta ka isht im vla tok.

3. Lewi vt i yakni ai vhli Euflates okhina ya falvminchit isha chi hosh irt aya mvt, Lehob ushi Hatatase Sobah i miko ya issot kanchi tok.

4. Micha Lewi vt tenvp itichanvlli tahlepa sipokni achvfa, micha issuba om binili vt tahlepa untuklo, micha aka aya hatak tahlepa sipokni pokoli tuklo ho im ishi tok : micha Lewi vt issuba itichanvlli shali ya iyikalakshish a teptuli tok, amba itichanvlli tahlepa achvfa shali yo apochi tok.

5. Atuk o Silian vhleha Tamaskvs minti kv̄t Sobah i miko Hatatese ya apelv̄t ona ma, Lewi vt Silian vhleha ha ai achvfa tahlepa sipokni pokoli tuklo akucha tuklo ho vbi tok.

6. Yohmi mvt Lewi vt Silia Tamaskvs a tvshka chipota ai ashachi tok: mihma Silian okla hv̄t Lewi ya i nutaka cha, nahv̄lbina puta ka isht im ahanla tok. Atuk o Lewi vt kanima iakma, Chihowa vt okchalinch̄i beka tok.

7. Mihma Lewi vt tv̄li holisso lakna telihpa puta Hatatese in tishu vhleha hv̄t ieshi tuk a ishi cha, Chelusalem a isht vla tok.

8. Micha Betah, micha Belohlai aiena Hatatese in tv̄ma-ha holihta puta ka asonak lakna laua atampa ho miko Lewi vt ai ishi tok.

9. Atuk o Hamalh i miko Toi vt, Lewi vt Hatatese in tvshka chipota moma ka issot kanchi tuk o haklo mvt,

10. Hatatese ya itibi cha, issot kanchi tuk ak o, Toi vt aiokpv̄chi cha, anumpa yukpali onocha ch̄i ho, ushi Cholam a Lewi miko ya i pila tok: (Hatatese vt Toi ya it in tanampi hatuk oka.) Micha Cholam vt nana ai v̄lhto tv̄li hv̄ta, micha nana ai v̄lhto tv̄li holisso lakna, micha nana ai v̄lhto asonak lakna aiena ka ieshi hosh vla tok:

11. Yrmmak kia miko Lewi vt okla inla puta imaiya cha, tv̄li hv̄ta, micha tv̄li holisso lakna im ishi cha, hulloch̄i tok ibafohkit Chihowa ya i hulloch̄i tok;

12. Silia, micha Moab, micha Ammon in chipota vhleha, micha Filistin okla, micha Amalek, micha Lehob ushi, Sobah i miko Hatatese i nawehpoa puta im ai ishit Chihowa ya i hulloch̄i tok.

13. Micha Lewi vt hv̄pi okfa ya Silian tahlepa sipokni auah untuchina ho vbit ayvt falamvt, hohchifo ilai ishi tok.

14. Micha Etom a tvshka chipota ai ashachi tok: Etom a hlopulli moma ka tvshka chipota ai ashachi na Etom ai-asha moma kv̄t Lewi ya i nutaka tok. Mihma Chihowa vt Lewi vt kanima iakma, okchalinch̄i beka tok.

15. Mihma Lewi vt Islael moma ka i miko tok: micha Lewi vt nan v̄lhpisa, micha ai v̄lhpiesa aiena kak o im okla moma ka im apihisa tok.

16. Mihma Seluiah ushi Choab ak osh tvshka chipota ya pehlichí tok: mikma Ahilut ushi Chehoshafat ak osh holisso takalichí atok.

17. Mikma Ahitub ushi Satok, micha Abiahla ushi Ahimelech itatuklo kak osh naholitompa isht ashwa tok: mikma Selaiah ak osh holissochi atok.

18. Mikma Chehoiata ushi Benaiah ak osh Chelehlait vhleha, micha Pelehlait vhleha aiena ka pehlichí atok: mikma Lewi ushi vhleha hvt pehlichí vhleha i shahli hatok.

CHAPTA IX.

MIHMA Lewi vt, Sal in chuka achvfa ya ai achvfa kv́t okchaya tuk o, Chonahlan ak atuk pulla kak o i kana la hinla cho? achi tok.

2. Michá Sal in chuka achvfa ya tishu achvft anta hosh ymmvt hohchifo kv́t Siba atok. Mihma okla hoyo cha, Lewi ya isht im ona ma, miko vt, Siba chia hoh cho? im achi tok. Mihma, Chin tishu hvt mihiyo yoke, achi tok.

3. Mihma miko vt, Sal in chuka achvfa ya ai achvfa kia anta tuk o, Chitokaka im isht i kana ya i yumihechi la hinla cho? achi tok. Mihma Siba vt miko ya, Chonahlan ak osh ushi achvfa kv́t im anta momvshke, micha ymmvt iyi imomokpulo yoke, achi tok.

4. Mihma miko vt, Katima anta cho? achi tok. Mihma Siba vt miko ya, Yakeh! Loteba yak o Ammiel ushi Machi in chuka ak o anta hoke, achi tok.

5. Mihma Lewi vt hoyo cha, Ammiel ushi Machi in chuka Loteba talaia ka akohchit isht vla tok.

6. Atuk o Sal ushi Chonahlan a ushi Mefiboshelh vt Lewi ya im vla mv́t, nashuka ishít hlipia cha, aiokpvchi tok. Mihma Lewi vt, Mefiboshelh ma! achi tok. Mihma afalaminchit, Yakeh! chin tishu hoke, achi tok.

7. Mihma Lewi vt, Chi nukshopa ná: chíki Chonahlan ak atok pulla kak o, chí kana li pulla chí, micha chíki Sal i vakni atok moma ka chí falvminchi la chí hoka: mikma

vm ai impa ak o ish ai ihimpa na bilia chi hoke, im achi tok.

8. Mihma il aka chunolechi cha, Chin tishu hvt nanta ho ofi illi sa chiyuhmi ka chi holhponayo hanta ya ish onocha hinla cho? achi tok.

9. Yohmi ma miko vt Sal in tishu, Siba ya i howa cha, Chi shahli ushi ya Sal, micha in chuka achufa moma nana ahalaya tok moma ka ima lishke.

10. Yohmi hoka chishno, micha chiso vhleha, micha chin tishu vhleha aiena ket yakni yash hvsh i pilisa cha, nana awaya ka chi shahli ushi ya ishit hvsh la na ilhpak vpa chi ket im ashashke: yohmi kia chi shahli ushi Mefiboshelh vto vm ai impa ak o ai ihimpa na biliashke, im achi tok. Mihma Siba vt ushi vhleha hvt im auah tahlapi cha, in tishu vhleha hvt i pokoli tuklo tok.

11. Yohmi ma Siba vt miko ya, A shahli miko vt in tishu im apesa tuk mak o, chin tishu hvt ycmihcha chi hoke. Miko vt Mefiboshelh ak okvto miko ushi vhleha hak inli ho chohmit, vm ai impa ak o ai ihimpa chi hoke.

12. Mihma Mefiboshelh vt ushi vt vlla yosh hohelhifo ket Micha yosh im anta tok. Mihma Siba in chuka achufa aia-sha ket moma ket Mefiboshelh in tishu vhleha hatok.

13. Yohmi hosh Mefiboshelh vt Chelusalem ak o vtta tok: miko im ai impa ak o ai ihimpa na bilia hatuk oket: micha iyi yvt iti champet imomokpulo atok.

CHAPTA X.

ATUK o ilvppa i himmakma yakohmi tok, Ammon in chipota vhleha i miko vt illi na ushi Hanun ak osh vltobvt miko tok.

2. Yohmi ma Lewi vt, Iki vt a kana tok oka, Nahash ushi Hanun a i kana lashke, achi tok. Micha Lewi vt iki ishit nukhaklo ka hopohlula chi ho in tishu vhleha ha toh-not pila tok. Mihma Lewi in tishu vhleha hvt Ammon in chipota i yakni ya ona tok.

3. Mihma Ammon in chipota pehlichí vhleha hvt í shahli Hanun a, Lewi vt chíki yá holitoblichí hosh hopohlvi vhleha et chí pila tuk chim ahoba cho? Lewi vt in tishu vhleha et chí pila kv̄t tumaha holihta yá a hopokoyot lumvt pisvt tahli cha, imaiya chí keyu cho? im achi tok.

4. Yohmi hō Hanun vt Lewi in tishu vhleha hā ishi cha, nutakhish a iklv̄na ka shafi cha, í nafohka yá iklv̄na isht asha v̄hlichit in tv̄ptuli cha, falv̄mminehit pila tok.

5. Lewi yá im anoli ma, hatak vhleha hash osh hofahya felna hatuk o, afama chí hō pit pila tok. Micha miko vt Cheliko ak inli hō hv̄sh āsha na hv̄chi nutakhish vt falaivt tahak mak osh hv̄sh falamashke, achi tok.

6. Mihma Ammon in chipota hvt Lewi yá í shua kv̄t akostininchi mvt, Ammon in chipota hvt Silian vhleha Belhlehob yakni aiasha, micha Sobah yakni Silian vhleha aiasha aiena hatak aka āya tahlepa sipokni pokoli tuklo hō tohnot, micha miko Maakah a hatak tahlepa sipokni achv̄fa, micha Ishtob a hatak tahlepa sipokni auah tuklo hō im a tohno tok.

7. Atuk o Lewi vt haklo mvt, Choab, micha tv̄shka chipota hatak hlampko chilita puta ka pit pila tok.

8. Mihma Ammon in chipota vhleha hvt kohev̄t holihta okhissa achukowa yá itiba chí kv̄t achukmalit ile baīvlichí tok: mihma Silian vhleha Sobah minti, micha Lehob minti, micha Istob minti, micha Maakah minti aiena kv̄to ila osapa yō ai asha tok.

9. Atuk o itiba chí kv̄t tikba, micha ashaka aiena hō Choab vt pisa mvt, Israel hatak aiya hochukma moma hō atokoli cha, Silian vhleha hak o itiba chí ka achukmalit baīvlichí tok.

10. Micha okla hash inla kano itibapishi Abishai ak o ibbak fohki na Ammon in chipota hak o itiba chí ka achukmalit baīvlichí chí hatok.

11. Micha, Silian vhleha hvt a kullo fehnakma, yohmikma is si apela chí hoke: amba Ammon in chipota vhleha hvt chí kullo fehnakma, yohmikma vlv̄t chí apela la chí hoke.

12. Nukwia ikshot hv̄sh amosholashke, nakni āhli chiyuhmi hosh pim okla, micha pin Chitokaka in tumaha holihta

puta ka il im itibashke: mikma Chihowa vt vllhpiesa ahni kak osh yvmihchashke, achi tok.

13. Micha Choab, mikmut okla apehvt aya tuk aiena kv̄t bilika ivt Silian vhleha h̄a itibi tok: mihma itikba ya okla yihlepa tok.

14. Atuk o Ammon in chipota vhleha hv̄t, Silian vhleha hv̄t yihlepa na pisa mv̄t, yvmmak kia Abishai itikba ya okla yihlept̄, tvmaha holihta yash chukowa tok. Yohmi ma Choab vt Ammon in chipota vhleha h̄a i filummit ia cha, Chelusalem a ona tok.

15. Atuk o Silian vhleha hv̄t Israel itikba akakoha kv̄t pisa mv̄t, iti hoyot itvnaha tok.

16. Mihma Hatatase vt Silian vhleha okhina mish tv̄nvp aiasha ka pit hoyot isht vla tok: micha Helam a okla vla tok: mihma Hatatase in tv̄shka chipota vhleha pehlich̄i Shobach vt tikba hikia tok.

17. Atuk o Lewi ya im anoli ma, Israel moma ka hoyot itvnahli cha, Chatan a vbanvblit, Helam a ona tok. Mihma Silian vhleha hv̄t Lewi ya itiba ch̄i kv̄t achukmalit ile bai- vlich̄i cha, itibi tok.

18. Mihma Silian vhleha hv̄t Israel itikba ya yihlepa tok; mihma Lewi vt Silian vhleha ai achvfa hosh tv̄nvp itichanvlli tahlepa untuklo isht aya hatak, micha issuba om binili vt tahlepa sipokni pokoli ushta aiena h̄o vbit tahl̄i mv̄t, micha in tv̄shka chipota vhleha pehlich̄i Shobach a isso na yvmmak o ai illi tok.

19. Atuk o miko moma Hatatase in tishu vhleha hatuk vt Israel itikba akakoha na pisa mv̄t, Israel a okla it i nana- iya cha, i nutaka tok. Yohmi ma Silian vhleha hv̄t Am- mon in chipota h̄a himakma apela kv̄t nukwia tok.

CHAPTA XI.

ATUK o yakohmi tok, afv̄m̄mi vt ont taha ha ya, miko puta kv̄t kohev̄t tanampit ia chatuk vt vla ma, Lewi vt Choab a, micha in tishu vhleha aiena, micha Israel moma

ka pila tok: mihma Ammon in chipota chuk il issvehit isht ayvt Labbah ya ont in tanampit apakfoyupvt a binanchi tok. Amba Lewi vto Chelusalem a anta moma tok.

2. Atuk o yakohmi tok, opivt isht ia ho Lewi vt topa itonla tuk osh tani cha, miko in chuka isht holmo ya a nowa tok: atuk osh chuka isht holmo ya o hikia hosh ohoyo hvt il achifa hosh anta na pit pisa tok; mihma ohoyo hash osh pisa ka aiokli fehna tok.

3. Mihma Lewi vt pila cha, ohoyo hash a ponaklo tok. Mihma achufa kv, Ilvppvt Eliam ushetik Balh-sheba, Hittait hatak Uliah tekchi keyu cho? achi tok.

4. Mihma Lewi vt anumpa shali vhleha ha pila cha, ishi tok: mihma ant chukowvt im vla na iba tvshki tok: (alitiha i kashofa hatuk oka:) mihma in chuka ya falamvt ona tok.

5. Mihmvt ohoyo hash osh vlla shali cha, Lewi ya anum-pa i pilvt im anolit, Ulla shali lishke, achi tok.

6. Mihma Lewi vt Choab a anumpa i pilvt, Hittait hatak Uliah ya et am pilá, achi tok. Mihma Choab vt Uliah ya Lewi ya pit i pila tok.

7. Atuk o Uliah vt im vla ma, Choab vt kaniohmi tuk, micha okla hvt kaniohmi tuk, micha tanampi kv kaniohmit ishit mahaya aiena ka Lewi vt i ponaklo tok.

8. Mihma Lewi vt Uliah ya, Chin chuka ya ia cha, chiyi ya achifá, im achi tok. Mihma Uliah vt miko in chuka ya kohchvt ia ma, ilimpa ai vpa achufa ho miko vt ima na iaka-iyvt isht im ona tok.

9. Yohmi kia Uliah vt miko in chuka okhissa yak o i shahli in tishu vhleha takla a nusi cha, in chuka ya ik ono tok.

10. Mihma Lewi ya im anolit, Uliah vt in chuka ya ik aiyoshke, achi ma, Lewi vt Uliah ya, Nowvt ayvt ish la tuk keyu? hokak osh nanta katiohmi ho chin chuka ya chik ono cho? im achi tok.

11. Mihma Uliah vt, Itombi holitopa, micha Israel, micha Chutah aiena kv vlhtipo puta ka aiashvshke; micha a shahli Choab, micha a shahli ha in tishu vhleha aiena kv yakni ashahbika yo binanchit aiashvshke: yohmi ka an

chuka ona lish, imput, micha nan ishkot ahantet, sa tekchi ya iba tvshki la hinla cho? chi okchaya pulla ka, micha chimi shilombish vt okchaya pulla ka nana ilvppa yvmihchi la he keyu hoke, im achi tok.

12. Mihma Lewi vt Uliah ya, Himak nitak ak kia ish anta tuk o, onnakma ik ia chim ahni li ish iashke, im achi tok. Yohmi ho Uliah vt nitak yvmma, micha onna aiena ka Chelusalem ak o anta tok.

13. Atuk o Lewi vt hoyo ma, itikba ya imput, oka ishkot ahanta tok: mihma oka haksichi tok; atuk o opia ma, i shahli in tishu vhleha takla in topa tvshka chi hosh kohchvt ia tok, amba in chuka ano ik aiyo tok.

14. Atuk o yakohmi tok, onnahnli ma Lewi vt Choab a holisso i holissochi cha, Uliah ibbak a fohkit i pila tok.

15. Mich a holisso ha a fohkit holissochit, Uliah ya ai itibi kullo i shahli kak o itikba hvsh hilechi cha, hvsh i kanvlashke, yohmikma isso na illashke, achi tok.

16. Atuk o yakohmi tok, Choab vt tumaha holihta ya pisvt tahl i mvt, hatak chilita, nukwia iksho aiasha ka ithana kak osh yvmmak o Uliah ya hilechi tok.

17. Mihma tumaha holihta hatak vhleha hv kohchvt iet Choab a itibi tok: mihma Lewi in tishu vhleha okla kaniohmi ket akakoha tok: mihma Hittait hatak Uliah ak kia illi tok.

18. Yohmi ma Choab vt Lewi ya pit i pilvt, it in tanampi ket kaniohmi hosh aiasha ket moma im anoli tok.

19. Mich a anumpa shali ya atokolit, It in tanampi ket kaniohmi ka anolit ont ish taiyahlikma,

20. Atuk o yakohmikma, miko vt im ai i nukkilli vt libbi cha, Nanta katiohmi ho hvsh itibi mvt, tumaha holihta ya bilika fehna hvsh ona tuk o? holihta paknaka o hiohlit okla et hysa hinla ka hvch ik ithano ke tuk o?

21. Kvta hosh Chelub-beshelh ushi Abimelech a vbi tok o? ohoyo hosh holihta paknaka o hiki vt tanchi abotoli teli tushafa yo om pila na, Hlebes a ai illi tok keyu cho? nanta katiohmi ho holihta bilika ya hvsh ona tuk o? chim achikma, yohmikma, Chin tishu Hittait hatak Uliah ak kia illishke, ish achashke, achi tok.

22. Yohmi hō anumpa shali ash osh mintit vla cha, Choab vt nana tohno tuk moma ka Lewi ya im anoli tok.

23. Micha anumpa shali ash osh Lewi ya, Hatak vhleha hvt pī kullo pulla cha, kohchvt yakni ashahbika ya pim vla ma, o kanvllit il ia mvt, holihta okhissa achukowa ya il ona tuk oke.

24. Mihma hūsa vhleha hvt holihta paknaka o hiohlit, chin tishu vhleha hā et hūsa tuk oke: yohmi na miko in tishu vhleha hā a kaniohmi kv̄t illishke, mikma chin tishu Hittait hatak Uliah vt illishke, im achi tok.

25. Yohmi ma Lewi vt anumpa shali yash, Ilvppak o Choab a ish im anolashke, Nana ilvppa isht ik chim achukmo kashke; bvshpo falaia yokvto vbit tahli kv̄t achvfa, micha inla yak kia itilauechi chatuk oka: ish itibi kv̄t i shahlichit tmaha holihta ya ish i sanalichit yuhl̄it aka ish patalashke; micha ish aiyimilichichashke, im achi tok.

26. Atuk o Uliah tekchi atuk ash osh i hatak Uliah vt illi tuk o haklo mvt, ishit yahaya tok.

27. Atuk osh yaiya kv̄t issa ma, Lewi vt pit hoyot in chuka isht vla na tekchi toba tok; atuk osh vlla nakni yo im eshi tok. Yohmi kia Lewi vt nana kaniohmi tuk a Chihowa vt ik im vlhpeso tok.

CHAPTA XII.

MICHA Chihowa vt Nahlan a Lewi ya i pila tok. Mihma im vla tok; micha, Hatak tuklo hosh tmaha holihta achvfa ka ashwa tok: achvfa kv̄t nan in laua yokma, achvfa vto ilbrsha tok.

2. Hatak nan in laua vt nan vlhpoa chipunta, micha nan vlhpoa hochito aiena kv̄t im apakna atampa tok.

3. Amba hatak ilbrsha vto nana ik im iksho, chukv̄lhpōa ushi tek iskitini achvfa, yvm̄mak oka chumpa cha, ipetv̄t hofantih̄inchi ak illa tok: takla ahantv̄t, im vlla vhleha hā ibahofanti tok; ilap im ilhpak ak inli hō ai vpakmvt, ilap im isht ishko ak inli hō ai ishkokmvt, shakba foyukv̄t itoyula beka cha, ushetik ak inli in chiyuhmi tok.

4. Atuk o hatak nowrt aya vt hatak nan in laua yash im ona tok; mihma i hullo cha, ilap i nan vllhpoa chipunta ak inli, micha ilap i nan vllhpoa hochito aiena ak inli ka ai ishit hatak nowrt aya im vla tuk a, ik im atahlo hosh, amba hatak ilbrsha in chukfvlhpoa ushi ak o ishi cha, hatak im vla kash im atahli tok, im achi tok.

5. Mihma Lewi vt hatak ash i sanalit nukhobela kv̄t libbi fehna tok; micha Nahlan a, Chihowa vt okchaya pulla ka, nana ilvppa yvmihchi tok hatak yrmmt illi pulla ch̄i hoke.

6. Michā chukfvlhpoa ushi vt inlohmi ushta h̄o falvm-mincha ch̄i hoke, nana ilvppa yvmihchi tuk okvt, micha ik i nukh̄aklo tok okvt, im achi tok.

7. Mihma Nahlan vt Lewi ya, Hatak yrmmt chishno ak oke. Israel in Chitokaka Chihowa vt yak achishke, Nan ahv̄mmit Israel i m̄iko chi atokoli li tok, micha Sal ibbak a a chi hlakofih̄inchi li tok oke.

8. Michā ch̄i shahli in chuka ya chima li tok, micha ch̄i shahli tekchi vhleha chi shakba ya fohkit chima li tok, micha Israel in chuka achv̄fa, micha Chutah in chuka achv̄fa aiena ka chima li tok; atuk o yrmmt chim iskitini fehna hatuk okma, himakma nana yakohmi, micha nana yakohmi aiena ka chima la hi atok.

9. Yohmi ka katiohmi h̄o Chihowa i nan vlhpisa ya ish shitilema cha, itikba ya nana ik achukmo ish yvmihchi tuk oh cho? Hittait hatak Uliah ya b̄shpo falaia isht ish bishke, micha Ammon in chipota i b̄shpo falaia ȳo isht ish bi cha, tekchi yatuk a chi tekchi ya ch̄i h̄o ish ishi tuk oke.

10. Yohmi hoka himak a b̄shpo falaia vt chin chuka ya i filv̄mma he keyu; is sa shitilema cha, Hittait hatak Uliah tekchi yatuk a chi tekchi ya ch̄i h̄o ish ishi hokvt.

11. Chihowa vt yak achishke, Yakeh! chin chuka achv̄fa yash ak inli nana ik achukmo ka, ch̄i sanalichit hilechi la ch̄i hoke; micha chi tikba fehna chi tekchi vhleha h̄a chim ai ishi lish, ish ai itilau i ȳo ima likma, hv̄shi ilvppa itikba ya chi tekchi vhleha h̄a iba tv̄shka hi oke.

12. Luma hosh ish yvmihchi tuk oka, amba vno vto nana

iluppa Israel moma itikba, micha hvshi itikba ya a yumihi la hi oke, im achi tok.

13. Mihma Lewi vt Nahlan a, Chihowa ya i sai yoshubushke, im achi tok. Mihma Nahlan vt Lewi ya, Chihowa ak kia nan ish ashvchi ya ishit chi kanchishke; chilla he keyu, im achi tok.

14. Yohmi kia iluppa yakohmit, Chihowa im i sanali vhleha hv nana isht a mihvt kalakshicha hi a ish takalichi hoka, vlla chim vtta tuk ash kia illi pulla chi hoke, im achi tok.

15. Mihma Nahlan vt in chuka ia tok. Mihma Chihowa vt vlla yash Uliah tekchi atuk vt Lewi ya im eshi tok a isso na abeka fehna tok.

16. Yvmohmi hatuk o Lewi vt vlla ya Chitokaka isht im asilhha tok: micha Lewi vt ik impo hosh ont chukowvt aka itoyula na ninak vt ont onna tok.

17. Mihma in chuka achvfa im asvnonchi vhleha hv aka itoyula ka tanicha chi hosh im ona tok: yohmi kia yohma he keyu, micha pvska yak kia ibai vpa he keyu tok.

18. Atuk o yakohmi tok, nitak ont isht untuklo ma vlla ash osh illi tok. Mihma Lewi in tishu vhleha hv vlla vt illi ka im anoli kv nukwia tok: Yakeh! vlla vt okchaya moma ka il im anumpuli ma, pi haponakla he keyu tuk vt, vlla vt illi ka il im anoli kak heno il ilbvshali fehna chi hoke, achi tok.

19. Yohmi kia in tishu vhleha hv lumvt it im anumpuli ka Lewi vt pisa mv, vlla vt illi ka Lewi vt akostininchi tok: atuk osh Lewi vt in tishu vhleha ha, Vlla ash osh illi cho? im achi tok. Mihma, Illishke, okla achi tok.

20. Yohmi ma Lewi vt aka itoyula tuk vt wakaya cha, okami mv, nan il ahvmit, nafohka inla ishit fohka cha, Chihowa im aboha ont chukowa cha, aiokprchi tok: yohmi mv ilap in chuka yak inli ant chukowa tok: micha hoyo ma, pvska ya itikba in talali ma, impa tok.

21. Yohmi ma in tishu vhleha hash osh, Nana iluppa nanta mak o ish yumihi cho? okchaya moma kano chik impot vlla ya isht ish yahaya kash osh, amba vlla vt illi ma, ish wakaya cha, ish imprshke, okla im achi tok.

22. Mihma, Ulla ash osh okchaya moma kano ak impo hosh yahaya li tuk: Chitokaka vt a nukhaklo yoba na vlla vt okchaya hi a, keta hosh ithana hinla cho? achi li hatuk okvt,

23. Yohmi tuk kia himak ano illi ka nanta katiohmi ho ak impo ka hinla cho? anonti falumminchit isht vla la hinla cho? vno ak osh im ona la chi, amba yemma okto vm vla he keyu hoke, achi tok.

24. Mihma Lewi vt tekchi Balh-sheba ya hopohvli tok; micha iba chukowa cha, iba trshki tok: mihma vlla nakni yo eshi ma, Solomon hochifo tok: mihma Chihowa vt i hullo tok.

25. Micha Nahlan hopaii ya tohnot pila tok; micha Chihowa ak atuk pulla kak o Chetitiah hochifo tok.

26. Mihma Choab vt Ammon in chipota Labbah ya itibi cha, miko in temaha holihta ya ishi tok.

27. Mihma Choab vt Lewi ya ankmpa shali vhleha ha i pila cha, Labbah ya itibi lish, temaha holihta oka ya im ishi lishke.

28. Yvmohmi hoka okla asha tuk a hoyot itvnahli cha, temaha holihta ya ant in tanampit binanchit ish ishashke; keyukma temaha holihta ya vno ak osh ishi likma, si a hochifocha hinla hoke, achi tok.

29. Mihma Lewi vt okla moma ka hoyot itvnahli cha, Labbah ya ona tok: micha itibi cha, ishi tok.

30. Micha i miko im iachuka noshkobo iachukoli tuk a ishi tok; (mihma weki ket teli holisso lakna talent achvafakma, teli holitopa puta ket ontela tok:) micha Lewi noshkobo ha on talaia tok. Mihmet temaha holihta ya nawehpoa laua fehna ho ishit koheha tok.

31. Micha okla yemma aiasha tuk a ishit koheha met, iti ishit bvsha, micha iti teli noti halupa, micha teli iskifa nutaka ashachi met, lukfi nuna atoba aiena ka hlopullichi tok: yakohmichi hosh Ammon in chipota vhleha in temaha holihta moma ka yemihchi tok. Yohmi met Lewi, micha okla moma ket falamet Chelusalem a ona tok.

CHAPTER XIII.

ATUK o ilvppa i himmakma yakohmi tok, Lewi ushi Absalom vt in tek vt pisa aiokli hosh im anta cha, yvmma hohehifo kvT Tama atok: mihma Lewi ushi Amnon vt anushkunna tok.

2. Micha Amnon vt in tek Tama ya anushkunna fehna kak osh il abekvchi tok; ohoyo himita hatak ik halelo hatuk oka: micha Amnon vt nana i kaniohmichi ka nana i kvlla hinla ahni tok.

3. Yohmi kia Amnon vt i kana anta hosh Lewi itibapishi Shimeah a ushi yosh, yvmmvt hohehifo kvT Chonatab atok: micha Chonatab vt hatak nan i kostini fehna atok.

4. Micha yvmmak ash osh, Nanta katiohmi ho miko ushi chia hokak osh, onna hosh onnakma chunnvt isht ish ia cho? is srm anola he keyu cho? im achi tok. Mihma Amnon vt, Itibapishi li Absalom in tek Tama yak o anushkunna li hoke, im achi tok.

5. Mihma Chonatab vt, Chin topa ha ish onvtonla cha, ish il abekvchashke; atuk o chiki vt chi pisvt vlakma, Chim asilhha lishke, an tek Tama vt ik la cha, ilhpak ik sa petá, micha sa tikba ilhpak a ant ik atahli na pisa lish, ibbak a ai ishi lish, vpa lashke, ish im achashke, im achi tok.

6. Yohmi ma Amnon vt itoyula cha, il abekvchi tok; atuk o miko vt pisvt vla ma, Amnon vt miko ya, Chim asilhha lishke, an tek Tama vt ik la cha, pvska lumbo tuklo ka, pisa li ho, vm ikbi na ibbak a ai ishi lish, vpa lashke, im achi tok.

7. Yohmi ma Lewi vt chuka ya Tama ya pit hoyo cha, Chi nakfi Amnon in chuka ia cha, ilhpak a ish im atahlashke, im achi tok.

8. Yohmi ma Tama vt i nakfi Amnon in chuka ya ona tok; mihma itonla tok. Mihma yvmmvska ishi cha, yvmslit, pisa ho, lumbochi cha, lumbo ash nunachi tok.

9. Mihma ampo mahaia ai vlvvsha ya ishi cha, itikba ya tosholi tok: yohmi kia vpa ik bvno tok. Mihma Amnon

vt, Hatak moma ka a falmmichit kocha ho wehli, achi tok. Mihma hatak puta kv̄t issvt kocha wiha tok.

10. Mihma Amnon vt Tama ya, Ilhpak a aboha a nusi yak o isht ish la na chibbak a ai ishi lish, vpa lashke, im achi tok. Mihma Tama vt pr̄ska lumbo ikbi tuk vt aboha anusi i nakfi Amnon a isht im ona tok.

11. Atuk osh vpa ch̄i h̄o ishit chukowa cha, im vla ma, halvlli mvt, Minti ch̄á, is sva tvshkashke, an tek ma! im achi tok.

12. Mihma afalamichit, Ahá a nakfi ma! is sa hoklit is si ai issa ná: Israel a nana chohmi kv̄t a yrmohma he vlpesa keyu hoka: nana ik achukmo ilvppa ish yrmohmi ná.

13. Mikma vno vto nan ishit sa hofahya ya katima pit kanchi la hinla cho? mikma chishno yoketo Israel a im anukfla iksho ak inli ish chohma ch̄i hoke. Yrmohmi hoka himak a m̄iko yak o im anumpuli; vno ya chim i hulla he keyu hoka, im achi tok.

14. Yohmi kia im anumpa h̄a hakla he keyu tok; amba kv̄llo kv̄t i shahli hatuk osh hoklit ai issa cha, iba tvshki tok.

15. Yohmi mvt Amnon vt i nukkilli kv̄t atampa tok; yohmi hosh nukkilli isht i nukkilli kv̄t anushkunna isht anushkunna kash i shahli fehna tok. Mihma Amnon vt, Wakaya cha, iá, im achi tok.

16. Mihma, Nana kaniohmi keyu: kanima pit is sa chvf-fichi ilvppak osh ik achukmo kv̄t, inla nana is si yvmih-chi kash kia i shahlishke, im achi tok. Yohmi kia i hapo-nakla he keyu tok.

17. Yohmi ma in tishu nana isht im vta beka tuk a hoyo cha, Ohoyo ilvppa a falvmminchit kohchi cha, okhissa isht vllkma iakaiyachit ashennichí, im achi tok.

18. Mihma i nafohka vt pisa ilaiyukali ȳo fohka tok: m̄iko ushetik hatak haleli keyu kv̄t nafohka yohmi kak o vlbaha chatuk oka. Yohmi ma in tishu hvt kohchi cha, okhissa isht vllkma ya iakaiyachit ashennichi tok.

19. Mihma Tama vt hituk chubbi ya noshkobo h̄a o asha-chi cha, i nafohka pisa ilaiyukali fohka tuk vt hlilvffi mvt, ibbak a noshkobo onochi cha, yahayvt ia tok.

20. Mihma i nakfi Absalom vt, Chi nakfi Amnon vt chibai anta tuk o? yohmi kia nana ish achi ná, an tek ma! chi nakfi yoke; nana ilvppa yohmi ish ahni ná, im achi tok. Yohmi ma Tama vt vlhtakla hosh i nakfi Absalom in chuka ahanta tok.

21. Yohmi kia miko, Lewi vt nana ilvppa puta ka haklo mvt, nukhobela kvv libbi fehna tok.

22. Mihma Absalom vt itibapishi Amnon a achukma hokmá, ik achukmo hokmá, nana kia ik im anumpulo tok: in tek Tama ya hoklit ai issa tuk ak o i nukkilli hatuk okvt.

23. Atuk o i himmak afvmmi tuklo vlhpiesa ma yakohmi tok, Absalom vt Baal-haso yummvt Eflaim bilika ya chukfi hishi vmo hosh im asha tok: micha Absalom vt miko ushi vhleha moma ka im anoli tok.

24. Michá Absalom vt miko ya im vla cha, Yakeh! chin tishu hvv chukfi hishi vmo hosh im ashvshke: miko, micha in tishu vhleha aiena kvv chin tishu hvv apehvt iashke, chim asilhha lishke, achi tok.

25. Mihma miko vt Absalom a, Ahv! svso ma! himak a momvt kil aiyo kashke, yohmi cha nana e chi tahli ná, im achi tok. Mihma im achunanchi tok; yohmi kia ia he keyu hosh, amba anumpa yukupali onochi tok.

26. Yohmi ma Absalom vt, Yohma he keyukma, itibapishi li Amnon vt pi awant iashke, chim asilhha lishke, achi tok. Mihma miko vt, Nanta katiahmi hvv yummak osh chi awant ia hinla hvv? im achi tok.

27. Yohmi kia Absalom vt im achunanchi na Amnon, micha miko ushi vhleha moma ka ik iá, ahni tok.

28. Mihma Absalom vt in tishu vhleha hvv, yakohmi hvsh ahni cha, Amnon chukvsh vt oka paki isht im achukmvt tahakma, Amnon a oh vbí, hvchim achi likma; yohmikma hvsh bashke; hvchi nukshopa ná, hvchim apesa li tuk keyu cho? nukwia ikshot amosholit hvsh chilitashke, im achi tok.

29. Mihma Absalom in tishu vhleha hvv, Absalom vt im apesa tuk mak o Amnon a yvmihchi tok. Mihma miko ushi vhleha moma kvv wakaya cha, im issuba haksobish falaia aiyukali oiyvt om binili cha, yihlepa tok.

30. Atuk o yakohmi tok, hina takla aya moma ho annoa ket Lewi ya im vla cha, Absalom vt miko ushi vhleha moma ka vbit tahli na achrfa kia ik hlakofoshke, achi tok.

31. Mihma miko vt wakaya cha, i nafohka ya hlileffi mvt, aka itoyula tok: mihma in tishu vhleha moma ket i nafohka hlilafa yosh afolublit hieli tok.

32. Mihma Lewi itibapishi Shimeah a ushi Chonatab vt afalamichit, A shahli hut miko ushi hatak himithoa moma ka vbit tahli ka ik im ahobo kashke; Amnon ak illa hosh illi hoka: Absalom ak osh apesa ho, in tek Tama ya hoklit ai issa tok, yummak atuk nitak takla ka ilvppet yrmohma he aiahni tok oka, achi tok.

33. Yrmohmi hoka himak a a shahli miko vt miko ushi vhleha hut illit taha ka ahnit, chukvsh anukfoyukvt isht ik ilbrsho kashke: Amnon ak illa hosh illi hoka.

34. Amba Absalom vto malelit knia tok. Mihma hatak himita nan atoni vt akachakalit hopokoyo ma, yakeh! okla laua hosh nvni abaksacheke hina im ashaka ya minti tok.

35. Mihma Chonatab vt miko ya, Yakeh! miko ushi vhleha hut vlvshke: chin tishu achi tuk mak o, yrmohmishke, im achi tok.

36. Atuk o yakohmi tok, anumpuli ket ont tahli mak inli ho yakeh! miko ushi vhleha hut vla mvt, chitoli hosh yaiya tok: mihma miko ak kia, micha in tishu vhleha moma aiena ket yaiya fehna tok.

37. Amba Absalom vt malelit, Ammihut Keshu i miko ushi Talmai yak o im ona tok. Mihma Lewi vt nitak moma ka ushi ya ishit yahaya tok.

38. Yohmi ma Absalom vt malelit, Keshu ya ona cha, ahanta na afemmi tuchina tok.

39. Mihma miko Lewi vt ushi Absalom a i palata fehna tok: Amnon vt illi tuk ano hopohlet taha hokvt.

CHAPTA XIV.

YOHMI ma miko chukvsh vt Absalom ak o pit takali fehna ka Seluah ushi Choab vt akostinichi tok.

2. Mihma Choab vt Tekoa ya pit hoyot, ohoyo kostini ho ai isht vla cha, Tvbashi ish ilahobi cha, tvbashi i nafohka isht ish fohka cha, bila isht chik il ahamo hosh, amba illi tok ishit yahaya tok hopaki yo, ish chohmashke;

3. Micha miko ya im vlt, ilvppa chohmi kak o ish im anumpulashke, im achi tok. Yohmi hosh Choab vt itih ha anumpa i fohki tok.

4. Mihma Tekoa ohoyo hash osh miko ya im anumpuli mvt, nashuka ya aka pit isht hlipia cha, aiokprchi mvt, Apelá, miko ma! achi tok.

5. Mihma miko vt, Nanta chi katiohmi cho? im achi tok. Mihma afalamichi mvt, A hatak vt illi tuk o, ohoyo vlhtakla nukhaklo sia hoke.

6. Micha chin tishu ohoyo hvt ushi vt tuklo hosh im ashwa tok; atuk osh tuklo yummvt osapa ashwa tuk osh itafena tok; yohmi ma it i filummicha hi vt iksho hatuk o, achvfa kvt achvfa ya isso cha, vbi tok.

7. Mihma yakeh! chuka ai achvfa kvt moma hosh wakyet chin tishu ohoyo ha i sanali cha, Itibapishi vbi tuk a ish pimakma, itibapishi im ilhfiopak ishi tuk a atobbichit e bashke; micha ai isha he vlhpesa yash kia e bashke, achishke: yohmi hosh an tobaksi achvfa hosh itonla tuk a mosholichi cha, a hatak a hohchifo, micha im isht atiaka aiena ka yakni paknaka ya ik apoancho ka chishke, achi tok.

8. Mihma miko vt ohoyo hash, Chin chuka ish iashke, mikma chishno pulla ka nana apesa lashke, im achi tok.

9. Mihma Tekoa ohoyo hash osh miko ya, A shahli, miko ma! nan ashvchi kvt vno, micha aki in chuka achvfa yak o onvtoyulashke: mikma miko, micha im ai om binili holi-tompa yvto ik ahalaio kashke, im achi tok.

10. Mihma miko vt, Kena hosh nana chim achikma, vno ak o isht is svm vlashke, mikma himakma chi potola he keyu hoke, achi tok.

11. Yohmi ma, Chim asilhha lishke, miko vt chin Chitokaka Chihowa ya ish ithaiyana cha, issish it ai illichi vhleha ha himakma vbashke, chik im ai ahno kashke; keyukma suso ha vba hinla hoke, achi tok. Mihma, Chihowa vt

okchaya pulla ka chiso pashi achufa ket aka itula chi keyu hoke, achi tok.

12. Yohmi ma ohoyo hash osh, Chin tishu ohoyo hut anumpa achufa ho a shahli miko ya ak im anumpuli, chim asilhha lishke, achi tok. Mihma, Anumpuli, achi tok.

13. Mihma ohoyo hash osh, Yohmi hokak osh nanta katiohmi ho yemihehit Chitokaka im okla ha ish anukfilli cho? miko vt nana ilappa anumpuli ket achufa hosh ik ai ahlo yo chohmishke: miko vt i kenia ya anonti in chuka ya isht ik lo hokvt.

14. Pilli pulla chi hoka, micha oka yosh aka hlatapa na falvminchit aiowa he keyu kak inli ho e chohmi hoke; micha Chitokaka vt hatak a yohmi hoka ahni keyu hoke: yohmi kia i kenia ya ik chefficho ka chi ka nana apesa hoke.

15. Yemohmi hoka himak a okla hut sa nukshobli kak o, vla lish, nana ilappa a shahli miko ya isht im anumpuli lishke: micha chin tishu ohoyo hut, Himak a miko ya im anumpuli lashke: in tishu ohoyo hut nana asilhha ka miko vt yemiheha hinla yoba ka,

16. Miko vt haklokmet, in tishu ohoyo vno, micha suso itatuklo li ka Chitokaka i yakni ya kohchit pi a mosholicha hinla hatak ibbak a sa hlakoficha hinla hoka, achi tuk oke.

17. Yohmi met chin tishu ohoyo hut, A shahli miko im anumpa hut achukma chi hoke: Chitokaka im enchel chohmit a shahli miko vt nana achukma, micha nana ik achukmo akostininchi hokvt: yemohmi hoka chin Chitokaka Chihowa vt chiba foyuka chi hoke, achi tuk oke, achi tok.

18. Yemohmi ma miko vt afalamichit ohoyo hash o, Nana chim asilhha la chi ka is san luhmi na, chim asilhha lishke, im achi tok. Mihma ohoyo hash osh, A shahli miko vt himak a ik anumpuli, achi tok.

19. Mihma miko vt, Nana ilappa moma Choab ibbak vt chiba foyuka keyu cho? achi tok. Mihma ohoyo hash osh afalamichit, A shahli miko ma! chimi shilombish vt okchaya pulla ka nana achufa kia a shahli miko vt anumpuli ka i filvmmitt isht impakimma pit fullota, keyukmet vlfvfbek imma pit fullota he keyushke: chin tishu Choab yemmak

osh anumpa ilvppa puta ka chin tishu ohoyo itih hā fohkit a miha tuk oke.

20. Anumpa ilvppa chohmi kv̄t a yvmohma chī ka chin tishu Choab vt nana ilvppa yvmihchi tuk oke: micha a shahli hv̄t nan imponnvshke, Chitokaka im enchel nan ithana kak inli hō chiyuhmit, nana moma yakni aiasha ka ithanvshke, achi tok.

21. Mihma mīko vt Choab a, Yakeh! nana ilvppa yvmihchi lishke: yvmohmi hoka ia cha, hatak himita Absalom a anonti ont isht vlā, im achi tok.

22. Mihma Choab vt nashuka yā aka ishit hlipia cha, mīko yā aiokpv̄chit, yak oke im ai ahni tok: micha Choab vt, Himak nitak a chin tishu hv̄t chim isht ī kana chi tikba yā ahayuchi li kv̄t ithana lishke, a shahli, mīko ma! in tishu hv̄t nana asilhha tuk a mīko vt ahlichī hoka, achi tok.

23. Yohmi mvt Choab vt wakayvt ia mvt, Keshu yā ona cha, Absalom a Chelusalem isht vla tok.

24. Mihma mīko vt, Fullotvt ilap in chuka ak inli hō ik onā, micha sa nashuka yā ik peso kashke, achi tok. Yohmi hō Absalom vt falamvt ilap in chuka ak inli hō ona cha, mīko nashuka yā ik peso ki tok.

25. Yohmi kia Israel moma ka pisa aiokli na ahninchit isht anumpuli kv̄t, Absalom a chohmiechi kv̄t iksho tok: iyi pv̄tha vttvt iv̄t noshkobo tv̄bokaka ont v̄hli kv̄t, nana ik ai ono kv̄t iksho ki tok.

26. Michā pāshi yā vmokmvt, (afv̄m̄mi ont taha putakma vmo beka tok, pāshi vt weki fehna hatuk o vmo beka tok oket;) wekichikma, mīko isht im aweki yā shekel tahlepa tuklo beka tok.

27. Mihma Absalom a ushi vt tuchina, micha ushetik vt achufa hosh im āsha cha, yv̄mma hohehifo kv̄t Tama atok: ohoyo pisa aiokli hatok.

28. Yohmi ma Absalom vt afv̄m̄mi tuklo v̄hlpiesa hō Chelusalem a ahanta kv̄t, mīko nashuka yā ik peso ki tok.

29. Yvmohmi hō Absalom vt Choab a mīko yash ī pila benna hosh pit hoyo tok; yohmi kia im ona he keyu tok: atuk osh atukla ma anonti pit hoyo kia, ik im ono tok.

30. Yohmi hō in tishu vhleha hā, Yakeh! Choab im osapa vt vmmi hā bilikeshke, micha bali vt yumma im ashvshke; oh ia cha, luak hvsh atekilashke, im achi tok. Mihma Absalom in tishu vhleha hvt luak atekili tok.

31. Yohmi ma Choab vt wakaya mvt, Absalom in ehuka anta tuk o im vla cha, Nanta katiohmi hō chin tishu vhleha hvt v̄m osapa yā luak atekili tuk oh cho? im achi tok.

32. Mihma Absalom vt afalamichit Choab ā, Yakeh! pit chi hoyo lish, Ilvppa ish la na miko aiasha ka pit chī pila li, Nanta katiohmi hō Keshu yā issvt ilvppa vla li tuk oh cho? yummak inli anta li moma tuk ok mvtto, v̄m achukma hetuk: yohmi hoka himak ā miko nashuka yā pisa lashke: yohmi cha nan ashvchi vt si atakali hokma, ik srbī, ish acha chī hō chim achi la chī hatuk oka, achi tuk.

33. Yvmohmi hō Choab vt miko yā im ona cha, im anoli tok: mihma Absalom ā i howa ma, miko yā im vla cha, miko itikba yā nashuka yā aka pit isht im akachunoli tok: mihma miko vt Absalom ā i suksowa tok.

CHAPTA XV.

ATUK o ilvppa i himmakma yakohmi tok, Absalom vt tenvp itichanvlli puta, micha issuba puta, micha hatak pokoli tahlapi hosh itikba a tihlahaya hi ā il atahli tok.

2. Micha Absalom vt onnahnli fehna wakaya cha, holihta okhissa hina bilika hikia beka tok: atuk o hatak nana kia nan it i kanihmi na miko vt nana im apesa chī hō v̄lakma, Absalom vt pit i howa cha, Tvmaha holihta nanta chia hō? achikma, Chin tishu hvt Israel apelhichi achvfa ka sia hoke, achi beka tok.

3. Mihma Absalom vt, Yakeh! chishno ak osh nana kv̄t achukma, micha v̄lvpesa hoke; yohmi kia miko vt hatak nana hō ik atokolo hatuk o, isht v̄tta hi vt iksho hoke, im achi beka tok.

4. Micha Absalom vt, Yakni yā nanapesa tobt ahanta likbano; yohmi na hatak nana kia nana it i kanihmi, ke-

yukmvt nana im a kaniohmi kv̄t vno ak ̄ vm vla na ai vlh-
piesa kak ̄ i yvmihchi lashke, achi tok.

5. Atuk osh yakohmi beka tok, hatak nana kia im aka-
chunola chi hosh bilika vlakma, ibbak a pit welit, halvlli
cha, i suksowa beka tok.

6. Micha ilvppa puta kak ̄ Israel moma kv̄t nana im
vlhpisa bnnvt miko ya im onakma, Absalom vt i yvmihchi
beke tok: yohmi hosh Absalom vt Israel hatak vhleha chu-
kvsh a ishi tok.

7. Atuk ̄ i himmak afvmmi pokoli ushta ma yakohmi
tok, Absalom vt miko ya, Chim asilhha lishke, ak ia cha,
anumpa il onochi Chihowa ya im il onochi li tok vt, Heblon
a ont ai ahlichhi lashke,

8. Chin tishu hv̄t Silia yakni Keshu ya ahanta li moma
mvt, anumpa il onochi il onochit, Chihowa vt anonti Che-
lusalem a vsst ona mvhlikma, yohmikma Chihowa ya im
antia lashke, achi li tok, im achi tok.

9. Mihma miko vt, Achukmakvt ish ayashke, im achi
tok. Yohmi ho wakaya cha, Heblon a ona tok.

10. Yohmi tuk kia Absalom vt Israel apelhlichhi moma ka
ibatakla vhleha ha pilt hlopullichit, Ishit pufa vt ohonla
na hvsh haklo makinli hosh, Absalom vt Heblon a a mikosh-
ke, hvsh achashke, ahanchi tok.

11. Mihma hatak tahlepa tuklo hosh im annoa tuk vt,
Chelusalem a a kohchvt Absalom a apihvt ia tok; micha
nana ik achukmo ik ahno hosh ia cha, nana ka mominchit
ik ithano tok.

12. Mihma Absalom vt Kilonait hatak Ahihlofel Lewi
ya nana i miha yosh in tumaha holihta Kiloh ya anta tuk ̄,
nan vbit isht aiokpvchi im issa hosh anta hosh, pit hoyo
tok. Micha anumpa luma it im apesa ash osh kv̄llo tok;
Absalom a okla ibafohka kv̄t isht i shahlit mahaya hatuk
oka.

13. Mihma anumpa shali vt Lewi ya im vla cha, Israel
hatak vhleha chukvsh vt Absalom ak ̄ iakaiyvshke, achi
tok.

14. Mihma Lewi vt in tishu vhleha moma apelv̄t Chelu-

salem a asha tuk a, Hvsh wakaya na e yihlepashke; keyuk-mvt Absalom a il i hlakofa he keyu hokvt: tushpvt hvsh iashke, yakosi itin takla kia ant pi sakkit, nan ik achukmo ka pi onochi cha, tumaha holihta ya brshpo falaia halupa isht issot kanchi ná, im achi tok.

15. Mihma miko in tishu vhleha hvt miko ya, Yakeh! chin tishu vhleha hvt a shahli miko vt nana ho apesakma, e yumiheha chi ket pim vlhtahvshke, im achi tok.

16. Mihma miko vt kohehvt ia ma, in chuka achvfa moma ket iakaiya tok. Mihma miko vt ohoyo pokoli im itaiena vhleha hatuk o, chuka apistikela chi ka ashachi cha, ia tok.

17. Mihmvt miko vt kohehvt ia ma, okla moma ket iakaiya mvt, hopaki ho ona cha, aiasha tok.

18. Mihma in tishu vhleha hvt tahlalaká ichapvt aya tok; mihma Chelehlait moma, micha Pelehlait moma, micha Kittait moma, hatak tahlepa hannali hosh Kalh ashvt iakaiyvt ia tuk vt miko ya tikba aya tok.

19. Yohmi ma miko vt Kittait hatak Ittai ya, Nanta katiohmi ho chishno ak kia pi awant ish ia cho? falamvt ish ai vta ya ish ona cha, miko ya takla ish antashke: okla inla chia, micha i yakni vta chia keyu hokvt.

20. Pilashash vla tuk ish chohmi ket, pi apehvt himak nita**ak** a ish aya na ishit chi fullolihinchí la hinla cho? kanima yo ia la hinlakmvt, ia li hoka; ish falama cha, chitibapishi vhleha ha isht ish iashke: isht i nukhaklo, micha ai ahli vt chiba foyukashke, im achi tok.

21. Mihma Ittai vt miko ya afalamichit, Chihowa vt okchaya pulla ka, micha a shahli miko vt okchaya pulla ka, kanima fehna ho a shahli miko vt ahantakma, okchaya hokma, illi hokma, nanakma, yummak inli fehna chin tishu ak kia ahanta chi hoke, achi tok.

22. Mihma Lewi vt Ittai ya, Ivt ish vbanvblashke, im achi tok. Mihma Kittait hatak Ittai, micha in tvshka vhleha, micha chipunta moma apehvt aya tuk vt momvt vbanvblit ont ia tok.

23. Mihma yakni moma ket chitoli hosh yaiya tok; mihma okla moma ket vbanvblit ont ia tok; miko ak kia boku-

shi Kitlon a vbanublit ia ma, okla moma kut vbanublit yakni haiaka hina yo ia tok.

24. Mihma yakeh! Satok ak kia, micha Lefait puta kut apeha hosh Chitokaka nan it im apesa itombi holitopa ya shoyulit aya tok: atuk osh Chitokaka im itombi holitopa ya aka talali tok; mihma Abiahla vt oiyvt mahaya na, okla moma kut tmaha holihta ya kohevvt taiyaha ma, hikia tok.

25. Mihma miko vt Satok a, Chitokaka im itombi holitopa ya fakmminchit tmaha holihta ya isht ish onashke: Chihowa i holhponayo itikba ya isht i kana ai ahayuchi likma, anonti vsst on cha, yemma micha ai ahanta aiena ka supisacha hi oke.

26. Amba, Chi ahninchli li keyu, achi hokma; yakeh! yak hikia lishke, kaniohmi kak o vhpesa ahnikmvt, si yemihchashke, im achi tok.

27. Micha miko vt naholitompa isht vtta Satok a, Napisa chia keyu cho? tmaha holihta ya falamvt chiso tuklo, chiso Ahimaas, micha Abiahla ushi Chonahlan hvsh aiena kut hvchi achukmakvt hvsh onashke.

28. Yakeh! yakni haiaka yakni patali ak o anta li tuk o, nana vm anoli kut chim anumpa hv vm vlashke, im achi tok.

29. Yrmohmi ho Satok, micha Abiahla vt Chitokaka im itombi holitopa ya anonti Chelusalem a isht ona tok: micha yummak o ashwa tok.

30. Micha Lewi vt Alifet nvnih ha ai oiyvt ia yak o ia mvt, noshkobo hv ompoholmo cha, iyi bicka hosh yahayvt ia tok: mihma okla moma apelvvt aya tuk vt noshkobo ha ompohomo bieka cha, oiyvt ia mvt, yahaya hosh oia tok.

31. Mihma achvfa kut Lewi ya im anolit, Ahihlofel vt anumpa luma it im apesa vhleha ha ibatakvt Absalom a iba fohkvshke, achi tok. Mihma Lewi vt, Chihowa ma! Ahihlofel im anumpa ha chik ahobalo kashke, chim asilhha lishke, achi tok.

32. Atuk o yakohmi tok, Lewi vt nvnih paknaka yemma ona cha, Chitokaka ya ai aiokpvchi ma, yakeh! Hushai Achait hatak vt nafohka vt i hlilafa, micha lukfi pushi vt noshkobo ha on asha hosh vla tok.

33. Yemma Lewi vt, Si awant ish ayakmvt, is si atak-lumma chī hoke.

34. Amba falamvt tvmaha holihta ya ish ona cha, Absalom a, Chin tishu sia hachī hoke, miko ma! chashpo ka chiki in tishu sia hatuk okvt, chishno ak kia himak a chin tishu sia hachī hoke, ish achikmvt, yohmikmvt Ahihlofel im anumpa ha is sa kobuffa hinlashke.

35. Micha Satok, micha Abiahla naholitompa isht ashwa vt yemma chibafohka keyu cho? yohmi hoka yakohma hi oke, nana hoh kia miko in chuka ya ish a haiyaklokmt. Satok, micha Abiahla, naholitompa isht ashwa yak o ish im anolashke.

36. Yakeh! ushi tuklo kvt yemma im ashwa hoke, Satok ushi Ahimaas, micha Abiahla ushi Chonahlan, yummak o tohnot nana ka ish haklo moma et hrs sam pila chī hoke, im achi tok.

37. Yohmi ho Hushai Lewi i kana vt tvmaha holihta ya ant chukowa ma, Absalom vt Chelusalem a ant chukowa tok.

CHAPTA XVI.

ATUK o Lewi vt nnih pakuaka ya ont ia chohmi ma, yakeh! Mefiboshelh in tishu Siba vt issuba haksobish falaia tuklo hosh umpotvrlhpo yo pska lumbo tahlepa tuklo, paki shila champuli lokussa tahlepa achvfa, micha toffa nan vni tahlepa achvfa, micha oka paki kotoba achvfa aiena hosh vbanaiya ho ishi cha, ont afama tok.

2. Mihma miko vt Siba ya, Ilvppa nanta isht ish ahni cho? im achi tok. Mihma Siba vt, Issuba haksobish falaia ano miko in chuka achvfa yak osh om binila chī hoke; mikma pska, micha toffa nan vni ano hatak himithoa vt vpa chī hoke; mikma oka paki ano yakni haiaka ayvt hoyvbli kvt ishka chī hoke, achi tok.

3. Mihma miko vt, Chī shahli ushi mvto? achi tok. Mihma Siba vt miko ya, Yakeh! Chelusalem ak o antvshke: Himak nitak a Israel in chuka achvfa vt aki im apehlichika ya a falvmmineha chī hoke, achi hatuk okvt, achi tok.

4. Yohmi ma miko vt Siba ya, Yakeh! Mefiboshelh immi hatuk moma kv̄t chimmi hoke, im achi tok. Mihma Siba vt, Chukvsh akanlosi hosh ch̄i holhponayo itikba isht ish i kana chi ai ahayuchi likbano, ahnit chim asilhha lishke, a shahli, miko ma! achi tok.

5. Atuk o miko Lewi vt Bahulim a ona ma, yakeh! yv̄mma Sal in chuka achvfa ai achvfa vt a kohcha hosh, hatak yv̄mma hohchifo kv̄t Shimei yosh Kela ushi vt minti mv̄t, anumpa kalakshichi onohonchi hosh kohchvt minti tok.

6. Mihma Lewi ya, micha miko Lewi in tishu vhleha moma ka tv̄li ishit boli tok: mihma okla moma, micha hatak hlampko chilita moma kv̄t im ishtimpak imma, micha v̄lhfv̄bek imma aiena ka aya tok.

7. Mihma Shimei vt anumpa kalakshichi onochi kv̄t yak achit, Kohchá, kohchá, issish hatak chia, micha Belial hatak chia ma!

8. Sal in chuka achvfa yv̄mmak o v̄lhtobvt ish miko hoka, Chihowa vt im issish moma ka falamminchit chi onochishke; micha Chihowa vt ish apehlichika ya chiso Absalom ak o ibbak fohkishke: micha yakeh! nana okpvnit isht ish anta moma h̄o chishishke, issish hatak chia hoka, achi tok.

9. Yohmi ma Seluiah ushi Abishai vt miko ya, Nanta katiohmi h̄o ofi illi ilv̄ppvt a shahli miko ya anumpa kalakshichi onocha hinla cho? ak v̄banv̄bli cha, noshkobo h̄a ont ak tv̄bli, achi tok.

10. Mihma miko vt, Nanta ishit hv̄chi ahalaia li cho? Seluiah ushi vhleha hv̄chia ma! yohmit anumpa kalakshichi ik onochí, Chihowa ak osh Lewi ya anumpa kalakshichi ik onochí, im achi hatuk oka. Yohmi ka kv̄ta hosh, Nanta katiohmi h̄o ish yvmihchi cho? acha hinla? achi tok.

11. Mihmv̄t Lewi vt Abishai, micha in tishu vhleha moma ka, Yakeh! sv̄so hv̄t sakfohka a kohcha tuk vt v̄m ilhfv̄opak a hoyoshke: yohmi ka himak a Benchamait ilv̄ppak okak heto yohma he v̄lhpesa keyu? ik ashá, anumpa kalakshichi ik onochí, Chihowa vt im achi tuk oka.

12. Chihowa vt nan ashv̄chi li tuk osh sv̄lv̄v̄sha ka pisa

cha, Chihowa vt himak nitak a anumpa kalakshichit isht si onochi ka achukma hō a falvmincha hinla yoba ká, im achi tok.

13. Atuk o Lewi, micha in tishu vhleha aiena kv̄t ia hosh aya ma, Shimei vt nv̄nih abaksacheke ichapvt aya mvt, kalakshichit anumpohonlit aya mvt, tv̄li ya ishit boli mvt, lukfi pushi ya pila tok.

14. Mihma m̄iko, micha okla moma apehvt aya tuk vt hoyrbli hatuk osh yv̄mmak o ont ai ile fohvchi tok.

15. Mihma Absalom, micha okla moma, Israel hatak vhleha aiena kv̄t Chelusalem a v̄la ma, Ahihlofel vt iba foka tok.

16. Atuk o yakohmi tok, Achait hatak Hushai Lewi i kana vt Absalom a im v̄la mvt, Chitokaka vt m̄iko ya okchalinchashke, Chitokaka vt m̄iko ya okchalinchashke, ahanchi tok.

17. Mihma Absalom vt Hushai ya, Ch̄i kana h̄a ilvppak o isht ish i kana mak oh cho? nanta katiohmi hō ch̄i kana ya awant chik aiyo tuk oh cho? im achi tok.

18. Mihma Hushai vt Absalom a, Ah̄a! amba kv̄na hō Chihowa, micha okla ilvppa, micha Israel hatak vhleha moma kak osh atokolikma, yv̄mmak o immi sia ha ch̄i hoke, micha takla ahanta la ch̄i hoke.

19. Mich̄a anonti kv̄ta hak o im antia la hinla cho? ushi itikba ahantvt im antia la he v̄lhpesa keyu cho? ch̄iki itikba ahantvt im antia li chatuk vt, yohmi hosh chi tikba ahanta la ch̄i hoke, im achi tok.

20. Mihma Absalom vt Ahihlofel a, Nana e kaniohma ch̄i ka hv̄chishno ak osh anumpa hv̄sh it im apesashke, im achi tok.

21. Mihma Ahihlofel vt Absalom a, Ch̄iki im itaiena vhleha chuka apistikela ch̄i hō ashachi cha ia tuk o, ish iba chukowashke; mikma Israel vhleha moma kv̄t, ch̄iki vt ch̄i yuwala ka hakla hi oke; yohmikma chi apehvt asha kv̄t momvt ibbak vt kv̄lla hi oke, im achi tok.

22. Mihma Absalom a aboha paknaka v̄lhtipo okla in takalich̄i tok; mihma Israel moma kv̄t p̄isa hō, Absalom vt īki im itaiena vhleha h̄a iba chukowa tok.

23. Mihma Ahihlofel im anumpa anumpohonli kvt, nitak ymma foka ka hatak osh Chitokaka i ponaklo tuk ak o chiyuhmi beka tok: yohmi hosh Ahihlofel vt Lewi, micha Absalom ita tuklo ka nana i mihha beka tok.

CHAPTA XVII.

MICHA Ahihlofel vt Absalom a, Himak a hatak tablepa sipokni auah tuklo hō aiowvt ak ishi cha, wakaya lish, himak ninak a Lewi ya iakaiyvt hlioli lashke:

2. Mikmut hoyvblit ibbak vt ik kvllo kisha kak o sakki likmut, nukshobli lashke: mikma okla apehvt aya tuk moma kvt yihlepakma, miko ak bano hō fahamvt kanchi lashke.

3. Micha okla moma ka falumminchit ishit chim vla lashke: hatak ish hoyo kash momvt falamvt vla ka itilauishke: yohmi hō okla moma kvt achukmakvt aiashashke.

4. Mihma nana achi ka Absalom, micha Israel im asvnonchi vhleha moma aiena kvt im vlhpesa fehna tok.

5. Mihma Absalom vt, Himak a Achait hatak Hushai ak kia ho hoyó, nana hō ik achi na yummak kia keho hakló, achi tok.

6. Mihma Hushai vt Absalom a im vla ma, Absalom vt, Ahihlofel vt iluppak o achit anumpulishke: nana achi kak o e ymiheha chi cho? keyukma ish anumpulashke, im achi tok.

7. Mihma Hushai vt Absalom a, Anumpa Ahihlofel vt anumpuli kvt himak okvno achukma keyu hoke, im achi tok.

8. Hushai vt, Chiki, micha in treshka vhleha hvt hatak hlampko chilita vhleha hosh chukvsh okpulot, nita yo kowi ya ushi im a wehpuli na aya kak inli chiyuhmi ka ish ithanvshke: micha chiki hatak tenvp okvt okla ha takla nusa he keyu hoke.

9. Yakeh! himak a hichukbi kanima lumvt fohka hoke, keyukmut inla kanima lumvt anta hoke: atuk o yakohma hi oke, vmona ka kaniohmi kvt akakoha hokma, kana hosh haklokmut, okla Absalom apeha tuk a, Ubit isht abantvshke, acha chi hoke.

10. Mikma hatak chilita nukwia iksho chukvsh vt koi chito itilaui kash kia bilvt knia hi oke : chiki vt hatak chilita, micha apehvt okla aiasha kvt hatak chilita nukwia iksho ka Israel moma kvt ithana hokvt.

11. Yvmohmi hoka Israel moma chohmit Tan a aivttvt ivt Bee-sheba ont vlli ka itvnahli na, laua kvt shinuk osh okhvt lapalika aiasha ka chohmashke ; micha chishno ak inli hosh pehlichit itibi ka ish ia he ak o miha lishke.

12. Yohmi hosh kanima asha tukma sakkit il ahayuchik-mvt, il o fohopa kvt fichak osh yakni onvtula kak o e chiyuhmashke : mikma yvmma, micha hatak moma apehvt aya tuk vt achvfa kia ik hlakofo kashke.

13. Micha tmaha holihta yo chukowakma, yohmikma Israel moma kvt tmaha yvmma aseta ho isht onakma, e takchikmvt, halvllit isht ivt okhina ont il okvchikma, tvli iskitini achvfa kia yvmma ai ahayucha he keyu kashke, achi tok.

14. Mihma Absalom, micha Israel hatak vhleha moma kvt, Achait hatak Hushai nana miha kak osh achukma kvt Ahihlofel nana miha tuk a i shahlishke, okla achi tok. Chihowa vt Absalom a nana ik achukmo ka onocha he ak osh, Ahihlofel vt anumpa achukma miha tuk vt kobafa hi a. Chihowa vt apesa tok oka.

15. Yohmi ma Hushai vt Satok, micha Abiahla naholitompa isht ashwa ya, Yakohmi, micha yakohmi achi hosh Ahihlofel vt Absalom, micha Israel im asvnonchi vhleha aiena ka i mivrshke ; mikma yakohmi, micha yakohmi achi hosh i miha lishke.

16. Yohmi hoka himak a tushpa hosh Lewi ya anumpa i pilt, ish im anoli cha, yak ish achashke, Yakni haiaka patssvchi ya chi nusi na, amba tushpa hosh vbanvblit ont ish iashke : keyukmvt miko, micha okla apehvt asha moma ket illit taha yoba na, im achi tok.

17. Mihma Chonahlan, micha Ahimaas itatuklo kvt tmaha holihta ya ant chukowa na pisa he vhpesa keyu hatuk osh, En-lochel ak o ashwa tok : mihma ohoyo himita tishu hosh ivt ont im anoli na itiachi cha, miko Lewi ya ont im anoli tok.

18. Yohmi kia vlla nakni yosh pisa cha, Absalom a im anoli tok: yohmi kia tushpa hosh itiachit Bahulim hatak in chuka ona ma, yummvt i wanvta ya kvli hofobi vt i hikia tuk o, yummak o pit chukowvt okla tok.

19. Mihma ohoyo hvv kvli hofobi paknaka ya isht ompo-holmo ompatali cha, onush bota o ashachi tok; mihma nana ka ik ithano tok.

20. Atuk o Absalom in tishu vhleha hvv ohoyo hash chuka yash ona mvt, Ahimaas, micha Chonahlan itatuklo mvto? okla achi tok. Mihma ohoyo hvv, Bok ushi oka ya vbanvblit ia tuk oke, im achi tok. Mihma hoyo tuk ak osh ik ahayucho mvt, falamvt Chelusalem a ona tok.

21. Atuk o yakohmi tok, okla ia hayak o, kvli hofobi ya kohcha cha, ivt miko Lewi ya ont im anoli cha, Lewi ya, Wakaya cha, tushpa hosh oka ya vbanvblit ont ish ia chiké: Ahihlofel vt yakohmichi hosh chi sanalit nana miha hoka, im achit okla tok.

22. Yohmi ma Lewi, micha okla apehvt aya tuk moma kvv wakaya cha, Chatan a vbanvblit ont ia tok: onnvvt toh-wikeli itintakla ma, achvfa kia Chatan a vbanvblit ont ik aiyo kisha kvv iksho tok.

23. Atuk o Ahihlofel vt nana i miha tuk a ik iakaiyo ho pisa mvt, im issuba haksobish falaia i patali cha, wakaya mvt, in chuka, micha in temaha holihta ya ona mvt, in chu-ka achvfa ya achukmalit apesvt tahlí mvt, ile nuksiteli cha, illi tok, micha iki im ahollopi yak o hollopi tok.

24. Yohmi ma Lewi vt Mahanaim a ona tok: mihma Absalom, micha Israel hatak apehvt aya tuk moma kvv Chatan a hlopullit ont ia tok.

25. Mihma Absalom vt Choab atuk ak o atobbichit Amasa yak o tvshka chipota ya i kvpitvni ikbi tok: Amasa yummak okvt Israel hatak, hohchifo kvv Ihla achi, yummvt Nahash ushetik Abikail, Seluah in tek, Choab ishki ya iba chukowa tok, yummak o ushi atok.

26. Mihma Israel, micha Absalom aiena kvv Kileat yakni yak o binachi tok.

27. Atuk o yakohmi tok, Lewi vt Mahanaim a ona ma,

Ammon im vlla vhleha ai achvfa Nahash ushi Shobi, Labbah vtta, micha Lo-teba hatak Ammiel a ushi Machi, micha Lochelim yakni Kileat hatak Basillai aiena kv̄t im v̄la mvt,

28. Topa puta, ampo mahaiia puta, micha lukfampo puta, micha onush, mikmvt bali, micha bota tohbi, micha onush vlvvsha, micha tubi, micha tubi hullo, micha tubi hullo vlvvsha,

29. Michā foi bila, micha pishukechi nia, micha chukfvlh-poa, micha wak i pishukechi nia palvska aiena ka Lewi, micha okla apehvt aya tuk aiena kv̄t vpa ch̄i h̄o isht im v̄la tok: Okla hvt yakni haiaka aya kv̄t hohehv̄fot, hoyvblit, itukshila hoke, okla achi hatuk okvt.

CHAPTA XVIII.

MIHMA Lewi vt okla hvt apehvt aya tuk a hotihna cha, tahlepa sipokni puta i kv̄pitvni vhleha, micha tahlepa puta i kv̄pitvni vhleha hvt pehlichā ch̄i ka hilechi tok.

2. Mihma Lewi vt okla isht atuchina kashapa ka Choab ak o ibbak fohki mvt, isht atuchina kashapa ka Seluah ushi, Choab itibapishi Abishai ak o ibbak fohki mvt, isht atuchina kashapa ka Kittait hatak Ittai ak o ibbak fohkit pila tok. Michā m̄iko vt okla h̄a, Ūno ak kia hv̄chi awant kohev̄t ia li pulla ch̄i hoke, im achi tok.

3. Yohmi kia okla hvt afalamichit, Kohhv̄t ish ia he keyu hoke: e yihlepa kia pishno ya nana isht im ahoba he keyu; iklvna kak osh ik pilli hok mak o nana isht im ahoba he keyu hoke: amba tahlepa sipokni e pokoli hoh kia ish itilau: yvmohmi hoka tvmaha holihta ya ish anta tuk osh, ish pi apela kak osh achukma kv̄t i shahli hoke, achi tok.

4. Mihma m̄iko vt, Kaniohmi kak osh vlvpesa ka hv̄chim ahobakma, yvmihchi lashke, im achi tok. Mihma m̄iko vt holihta okhissa bilika hikia ma, okla moma kv̄t tahlepa yosh, micha tahlepa sipokni yosh koche wiha tok.

5. Mihma m̄iko vt Choab, micha Abishai, micha Ittai aiena ka im apesvt, Hatak himita Absalom a vno ak atuk

pulla kak o hvsh i kanashke, achi tok. Atuk o miko vt kypitni vhleha moma ka Absalom a nana achi ka okla moma kvh haklo tok.

6. Yohmi ho okla hvh Israel a itiba chi hosh kochevt yakni haiaka ya ia tok : mihma ai itibi kvh Eflaim kowi ak atok.

7. Yvmmak o Israel okla hvh Lewi in tishu vhleha itikba ya ai akakoha tok ; mihma yvmma ai ahambi na hatak talepa sipokni pokoli tuklo akucha tuklo hosh illi tok.

8. Itibi kvh yakni moma ka fimimpvt isht aya hatuk oka : mihma kowi yak osh nitak yvmma okla tahli kvh, hvshpo falaia vt tahli ka i shahlichu tok.

9. Mihma Absalom vt Lewi in tishu vhleha ha afama tok. Micha Absalom vt issuba haksobish falaia om binili tuk o, issuba haksobish falaia yash osh nosvpi chito naksish sukko hikia yatuk o nutaka ont ia ma, noshkobo hvh nosvpi ash isht ashekonowa cha, shutik, micha yakni ititakla takali tok: mihma issuba haksobish falaia om binili kamo ont ia tok.

10. Mihma hatak achvfa hosh pisa tuk osh, Choab a im anolit, Yakeh ! Absalom vt nosvpi a takanii ho pisa li tuk oke, achi tok.

11. Mihma Choab vt im anoli tuk hatak ash, Mihma yakeh ! ish pisa hokak osh, nanta katiohmi ho issot chik akvcho ke tuk oh cho ? atukma teli hvta shekel pokoli, micha vskofvchi achvfa chima la he tuk oke, im achi tok.

12. Mihma hatak ash osh Choab a, Teli hvta shekel talepa sipokni hosh svbbak a ik foka chi hoh kia, miko ushi ya svbbak a o wielit i sanali la he keyu hoke : e haklo ho, miko vt chishno, micha Abishai, micha Ittai aiena ka atokolit hvchi mihvt, Ahah ! hvsh aiahni cha, hatak himita Absalom a hvch ik potolo kashke, achi tuk oka.

13. Keyukmvt vno vm ilhfiopak ak inli kash ak im ahlo ka hinla tuk oke : miko ya nana kia in luma he keyu hoka, micha chishno ak oh kia is sa sanalit ish hikia he tuk oke, im achi tok.

14. Yohmi ma Choab vt, Yakohmit chi takla hikia la he vhpesa keyu hoke, achi tok. Mihmvt tibi teli halupa on-

tvla tuchina h_o ishi cha, ia mvt, okchaki moma hosh nosupi iklna atakali ma Absalom a chukvsh fehna ishit nvhlit hlo-pullichei tok.

15. Mihma hatak himithoa pokoli hosh Choab i nahalupa shoyuli atuk vt afolubli cha, Absalom a nvhlit vbi tok.

16. Mihma Choab vt ishit pufa olachi ma, okla hvt Israel a iakaiyvt hlioli tuk vt falama tok: Choab vt okla ha im alvmmi hatuk oka.

17. Mihma Absalom a okla ishi cha, hichukbi chito vt kowi anukaka hikia tuk o, pit pila cha tvli itnaha chito fehna h_o o ashachi tok: mihma Israel moma kvv im vlhtipo aiyyukali yihleptv ona tok.

18. Absalom vt okchaya moma mvt, miko im okfa ha tvli tonik a ishit a hilechi tok: achi kvv, Sa hohchifo ha isht ithaiyana hi a svso hvt iksho hokvt, achi hatok: micha tvli tonik a ilap ak inli h_o il ai a hochifochi tok: yvmohmi tok o himak nitak ak kia Absalom ibbak achi hoke.

19. Yohmi ma Satok ushi Ahimaas vt, Himak a vno ak osh ak maleli cha, miko ya anumpa isht ak im ia cha, Chihowa vt in tvnvp puta ka im il aiokha ka ont anoli lashke, achi tok.

20. Mihma Choab vt, Himak nitak a anumpa isht ish ia he keyu, amba nitak inlak mak o anumpa isht ish ia hi oke: amba himak nitak okvno anumpa isht ish ia he keyu, miko ushi vt illi hoka, im achi tok.

21. Yohmi mvt Choab vt Kushi ya, Ia cha, nana ish pisa tuk vt miko ya ont im anoli, im achi tok. Mihma Kushi vt Choab a il im akachunolichi mvt, maleli tok.

22. Mihma Satok ushi Ahimaas vt anonti Choab a, Ik yohmi kia chim asilha lishke, vno ak kia Kushi ya iakaiyvt ak maleli, im achi tok. Mihma Choab vt, Nanta katiohmi h_o ish malela hinla cho? svso ma! anumpa isht ish ia he vt ik vlhtaho kisha hoka, achi tok.

23. Mihma, Ik yohmi kia ak maleli, achi tok. Mihma, Maleli, im achi tok. Yohmi ma Ahimaas vt yakni patvs-svchi hina yak o pit maleli cha, Kushi ya ont imaiya tok.

24. Mihma Lewi vt holihta okhissa tuklo ititakla binili

ma, hatak hopokoyo vt holihta okhissa paknaka ishit holmo ya oiyvt holihta chaha ya ona cha, akachakalit hopokoyo ma, yakeh! hatak achufa ilap bano hosh chahafa tok.

25. Mihma hatak hopokoyo yash osh paya mvt, miko ya im anoli tok. Mihma miko vt, ilap banokmvt, itih ha anumpa hut foyukvshke, achi tok. Atuk osh pulhkit mi-hinti mvt, bilika vla tok.

26. Mihma hatak hopokoyo yash osh hatak inla yosh chahafa na pisa tok: micha hatak hopokoyo yash osh okhissa apistikeli ya pit i howa mvt, Yakeh! hatak inla yosh ilap bano hosh chahafvshke, achi tok. Mihma miko vt, Yummak kia anumpa isht aya hoke, achi tok.

27. Mihma hatak hopokoyo yash osh, Tikba chufa hokvto Satok ushi Ahimaas chufa kak o holba, vm ahobvshke, achi tok. Mihma miko vt, Hatak achukma hoke, micha anumpa achukma ho isht aya hoke, achi tok.

28. Mihma Ahimaas vt paya mvt, miko ya, Achukma banoshke, im achi tok. Micha miko itikba ya hvchukbihle-ptv nashuka ya aka ishit hlipia cha, Yummak osh a shahli miko ya ibbak a vba wielit i sanali tuk a ibbak foyuki tuk okvt chin Chitokaka Chihowa vt holitopashke, achi tok.

29. Mihma miko vt, Hatak himita Absalom vt okchaya cho? achi tok. Mihma Ahimaas vt afalamichi mvt, Choab vt miko in tishu ha, micha chin tishu vno ya et pi pila ma, shakapa chito fehna ho pisa li kia, nana kaniohmi ho yohmi ka ak ithano tuk oke, achi tok.

30. Mihma miko vt, Naksika fullota cha, ilvppak o hikiá, im achi tok. Mihma naksika fullota cha, lumvt hikia tok.

31. Mihma yakeh! Kushi vt vla tok: mihma Kushi vt, Anumpa hoke, a shahli miko ma! wakayvt chim i sanali tuk puta ka, Chihowa vt himak nitak a chim il aiokhvshke, achi tok.

32. Mihma miko vt Kushi ya, Hatak himita Absalom vt okchaya cho? im achi tok. Mihma Kushi vt afalamichi mvt, A shahli miko ya in tenvp puta, micha kvna hosh chi hotopala chi hosh wakayvt chi sanali moma kvv, hatak himita yummak o chiyuhmashke, im achi tok.

33. Mihma miko vt nukhaklot wenibinchi fehna mvt, aboha holihta okhissa paknaka talaia ka oiya cha, yahaya tok: micha ia hosh aya mvt, yak achi tok, Ssso Absalom ma! ssso ma! ssso Absalom ma! Chitokaka vt ahni na vno ak osh chi vltobvt selli tuk bano! Absalom ma! ssso ma! ssso ma! ahanchi tok.

CHAPTA XIX.

MIHMA Choab a im anolit, Yakeh! miko vt Absalom a ishit yahayvt tebashit isht ivshke, achi tok.

2. Mihma imaiya kash osh nitak yemma okla moma ka yaiya in toba tok: nitak yemma miko vt ushi ya ishit nukhaklo fehnvshke, achi na okla hvt haklo hokvt.

3. Yohmi ma nitak yemma okla hvt luma hosh temaha holihta ya chukowa ket, okla hosh tenvp ayvt yihlepa tuk osh hofahyvt lumboa kak inli hq chohmi tok.

4. Yohmi kia miko vt nashuka ya ompohomo tok, micha miko vt chitolit yahayvt, Ssso Absalom ma! Absalom ssso ma! ssso ma! ahanchi tok.

5. Mihma Choab vt aboha yash ont chukowa cha, miko ya im ona cha, Himak nitak a chin tishu vhleha puta moma, yemmak osh chishno, micha chiso vhleha, micha chisotek vhleha, micha chin tekchi vhleha, micha chim itaiena vlehaha puta ka hlakofichi tuk a nashuka ya ish hofahyalishke.

6. Yohmi hosh chin tenvp vhleha hak o ish holitobli cha, chi kana vhleha ish i nukkillishke: himak nitak a okla pehlichy vhleha, micha tishu vhleha aiena nana ishit chim ahoba keyu ish otvvinchi hokvt; Absalom ak osh okchaya na himak nitak a e moma ket pilli hatuk okma, chim vlpesa fehna hetuk a himak nitak a ithaiyana li hoka.

7. Yemohmi hoka, Himak a wakaya cha, kohevvt ivt chin tishu vhleha ha im anumpa hopohvteli im anumpuli; kohevvt chik aiyokma, himak ninak a achvfa kia chi takla asha chi keyu ka, Chihowa pulla anumpa kello ishit miha lishke: yohmikma yemmak osh ik chim achukmo ket nana

ik achukmo puta kut vlla chia moma ma, chi onvtolvt mi-hintit himak a ant vhli chatuk a i shahla chi hoke, achi tok.

8. Yohmi ma miko vt wakaya cha, holihta okhissa ya binili tok. Mihma okla moma ka im anolit, Yakeh! miko vt holihta okhissa ya binili hoke, achi tok. Mihma okla moma kut miko itikba ya vla tok: Israel vt yihlept im vlhtipo aiyukali onvt taha tuk okvt.

9. Mihma okla moma Israel apehlichu puta hlopulli moma ka it achowvt, Miko vt pin tenvp puta ibbak a pi hlakofichi tok; micha Filistin okla ibbak a pi hlakofichi tok; atuk ak osh himak a Absalom okno i malelit yakni ya kohchvshke.

10. Mihma Absalom vt pi mika chi ho nan ahvmmitt il atokoli kash osh tenvp ai illishke. Yvmohmi hoka himak a nanta katiohmi ho miko ya falvmminchit isht vla ka anumpa achvfa kia hvsh ik anumpulo cho? achi tok.

11. Mihma miko Lewi vt Satok, micha Abiahla naholitompa isht ashwa ya anumpa i pilvt, Chutah im asvnonchi vhleha ha im anumpulit, Nanta katiohmi ho miko ya falvmminchit in chuka isht vla ka hvsh ishtaiyopi cho? Israel moma im anumpa hv miko ya in chuka fehna ka im vla hoka.

12. Svtabipishi hvchia hoke, sa foni, micha sa nipi hvchia hoke: yohmi ka nanta katiohmi ho miko ya in chuka isht vla ka hvsh ishtaiyopi cho? hvsh achashke,

13. Michu Amasa ya, Sa foni, micha sa nipi chia keyu cho? Chitokaka vt yakohmi, micha i shahli kia si yvmihchashke, Choab a vlhtobvt sa tikba ya tvshka chipota i kvpitvni yosh ish ahanta na ik biliokma, hvsh im achashke, achi tok.

14. Mihmvt Chutah hatak vhleha moma chukvsh a fullolichit hatak achvfa chukvsh chiyuhmichi tok: yohmi ho miko ya anumpa ilvppa okla pit i pilvt, Chishno, micha chin tishu vhleha aiena kut hvsh falamashke, im achi tok.

15. Yohmi ho miko vt falamvt, Chatan a vla tok. Mihma Chutah vt miko ya afama cha, miko ya ishit hlopullicha chi hosh Kilkal a ona tok.

16. Mihma Kela ushi Shimei, Benchamait hatak, Bahu-

lim minti vt miko Lewi ya afama chi hosh tushpvt, Chutah hatak vhleha ha awant ona tok.

17. Mihma Benchamin a ai achvfa yvt hatak tahlepa sipokni achvfa hosh apihakma, Sal in chuka achvfa in tishu Siba, micha ushi auah tahlapi, micha in tishu pokoli tuklo aiena kvt apiha tok; micha miko itikba ivt Chatan a hlopulli tok.

18. Mihma miko in chuka achvfa ya hlopullicha chi, micha nana ho achukma aiahnikma yrmihcha chi hosh peni putha ya pit ishit kohcha tok. Atuk o miko vt Chatan a ant kohcha ma, Kela ushi Shimei vt itikba ont itula tok.

19. Michamiko ya, A shahli hvt nana ai vlpesa keyu yrmihchi li tuk a ik si onochokashke, micha a shahli miko vt Chelusalem a kohcha nitak ymma chin tishu hvt nan ashvchi tuk a ithaiyavt chukvsh ishit ik nukfoyuko kashke.

20. Chin tishu hvt nan ashvchi tuk vt ithana fehna hokvt: ymohmi hatuk osh himak nitak a Chosef in chuka achvfa ai achvfa moma ka tikba a shahli miko ya afama la chi hosh vla lishke, im achi tok.

21. Yohmi kia Seluah ushi Abishai vt afa lamichit, Ilvpa pulla ka Shimei vt illa he vlpesa keyu cho? Chihowanahamvt im vltoka ya anumpa kalakshichi onochi tuk okvt, achi tok.

22. Mihma Lewi vt, Seluah ushi vhleha hvchia ma! nanta ishit hvchi ahalaia li tuk o himak nitak a hvs sa sana-la hinla cho? Israel a hatak nana kia himak nitak a illa chi cho? himak nitak a Israel i miko sia hvt ithaiyana li keyu cho? achi tok.

23. Ymohmi ho miko vt Shimei ya, Chilla he keyu, im achi tok: micha miko vt anumpa kullo im il onochit i miha tok.

24. Mihma Sal ushi Mefiboshelh vt miko ya afama chi hosh ona tok; micha miko vt kohchvt ia tok nitak a vttvt ia hosh achukmakvt anonti falamvt vla tuk nitak a ant vhli ka, iyi ya nan ik i kaniohmicho, micha nutakhish a ik aiskiacho, micha i nafohka ya ik achifo tok.

25. Atuk osh miko ya afama chi hosh Chelusalem a vla

ma, yakohmi tok: miko vt, Mefibosheli ma! nanta katiohmi ho si awant chik aiyo tuk oh cho? im achi tok.

26. Mihma afalamichi mvt, A shahli miko ma! an tishu hvt sa haksichi tuk oke: chin tishu hvt, Issuba haksobish falaia om patali likmvt, om binili lish, miko ya im ona lashke, achi tuk okvt, chin tishu hvt imomokpulo atuk okvt.

27. Micha chin tishu ha nana mihachit a shahli miko ya im anoli tuk oke; yohmi kia a shahli miko vt Chitokaka im enchel ak inli ho chiyuhmi hoke: yohmi hokvt chi holhponayo isht ish pisa kv achukma ish aiahni kak osh ish yvmohmashke.

28. Aki in chuka achufa moma kv a shahli miko itikba ya hatak illi vhleha chiyuhmi tuk oke: yohmi ak inli kia chin tishu ha chim ai impa binilit ai impa ka takla is sa binilechi tuk oke. Yvmohmi hoka katiohmi kak o himak a miko ya im ilvsha la he vlhpesa hoh cho? im achi tok.

29. Mihma miko vt, Nanta katiohmi ho nana chi katiohmi kv himak a isht ish anumpuli cho? Chishno, micha Siba vt yakni ya hvsh itakashapashke, achi li tuk oke, im achi tok.

30. Mihma Mefibosheli vt miko ya, Ome, mominchi hosh ik ishi, a shahli miko vt achukmakvt anonti in chuka vla hoka, im achi tok.

31. Mihma Kileatait hatak Basillai vt Lochelim mintit vla cha, miko ya ilaelit Chatan a hlopullicha chi hosh awant Chatan a hlopulli tok.

32. Micha Basillai vt hatak sipokni fehna hosh afemmi pokoli untuchina tok: atuk osh miko vt Mahanaim anta moma ma, ilhpak a im ahayuchi tok; hatak nan in laua fehna hatuk okvt.

33. Mihma miko vt Basillai ya, Si awant hlopullit ish onakma, Chelusalem a a chimprchi lashke, im achi tok.

34. Mihma Basillai vt miko ya, Si okchaya na hopaka he yatuk osh miko ya awant Chelusalem a ona la hinla cho?

35. Himak nitak a afemmi pokoli untuchina li hoke: nana achukma, micha nana ik achukmo ka akostininchi la hinla cho? chin tishu hvt nana impa li, micha nana ishko li

ket yakohmi ahna hinla cho? himak pilla ma hatak taloa vhleha, micha ohoyo taloa vhleha aiena ka haklo la hinla cho? yemohmi ket katiohmi ho chin tishu het a shahli miko ya ataklemmi ket moyuma la hinla cho?

36. Chin tishu het miko ya awant Chatan a hlopullit olanli ho ona lashke: mikma nanta katiohmi ho miko vt nan vltoba yohmi ka a falemmincha hinla cho?

37. Chin tishu het anonti falama lish, an temaha holihta yak inli a sullikmet, aki micha heshki itatuklo im ahollopi ya apotort sa hollopashke, chim asilhha lishke: amba yakeh! chin tishu Chimham oke; yemmak osh a shahli miko ya awant iashke: mikma vllpesa ish ahni kak osh ish ymih-chashke, im achi tok.

38. Mihma miko vt afalamichi met, Chimham vt si awant ia chi hoke, mikma nana achukma ish ai ahni kak osh i ymihchi la chi hoke: micha nana ho ymihchi la he is svm ahnikma, chi ymihchi la chi hoke, im achi tok.

39. Mihma okla moma ket Chatan a hlopulli tok. Atuk o miko vt ont koheha met, miko vt Basillai ya i suksowa cha, anumpa yukpali onochi tok: mihma falamet ilap ai vtta ya ona tok.

40. Mihma miko vt ivt Kikal a ona ma, Chimham vt awant ia tok: mihma Chutah okla moma, micha Israel okla iklna ak kia aiena ket miko ya ilauelit isht aya tok.

41. Mihma yakeh! Israel hatak vhleha moma ket miko ya im vla met, miko ya. Nanta katiohmi ho il itibapishi Chutah hatak vhleha het pi hukopet ishit chi kenia cha, miko, micha in chuka achrfa, micha Lewi in treshka vhleha apehvt aya tuk aiena ka Chatan a hlopullichit isht vla cho? im achi tok.

42. Mihma Chutah hatak vhleha moyuma ket Israel hatak vhleha ha afalamichi met, Miko vt pi kanomi fehna yoka; yohmi ka nanta katiohmi ho nana iltpa ishit hesh nokowa cho? miko nana i kenia ho il impa tuk oh cho? keyukmet na hvlbina nana kia pima tuk oh cho? achi tok.

43. Mihma Israel hatak vhleha het Chutah hatak vhleha ha, Miko ya kushkoa pokoli ho il ahalanli cha, Lewi vt

pimmi vlhpesa kvt hvchishno ya i shahli hoke: yohmi ka nanta katiohmi hq hvsh pi shitilema cha, miko ya falvminchit isht vla ka tikba hvsh pi ponaklo haya tuk keyu cho? achi tok. Mihma Chutah hatak vhleha im anumpa hvt kullo kvt Israel hatak vhleha ha i shahli tok.

CHAPTER XX.

MIHMA yvmma Belial hatak, Bichli ushi Benchamait hatak, hohchifo kvt Sheba yosh anta yoba tok: atuk osh ishit pufa ya olachit, Lewi ya il ahalaia keyu, micha Chesse ushi ya il ai isha he vlhpesa vt iksho hoke: hatak puta kvt im vlhtipo aiyyukali onashke, achi tok.

2. Yohmi hq Israel hatak puta kvt Lewi ya iakaiya tuk vt falama cha, Bichli ushi Sheba yak o iakaiya tok: amba Chutah hatak vhleha hoketo i miko ya asitivt Chatan a ashvt Chelusalem a ona tok.

3. Mihma Lewi vt in chuka Chelusalem a vla tok; micha miko vt ohoyo pokoli im itaiena chuka yash apistikela chi hq ashachi cha, ia kash osh ishi cha, ai atoni ashachi cha, ipihinta kia, ik iba chukowo tok. Yohmi hq im okshilitvt, ohoyo vlhtakla yosh ai ashvt nitak ai illi ka ona tok.

4. Yohmi ma miko vt Amasa ya, Chutah hatak vhleha ha nitak tuchina itintakla ya is sum itvnahlashke, micha chishno mvt ilvppa ish anta chike, im achi tok.

5. Yohmi hq Amasa vt Chutah hatak vhleha ha itvnahlit ia tok: yohmi tuk kia nitak vlhpisa im apesa tuk a atupa hq anta tok.

6. Mihma Lewi vt Abishai ya, Bichli ushi Sheba vt himak a nana pim okpuni kvt Absalom hatuk ak kia i shahla chi hoke: chi shahli in tishu vhleha ha ishi cha, iakaiyvt hlioli, tmaha holihta kullo chukowa cha, pi hlakofi na, im achi tok.

7. Mihma Choab in tvshka vhleha, micha Chelehlait vhleha, micha Pelehlait vhleha, micha hatak hlampko chilita moma kvt kohchvt iakaiya tok: micha Chelusalem a a kohchvt Bichli ushi Sheba ya iakaiyvt hliolit ia tok.

8. Atuk osh teli chito vt Kibeon hikia ka ona ma, Amasa vt tikba hikia tok. Micha Choab i nafohka ishit fohka tuk vt vskofvchi isht ashihahchit taiyaha mvt, alataiya ka vskofvchi isht vskofaiyachi ma, bvshpo falaia vt i shukeha foyuka hosh a takali tok: atuk osh aya ma, shufvt ont itula tok.

9. Mihma Choab vt Amasa ya, Itibapishi li ma! chi achukmaka cho? im achi tok. Micha Choab vt i suksowa chi hosh ibbak isht impak imma ya Amasa nutakhish a isht ishi tok.

10. Yohmi kia Amasa vt Choab ibbak a bvshpo falaia vt foka ka yohmi ik ahno tok: yohmi ho naksi foni ont ishit tahlapik fehna ishit bahli na ikfoka vt kohevvt aka ont itula ma, himakma ik isso ki tok; mihma illi tok. Yohmi ho Choab, micha itibapishi Abishai ita tuklo kvv Bichli ushi Sheba ya iakaiyvt hlioli tok.

11. Mihma Choab in tvshka vhleha ha ai achvfa kvv a hikivt, Kena hosh Choab a i kana cha, Lewi yak o apelakmvt, Choab a ik iakaiya, achi beka tok.

12. Mihma Amasa vt hina iklena fehna issish a oka shalali tok. Atuk o okla moma kvv lumvt hiel na hatak ash osh pisa mvt, Amasa ya hina ya kanvllichit osapa ya isht ona cha, nantenna isht ompohomo tok; bilika vlakmvt, lumvt hikia na pisa mvt, yvnihechi tok.

13. Atuk osh hina ya kanvllichi ma, okla moma kvv Choab ak o iakaiyvt Bichli ushi Sheba ya hlioli tok.

14. Atuk o Islael apelhichi moma ka hlopullit Abel, micha Belh-maachah, micha Belait moma ka isht ona tok: mihma okla ita hoyot itenaha cha, iakaiyvt ia ak inli tok.

15. Micha okla onvt Abel Belh-maachah ak o in tanampit afolubli mvt, sakti ikbit, temaha holihta ya apakfobli na yakni kula anukaka hikia tok: mihma okla moma Choab a aphevvt aya tuk vt akvcha chi hosh, holihta chaha ya nana ishit komoha tok.

16. Mihma ohoyo hopoyuksa yosh temaha holihta ya et a payvt, Ho haklo, ho haklo; Choab a oh im achi, hvchim asilhha lishke, Bilika ish la na ak chim anumpuli, achi tok.

17. Atuk o bilika vla ma, ohoyo hash osh, Choab chia

hoh cho? achi tok. Mihma afalamichit, Mihiyo sia hoke, achi tok. Yohmi ma, Chin tishu ohoyo im anumpa ha ish haklashke, im achi tok. Mihma afalamichit, Haklo lishke, achi tok.

18. Mihma anumpulit yak achi tok, Chashpo ka anumpulikmut, yak achi beka tok; Abel ak o okla a ponaklo pulashke: micha yakohmichit nana ka issvchi beka tok.

19. Uno vt Israel a it i kanvt ahli achukma vhleha ha ai achvfa sia hoke: tumaha holihta ya okpunit tahli; micha hatak ishki yosh Israel yakni ahanta ka vbi chi bunna hosh ish hoyoshke: nanta katiohmi ho Chihowa im ai isha he vhpesa ka isht ish nanvblit ish kancha chi cho? achi tok.

20. Mihma Choab vt afalamichit, Ishit nanvbli, keyukmut vbit tahli ka yohmi la he vt olanli iksho kashke, olanli iksho kashke, achi tok.

21. Nana kvv yvmmak keyu, amba Eflaim nvni hatak Bichli ushi Sheba hohchifo hosh ibbak a wielit miko ya im a sanalit, Lewi fehna ka im a sanali hoke: yvmmak illa ho hrs sumakma, tumaha holihta ya i filvmmi ia lashke, achi tok. Mihma ohoyo hash osh Choab a, Yakeh! noshkobo ha tumaha holihta vbanvblichit et chi pila chi hoke, im achi tok.

22. Yohmi ma ohoyo hash osh hopoyuksa hosh okla moma ka im ona tok. Mihma Bichli ushi Sheba noshkobo ha okla tvbli cha, Choab a okla kocha pit i pila tok. Mihma ishit pufa olachi ma, tumaha holihta yash okla i filvmmi, tiaput, im vhtipo aiyukali ona tok. Mihma Choab vt falamut Chelusalem a vlvv, miko ya im vla tok.

23. Mihma Choab vt Israel tvshka chipota moma ka pehliechi tok: mihma Chehoita ushi Benaiah vt Chehlelait vhleha, micha Pehlelait vhleha aiena ka pehliechi tok:

24. Mikma Atolam vt noshkobo atobbi yak o isht vtta tok; mikma Ahilut ushi Chehoshafat vt holisso takalichi atok:

25. Mikma Shefa ak osh holissochi atok: mikma Satok, micha Abiahla ak osh naholitompa isht ashwa atok.

26. Mikma Chailait hatak Ila ak osh pehliche i shahli osh Lewi im ahanta beka tok.

CHAPTA XXI.

YOHMI ma Lewi vt ahanta nitak a afummi hosh afum-
mikma, hohchahafu kut afummi tuchina tok: mihma
Lewi vt Chihowa nashuka ya hoyo tok. Mihma Chihowa
vt afalaminchi mvt, Sal ak atok, micha in chuka achufa
issish hlatvbi tok ak oke, Kibeonait vhleha ha vbit tahli tok
oka, achi tok.

2. Mihma miko vt Kibeonait vhleha ha i howa cha, im
achi tok; (mihma Kibeonait vhleha hut Israel im vlla vhle-
ha ha ai achufa keyu, amba Amolait okla ha ai unchololi a
tok; mihma Israel im vlla vhleha hut anumpa kello il ono-
chit i miha tok atok: mihma Sal vt Israel, micha Chutah
aiena ka i hullot amohsholi hosh vbi brnna tok.)

3. Yrmohmi ho Lewi vt Kibeonait vhleha ha, Nanta ho
hvchi katiohmichi la chi cho? micha nanta ho isht atobbi li,
Chihowa im ai isha he vhpesa ya anumpa yukpali hvsh
onocha chi cho? im achi tok.

4. Mihma Kibeonait vhleha hut, Sal immi hatuk a teli
huta, micha teli holisso lakna, keyukmvt in chuka achufa
immi hatuk ak oh kia pi ahalaia he keyu, micha pishno ak
atuk mak o hatak nana kia Israel yakni ya ish ai vba he
keyu hoke, im achi tok. Mihma, Nana ho hvsh achikma,
yummak o hvchi yumihechi la chi hoke, im achi tok.

5. Mihma miko ya okla afalaminchit, Hatak pi tahli tuk,
micha mosholit pi taha cha, Israel aiasha fullota ka kanima
il asha he keyu ka chi ho, nana anukfillit pi sanali tuk ak o,

6. Ushi vhleha hatak untuklo hosh pibbak a fohka cha,
Chihowa vt atokoli tok Sal ymmvt ai vta tok Kibeah ak
o, Chihowa ya il im a takohlichashke, im achi tok. Mihma
miko vt, Chima lashke, achi tok.

7. Yohmi kia miko vt Sal ushi Chonahlan a ushi Mefibo-
shelh ano apoanchi tok: anumpa kello Chihowa ya im ikbit
it ima tok takali hatuk oka, Lewi, micha Sal ushi Chonahlan
it in takanli hatok.

8. Amba miko vt Aiah ushetik Lispah ushi tuklo Sal a

im eshi tok, Almoni, micha Mefiboshelh, micha Sal ushetik Michal ushi tahlapi yummvt Meholahlait hatak Basillai ushi Atliel a i hofantichi tok aiena kak o ishi tok.

9. Micha Kibeonait vhleha ibbak a fohki na nvni pak-naka Chihowa itikba takohlichi tok: nana vmo nitak bali vmot isht ia vmona fehna ho vbi na untuklo kvt moma hosh it apihvt akakoha tok.

10. Mihma Aiah ushetik Lispah vt nahishi nantenna ishi cha, tvli ya ai anta chi kvt ompatali mvt, nan vmot isht ia ak atuk vt oka vt vba minti kvt onvtula ont vhli ka, nitak a vba hushi puta kvt ik om binili ik ahno, micha ninak a kowi nampoapa puta kvt ik yvmohmi, ik ahno beka tok.

11. Atuk o Aiah ushetik Lispah Sal im itaiena yvt nana yvmihchi tuk a Lewi ya im anoli tok.

12. Mihma Lewi vt ivt Sal foni, micha ushi Chonahlan foni ya Chabesh-kileat hatak vhleha, yummak osh Filistin vhleha hvt Sal a Kilboa ya ai vbi mvt, Filistin vhleha hvt Belh-shan ai itvnowa hina a takohlichi tuk o ont hukopa tok a, ont im ishi tok.

13. Micha ymma Sal foni, micha ushi Chonahlan foni ya ont ai isht vla tok: micha vba takohlichi tuk ash foni ya okla aiowa tok.

14. Mihmvt Sal, micha ushi Chonahlan foni ya Bencha-min i yakni Selah iki Kish im ahollopi ak o okla holpi tok: micha miko vt nana im apihisa tuk ak o moma yvmihchi tok. Micha yvmohmi kak o Chitokaka vt yakni yash isht asilhha ma, vhpesa im ahni tok.

15. Atuk o anonti Filistin vhleha hvt Israel a it in tanampi tok: mihma Lewi, micha in tishu vhleha aiena kvt ia cha, Filistin vhleha ha itibi tok: mihma Lewi vt hoyvblit isht ia tok.

16. Mihma Ishbi-benob, yummvt hatak chaha ushi vhleha ha ai achufa yosh in tvbi tvli halupa ontvla noshkobo asonak lakna yosh weki kvt shekel tahlepa tuchina tok; micha bvshpo falaia himona yo vskofaiyachi tuk osh Lewi ya vbi ka ahni tok.

17. Yohmi tuk kia Seluiah ushi Abishai vt apela cha,

Filistin ash fahama mvt, vbi tok. Yohmi ma Lewi in tvsh-ka vbleha hvt anumpa kvllo i mihvt, Himakma pi awant itibit ish ia he keyu, yvmohmi hosh Israel i pula ka chik mosholecho kashke, im achi tok.

18. Atuk o ilvppa i himmakma yakohmi tok, anonti Kob a Filistin vbleha ha ai itibi tok: yohmi ma Hushahlait hatak Sibbechai vt Saf a vbi tok, yvmmt hatak chaha ushi vbleha ha ai achvfa hatok.

19. Atuk osh anonti Filistin vbleha ha Kob a ai itibi tok, yvmmak o Chaale-olechim ushi Elhanan Behlehem hatak vt Kittait hatak Koliah itibapishi ha ai vbi tok; ymma in tubi teli halupa ontela vpi vt nantenna im iti okhowata ak o chohmi tok.

20. Atuk osh himakma Kalh a ai itibi tok; ymma hatak chaha fehna yosh ibbak achvfa ka ibbak ushi hannali, micha iyi achvfa ka iyi ushi hannali, holhtina kv pokoli tuklo cha, akucha ushta tok; micha yvmmak kia hatak chaha im vtta atok.

21. Atuk osh Israel a pafi ma, Lewi itibapishi Shimeah ushi Chonahlan vt vbi tok.

22. Ushta ilvppet hatak chaha yash im asha tuk osh Lewi ibbak, micha in tishu vbleha ibbak ak o isht akakoha tok.

CHAPTA XXII.

MIHMA Chihowa vt Lewi ya in tvnvp moma ibbak, micha Sal ibbak aiena ka a hlakofichit taiyahli nitak ymma taloa anumpa ilvppa Chihowa ya im anumpuli tok.

2. Michā, Chihowa vt an teli chito, a holihta kvllo, micha sa hlakofichi yoke.

3. Chitokaka an teli chito, yvmmak o anukchieto la chi hoke: yvmmak osh an telihpa, micha vm ai okchaya lapish, a holihta chaha, micha vm ahlakofi, sai okchalinechi yoke: chishno ak osh sa hotopala hinla ka is sa hlakoficha chi hoke.

4. Holitopet isht anumpa he vlpesa Chihowa ya i pa

haya la chi hoke : yohmi li hosh an tenp puta ka i hlakofi la chi hoke.

5. Nan illi banvtha kv̄t si afolubli tuk ; hatak haksi puta oka chito yanvllit pvlhki chohmi kv̄t sa nukshobli tuk ;

6. Aiokpuloka nukhv̄m̄mi vt si apakfoyubli tuk ; nan illi isht hokli vt si afama tuk ;

7. Yemohmit sa komunta mvt, Chihowa yak o i pahaya li tuk, micha an Chitokaka yak o ilb̄sha li tuk oke ; mihma vm anumpa h̄a im aholitopa et vm a haponaklo tok ; vm anumpa ilb̄sha yrt haksobish a chukowa tok oke.

8. Yohmi ma yakni vt winakv̄chi cha, wv̄nihinchi tok ; anukhobela hatuk o, v̄ba ai ontalaia puta kv̄t kanvlli cha, winakv̄chi tok.

9. Mihma nukhobela ma, shobulli kv̄t kohchvt v̄ba maya ma, luak vt itakha ya kohcha kv̄t okpvnit tahli tok : tobaksi vt ishit libbi tok oke.

10. Uba shutik ak kia bichulli cha akowa tok ; mihma iyi nutaka ya hoshonti okhlili hosh talaia tok.

11. Micha chelub om binili cha, hikvt aya tok : micha mahli sanahchi om binili cha aya hosh haiaka tok.

12. Micha okhlilika, hoshonti umba lusa, micha v̄ba hoshonti sukko ka isht im ompoholmo ikbit il afolubli cha aya tok.

13. Itikba libbi kv̄t tobaksi luak vt ishit libbi tok.

14. Chihowa vt v̄ba ya hiloha tok, micha Chaha i shahli hv̄t et olaichi tok.

15. Micha i naki puta ka pila cha, fimmi tok : hv̄shukmulli ya pila cha, komuntv̄chit yuhli tok.

16. Micha Chihowa vt im alv̄m̄mi ma, im ai i nukkilli fiopa kv̄t mahli ma, okhv̄ta ataya puta kv̄t haiaka, yakni ai ontalaia puta kv̄t haiaka tok.

17. Uba ya et piltv̄t sv̄shi tok, oka laua ya halvllit a sa kohchi tok.

18. An tenp kullo, micha a nukkilli tuk v̄hleha h̄a a sa hlakofichishke ; an kullo fehna tuk oke.

19. A sv̄lb̄sha nitak a okla si afama tok oke ; yohmi kia Chihowa ak osh sa halvlli yatuk oke.

20. Micha kohchit achito ka susht vla tok: si ahninchī hatuk osh, sa hlakofichi tok oke.

21. Ai vlhpiesa si ymohmi tuk mak o Chihowa vt si ymihchi tok; subbak vt kashofa tuk mak o vm atobbi tok oke.

22. Chihowa i hina foyukvt aya lish, micha shitilemvt an Chitokaka ya ak i filvmmo tok oka.

23. Nan apesvt ymihinchī moyuma kv̄t sa tikba takali chatuk; micha i nan vlhpisa puta ka i filvmmi li chatuk keyu hoka.

24. Micha itikba ya ai ahli bieka hosh aya lish, nana ai ashvchi li ya ak il ahalaiacho chatuk oke.

25. Ymohmi hoka nana ai vlhpiesa ymohmi li tuk mak o, i holhponayo itikba ya sa kashofa tuk mak o, Chihowa vt vm atobbi tok oke.

26. Nan i nukhaklo yokma, nan i nukhaklo yosh ish im ile haiakvcha hi oke; ai vlhpiesa ymohmi hatuk okma, ai vlhpiesa ymohmi yosh ish im ile haiakvcha hi oke.

27. Kashofa yokma, kashofa yosh ish im ile haiakvcha hi oke: isht acheba yatuk okma, ik achukmo hosh ish im ile haiakvcha hi oke.

28. Micha chishno ak osh okla ilbvsha ya ish okchalineha hi oke: amba ilefehnvchi ano aka isht ish la chi hosh chi nishkin vt onvtoyula hoke.

29. Chishno ak osh am pula chia hokvt, Chihowa ma! micha Chihowa vt vm okhlilika ya an tohwikelicha hi oke.

30. Chishno pulla kak o trshka laua ka malelit hlopulli li tuk okvt: an Chitokaka pulla kak o holihta chaha o walebli li tok oke.

31. Nan okluha imaiya ak okvto im vlhtayak vt ai ahli yoke; Chihowa im anumpa het imomaka pisa yoke: anukchieto puta ka in telihpa yoke.

32. Kv̄ta hosh Nan okluha imaiya yo? Chihowa ak bano keyu cho? kv̄ta hosh teli chito yo? pin Chitokaka ak bano keyu cho?

33. Chitokaka ak osh vm i hlampko, micha isht ai ahli li yoke; ataya li ka vlhpiesa ho vm ikbi hoke.

34. Saiyi ya issi iyi ya chohmichi hoke: micha vm achahaka puta ka sa hilechi hoke.

35. Subbak a itibi ka ithvnanchi hoke; yohmi ho asonak lakna iti tanampo vt sa shakba ishit kobafa hoke.

36. Micha chim aiokchaya teliha ya is soma ak inlishke: ish il akanlichi kak osh is sa holitobliskhe.

37. Sa nutaka a nowa li ya ish puthvehishke: yohmi na saiyyi yvt ik shakalullo tuk oke.

38. An tenvp puta ka hlioli li mvt, nosholichi li tuk oke; micha ak tahlo kvt anonti ak falamo tuk oke.

39. Micha tahli li tuk, micha nvhli li ma, wakaya he keyu tok; ahli saiyyi nutaka akakoha tok.

40. Itibi ka hlampko ho isht is si vskofvchichi tuk oka; wakayvt a sanali ka imaiyachit, sa nutaka ish ashachi tuk oke.

41. A nukkilli puta ka mosholicha la chi ka, an tenvp puta choshak a is soma tuk oke.

42. Okla hopokoyo kia, okchalinya chi kvt iksho tok; Chihowa ya okla hoyo kia, ik im afalamicho tok.

43. Yohmi ma bolit pushechit lukfi pushi ya chiyuhmichi li tok, tmaha ai itvnova hina lukchuk chohmichit a hvhlichi li tok, micha fimmit isht aya li tok.

44. Micha vm okla itachowa ya is si ahlakofichi ak inli tuk oke; is sa halvlli na oklushi puta ka i noshkoboka toba la hi atuk oke: okla ak ithaiyano tuk kia a nutaka hi oke.

45. Okla inla puta kvt vm ile nutakveha hi oke: sa haklo mak inli hosh okla vm antia hi oke.

46. Okla inla puta kvt mosholit ia hi oke; micha im ai okshilita ya ashvt nukshopa hi oke.

47. Chihowa vt okchaya hoke; micha an Tvli chito yvt holitopashke: micha vm ai okchaya tvli chito Chitokaka vt chahashke.

48. Chitokaka yak osh vm ilaiokha hoke; micha yvm-mak osh okla ha aka isht vlvvt sa nutakvechi hoke.

49. Micha yvmmak osh an tenvp puta ka a sa kohchi hoke: micha wakayvt a sanali tuk puta ka vbanvblichit vba vsst itv achahaka is vsst ona tuk oke: hatak o walamply ya is si a hlakofichi tuk oke.

50. Yumohmi hoka oklushi puta ititakla ya a chi aiokpahanchi la hi oke; micha chi hohchifo ha holitoblichit chin talohowa la chi hoke.

51. Yummak osh i miko ya i holihta chaha ai okchaya yoke: micha nan ahamvt im vlhtoka Lewi, micha im ai uncholo la ya isht i nukhaklo vt i haiakahanchi na bilia hoke, achi tok.

CHAPTA XXIII.

MICHA Lewi im anumpa ishtaiyopi kvv ilvppak oke. Chesse ushi Lewi vt, micha chahvchit vba binilechi tok hatak vt, Chekob in Chitokaka nan ahamvt im vlhtoka, micha Israel in taloa imponna yvt yak ahanchi tok.

2. Chihowa imi Shilombish vt sa tohno na anumpuli li tok; micha im anumpa hvv sa sunlvsh a a takali tok.

3. Israel in Chitokaka vt yak achi tok, Israel in Tvli chito vt vm anumpulit, Hatak vhleha ha pehlichit kvv aivlhpiessa he vlhpessa, Chitokaka ya i nukwia hosh pehliecha he vlhpessa hoke.

4. Michi onnahinli tohwikeli hvshi vt kohchvt mihinti kak o, onnahinli hoshonti iksho, hvshuk waloha achukma yosh umbvt issa cha, tommi shohkaualikma yakni offot a kohcha kak o chiyuhma he vlhpessa hoke, achi tok.

5. An chuka achvfa yvt Chitokaka ya i ymohmi keyu ak inli kia, yohmi kia nana it im vlhpissa bilia sa tim apihissa tok ai oklvhvvt vlhtaiyaha cha, ik ahlo keyu ka hi oke: ilvppak osh ai okchaya li vt yummak bano hoke, micha yummak bano ho ai ahni li hoke, offochi keyu kisha ak inli kia.

6. Yohmi kia Belial hatak vhleha kvno moma kvv kvv ishit kanchi ya chohma hi oke, ibbak a isht isha he keyu hoka.

7. Amba kvna hosh potola hinlakmvt, tvli yo im vlhtaha he vlhpessa, tvbi falaia tvli halupa ontvula yo iesha he vlhpessa hoke; mikma yummak inli ho luak okla ishit lvvt vmohma hi oke, achi tok.

8. Hatak hlampko chilita vhleha hosh Lewi vt im asha

tok hohchifo kvt ilvppak oke. Tachmonait hatak kvpitvni vhleha ĭ noshkoboka yosh ai om binili om binili tok; yvm-mvt Esnait hatak Atino ak atok; tahlepa tuchina hō in tubi tvli halupa ontvula o weli mvt, himonna achvfa ka vbit tahli tok.

9. Micha ymma iakaya kvt Ahohait hatak Toto ushi Eleasa, ymmvt Israel hatak vhleha hvt kanima ivt taha tuk o, Filistin vhleha hvt itiba chī hosh iti hoyot itvnaha ma, hatak hlampko chilita tuchina Lewi apeha hosh pafi tuk a ibai achvfa tok.

10. Ymmvt wakaya cha, Filistin vhleha hā issot kahan-chi mvt, ibbak vt tikambi cha, bushpo falaia ya ibbak vt a kello tok: mihma Chihowa vt nitak ymma imaiyvchichi fehna tok: mihma okla hvt peh wehpula chī hosh falamvt iakaiya tok.

11. Mihma iakaya kvt Halalait hatak Akee ushi Sham-mah ak atok: atuk o Filistin vhleha hvt iti hoyot itvnaha cha, yakni iskitini tubi bullo aiasha hō nan vllhpoa vpa hoyot lokoli tok: mihma okla hvt Filistin vhleha itikba ya yihlepa tok.

12. Yohmi kia yakni yash iklvna hikia cha, afohōwa mvt, Filistin vhleha hā vbit tahli tok: mihma Chihowa vt imaiyvchichi fehna tok.

13. Atuk o noshkoboka pokoli tuchina ka tuchina hosh nan vmo ai vllhpesa hō ivt Atullam hichukbi Lewi ai vtta ka ona tok: mihma Filistin tvshka chipota hvt Lefaim okfa hak o binachi tok.

14. Yohmi ma Lewi vt hichukbi yo anta tok; mihmvno Filistin tvshka chipota hvt Behlehem ak o aiasha tok.

15. Mihma Lewi vt bnna fehna cha, Kvna kia Behlehem kvli hofobi holihta okhissa bilika hikia ka, oka ont ai ishit ant sapetak bano, achi tok.

16. Mihma hatak hlampko chilita tuchina kash osh Filistin tvshka chipota ya tivblit hlopulli cha, Behlehem kvli hofobi holihta okhissa bilika hikia tuk ont ai ochit ishi cha, Lewi ya isht vla tok: yohmi kia ishka he keyu hosh, amba Chihowa ya in hlatvbi tok.

17. Micha, Ilvppa chiyuhmi ka yumihechi la hi vt olanli iksho kashke, Chihowa ma! ilvppvt ilap im ilbfopak a ish-kvnpachit ia tuk issish mak keyu cho? achi tok: yvmohmi hatuk osh ishka he keyu tok. Ilvppa puta ka hatak hlampko chilita tuchina ilvppak ash osh yumihechi tok.

18. Mihma Choab itibapishi Seluah ushi, Abishai ak osh tuchina ka i noshkoboka atok: in tēbi teli halupa ontela o weli cha, tahlepa tuchina hō vbit tahli tok: micha hohchifo hvt tuchina kak o ibafoyuka tok.

19. Holitopa kv tuchina kash i shahli tok keyu cho? yvmohmi hōsh pehlichī atok: yvmohmi kia tuchina vmmona kvno ik ono ki tok.

20. Mihma Chehoiata ushi Benaiah, hatak chilita nukwia iksho Kabseel minti ushi yosh, nana kaniohmi kv lauā tuk vt, Moab hatak tuklo hōsh koi chito chohmi hō vbi tok: micha oktusha hō ia cha, koi chito vt yakni kula fōka ma vbi tok.

21. Micha Echip hatak osh hatak pisa achukma hō vbi tok: mihma Echip hatak ash osh tēbi teli halupa ontela ieshi tok: mihma tēbi yō ieshi cha, im ona mvt, tēbi teli halupa ontela Echip hatak ibbak fohka kash mokofit im ishi cha, ilap in tēbi teli halupa ontela yash inli hō isht vbi tok.

22. Ilvppa puta kak o Chehoiata ushi Benaiah vt yumihechi tok; micha hatak hlampko chilita tuchina kak o hohchifo hvt ibafoyuka tok.

23. Holitopa kv pokoli tuchina kash i shahli tok; yohmi kia vmmona tuchina kash ano ik ono tok. Mihma Lewi vt ilap atoni yā pehlichī hilechi tok.

24. Choab itibapishi Asahel vt pokoli tuchina kash ibafoyuka tok; Behlehem hatak Toto ushi Elhanan,

25. Halotait hatak Shammah, Halotait hatak Elikā,

26. Paltait hatak Heles, Tekoait hatak Ikkesh ushi Ila,

27. Anehlohlaithatak Abiese, Hushahlait hatak Mebunnai,

28. Ahohait hatak Salmon, Netofahlait hatak Mahalai,

29. Netofahlait hatak Baanah ushi Heleb, Benchamin im vlla vheleha hā ai achvfa Kibiah minti Libai yā ushi Ittai,

30. Pilahlonait hatak Benaiah, Kaash bokushi puta minti Hittai,

31. Abahlait hatak Abi-albon, Bahumait hatak Asmafelh,

32. Shaalbonait hatak Eliahba, Chashen ushi vhleha hā ai achvfa Chonahlan,

33. Halalait hatak Shammah, Halalait hatak Shala ushi Ahiam,

34. Maachahlait hatak ushi Ahasbai ya ushi Elifelet, Kilonait hatak Ahihlofel ushi Eliam,

35. Kamelait hatak Heslai, Abait hatak Paalai,

36. Sobah minti Nahlan ushi Ikal, Katait hatak Bani,

37. Ammonait hatak Selek, Seluiah ushi Choab i naha-lupa sholi Beelohlait hatak Nahalai,

38. Ilhlait hatak Ila, Ilhla hatak Kaleb,

39. Hittait hatak Uliah: moma kvt pokoli tuchina aku-cha untuklo tok.

CHAPTA XXIV.

A NONTI Chihowa im ai i nukkilli vt Israel a i sanalit libbi tok; Lewi ya anukfohki na, Ia cha, Israel micha Chutah ya ish hohtinashke, im achi tok oke.

2. Mihma miko vt tvshka chipota vhleha i kvpitvni ibafoyuka tuk Choab a, Himak a ia cha, Israel apelhichi moma Tan tttvt ia kvt Bee-sheba ont vhli ka hlopullit, okla hā ish hotihnashke, yohmi na okla holhtina ka ithana lashke, im achi tok.

3. Mihma Choab vt miko ya, Yohmi ka holhtina kvt ik kaniohmi hoh kia chin Chitokaka Chihowa vt okla hā in lohmi tahlepa achvfa ka ibafohkashke, mikma a shahli miko nishkin vt pisashke: yohmi kia nanta katiohmi hō a shahli miko vt nana ilvppa isht im achukma cho? im achi tok.

4. Yohmi kia miko im anumpa hvt Choab, micha tvshka chipota i kvpitvni vhleha aiena ka imaiya tok. Mihma Choab, micha tvshka chipota i kvpitvni vhleha aiena kvt Israel okla hā hotihna chī hosh miko itikba ya a kohchvt ia tok.

5. Mihmet Chatan a hlopullit ia met, temaha holihta okhina Kat iklena talaia im ishtimpak imma, Chase pilla Aloe yak o ont binachi tok.

6. Yohmi met Kileat a okla ona cha, Tahtim-hotshi yakni ya ona tok: micha Tan-chaan a ona met, fullotet Siton a ona tok.

7. Michä Taia holihta kello ya onet, Hifait okla in temaha holihta puta, micha Kenanait okla in temaha holihta puta moma ka ona tok: micha Chutah ya im oka mahli pilla okla irt Bee-sheba ont vlichhi tok.

8. Yemohmi tuk osh yakni moma ka hlopullit taiyahli met, hvshi chakkali cha, nitak pokoli tuklo ket ont taha ma, Chelusalem a okla vla tok.

9. Mihma Choab et okla holhtina moma ka miko yash ant ima tok: mihma Israel a hatak chilita nukwia iksho bvshpo falaia ieshi ket tahlepa sipokni tahlepa untuchina tok: mikma Chutah hatak vhleha het tahlepa sipokni tahlepa tahlapi tok.

10. Atuk o okla ha hotihna hayak o, Lewi chukesh et nvhli tok. Mihmet Lewi et Chihowa ya, Yemma yemihechi li ket ashvchi li fehna tuk oke: yohmi ka Chihowa ma! himak a chin tishu nanashvchi ya isht ish kanvlichashke, chim asilhha lishke; em anukfala iksho hosh yemihechi li tuk oka, im achi tok.

11. Onnahinli Lewi et tani ma, Chihowa im anumpa het hopaii Kat, Lewi i napisa ya im vla cha,

12. Ia cha, Lewi ya yak im achi, Chihowa et, Nana tuchina ho chin takalichi lishke; achufa ho ish atokolashke, yohmikma chi yemihechi lashke, yak achishke, ish im achashke, achi tok.

13. Yohmi ma Kat et Lewi ya im vla cha, im anolit, Afemmi untuklo hochevfo hosh chi yakni ya chim vla chi cho? ak cho? hvshi tuchina ho chin tenep puta ket chi hlioli na ish in chahafa chi cho? ak cho? ililli okpulo et nitak tuchina ho chi yakni ya aya chi cho? himak a ish anukfilli cha, anumpa falama kaniohmi ho et sa pila tuk a falummichit isht im ona la chi ka ish mibashke, im achi tok.

14. Mihma Lewi vt Kat a, Ai atikonofa fehna hō hikia lishke: himak a Chihowa ibbak ak o e fohkashke; isht i nukhako vt chinto hoka; micha hatak ibbak ano ak fohko kashke, im achi tok.

15. Yohmi hō Chihowa vt Israel a ililli okpulo et onochi na onnahinli yō isht ia mvt, nitak vllpisa tuk ont ai vllpiesa tok: mihma okla illi kv̄t Tan vttvt ivt Bee-sheba ont vlli ka hatak tablepa sipokni pokoli untuklo tok.

16. Atuk o enchel vt Chelusalem a issot kancha chī hosh ibbak weli ma, Chihowa vt nana ik achukmo ka ishit nukhako mvt, okla issot kanchi enchel a, Vlhpesá, himak a chibbak a ish issvchashke, im achi tok. Mihma Chihowa im enchel ash osh Chebusait hatak Alaunah im anihechi yak o bilika hikia tok.

17. Atuk o Lewi vt okla issot kanchi enchel a pisa mvt, Chihowa ya im anumpulit, Yakeh! vno ak osh nan ashvchit, vno ak osh nan ik vllpeso fehna yvmihchi li tuk oke: yohmi kia ebukfelhpoa ilvppvt nanta hō katiohmi tuk oh cho? chibbak vt vno, micha aki in chuka achvfa yak o i sanalashke, chim asilhha lashke, achi tok.

18. Mihma Kat vt nitak ymma Lewi ya im vla cha, Ia cha, Chebusait hatak Alaunah im anihechi ya alta Chihowa ya im ikbit ish hilechashke, im achi tok.

19. Mihma Chihowa vt nana apesa na Kat vt achi tuk mak o, Lewi vt ia tok.

20. Mihma Alaunah vt hopokoyo mvt, miko, micha in tishu vhleha aiena kv̄t minti na pisa tok. Michā Alaunah vt koheha cha, miko itikba ya akachunolit nashuka ya aka ishit hlipia tok.

21. Mihma Alaunah vt, Nanta katiohmi hō a shahli miko vt in tishu hā im vla cho? achi tok: mihma Lewi vt, Chim anihechi ya chumpa lish, Chihowa ya alta im ai ikbi likma, ililli okpulo vt okla hā i yokopa chī kak oke, achi tok.

22. Mihma Alaunah vt Lewi ya, A shahli miko vt nana kak osh im vllhesakmvt, ishi cha, isht aiokpvchashke: yakeh! na hukmit isht aiokpvchi vto wak vt yak hinlishke, iti yokvto nana ishit nihechi, micha wak ishit toksvli aiena kv̄t yak ashvshke, im achi tok.

23. Nana ileppa puta moma ka Alaunah et miko ehohmit miko yash ima tok. Micha Alaunah et miko ya, Chin Chitokaka Chihowa et chim aiokprehashke, im achi tok.

24. Mihma miko yash osh Alaunah ya, Ahá! amba elbi ho chin chumpa li pulla chi hoke: micha an Chitokaka Chihowa ya nana a kunia tuk keyu hoketo na hukmit isht aiokprechi la he keyu hoke. Yohmi ho Lewi et anihechi, micha wak aiena ka tuli huta shekel pokoli tahlapi ho chumpa tok.

25. Mihma Lewi et Chihowa ya yemma alta im ai ikbi cha, na hukmit isht aiokprechi puta, micha it i nanaiyechi isht aiokprechi puta aiena ka im issa tok. Yohmi ho yakni ya isht ilbeshet anumpuli ka Chihowa et vhpesa im ahni na ililli okpulo et yokopa tok.

MIKO UHLEHA

ISHT ANUMPA UMMONA HOKE.

MIKO VHLEHA

ISHT ANUMPA UMMONA HOKE.

CHAPTA I.

MIHMA miko Lewi vt sipoknit taiyaha, nitak in lauvt taiyaha tok; mihma anchi isht ompohomo kia, libisha he keyu tok.

2. Yohmi ma in tishu vhleha hvt, A shahli miko ya choyo himita hatak haleli keyu yo i hoyashke; mikma miko ya itikba hikia cha, heh ahnit sholashke, micha chi apota na, a shahli miko vt libishashke.

3. Yohmi ho ohoyo himita pisa aiokli ho Israel aiasha fullota moma ka a hoyo met, Shunamait ohoyo Abishak ahayuchi cha, miko ya isht im vla tok.

4. Mihma ohoyo himita yash osh pisa aiokli fehna tok; mihmet miko ya heh ahnit shoyuli cha, nana isht im ahanta tok: yohmi kia miko vt ik ithano tok.

5. Yohmi ma Hakkilh ushi Atonichah vt ile chahvchit, Uno ak osh miko la chi hoke, achi tok: mihmet tenvp itichanelli puta, micha issuba om binili vhleha, micha hatak pokoli tahlapi aiena tikba malela chi ka il atahli tok.

6. Mihma iki vt nitak nana kia, Nanta katiohmi ho ish yemihchi cho? achit im alemmi keyu hatok: micha hatak pisa achukma tok; Absalom iakaiya ho ishki vt sholi atok.

7. Atuk o Seluah ushi Choab, micha Abiahla naholitompa isht vta ya it im anumpuli tok: mihma Atonichah ya iakaiyvt okla cha, apelvchi tok.

8. Yohmi kia Satok naholitompa isht vta, micha Chehoi-ata ushi Benaiah, micha Nahlan hopaii, micha Shimei, micha

Lei, micha hatak hlampko chilita vhleha aiena Lewi apehvt a₂sha vt Atonichah y₂ ik ibafoko tok.

9. Mihma Atonichah vt chukfvlhpoa, micha wak, micha wak ilhpitvt nia aiena h₂ Sohelelh tvli y₂ bilika, yummvt En-lokel ituma y₂ ai vbi mvt, itibapishi vhleha moma, miko ushi vhleha, micha miko in tishu vhleha, Chutah hatak vhleha moma ka im anoli tok.

10. Amba Nahlan hopaii, micha Benaiah, micha hatak hlampko chilita vhleha, micha itibapishi Solomon aiena k₂vno ik im anolo tok.

11. Yvmohmi ma Nahlan vt Solomon ishki Balh-sheba y₂ im anumpulit, Atonichah Hakkilh ushi vt miko ka chik haklo tuk oh cho? mihma Lewi p₂ shahli vt ik ithanoshke, achi tok.

12. Yvmohmi hoka inta! himak a chim asilhha lishke, nana ak ch₂ miha na chishno chim ilhfio₂pak, micha chiso Solomon im ilhfio₂pak ita tuklo ka ish hlakofichashke.

13. Ia cha, chukowvt miko Lewi y₂ im ona cha, A shahli, miko ma! chin tishu ohoyo h₂ anumpa k₂vlllo il onochit ish i miha kv₂t; Chiso Solomon ak osh siakaiyvt miko cha, v₂m ai ombinili holitompa y₂ ombinili pulla hi a is sv₂m achi tok keyu cho? yohmi hokak o nanta katiohmi h₂ Atonichah vt miko cho? ish im achashke.

14. Yakeh! miko y₂ it im anumpulit isht ish anta itin-takla ma, vno ak kia chiakaiyvt chukowa lish, chim anumpa h₂ ai ahliche lashke, achi tok.

15. Mihma Balh-sheba vt miko y₂ ibachukowvt anusi aboha y₂ chukowa tok: mihma miko vt sipokni fehna tok: mihma Shunamait ohoyo Abishak vt miko y₂ nana isht im ahanta tok.

16. Mihma Balh-sheba vt miko y₂ im akachunoli cha, aiokpuchi tok. Mihma miko vt, Nanta h₂ ish ahni cho? achi tok.

17. Mihma, A shahli ma! chishno vt chin tishu ohoyo h₂ anumpa k₂vlllo il onochit chin Chitokaka Chihowa pulla ka isht is s₂a mihvt, Chiso Solomon ak osh siakaiyvt miko pulla cha, v₂m ai ombinili holitompa y₂ ombinila hi oke, ish ahanchi tok.

18. Yohmi tok okak o himak a yakeh! Atonichah ak osh mikoshke; mihma himak a, a shahli miko chia hvt chik ithanoshke.

19. Micha wak, micha wak ilhpitvt nia, micha chukfulhpoa aiena ka lauachit vbi cha, miko ushi vhleha moma, micha Abiahla naholitompa isht vtta, micha tvshka chipota i kvpitvni chito Choab aiena ka im anoli tok: yohmi kia Solomon chin tishu hano ik im anoloshke.

20. Mihma a shahli miko ma! kvna hosh iakaiyvt a shahli miko im ai ombinili holitompa ya ombinila chi ka ish im anola chi ho, Israel moma i holhponayo vt chishno ak o chi onvtoyulvshke.

21. Yvmmak keyukma yakohma hi oke, a shahli miko vt iki vhleha takla nusikma, vno micha svso Solomon ita tuklo ket nan i sanali pi holhtina hi oke.

22. Atuk o yakeh! miko ya im anumpulit isht anta moma ma, Nahlan hopaii vt ant chukowa tok.

23. Mihma miko ya im anolit, Yakeh! Nahlan hopaii yoke, achi tok. Micha ant chukowvt miko itikba vla met, miko itikba ya akachunolit nashuka ya aka pit ishit hlipia tok.

24. Mihmet Nahlan vt, A shahli miko ma! Atonichah ak osh siakaiyvt miko cha, vm ai ombinili holitompa ya ombinila chi hoke, ish achi tuk oh cho?

25. Himak nitak a ia cha, wak, micha wak ilhpitvt nia, micha chukfulhpoa aiena ka lauachit vbi cha, miko ushi vhleha moma, micha tvshka chipota i kvpitvni vhleha, micha Abiahla naholitompa isht vtta ya im anolishke: mihma yakeh! itikba ya impvt, micha ishkot ai asha cha, Chitokaka yvt miko Atonichah ya okchalinchashke, okla ahanchi hoke.

26. Amba vno, vno fehna chin tishu sia, micha Satok naholitompa isht vtta, micha Chehoiata ushi Benaiah, micha chin tishu Solomon ano ik im anoloshke.

27. A shahli miko vt nana ilvppa yvmihchi tuk okak osh kvna hosh a shahli miko ya iakaiyvt im ai ombinili holitompa ya ombinila hi a, chin tishu ha chik i haiakvcho tuk oh cho? achi tok.

28. Yohmi ma miko Lewi vt afalamichit, Balh-sheba ya hvs sa hoyashke, achi tok: mihma miko ya ant iba chukowa cha, miko itikba ya hikia tok.

29. Mihma miko vt anumpa kullo il onochit, Chihowa yummak osh vmi shilombish ai itikonofa puta a hlakofihin-chi chatuk vt okchaya pulla ka,

30. Anumpa kullo il onochit, Israel in Chitokaka Chihowa pulla ka ishit chi mihvt, Chiso Solomon vt siakaiyvt mika he, micha si vlhtobvt vm ai ombinili holitompa ya ombinili pulla hi oke, achi li tok; yohmi tok okvt himak nitak a yvmihchi la chi pulla hoke, achi tok.

31. Yohmi ma Balh-sheba vt nashuka ya aka pit isht akachunoli cha, miko ya aiokpuchi tok; micha, A shahli miko Lewi vt okchaya na biliashke, achi tok.

32. Mihma miko Lewi vt, Satok naholitompa isht vtta, micha Nahlan hopaii, micha Chehoiata ushi Benaiah aiena ka hvs sa hoyashke, achi tok. Mihma miko itikba ya okla vla tok.

33. Mihma miko vt, Chi shahli in tishu vchleha ha pehlich cha, svso Solomon a vm issuba haksobish falaia yash ombinilichi cha, Kihon a isht hvsh onashke.

34. Mikma Satok naholitompa isht vtta, micha Nahlan hopaii ita tuklo kvv yummak ash o nan ahvmmitt Israel i miko isht ai atokolashke: micha ishtpufa ya olachit, Chitokaka vt miko Solomon a okchalinchashke, hvsh achashke.

35. Yohmikma iakaiyvt hvsh minti na vlvv, vm ai ombinili holitompa ya om binilashke; yummak osh si vlhtobvt miko ya chi hoke: micha yummak Israel micha Chutah aiena ka i miko ya chi hv atokoli li tuk oke, im achi akinli tok.

36. Mihma Chehoiata ushi Benaiah vt miko ya im afalamichit, Amen; a shahli miko in Chitokaka vt yummak o achi ak inlashke.

37. Chihowa vt a shahli miko ya ibafoyuka chatuk vt chiyuhmitt Solomon a ibafoyuka cha, im ai ombinili holitompa ya chitoli kvv a shahli miko Lewi im ai ombinili holitompa ya i shahlichashke, achi tok.

38. Yohmi hv Satok naholi' mpa isht vtta, micha Nahlan

hopaii, micha Chehoiata ushi Benaiah, micha Chelehlait vhleha, micha Pelehlait vhleha aiena kvt ia cha, Solomon a miko Lewi im issuba haksobish falaia ya ombinilichi cha, Kihon a isht ona tok.

39. Mihma Satok naholitompa isht vtta vt tabenakel a lapish bila vlhto ya ai ishit kohchi cha, Solomon a nan ahemmit atokoli tok: mihma ishit pufa ya okla olachi tok: mihma okla moma kvt, Chitokaka vt miko Solomon a okchalinchashke, ahanchi tok.

40. Mihma okla moma kvt et iakaiyvt minti mvt, oskula puta olachit yukpa fehna hosh na yukpa tok; yohmi ma ola kak o yakni vt winakvchi tok.

41. Mihma Atonichah, micha im annoa hosh apeha tuk aiena kvt impet issa mvt, haklo tok. Mihma Choab vt ishit pufa ola ka haklo mvt, Nanta katiahmi ho tmaha holihta ya nana ola shakapa ilvppet yvmohmi hoh cho? achi tok.

42. Atuk o anumpulit isht anta moma ho yakeh! Abiahla naholitompa isht vtta ushi Chonahlan vt ai vla tok: mihma Atonichah vt, Chukowá; hatak chilita nukwia iksho chia hokvt, nan annoa achukma isht ish ia hoke, im achi tok.

43. Mihma Chonahlan vt afalamichit Atonichah ya, Ahlishke, pi shahli miko Lewi vt Solomon a miko ikbishke.

44. Micha miko ash osh Satok naholitompa isht vtta, micha Nahlan hopaii, micha Chehoiata ushi Benaiah, micha Chelehlait vhleha, micha Pelehlait vhleha aiena ka apelinchit pila na, miko im issuba haksobish falaia yash okla ombinilichishke:

45. Mihma Satok naholitompa isht vtta, micha Nahlan hopaii ita tuklo kvt Kihon ak o nan ai ahemmit mikochishke; mihma ymma ashvt nayukpa hosh mintishke; yohmi ho anonti tmaha holihta vt winivchishke. Shakapa ilvpak o hrsh haklo tuk oke.

46. Micha Solomon vt apelhlichika ai ombinili holitompa ya ombinili akinlishke.

47. Micha yohmi ma miko in tishu vhleha hvt pi shahli miko Lewi ya im vla cha, anumpa yukpali onochit, Chihowa

vt Solomon hohchifo hā holitoblichī kv̄t chi hohchifo hā i shahlichashke, micha im ai ombinili holitompa yā chitoli kv̄t chim ai ombinili holitompa yā i shahlichashke, okla achishke: mihma mīko vt in topa binilit il akachunoli tuk oke, im achi tuk.

48. Mihma mīko vt yak achit, Israel in Chitokaka Chihowa, yummak osh himak nitak a vm ai ombinili holitompa yā ombinila chī ka vma kv̄t holitopashke, sa nishkin akinli kv̄t pihisvshke, achi akinli tuk oke, im achi tok.

49. Mihma im annoa atuk moma Atonichah yā apehvt aiasha tuk vt nukshopa cha, wakaya mvt, hatak vt i hina aiyukali kv̄t i vt taha tok.

50. Mihma Atonichah vt Solomon pulla kak o nukshopa mvt, wakayvt ia cha, alta lapish puta ka ont hoklit ishi tok.

51. Atuk o Solomon a im anolit, Yakeh! Atonichah vt mīko Solomon a i nukshopvshke: yakeh! alta lapish puta ka hoklit ishi cha, Solomon mīko vt in tishu hā bvshpo falaia isht vba he keyu kv̄t himak nitak a anumpa kv̄llo il onochit a mihashke, achishke, achi tok.

52. Mihma Solomon vt, Hatak v̄lhpiesa chiyuhmit aya hokmvt, pashi achvfa kia aka itula he keyu: amba na haksi vt atakalit haiaka hokmvt, illa hi oke.

53. Yohmi ma mīko Solomon vt pit hoyo na, alta ont ai ishit okla isht v̄la tok. Mihma v̄lvt mīko Solomon a il im akachunoli tok: mihma Solomon vt, Chin chuka yā iā, im achi tok.

CHAPTER II.

MIHMA Lewi vt ai illa he nitak vt tahvt mihinti tok; mihma ushi Solomon a atokolit i mihvt,

2. Yakni moma kv̄t atia chatuk a ia lishke: yvmohmi hoka ish kv̄llo cha, hatak aghi yosh ish il otv̄nihinchaske;

3. Michā chin Chitokaka Chihowa vt atokolit chī miha kak o ish im antia cha, i hina puta ish a nohōwa cha, i nan v̄lhpisa puta, micha im anumpa v̄lhpisa puta, micha i nan ai isht apesa puta, micha i nan ai isht il atokoli puta aiena kv̄t

Moses i nanvhpisa a holisso tok a, ish ieshashke; yvmohmi hosh nana hō ish kaniohmikmvt, micha kanima yō pit ish fullotakmvt, hopoyuksa hosh ish ayashke:

4. Yohmi na Chihowa vt im anumpa ishit si anumpulit, Chim vlla vhleha hvt ai itvnowa kv̄t ahah! ahni cha, chv̄kvsh aioklvhanchit, micha imi shilombish aioklvhanchit sa tikba aighli hosh itvnohōwakma, Israel ai ombinili holitompa yā ombinila hi vt hatak achvfa kia ik chim iksho ka he keyu hoke, achi tok vt aighlichashke.

5. Micha Seluiah ushi Choab vt nana sa kaniohmichi tok, micha Israel tvshka chipota i kv̄pitvni chito tuklo, Ne ushi Abne, micha Chehle ushi Amasa itatuklo, yvmmak oka vbi cha, it i nanaiyvt asha hō, tv̄nv̄p issish hlatvbi tok; micha tv̄nv̄p issish a im vskofvchi isht vskofaiyachi tok, micha shulush iyi hoyolo tok aiena ka, issish lapalahinchi tok a ish ithaiyanvshke.

6. Yvmohmi hoka chi hopoyuksa mak osh ish kaniohmichashke, micha noshkobo tohbi hvt ai achukmakvt ahollopi yā ona hi o chik im ahno kashke.

7. Amba Kileatait hatak Basillai ushi vhleha hano ish i kanashke; mikma chim ai impa yā ai ihimpa vhleha hā ibafoyukashke: yohmi hosh chitibapishi Absalom a i maleli li ma, okla vm vla tuk oka.

8. Micha yakeh! Kela ushi Benchamait hatak Bahulim minti Shemei vt chi takla antvshke, yvmmak okvt Mahanaim ia li nitak a anumpa kalakshichi ik achukmo fehna hō ishit sa kalakshichi tok: yohmi tuk kia vlv̄t Chatan a si afama na Chihowa hochifot anumpa kv̄llo ilonochit i miha li mvt, Brshpo falaia yā ishit chibi la he keyu, achi li tok.

9. Yvmohmi hoka himak a na hotopa he vlv̄pesa keyu ka chik chohmecho kashke: hatak hopoyuksa chia hokvt nana ish kaniohmicha he vlv̄pesa kv̄t ish ithaiyanvshke: amba noshkobo tohbi yā issish o ahollopi yā isht ish onashke, achi tok.

10. Mihmvt Lewi vt iki vhleha hā takla nusi cha, Lewi in tv̄maha holihta yak o ahollopi tok.

11. Micha Lewi vt Israel a i mikot nitak moma kv̄t afvm-

mi pokoli ushta tok: afvmmi untuklo hō mīkot Heblon a ahanta tuk osh, afvmmi pokoli tuchina akucha tuchina hō Chelusalem a a mīko tok.

12. Yohmi ma Solomon vt īki Lewi im ai ombinili holi-tompa ya ombinili tok; mihma im apehlichika yvt kvllot hikia fehna tok.

13. Mihma Hakkilh ushi Atonichah vt Solomon ishki Balh-sheba ya im ona tok. Mihma, Nanaiya hosh ish aya cho? im achi tok. Mihma, Nanaiya li hoke, achi tok.

14. Micha achakalinchit, Nana chim achi la hi vt vm ashvshke, achi tok. Mihma, Mihá, achi tok.

15. Mihma, Apehlichika yvt vmmi hatok a, micha Isael moma kvv vno ak osh mīko la he ahnit, nashuka ya si onochi tuk a ish ithanvshke; yohmi akinli kia apehlichika yvt shanaiya cha, itibapishi li toba tuk oke: Chihowa yak osh ahni hō immi hatuk oka.

16. Yohmi ka himak a nana achvfa hō chim asilhha lishke, ahá chik svv acho kashke, achi tok. Mihma, Mihá, im achi tok.

17. Mihma, Solomon mīko ya ish im anumpulashke, (ahá chim acha he keyu hoka,) mikma Abishak Shunammait ohoyo hā vma na sa tekchi yashke, achi tok.

18. Mihma Balh-sheba vt, Ome, mīko ya chim it im anumpuli lashke, achi tok.

19. Yvmohmi hō Balh-sheba vt Atonichah Solomon a im it im anumpula chī hosh im ona tok. Mihma mīko vt wakayvt afama cha il im akachunolit ai ombinili holi-tompa ya ombinili mvt, mīko ishki ya ai ombinili ī hilecha chī ka, ī miha tok; mihma ishtimpak imma ya binili tok.

20. Mihma, Nana iskitini achvfa hō chim ahni lishke; ahá chik svv acho kashke, chim asilhha lishke, achi tok. Mihma mīko vt, Asilhhá, hvshki ma! ahá chim achi la he keyu hoke, im achi tok.

21. Mihma, Abishak Shunammait ohoyo hash o chitibapishi Atonichah ya ish ima na tekchi yashke, achi tok.

22. Mihma mīko Solomon vt afalamichit, ishki ya, Kati-ohmi hō Atonichah ya Abishak Shunammait ohoyo hā ish

im asilhha cho? apehlichika yak kia ish im asilhhashke; (vmni yoka;) ymma, micha Abiahla naholitompa isht vttā, micha Seluah ushi Choab aiena ka; im achi tok.

23. Yohmi ma Solomon miko vt Chihowa hochifot anum-pa kello il onochit miha mut, Chitokaka yvt si yakohmichit, micha i shahli kia, Atonichah vt ilap im ilhfiopak akinli ho i sanali hosh, ik anumpulo ke tuk okma, si ymihchashke.

24. Yvmohmi hoka himak a Chihowa vt okchaya pulla cha, ymmak osh kellochit sa hilechi cha, aki Lewi im ai ombinili holitompa ya si ombinilichi tuk, micha miha tuk mak osh chuka vm ikbi tuk oka, himak nitak Atonichah vt illa chi hoke, achi tok.

25. Mihmut Solomon miko vt Chehoiata ushi Benaiah ya tohnot pila na, ont onvtola na illi tok.

26. Mihma Abiahla naholitompa isht vttā yano miko vt, Ia cha, chim osapa akinli, Anahloh taloha kak o ish onashke; chilla he vhpesa hokvt; yohmi kia himak ano chibi la he keyu, aki Lewi itikba Chitokaka Chihowa im itombi holitopa ya sholit ish aya beka tok, micha aki vt isht ai ilbrsha moma ka, ish ibai ilbrsha beka tok oka, im achi tok.

27. Yvmohmi ho Solomon vt Abiahla vt Chihowa naholitompa isht im vttā yatuk a kocha pit tobli tok; yvmohmi hosh Chihowa im anumpa ha Eli in chuka achvfa yvt Shiloh ya asha ka ai isht anumpohonli tok a, aiahlichā chi hatok.

28. Mihma anumpa hvt Choab a im ona tok; (Choab vt filvmmitt Absalom a iakaiya tok keyu akinli kia, filvmmitt Atonichah ya iakaiya tuk okvt;) mihmut Choab vt malelit Chihowa in tabenakel a ona cha, alta lapish puta ka hoklit ieshi tok.

29. Atuk o Choab vt malelit Chihowa in tabenakel a ona cha, yakeh! alta bilika ya hikiushke, achit miko Solomon a im anoli tok: mihma Solomon vt Chehoiata ushi Benaiah ya pila mut, Ish ia cha, ont ish onvtolashke, achi tok.

30. Atuk o Benaiah vt Chihowa in tabenakel a ona cha, Miko vt, Ish kohchashke, yak achishke, achi tok. Mihma Ahā amba ilvppak o a salla chi hoke, achi tok. Mihma

Benaiah vt miko ya anonti anumpa isht vla cha, Choab vt yak achishke, micha afalamichit-ilvppak o vm achishke, achi tok.

31. Mihma miko vt, Miha tuk mak o ish yvmihchi cha, ont ish onvtola cha, ish hohpashke; yvmohmi hosh issish nan okpuni keyu Choab vt hlatvbli tok a vno, micha aki in chuka achvfa ya ai ishit ish kanchashke.

32. Mikma yummvt hatak tuklo hosh aivlhpiesa, micha achukma kv ilap a i shahli, yummvt Ne ushi Abne, Israel tvshka chipota i kupitvni chito, micha Chehle ushi Amasa Chutah tvshka chipota i kupitvni chito ya, aki vt ik ithano ho, onvtolvt bvshpo falaia isht vbi tok oka, Chihowa vt ilap noshkobo akinli ho im issish a falvmminchit onochashke.

33. Yvmohmi hoka yvmma im issish vt Choab noshkobo, micha im isht atiaka noshkobo ha onvtoyula na biliashke: amba Lewi, micha im isht atiaka, micha in chuka achvfa, micha im ai ombinili holitompa aiena yano Chihowa vt ahni na it i nanaiya na bilia chi hoke, im achi tok.

34. Yvmohmi ma Benaiah Chehoiata ushi vt ivt ont onvtolvt vbi tok; mihma ilap in chuka akinli yakni haiaka ya a hollopi tok.

35. Mihma miko vt atobbichit Chehoiata ushi Benaiah yak o, tvshka chipota pehlichhi hilechi tok; micha miko vt naholitompa isht vtta Satok ak o Abiahla ya atobbichi tok.

36. Mich a miko vt Shimei ya pit hoyo cha, Chelusalem ak o chuka ish ai ikbi cha, yvmmak o ish ahantashke, micha yvmma kohchvt kanima ish ia na.

37. Yakohma hi oke, kohchvt ish ia cha, Kitlon bokushi ya ish vbanvbli nitak yvmma chilli pulla hi vt ish ithaiya-nashke: chim issish vt chi noshkobo hak inli ho onvtoyulashke, im achi tok.

38. Mihma Shimei vt miko ya, Anumpa hvt achukmvshke: a shahli miko vt achi tuk mak o, chin tishu hvt yvmihcha chi hoke, im achi tok. Mihmvt Shimei vt nitak laua ho Chelusalem a ahanta tok.

39. Atuk o yakohmi tok, afvmmi tuchina kv ont taha ma, Shimei in tishu vhleha ha tuklo kv tihlayvt Kalh i miko Maachah ushi Achish a im ona tok: mihma Shimei ya

im anolit, Yakeh! chin tishu tuklo kash osh Kalh a ash-wushke, achi tok.

40. Mihma Shimei vt wakaya cha, im issuba haksobish falaia ya ompatali cha, in tishu tuklo kash hoyot aya hosh Kalh a onvt, Achish a im ona tok: micha Shimei vt in tishu tuklo kash Kalh a ont ai isht vla tok.

41. Atuk o Solomon a im anolit, Shimei vt Chelusalem a kohchvt ivt Kalh a ona tuk osh anonti vlvshke, achi tok.

42. Mihma miko vt Shimei ya pit hoyo cha, Chihowa hochifot anumpa kullo il onochichit atokolit chi miha li kv, Nitak ymma kohchvt, kanima ish ayakmvt, chilli pulla chi kv ish ithaiyanashke, chim achi li tok keyu cho? mihma chisno vt, Anumpa haklo li ka achukmvshke, is srm achi tok.

43. Ymohmi hoka nanta katiohmi ho Chihowa hochifot anumpa kullo im ilonochi, micha anumpa atokolit chi miha li tuk aiena ka chik iesho tuk oh cho? im achi tok.

44. Michi miko vt achakalinchit Shimei ya, Nahaksi moma chi chukvsh vt ahalaia kv ish ithanvshke, yummvt aki Lewi ya nana ish kaniohmichi tok; ymohmi hoka Chihowa vt nana chi haksi ya chishno chi noshkobo akinli ho falvmminchit onocha chi hoke:

45. Mikma miko Solomon vt holitopakma, Lewi im ai ombinili holitempa vt Chihowa itikba ya kvllo hikia na bilia hi oke, im achi tok.

46. Ymohmi ma miko vt Chehoiata ushi Benaiah ya i miha ma, yummvt kohchvt ia cha, onvtola na illi tok: mihma apelhlichika yvt Solomon ibbak ak o fohkv kvllo hikia tok.

CHAPTA III.

MIHMA Solomon vt Echip i miko Feleo ya it i kanomi toba cha, Feleo ushetik a ishi cha, Lewi in tumaha holihta ya isht vla na ahanta na ilap in chuka, micha Chihowa in chuka, micha Chelusalem aholihta apakfoyupa aiena ka atahli haya tok.

2. Peh okla hvt achahaka puta ka nan vbit ai isht aiokpuchi beka tok; nitak yemma foka ik ono kisha Chihowa hohchifo ka aboha yvt ik in tobo kisha hatuk oka,

3. Mihma Solomon vt Chihowa ya holitobli cha, iki Lewi vt nanvlhpisa puta ka a nohwa beka tok a anohwa tok: yohmi kia achahaka puta ka nan vbit ai isht aiokpuchit nabalama a hukmi beka tok.

4. Micha yummak o miko vt nan vbit ai isht aiokpucha chi hosh Kibeon a ona tok; yummak osh achahaka holitopa hatuk oka: alta yemma na hukmit isht aiokpuchi tahlepa sipokni achufa ho Solomon vt ai onochit isht aiokpuchi tok.

5. Kibeon a Solomon vt ninak a holhpokna ma, Chihowa vt i haiaka tok: micha Chitokaka yvt, Nana chima la chi ka is svm asilhashke, achi tok.

6. Mihma Solomon vt, Chin tishu Lewi aki ya chi tikba ya aiahlit, micha ai vlhpiesvt, micha chukvsh apissalit chiba nohwa tuk mak o ish i nukhaklo kvv chito tuk oke; micha ish i kana chito ilvppa ish im ieshi moma cha, ushi yosh im ai ombinili holitompaa ya ombinili ka ish ima tok o himak nitak a yvmohmishke.

7. Micha an Chitokaka Chihowa ma! himak a aki Lewi ya atobbichit chin tishu ha miko ish ikbishke; yohmi kia peh vlla sa fehna hoke: kohchvt ihiya, micha ant chukohwa kvv ak ithanoshke.

8. Micha chin tishu hvt chim okla, okla chito ish atokolit ish ishi tok o, apakna kvv holhtinvv taha he keyu ho, ai iklvna hikivshke.

9. Yvmohmi hoka chin tishu hvt chim okla ha nan im apesa chi ka chukvsh nan ithana ish ima na nana achukma, micha nana ik achukmo aiena ka akostininchi lashke: kvvta hosh chim okla chito yakohmi ka nan im apesa hinla cho? achi tok.

10. Mihma Solomon vt nana ilvppa asilhha tuk anumpa ha, Chihowa vt aiokpanchi tok.

11. Micha Chitokaka yvt, Nana ilvppak o ish asilhha cha, nitak falaia chik il asilhho, micha imilayak chito chik il asilhho, micha chin tenvv thleha im illhfiopak a chik asilhho

hatuk osh; amba chukvsh nan ithana nan ai vllhpiesa kak o isht ish akostinincha chi kvt ish il asilhha hoka:

12. Yakeh! chim anumpa pulla tuk mak o yvmihchi lishke: yakeh! chukvsh hopoyuksa, nan ithana aiena ka chima lishke; yohmi hō chi tikba aiasha kvt chishno chohmi tok keyu, micha chiakaya kvt chishno chohmi kvt waka-yvt hikia chi keyu hoke.

13. Micha nana ish asilhha tuk keyu aiena ka chima lishke, imilayak chito, micha hohchifo holitopa aiena ka chima lishke: yohmi hō chi okchayvt ish ahanta nitak moma ka, miko nana kia chishno chiyuhmi kvt iksho ka chi hoke.

14. Micha a hina puta kak o ish aya cha a nan vllhpisa puta, micha vm anumpa vllhpisa puta aiena ka ieshit, chiki vt anohowa tok mak o, chiyuhmit ish ayakma, nitak a chi falaiachi la chi hoke, im achi tok.

15. Mihma Solomon vt okcha tok; mihma yakeh! holhpokna hatuk achini tok: atuk osh Chelusalem a vla cha, Chihowa nan it im apesa afoyuka itombi holitopa itikba ya hikia cha, na hukmit isht aiokprechi puta onochit im issvt, itinanaiyvtchi isht aiokprechi puta im issa mrt, in tishu vllha moma ka imprechi tok.

16. Yohmi ma ohoyo tuklo kvt haui yosh miko ya im itonachi cha, itikba hieli tok.

17. Mihma ohoyo achvfa kash osh, A shahli ma! vno, micha ohoyo ilvppa itatuklot aboha achvfa hō il ashwa hoke; atuk o aboha il ashwa hō vlla eshi li tuk;

18. Atuk o yakohmi tok, vlla eshi li tuk nitak ont atuchina ma, ohoyo ilvppak kia vlla eshi ak inli tuk: mihmvt itatuklot il ashwa tuk oke: aboha ya inla kia pi takla anta tuk keyu, e tuklo ak illa hosh aboha ya il ashwa tuk oke.

19. Atuk o ohoyo ilvppa im vlla vt ninak a illi tuk, onvtola hatuk o.

20. Mihma ninak iklvna ma wakaya cha, chin tishu ohoyo hvt nusi hosh itonla ma, seso hvt si apotvt itonla tuk a ishi cha, shakba fohki mvt, im vlla illi yash sa shakba fohki tuk oke.

21. Atuk o onnahinli ma vm vlla ya pishichi la chi hosh

wakaya li ma, yakeh! illi tuk atuk: yohmi tuk kia onnahinli ma achukmalit pisa li ma, yakeh! svso eshi li tuk a keyu tuk, achi tok.

22. Mihma ohoyo achvfa vt, Keyú, amba okchaya yak osh svso hokma, illi yak osh chiso hoke, achi tok. Mihma ilvppak ash osh, Keyú, amba illi yak osh chiso hokma, okchaya yak osh svso hoke, achi tok. Yak achit miko itikba ya ai anumpohonli tok.

23. Yohmi ma miko vt, Achvfa kvf, Okchaya yak osh svso hokma, chiso hvto illi ak oke, achi ma, achvfa vt, Keyú, amba illi yak osh chiso ak okma, svso hak osh okchaya ak oke, achishke, achi tok.

24. Mihma miko vt, Bvshpo falaia isht oh vm vlá, achi tok. Mihma miko itikba ya bvshpo falaia ya isht im vla tok.

25. Mihma miko vt, Ulla okchaya ya ish ita hokofit ish tuklochi cha, iklvna ka achvfa ya ish imakmvt, achvfa ya iklvna ka ish imashke, achi tok.

26. Mihma ohoyo vlla im okchaya yash osh, ushi ya chukvsh vt o kanvlli hatuk osh miko ya, A shahli ma! vlla okchaya ya ish imashke, micha ik kaniohmi kia chikbo kashke, achi tok: amba achvfa kash osh, Pishno keyu bikashke, amba peh ita hokofashke, achi tok.

27. Yohmi ma miko vt afalamichit, Yvmmak o ish imashke, micha ish bi ná, yvmmak osh ishki yoka, achi tok.

28. Atuk o Isael moma kvf nan apesa miko vt apesa tuk a okla haklo mvt, miko ya i nukshopa tok: Chitokaka im ahopoyuksa nukfoyukv nan apesa ka pisa hokvt.

CHAPTER IV.

MIHMA miko Solomon vt Isael moma ka i miko tok.

2. Mihma ilvppa puta kak osh i holitompa vhleha atok; naholitompa isht vtta Satok ushi Asaliah atok;

3. Eliholef micha Ahiah itatuklo kvf holissochi yosh Shisha ushi atok: Ahilvt ushi Chehoshafat vt holisso takalichi atok.

4. Mikma Chehoiata ushi Benaiah vt tushka chipota pehlichy atok: mikma Satok micha Abiahla itatuklo kv̄t naholitomp̄a isht ašwa atok;

5. Mikma Nahlan ushi Asaliah ak osh nanvltoka moma pehlichy atok: mikma Nahlan ushi Sabul ak osh holitomp̄a i shahli yosh miko i kana atok:

6. Mikma Ahisha vt chuka achvfa apesvchi atok: mikma Abta ushi Atonilam vt noshkobo atobbi natoksvli apistikeli atok.

7. Mikma Solomon vt nan vltoka auah tuklo hosh Israel moma ka pehlichy hosh im asha cha, ymmak osh miko micha in chuka achvfa yā pinak im ahayuchi tok: afemmikma hvshi achvfa aiyuka hō pinak a ahayuchi beka tok.

8. Ilvppak osh hohchifo hoke; Hu ushi vt nnih Eflaim a a hoyo tok.

9. Mikma Teka ushi vt Makas, micha Shaal-bim, micha Belh-shemesh, micha Elon-belh-hanan aiena ka a hoyo tok.

10. Heset ushi vt Alubolh a ahoyo tok: ymma Sokoh, micha Hefe yakni moma kv̄t im aiena tok.

11. Abinitab ushi vt To afullota moma ka a hoyo tok: ymma tekchi vt Solomon ushetik Tafalh ak atok.

12. Ahilut ushi Baana vt Taanak, micha Mekitto, micha Belh-shean, ymmvt Satanah bilika Chesleel nutaka talaia kv̄t moma, Belh-shean vttvt ia hosh Abel-meholah Choknean misha tnnvp talaia ka ona ka a hoyo tok.

13. Kebe ushi Lamolh-kileat vtt̄a yvt Manasseh ushi Chai in temaha puta Kileat ataloha ka; micha Akob afullota Bashan talaia, temaha hochito pokoli hannali hosh aholihta, micha holihta okhissa okhowetkvechi vt asonak lakna yō a hoyo tok.

14. Itto ushi Ahinatab vt Mahanaim ak o a hoyo tok.

15. Ahimaas vt Naftali ak o a hoyo tok; ymmvt Solomon ushetik Basmalh vt tekchi ya chi hō ishi akinli tok.

16. Hushai ushi Baanah vt Asha, micha Alolh itatuklo kak o a hoyo tok.

17. Paluah ushi Cheloshafat vt Issaka yak o a hoyo tok.

18. Elah ushi Shimei vt Benchamin ak o a hoyo tok.

19. Uli ushi Kebe vt Kileat yakni Amolait okla i miko Sihon i yakni, micha Bashan i miko Ok i yakni aiena kak o a hoyo tok: micha yakni ymma nanvlhtoka vt ymmak illa hosh ahanta tok.

20. Mihma Chutah, micha Israel aiena kv̄t apakna kv̄t shinuk osh okhv̄ta lapalika aiasha kak o chiyuhmi cha, im-pv̄t nanishkot, nayukpv̄t aiasha tok.

21. Mihma Solomon vt apehllichika puta moma okhina puta v̄ttv̄t ia hosh, Filistin okla i yakni ona mv̄t, Echip aiv̄hli ona h̄o a miko tok; nahvlbina puta isht im ahanla cha, Solomon vt okehayv̄t ahanta nitak puta moma ka im antihya tok.

22. Mihma Solomon vt nitak achv̄fa h̄o i pinak vt bota tohbi lipihbi vlhpisa pokoli tuchinakma, onush pushi vt vlhpisa pokoli hannali tok,

23. Wak hobuk ilhpitv̄t nia pokoli, micha wak hobuk pokoli tuklo h̄o aiimpa holihta akochikmv̄t, chukfvlhp̄oa tahlepa achv̄fa, micha lapitta puta, micha issi puta, micha issikosoma holba puta, micha akaka ilhpitv̄t nia puta aiena ka, nitak achv̄fa ka v̄bi beka tok.

24. Im apehllichika yv̄t okhina ola in t̄nnvp̄t afullota moma Tifsah ya v̄ttv̄t ia hosh Assah ya ont v̄hli cha, okhina ola in t̄nnvp̄t miko moma ka pehliechi hatuk okv̄t: micha abilika fullota moma ka it i nanaiya bieka tok.

25. Mihma Chutah, micha Israel aiena kv̄t nana im akaniohmi iksho hosh, hatak puta kv̄t Solomon vt ahanta nitak puta moma ka, Tan v̄ttv̄t ia hosh Bee-sheba ont v̄hli ka i pakv̄pi nutaka, micha i fik v̄pi nutaka aiasha tok.

26. Michā Solomon vt issuba t̄nvp̄t itichanv̄lli halv̄lli ai ilhpita vt tahlepa sipokni pokoli ushta, micha issuba ombinili vt tahlepa sipokni auah tuklo hosh im āsha tok.

27. Mihma nanvlhtoka ymma puta kash osh hv̄shi ont im ai vlhpiesa aiyukalikmv̄t, miko Solomon a, micha miko Solomon im aiimpa ai v̄la puta ka, pinak im ahayuchi beka tok: nan ik im ono kv̄t iksho tok.

28. Issuba, micha kamel holba aiena kv̄t v̄pa chi ka bali, micha onush v̄pi aiena ka nanvlhtoka aiasha ka, im vlhpisa tuk aiyukali kv̄t isht im ohona beka tok.

29. Mihma Chitokaka yet Solomon a hopoyuksa, micha nan ithana atampa fehna, micha chukvsh chito ket okhvta lapalika shinuk aiasha kak o chohmi ho ima tok.

30. Mihma Solomon hopoyuksa ket hushu akochaka in chipota vhleha moma hopoyuksa, micha Echip hopoyuksa moma ka i shahli tok.

31. Hopoyuksa ket hatak moma ka i shahli tok okvt: Eslahait Ehlan, micha Heman, micha Chalkol, micha Tata, Mahol ushi vhleha ha i shahli tok: micha holitopvt oklushi moma fullota im annohowa tok.

32. Michu namiha tahlepa sipokni tuchina anumpohonli tok; mikmt im ilhtaloak vt tahlepa sipokni achvfa cha tahlapi tok.

33. Michu iti puta isht anumpuli ket, chuahla vt Lebanon a a hikia ka ai isht iakmt, hissop vt tvli holihta ai ofot atuya ka ont vhlchi tok: micha nampoia puta, micha hushi puta, micha nana balahanli puta, micha nuni puta aiena ka isht anumpohonli tok.

34. Mihma okla moma ka a minti ket Solomon hopoyuksa ka haponakla chi hosh yakni paknaka miko puta ket hopoyuksa ka haklo puta ka a minti ket vla tok.

CHAPTA V.

YOHMI ma Taia i miko Hila vt in tishu vhleha ha Solomon a i pila tok: (iki ya atobbichit ymmak o nan ahvmmi miko okla atokoli tuk a haklo tuk okvt:) Hila vt Lewi ya holitobli bilia chatuk okvt.

2. Mihma Solomon vt Hila a anumpa i pila cha,

3. Aki Lewi vt tenv vt aishvt apakfoypa bika kak o, Chihova vt iyi i nutaka ik ashacho kisha ma, in Chitokaka Chihova hohehifo pulla ka chuka im ikba be keyu tok a, ish ithanvshke.

4. Yohmi tok kia himak ano an Chitokaka Chihova vt afoha a fullota moma vma na, tenv nana kia micha nana ik achukmo kia ikshoshke.

5. Yohmi ka yakeh! aki Lewi ya Chihowa vt im anum-pulit, Chi atobbichit chiso chim ai ombinili holitompa ombinilichi la chi kak osh, sa hohchifo ha chuka im ikba hi oke, achi tuk mak o, an Chitokaka Chihowa ya hohchifo ha chuka im ikbi ka vm anukfilvshke.

6. Yvmohmi hoka himak a ish im apesa na, Lebanon a chuahla ya an tvhleshke; mikma an tishu vhleha hv t chin tishu vhleha ha apehvt aya chi hoke: chin tishu vhleha toksuli ka kaniohmi ho ish apesakma, moma chishno yak o chima lashke: pi takla ya Sitionian vhleha ha chohmit iti tvhli imponna kv iksho ka ish ithana hokvt, achi tok.

7. Atuk o yakohmi tok, Hilam vt Solomon im anumpa ha haklo mvt, nayukpa fehna cha, Chihowa vt okla chito ilvppa pehliecha chi ho, Lewi ya ushi hopoyuksa ima tuk vt, himak nitak a holitopashke.

8. Micha Hilam vt Solomon a anumpa pit i pilvt, Nana ahnit et is sam pila tuk a anukfillit pihisa lishke: iti chuah-la, micha iti shakolo holba nana ish ahni tuk moma ka yvmihchi la chi hoke.

9. An tishu vhleha hv Lebanon a ai ishit okhvta ha isht onakma, okhvta okvchit okpalalichit kanima yo ish apesakma, ont a kohcha be apesa likma, ish ishashke; micha an chuka achvfa pinak ish im ahayucha be ahni li ka, ish yvmihcha chi hoke, achi tok.

10. Yohmi ho ahni tuk mak o, Hilam vt Solomon a iti chuahla, micha iti shakolo hoiba ya ima tok.

11. Mihma Solomon vt Hilam a in chuka achvfa vt vpa chi ka onush vlhpisa tahlepa sipokni pokoli tuklo, micha bila kashofa vlhpisa pokoli tuklo ho ima tok: yakohmit Solomon vt Hilam a afvmmikma ihima tok.

12. Mihma achi tok mak osh, Chihowa vt Solomon a hopoyuksa ya ima tok: mihma Hilam micha Solomon vt it i nanaiyvt ahashwa tok: mihma tuklo kv anumpa ai itibai achvfa it im apesvt okla tok.

13. Mihma Solomon miko vt Israel moma ka nan atokoli isht ahanta tok; mihma vlhtoka kv hatak tahlepa sipokni pokoli tuchina tok.

14. Micha ai itiakaiya hō hvshi achvfakma, Lebanon a hatak tahlepa sipokni pokoli hō pila beka tok; hvshi achvfa hō Lebanon a mayakmvt, hvshi tuklo hō ilap in chuka aśha beka tok: mihma Atonilam ak osh vlhtoka yash pehliechi beka tok.

15. Mihma Solomon vt nvnih foka ya nan sholi vt tahlepa sipokni pokoli untuklokma, iti tvhli vt tahlepa sipokni pokoli untuchina hosh im aśha tok.

16. Solomon i nan vlhtoka vhleha i shahli puta natoksvli yash apistikeli vhleha hvv aśhakma, okla toksvli apistikeli vt tahlepa sipokni tuchina cha, tahlepa tuchina tok.

17. Mihma miko vt apesa na, tvli hochito, micha tvli hoolitopa puta, micha tvli tvhla aboha in tola bohla chi kvv isht vla tok.

18. Mihma Solomon chuka im ikbi vhleha, micha Hilam chuka im ikbi vhleha aiena kvv tvli itilauechi atuk vt tvhli tok; yohmi hō aboha ikba chi kvv iti micha tvli aiena ka atahli tok.

CHAPTA VI.

ATUK o yakohmi tok, Israel vt Echip yakni ya a kohchvt minti tok a, afvmmi tahlepa ushta, micha pokoli untuchina, micha Solomon vt Israel a i miko tok a afvmmi ont ai ushta, Sif hvshi, yvmmvt hvshi atukla hō Chihowa in chuka ikbit isht ia tok.

2. Mihma chuka Solomon vt Chihowa ya im ikbi kvv, falaia kvv kubit pokoli hannalikma, auata kvv kubit pokoli tuklokma, chaha kvv kubit pokoli tuchina tok.

3. Mikma aholitopa aboha itikba ya hoshontika yvt hikia hosh, falaia kvv kubit pokoli tuklo cha, aboha yash auata kak inli chohmi mvt, auata kvv aboha itikba ya kubit pokoli tok.

4. Micha aboha ya okhissushi atohwikeli ik auato puta ka ikbi tok.

5. Micha aboha tvli itvbana ya vba potvlhpo puta ka tikelichit apakfoblichit ikbi tok; aboha tvli itvbana aholitopa, micha aholitopa moma i shahli aiena ka kocha yak o

tikelichit apakfoblichit ikbi tok: micha vba potvlhpo in tola puta apakfoblichit kahpuli tok.

6. Ūba potvlhpo aka fehna kv̄t auata kv̄t, kubit tahlapikma iklenna vt auata kv̄t kubit hannalikma, ont atuchina kv̄t kubit untuklo tok: aboha t̄li it̄vana kocha yā, ai ȳ kaha ch̄i ka anukaka pit kanvlichit apakfoyubli hȳ, iti potvlhpo intola puta kv̄t aboha t̄li it̄vana ik shamv̄llo ka chin tok.

7. Mihma aboha yvt toba takla ma, t̄li yā isht ik lo kisha hȳ, vltaha tuk ȳ isht ikbi tok: yohmi hȳ chofak isht ahonv̄hli, micha iskifa, micha t̄li nana ishit toks̄li nana kia aboha yvt toba takla ma ik haklo tok.

8. Ūba potvlhpo ikl̄na yā achukowa okhissa vt aboha im ishtimpak imma in tv̄nv̄p ak ȳ hikia tok: micha apakfokv̄chit atuya oiya hosh vba potvlhpo ikl̄na yā ont chukowa cha, ikl̄na yash a koh̄cha mvt, ont atuchina ka oiyvt ont chukowa tok.

9. Yohmi hosh chuka yash ikbit tahli tok; micha chuka yash chuahla in tola puta, micha chuahla bv̄sha aiena hȳ ishit homo tok.

10. Yohmi mvt aboha t̄li it̄vana moma ka vba potvlhpo puta chaha kv̄t kubit tahlapi hȳ tikelichit ikbi tok: micha chuahla in tola hosh aboha it̄vana ȳ kaha hȳ on taloha tok.

11. Mihma Chihowa im anumpa hv̄t Solomon ā im vla mvt,

12. Chuka ikbit isht ish ahanta ilv̄ppak okv̄no, ā nav̄lh-pisa puta ish a noh̄wa cha, ā nan ai isht apesa puta kak ȳ ish yumīh̄n̄chi cha, v̄m anumpa v̄lh̄pisa moma ka ish ieshit ish a noh̄wakma, ȳmoh̄mikma ch̄iki Lewi yā im achi li tok, v̄m anumpa h̄a chim ai āh̄lich̄i la hi oke.

13. Mikmvt Israel im v̄lla v̄hleha takla ahanta likmvt, v̄m okla Israel ā kanchi la he keyu hoke, achi tok.

14. Ȳmoh̄mit Solomon vt chuka yash ikbit tahli tok.

15. Mihmvt aboha anukaka yā chuahla iti yȳ isht ikbi tok; chuka anukaka yā iti potvlhpo v̄tt̄v̄t ia hosh aboha ishit holmo it̄vana ont v̄h̄li ka isht ikbi tok; micha anuka-ka yā iti yȳ lapalichi mvt, aboha potvlhpo yā shakolo holba bv̄sha yȳ patali tok.

16. Mihmvt aboha vhli vttvt ia hosh kubit pokoli tuklo hq ont vhli, micha iti potvlhpo vttvt ia hosh vba potvlhpo ont vhli hq chuahla bvsha yq lapalichi tok; ila anukaka yq Chihowa ai ili haiakahanchi aholitopa moma i shahli ya chi ka ikbi tok.

17. Mihma ymmak ash itikba hikia kvt aboha, ymmvt aholitopa aboha yvt falaia kvt kubit pokoli ushta tok.

18. Mihma aboha anukaka chuahla ya chakonlichit loh-bobochit napakanli bokanli puta ka hobachit ikbi tok; chuahla bieka tok; teli vt haigka kvt iksho tok.

19. Micha aboha anukaka yak q Chihowa nan itim apesa afoyuka itombi holitopa ya talala chi hosh, aholitopa moma i shahli ya atahli tok.

20. Mihma aholitopa moma i shahli itikba vt falaia kvt kubit pokoli tuklokma, auata kvt kubit pokoli tuklokma, chaha kvt kubit pokoli tuklo tok; mihma teli holisso bano hq lapalichit taiyahli tok: micha alta vt chuahla yosh toba ya yvmihchi hosh lapalichit taiyahli tok.

21. Yohmi mvt Solomon vt aboha anukaka ya teli holisso lakna bano hq lapalichit taiyahli tok: micha aholitopa moma i shahli itikba ya teli holisso lakna ititakvli puta kak q isht oktvbli tok; micha teli holisso lakna yq lapalichit taiyahli tok.

22. Micha aboha moma ka teli holisso lakna yq lapalichit taiyahli tok; micha aboha moma ka yvmihchit taiyahli tok: micha alta aholitopa moma i shahli bilika hikia ka mominchit teli holisso lakna yq lapalichit taiyahli tok.

23. Micha aholitopa moma i shahli anukaka ya, alif iti yosh chelubim tuklo toba hosh, chaha kvt kubit pokoli bika hq ikbi tok.

24. Micha chelubim a sanahchi achvfa kvt kubit tahlapikma, chelubim a sanahchi achvfa vt kubit tahlapi tok: sanahchi achvfa ka ont wishakchi fehna vttvt ia hosh, sanahchi achvfa ya ont wishakchi fehna ona kvt kubit pokoli tok.

25. Mikma chelubim achvfa yvt kubit pokoli tok: chelubim itatuklo kvt vlhpisa, micha chito aiena kvt achvfa tok.

26. Chelubim achvfa chaha kv̄t kubit pokolikma, chelubim achvfa ak kia yohmi akinli tok.

27. Micha chelubim ash aboha anukaka ai iklvna yak o hilechi tok: mihma chelubim a sanahchi yash okla ashatvblichī ma, achvfa ka sanahchi vt aboha in tvnnvp achvfa ka ont tikeli ma, chelubim achvfa sanahchi vt aboha in tvnnvp achvfa ya ont tikeli tok: micha sanahchi vt aboha iklvna ya ai iti tikeli tok.

28. Micha chelubim ash tvli holisso lakna ya lapalichit taiyahli tok.

29. Micha aboha okhowata ka puta moma anukaka, micha kocha aiena ka chakonlichit chelubim puta, micha pam iti puta, micha napakanli bokaṇli puta chakowt holba puta ka ikbi tok.

30. Micha aboha potvlhpo ya anukaka, micha kocha aiena ka tvli holisso lakna yo lapalichit taiyahli tok.

31. Micha aholitopa moma i shahli achukowa isht okshilita ya, alif iti yo ikbi tok; mikma okhissa tahlalaka lapali, micha paknaka onvtola aiena kv̄t aboha okhowataka kashapa ishit tahlapi tok.

32. Micha isht okshilita tuklo kv̄t alif iti yosh toba tok; micha chakonlichit chelubim puta, micha pam iti puta, micha napakanli bokaṇli puta, chakowt holba ikbi mv̄t, tvli holisso lakna yo lapalichit taiyahli tok; micha chelubim puta, micha pam iti puta ka tvli holisso lakna yo lapalichit taiyahli tok.

33. Micha aholitopa aboha okhissa tahlalaka lapali puta kv̄t alif iti yo ikbi tok, auata kv̄t aboha okhowataka kashapa ai ushta tok.

34. Mikma isht okshilita tuklo kash osh shakolo holba yosh toba tok: isht okshilita achvfa kv̄t pohla tuklo yokma, isht okshilita achvfa vt pohla tuklo tok.

35. Micha chakonlichit chelubim puta, micha pam iti puta, micha napakanli bokaṇli puta hobachit ikbi tok; micha achakowa tvli holisso lakna yvt itifohka achukma ho lapalichit taiyahli tok.

36. Micha anukaka wanuta holihta ya tvli tvhla iti onvto-

la tuchina hosh fullota ma, chuahla yosh onvtolvt fullota h_o ikbi tok.

37. Afemmi ont ai ushta hvshi Sif ak o, Chihowa in chuka in tola ya bohli tok.

38. Atuk osh afemmi ont isht auah achvfa hvshi Bul, yemmet hvshi ont isht untuchina h_o chuka, micha ai imila-yak puta ket ont tahvt hlopulli tok. Yohmi hosh afemmi untuklo h_o ikbit isht ahanta tok.

CHAPTA VII.

AMBA Solomon vt in chuka akinli ka ikbi ket afemmi auah tuchina h_o isht ahantvt tahli tok.

2. Lebanon yakni haiaka aboha ak kia ikbi tok; falaia ket kubit tahlepa achvfa ma, micha auata ket kubit pokoli tahlapi tok, micha chaha ket kubit pokoli tuchina tok; chuahla tonik puta ai itiakaiya hosh ushtakma, okhowatkechi chuahla yosh tonik puta kash o kaha h_o on talali tok.

3. Mihma okhowatkechi tonik pokoli ushta akucha tahlapi ai itiakaiya achvfa ka auah tahlapi ia h_o, o kaha hv chuhla bvsha y_o isht ompoholmo tok.

4. Mikma okhissushi puta ket ai itiakaiya yvt tuchina tok; micha atohwikeli vt atohwikeli ya itichapa cha, ai itiakaiya yvt tuchina tok.

5. Mikma okhissa puta, micha tonik moma ket okhissushi puta ka it apissali; micha ai itiakaiya yvt tuchina hosh atohwikeli vt atohwikeli ya it ichapa tok.

6. Micha hoshontika ya tonik puta on talaia h_o ikbi tok, falaia ket kubit pokoli tahlapi ma, auata ket kubit pokoli tuchina tok; mihma hoshontika yvt itikba yak o talaia tok; mikma tonik inla puta, micha iti okhowata sukko aiena ket itikba atok.

7. Yohmi met nana ai apesa chi hosh miko im ai ombinili holitompa atalaia hoshontika ikbit, nana ai apesa hoshontika ikbi tok: mihma iti potelhpo ettvt ia hosh vba potelhpo ona ka chuahla yosh isht ompoholmo tok.

8. Micha hoshontika yash anykaka aboha ai v^{tt}a vt wa-
n^{vt}a inla vt im atalaia hosh toba k^{vt}t y^{vm}mak inli chohmi
tok. Solomon vt tekchi yachi h_o Feleo ushetik a ishi tok
vt, hoshontika il^{vp}pak inli chohmi h_o ikbi tok.

9. Il^{vp}pa puta k^{vt}t t^{vt}li t^{vt}hla v^{lh}pisa chohmi anykaka,
micha kocha aiena ishit b^{vs}ha ishit b^{vs}ha yosh, holitopa ba-
no hosh intola v^{tt}vt ia hosh paknaka mahayvt ont v^hli tok;
micha yohmit mahaya hosh wanuta chito pilla kocha y^{vt}t
yohmi tok.

10. Mikma intola vt t^{vt}li holitopa t^{vt}li hochito atok; t^{vt}li
kubit pokoli, micha t^{vt}li kubit untuchina tok.

11. Mikma v^{ba} vt t^{vt}li holitopa, t^{vt}li t^{vt}hla v^{lh}pisa chohmi,
micha chuahla aiena atok.

12. Mikma wanuta chito vt apakfoyupa k^{vt}t t^{vt}li t^{vt}hla ai
it^{ion}v^tola vt tuchinakma, chuahla yosh itiakaiyvt fullota,
Chihowa in chuka i wanuta anykaka fehna, micha chuka
i hoshontika itat^{uk}lo k^{vt}t y^{vm}ohmi tok.

13. Mihma m_{iko} Solomon vt Hilam a pit hoyot Taia ya
ont ai isht v^{la} tok.

14. Y^{vm}mv^t Naftali ap^{eh}lichika ai ach^{vf}a yosh ohoyo
v^{lh}takla ushi y_o i_{ki} vt Taia hatak o asonak lakna pilisa atok;
micha hopoyuksvt nan ithana fehna cha, asonak lakna pili-
sa puta ka imponna tok. Mihmv^t m_{iko} Solomon a im v^{la}
cha, na tok^{sv}li moma ka im atahli tok.

15. Asonak lakna ton_{ik} tuklo, chaha k^{vt}t kubit au^{ah}tu-
china b_{ika} h_o ikbi tok: micha ponola isht v^{lh}pisa kubit au^{ah}
tuklo hosh apakfopa b_{ika} tok.

16. Micha ton_{ik} tuklo kash pakna on taloha ch_i ka, aso-
nak lakna bilelit akmo^{ch}it noshkobo tuklo ikbi tok: nosh-
kobo ach^{vf}a k^{vt}t chaha k^{vt}t kubit tahlapi ma, noshkobo
ach^{vf}a vt kubit tahlapi tok.

17. Micha nan okshichanlit t^{vn}na, micha nan ititak^{vt}li
it^{vp}pana y_o noshkobo vt ton_{ik} tuklo kash on taloha yash im
ikbi tok: noshkobo ach^{vf}a y_a untuklo ma, noshkobo ach^{vf}a
y_a untuklo h_o ikbi tok.

18. Micha ton_{ik} tuklo kash ikbi mv^t, pomeklanat puta
ai itiakaiya vt tuklo h_o nan okshichanlit t^{vn}na ach^{vf}a yash

on takohlichit apakfoblit tonik paknaka on talaia noshkobo ha ompohomo tok, micha noshkobo achufa ya yvmihchi tok.

19. Michā tonik tuklo kash on taloha noshkobo ya lili holbrt inchuwa kubit ushta hosh tobvt hoshontika yash itikba hiohmaya tok.

20. Michā tonik tuklo kash on taloha noshkobo kibikshi bilika, nan okshichanlit tynna vba pilla ha pomeklanat vt atakohli akinli tok: micha noshkobo achufa ya pomeklanat tahlepa tuklo hosh ai itiakaiya tuklo ket takohli hosh apakfoyupa tok.

21. Michā tonik tuklo kash aholitopa aboha yash hoshontika yak o hiohlichei tok; micha ishtimpak imma ya tonik a hilechi mvt Chachin hochifo tok; micha vlhfubek imma ya tonik a hilechi mvt, Boas hochifo tok.

22. Mihma tonik wishakehi lili holbrt inchuwa yosh aia-sha tok; yohmi ho tonik isht vtta tuk vt vlhtaiyaha tok.

23. Michā bilelit akmochoit okhuta ikbi ma, itivlbi in tnnvp vtvt ia hosh in tnnvp ona ket kubit pokoli tok: chvnaha ket yohmi bat fullota mvt, chaha ket kubit tahlapi tok: micha ponola isht vlhpisa kubit pokoli tuchina hosh apakfoyupa tok.

24. Michā itivlbi nuta ya lohbovchi vt kubit achvfakma pokolit ia hosh okhuta hash apakfoyupa tok: bilet akmo ma, lohbovchi ai itiakaiya vt tuklo hosh bilet akmo tok.

25. Wak auah tuklo ho ontalaia tok, tuchina ket falvmmi pilla pit hopokoyot hieli ma, tuchina ket hvshi ai okatula pilla pit hopokoyot hieli ma, tuchina ket okamahli pilla pit hopokoyot hieli ma, tuchina ket hvshi akochaka pilla pit hopokoyot hieli tok: mihma okhuta ash osh on talaia ma, im ashaka puta ket nutaka pit hiohli bieka tok.

26. Mihma sukko ket ibbak pvtha achufa mvt, itivlbi vt isht ishko toba kak o chohmi cha, lili pakanli holba isht inchuwt taiyaha tok: balh tahlepa tuklo hosh vlhto tok.

27. Mihma asonak lakna aiontalaia pokoli ho ikbi tok: aiontalaia achufa ket falaia ket kubit ushta cha, pvtha ket kubit ushta mvt, chaha ket kubit tuchina tok.

28. Michā aiontaloha ha vlhtaha ket yakohmi tok; apatus-

sa puta kvt asha tok; micha apatvssa puta kvt achaha i shahlit apakfopa puta ka itintakla atok.

29. Mihma apatvssa puta achaha i shahlit apakfoyupa ititakla ya koi hochito, micha wak, micha chelubim puta holba aiena kvt ai inchuwa tok; micha achaha i shahlit apakfoyupa paknaka ya yvmohmi tok: mikma koi hochito, micha wak a nuta ya nan itvpana holbvt ai inchuwa tok.

30. Mihma ai ontalaia puta kvt asonak lakna chvnaha ushta, micha okhowata asonak lakna aiena hosh im asha tok; micha chukbi ushta kvt okhowata abikeli vt im asha tok: micha ampmahaia chito nuta ya okhowatvt abikeli bilvt, akmo vt nan itvpana holbvt ai in chuwa aiyukali ka apotvt hiohmaya tok.

31. Michā itih hvt noshkobo yash anukaka, micha vba pilla kubit achvfa tok: yohmi kia itih hvt ampmahaia chito vlhtaha kak inli chohmit chvnaha cha, kubit achvfa, micha kubit iklvna tok: micha itih kocha apatvssa puta ka naholbvt ai inchuwa mvt, bolukta cha, ik chvnaho tok.

32. Michā apatvssa puta nuta ya chvnaha hvt ushta tok; mikma chvnaha im okhowata vt ai ontalaia yak o shamuli tok; micha chvnaha hvt chaha kvt kubit achvfa cha, kubit iklvna tok.

33. Michā chvnaha vlhtaha kvt tenvp iti chanvlli vlhtaha kak inli chohmi tok; im okhowatkvchi, micha chukvsh puta, micha achushkvchi puta kvt bilvt akmo hatok.

34. Aiontalaia achvfa chukbi ushta ka okhowata abikeli ushta kvt asha tok; okhowata abikeli puta kvt aiontalaia fehna akinli tok.

35. Michā aiontalaia paknaka ya chvnahvt fullota kubit iklvna kvt hikia tok; micha aiontalaia paknaka, micha achaha i shahlit apakfopa puta, micha apatvssa puta aiena kvt yvmmak inli tok.

36. Achaha i shahlit apakfopa puta, micha apatvssa puta aiena innlit chelubim puta, koi hochito, micha pam iti puta aiena, chito kvt ai vlhpesa aiyukali, micha nan itvpana holbvt ai inchuwa aiena ka takalichit apakfobli tok.

37. Ilvppa chohmi bano ho aiontalaia pokoli ka ikbi tok;

moma kv̄t ai akmo achvfa bieka, v̄lhpisa achvfa, micha chito kv̄t itilauī achvfa tok.

38. Yohmi m̄t asonak lakna yō ampmahaia chito pokoli hō ikbi tok : ampmahaia chito achvfa ka balh pokoli ushta hosh v̄lhto tok : micha ampmahaia chito vt kubit ushta bieka tok ; micha ai ontalaia pokoli kash ampmahaia chito achvfa hosh ontalaia bieka tok.

39. Michā aiontalaia tahlapi ka aboha yash ishtimpak imma in tēv̄p ak ǝ hiohlechi m̄t, aboha yash v̄lh̄fubek imma in tēv̄v̄p ak ǝ hiohlichei tok : micha okh̄eta yash aboha ishtimpak imma in tēv̄v̄p h̄v̄shi akochaka pilla, okamahli ichapaka yak ǝ talali tok.

40. Mibma Hilam ash osh ampmahaia hochito puta, micha hituk chubbi ishit peha puta, micha ampmahaia puta aiena ka ikbi tok : yohmi hosh Hilam ash osh Chihowa in chuka ahalaia ka Solomon ǝ im ikbit isht ahanta tuk vt ont tahli tok.

41. Yohmi kv̄t ton̄ik tuklo kash, micha noshkobo tibikshi tuklo ton̄ik paknaka on taloha, micha noshkobo tibikshi tuklo ton̄ik tuklo kash on taloha ka ompohoma ch̄i hō nan okshiehanlit tenna tuklo kash ;

42. Michā pomeklanat tahlepa ushta hosh nan okshiehanlit tenna tuklo a takohla ch̄i, yēm̄m̄t noshkobo tibikshi tuklo ton̄ik tuklo kash on taloha ka ont ompohoma ch̄i hō, pomeklanat ai itiakaiya tuklo hosh nan okshiehanlit tenna achvfa ka a takohla ch̄i hatok.

43. Michā ai ontalaia pokoli, micha ampmahaia chito pokoli kash osh aiontalaia puta kash on taloha :

44. Okh̄eta achvfa kash, micha wak auah tuklo okh̄eta nuta h̄eli ;

45. Michā shuti puta, micha nan ishit peha puta, micha ampmahaia puta aiena ka ikbit tahli tok : micha nan aiv̄lhto ilv̄ppa puta Chihowa in chuka ahalaia ka Hilam ash osh m̄iko Solomon ǝ im ikbi tuk vt asonak lakna shohkauali bieka tok.

46. Chatan yakni patali Sukkolh, micha Sahlan ititakla lukfi aiasha yak ǝ, m̄iko vt a bilelit ai akmochi tok.

47. Mihmvt laua kvt atampa fehna hatuk o, nan aivlhto puta ka Solomon vt ik wekecho tok: micha asonak lakna weki ka ik akostininecho tok.

48. Mihma Solomon vt nan aivlhto moma Chihowa in chuka ahalaia puta ka ikbit tahli tok: tvli holisso lakna alta, micha aiimpa tvli holisso lakna pska otvni ai on taloha,

49. Michā pva ai o hikia vt tvli holisso lakna bano, aholitopa moma i shahli itikba tahlapi kvt ishtimpak imma in tvnnvp a hielikma, tahlapi kvt vlfhfbek imma in tvnnvp a hiel tok: mihmvt napakanli puta, micha pva bila aivlhto puta, micha tvli holisso lakna tobaksi kiseli puta,

50. Michā ampo puta, micha pva ishit tvptuli puta, micha ampmahaia puta, micha ishtimpa puta, micha nabalama ahukmi puta aiena kvt tvli holisso lakna bano; micha anukaka aboha aholitopa moma i shahli, micha aholitopa aboha, ymmvt tempel aiena okhissa puta atakali puta aiena tvli holisso lakna yo ikbi tok.

51. Yvmohmi hosh miko Solomon vt Chihowa in chuka ahalaia ka ikbi tuk vt atahli tok. Michā Solomon vt iki Lewi vt Chihowa ya nana i hullochi tok tvli hvta, micha tvli holisso lakna, micha nan aivlhto puta aiena ka isht vltv, Chihowa in chuka nana holitopa ibafohkit ashachi tok.

CHAPTA VIII.

YOHMI ma Solomon vt Israel im asvnonchi vhleha, micha apelihchi puta i noshkoboka vhleha moma, Israel im vlla vhleha iki vhleha holitompā vhleha ha hoyot, miko Solomon vt Chelusalem a anta tuk o, im ai itvnahli tok; yohmi kvt Chihowa nan it im apesa afoyuka itombi holitopa ya Lewi in tvnaha holihta, ymmvt Saion a a kohchit isht va chi hatok.

2. Mihma Israel hatak vhleha moma kvt impvchi hullo hvshi Ehlanim, ymmvt hvshi isht untuklo ka Solomon miko ya im itvnahta tok.

3. Mihma Israel im asvnonchi vhleha moma kvt ona ma,

naholitompa isht asha vhleha hvt itombi holitopa ya sholi tok.

4. Micha Chihowa im itombi holitopa, micha okla moma in tabenakel, micha nan aivlhto hullo puta aiena tabenakel aiasha tuk, ymma puta ka naholitompa isht asha vhleha, micha Lefait vhleha aiena kvt isht vla tok.

5. Mihma miko Solomon, micha Israel okla moma kvt itombi holitopa itikba ya ai im itnahvt apehvt asha tuk aiena kvt chukfulhpoa, micha wak aiena ka vbit isht aiokpa-hanchi ka, apakna kvt annoa he keyu, micha holhtina he keyu tok.

6. Mihma naholitompa isht asha vhleha hvt Chihowa nan it im apesa afoyuka itombi holitopa ya atalaia, Chihowa ai ile haiakvchi aholitopa moma i shahli ya isht onvt, chelubim tuklo kash i sanahchi nuta ya talali tok.

7. Chelubim tuklo kvt i sanahchi tuklo ka itombi holitopa atalaia paknaka ya ashatevlichy cha, chelubim tuklo kvt itombi holitopa, micha isht itibasholi tuklo ka paknaka ya ompohomo tok.

8. Micha isht itibasholi tuklo kash okla shufi na, isht itibasholi tuklo i noshkobo hvt itombi holitopa ya a takohmay kvt, Chihowa ai ile haiakvchi aholitopa moma i shahli itikba aholitopa ya haiaka tok; micha kocha ik a peso tok: micha ymmak o aiasha na himak nitak a ant vli hoke.

9. Micha itombi holitopa ya nana hosh foka tok keyu, amba teli patussa tuklo ak illa tok, ymmak oka Israel im vlla vhleha hvt Echip yakni ya kohcha ma, Chihowa vt it im apesa na Holeb asha ma, Moses vt a fohki tok.

10. Atuk o yakohmi tok, naholitompa isht asha vhleha hvt aholitopa ya kohcha ma, Chihowa in chuka ya hoshonti kvt alota tok.

11. Yohmi ma naholitompa isht asha vhleha hvt hoshonti pulla kak o, hielit nan isht asha he keyu tok: Chihowa im aholitopa yvt Chihowa in chuka ya alota tok oka.

12. Yohmi ma Solomon vt anumpulit, Chihowa vt, Okhlili sukko ho ahanta he, miha tok.

13. Ish ai ahanta he chuka, atalaia achufa ish ai ahanta na bilia he, chim ikbi li pulla tuk oke, achi tok.

14. Mihmvt miko vt nashuka ya filimmi mvt, Israel okla moma ka anumpa yukpali onochi tok: (mihma Israel okla moma kvv wakayvt hiel tok.)

15. Micha, Israel in Chitokaka Chihowa vt aki Lewi ya itih ha isht im anumpohonlit, micha ibbak a isht aiahlichit ahanchi mvt,

16. Um okla Israel a pehliehit Echip a a kohchi li tok, nitak ymma itintakla ka chuka vm ikbi na, sa hohchifo hvv a foyuka chi ka, Israel a pehliechi moma ka tumaha holihta kanima kia ak atokoloshke; yohmi kia Lewi ak osh vm okla Israel a pehliecha chi ho atokoli li tok oke, ahanchi tok vt holitopashke.

17. Atuk o aki Lewi vt Israel in Chitokaka Chihowa hohchifo ha chuka im ikba chi kvv chukvsh a anukfoyuka tok.

18. Mihma Chihowa vt aki Lewi ya, Sa hohchifo ha chuka is vm ikba chi kvv, chi chukvsh a anukfoyuka tuk oke; chi chukvsh a anukfoyuka hoka, vllpesa ho ish yvmohmi tuk oke.

19. Yohmi kia chishno vt chuka yash ish ikba he keyu: amba chiso hvv chikfoka ya a kohcha chi kak osh, yvmmak osh sa hohchifo ha chuka vm ikba chi hoke, im ahanchi tok.

20. Atuk osh Chihowa vt im anumpa ha anumpohonli tok vt ont aiahlichishke: micha aki Lewi ya vlltobvt wakaya lishke, micha Israel im ai ombinili holitomp ya Chihowa vt miha tok mak o ombinili lishke; micha Israel in Chitokaka Chihowa hohchifo ha chuka im ikbi lishke.

21. Micha piki vhleha ha Echip yakni ya a pehliehit kohchi mvt, Chihowa vt nan it im apesa tok afoyuka itombi holitopa atalaia chi ka ai ikbi lishke, achi tok.

22. Mihmvt, Israel okla moma kvv pisa ho, Solomon vt Chihowa im alta i tikba ya hikia cha, ibbak a ashatvblichit vba pit wieli tok:

23. Micha, Israel in Chitokaka Chihowa ma! chin tishu vhleha hvv chukvsh ai oklvhv chv tikba a nohova hokvno nan it im apesa, micha nan i nukhaklo aiena aiahliche chia

hoke, vba shutik, micha nutaka yakni ya chitokaka chishno chohmi ket iksho hoke.

24. Chishno ak osh chin tishu Lewi aki ya nana ish im issa tok et ish ai ahlichishke: micha chitih ha isht ish anum-puli tok et chibbak a isht ish ai ahlichi na himak nitak ak kia yrmohmishke.

25. Yrmohmi hoka himak a Israel in Chitokaka Chihowa ma! chin tishu aki Lewi ya ish im issat, Sa tikba Israel im ai ombinili holitompā ya om binila chi ket ik chim iksho ka chi keyu hoke: peh itenowa ket ahah! ahni cha, sa tikba ish a nohwa tok chohmit chim rlla vbleha het sa tikba ish ai itenohwa hokma, ish ahanchi tok et himak a ish ai ahlichashke.

26. Yohmi ka Israel in Chitokaka ma! himak a chim anumpa ha chin tishu Lewi aki ya ish im anumpuli tok et ai ahlashke, chim asilhha lishke.

27. Yohmi kia Chitokaka yet yakni ya ahanta hinla mchli cho? Yakeh! shutik ont aichli iksho, micha vba yakni puta moma i shutik ont ai vchli iksho hoh kia chiesha he keyushke; aboha ikbi li tuk ileppak okak heto nanta isht ahoba he keyushke.

28. Yohmi kia chin tishu het anumpa ilbrsha anumpohonli ka, micha a nukhaklokbano ahnit, chim asihihla ka ish aiokpanchi cha, himak nitak a chin tishu het chi tikba chi pahayrt, anumpa ilbrsha anumpohonli ka ish haiyaklashke, an Chitokaka Chihowa ma!

29. Yohmi cha chuka ileppa, ileppa pilla ho, Sa hohchifo het ai itoyula hi oke, ish ahanchi tok oket ninak, micha nitak moyuma ka, chi nishkin a onochit ish pihisashke; micha chin tishu het ileppa anumpa ilbrsha et anumpohonlikma, ish haiyaklashke.

30. Michā chin tishu, micha chim okla Israel aiena ket ileppa et filema cha, pi nukhaklokbano ahnit, anumpa ilbrsha et anumpohonlikma, ish i haponaklashke: micha vba aholitopa ish ai ahanta ket et ish a haklashke; micha ish haklokmrt, ish i kashofashke.

31. Hatak nana kia hatak bika ya nana im okpni na,

anumpa kullo il onochit anumpula he im apesa na, anumpa kullo yash osh chim alta aboha ilvppa hikia itikba ya vlakma,

32. Yohmikma vba aholitopa ya et ish a haklo cha, yvmihchit, micha chin tishu vhleha ha nan im apesvt, nan ashvchi yash anumpa onochit, ilap nana akaniohmi tuk a noshkobo ha ish onochashke; micha aivlhpiesa ya aivlhpi-esa tuk mak o, ahninchit ish im atobbashke.

33. Chim okla Israel vt chi yoshuba tuk atuk osh, in tenvp itikba ya akakoha cha, anonti falamvt chim ona cha, chi hohchifo ha holitoblichit anumpa ilbvsha anumpohonlit, micha pi nukhaklokbanano ahnit, aboha ilvppa et chim asihihlakma,

34. Yohmikma vba aholitopa ya et ish a haklo cha, chim okla Israel a nan ashvchi ya ish i kashofi cha, iki vhleha ha yakni ish ima tok vt, anonti isht ish lashke.

35. Okla chi yoshuba na, vba shutik vt okshilita cha ik umbokma, ish ilbvshalikma, ilvppa anumpa ilbvsha et anum-pohonlit chi hohchifo ha holitoblichit cha, nanashvchi ya i filummikma,

36. Yohmikma vba aholitopa ya ish a haklo cha, chin tishu vhleha, micha chim okla Israel vt nan ashvchi ya ish i kashofi cha, ai itvnowa he vhpesa hina achukma ya ish im avchikmvt, chi yakni vt i yakni ya chi ho, ish ima tok vt ish on umvchashke.

37. Yakni yash hohchifo, ililli, shulla, lakna, hawa, keyukmvt shushi nan-tahli kanima kia aiashakma, in tenvp vt itikonofichit apakfoyupakma, nan-ililli nana kia, abeka nana kia aiasha na,

38. Anumpa ilbvsha nana kia, keyukmvt a nukhaklokbanano ahnit, hatak kuna kia anumpulikmvt, keyukmvt Israel moma kak okma, nana hosh ilap chukvsh ik achukmo ka ithaiyana cha, ibbak ashatablichit aboha ilvppa et wielikma,

39. Yohmikma vba aholitopa ya ish ai ahanta kv et ish a haklo cha, ish i kashofikmvt ish i yvmihchi cha, chukvsh a ish ithaiyana kv, hatak moma nana akaniohmi tuk aiyukali

kak o ish ihimashke: (chishno, chishno pulla ak illa kak osh, hatak im vlla vhleha moma chukvsh a ish ithana hokvt;)

40. Yvmohmi ho piki vhleha ha yakni ish ima tok a, okchayvt abanta nitak moma ka, chi nukwivt okla aiashashke.

41. Micha okla inla hatak vt chim okla Israel a ai achvfa keyu hosh, chi hohchifo pulla kak o yakni hopaki kia min-tit vlakma;

42. (Chi hohchifo holitopa chinto, micha chibbak kelto, micha chi shakba ashatapa puta ka okla hakla chi hokvt,) vla cha, aboha ilvppa anumpa ilbusha et anumpohonlikma;

43. Uba aholitopa ya ish ai ahanta kv et ish a haklo cha, okla inla hatak osh nana chim asilhha ka moma ish i ymihchashke: yvmohmi ho okla moma yakni paknaka aiasha kv chi hohchifo ha ithana cha, chim okla Israel ak inli chiyuhmit okla chi nukwiashe: micha aboha ikbi li tuk ilvppvt chi a hohchifo ka okla ithaiyanashke.

44. Chim okla hv in tenvp a itiba chi hosh kanima yo ish pila na, kohchvt ia tuk osh Chihowa ya im ilbushvt tmaha holihta ish atokoli tok, micha chi hohchifo ha chuka im ikbi li tuk a et anumpohonlikma;

45. Yohmikma anumpa ilbusha, micha pi nukhaklokano ahnit chim anumpohonli ka, vba aholitopa ya et ish a haklo cha, ish apchpoashke.

46. Okla chi yoshubakma, (hatak nanta hosh yoshuba keyu kv iksho hoka,) mikma ish i nukkilli cha, in tenvp ibbak a ish fohki na, yukachit isht i vt hopaki hokma, keyuk-mvt olanli hokma, nana hosh tenvp i yakni ya isht onakma;

47. Yohmi tuk kia yukachit yakni isht ai ona tuk a ashvt il anukfilli cha, nan ashvchi tuk vt ishit nukhaklo cha, yukachit ishtia tuk i yakni ashvt pi nukhaklokano ahnit, chim asihhla cha, Nan il ashvchi tuk oke, naksika il itenowa cha, nahaksi e yvmohmi tuk oke, okla achikmvt;

48. Yohmi cha in tenvp vhleha hv yukachit pehlchit ia tuk i yakni ya asha hosh chukvsh ai oklvhanchit, micha shilombish ai oklvhanchit falamvt chim ohona cha, anumpa ilbusha ya i yakni iki vhleha ish ima tok, tmaha holihta ish

atokoli tok, micha chi hohehifo chuka im ikbi li tak ash, pillā hā et anumpohonlikma ;

49. Yohmikma anumpa ilbvsha anumpohonlit, micha pi nukhāklokbano ahnit chim asihīhla ka, vba aholitopa ya ish ai ahanta kv̄t et ish a haklo cha, ish apēhpoashke ;

50. Micha chim okla nana chim ashvchi tuk ā, micha chi nan v̄lhpisa ya vbanvbli tuk moma ka ish i kashofi cha, yuka-chit ishtia tuk vt, i kana chi ka ish ahni na i nukhāklashke :

51. Chim okla, micha chimmi ai v̄lhpiesa yō, Echip ā apēhlichit, v̄li a bila iklvna ai ishit ish kohcha tok.

52. Yvmohmi hosh chin tishu hv̄t ā nukhāklokbano ahnit chim asihīhla, micha chim okla Israel vt pi nukhāklokbano ahnit chim asihīhla aiena ka, chi holhponayo hā onochit ish pihisa cha, nana a chim asihīhla moma ka ish haiyaklashke,

53. Piki v̄hleha hā Echip ā a pēhlichit ish kohcha mv̄t, chin tishu Moses ish tohno na, anumpuli tok mak o, chimmi ha chi hosh, okla moma yakni paknaka moma aiasha ka i filvmmichit ish ishi tok oke, Chitokaka Chihowa ma ! ahanchi tok.

54. Atuk osh yakohmi tok, Solomon vt anumpa ilbvsha ilvppa, micha pi nukhāklokbano ahnit, Chihowa im anumpohonlit in taiyaha mv̄t, iyikalaha ishit hv̄chukbihleptv̄t ibbak vt vba pit ashatapv̄t, Chihowa im alta itikba ya hikia tuk vt wakaya tok.

55. Mihmv̄t hikia cha, Israel moma ka chitoli hosh anumpa yukpali onochit yak ahanchi tok,

56. Chihowa vt ahanchi tok mak osh, im okla Israel ā afoha ima kv̄t, holitopashke : anumpa hochukma in tishu Moses ā tohno na anumpuli tok vt, ik aiahlo kv̄t anumpa achv̄fa kia ikshoshke.

57. Pin Chitokaka Chihowa vt piki v̄hleha hā ibafoyuka tok, chohmit pibafoyukashke : ik pisso, micha ik pi kanchi kashke.

58. Yohmi cha pi chukv̄sh ā pi nukfobki na, i hina puta moma ka -ai itv̄nowvt, im anumpa v̄lhpisa puta ; micha i nanv̄lhpisa puta, micha nan ai isht apesa puta aiena, piki v̄hleha im apesa tok ā il ieshashke.

59. Mikma Chihowa itikba pī nukhaklokbanō ahnit, anum-pa isht anumpohonli li tuk ilvppvt nitak, micha ninak moma ka pin Chitokaka Chihowa ya bilika itoyulashke; ymohmi na nana hosh a ymohma he vllhpesakma, in tishu ahephohwa, micha im okla Israel a ahephohwa na biliashke.

60. Yohmi hō okla moma yakni paknaka aiasha kvt, Chihowa ak osh Chitokaka ya, mikma inla vt iksho ka ithaiyanashke.

61. Ymohmi hoka hvchi chukesh vt pin Chitokaka Chihowa ya im aiahlit, himak nitak a hvsh ymohmi kvt ehohmit i nanvllhpisa puta ka ai itenowvt, im anumpa vllhpisa puta ka hvsh ieshashke.

62. Mihma miko, micha Israel moma aiena kvt Chihowa itikba ya nan vbit isht aiokprechi im ihisa tok.

63. Mihma Solomon vt it i nanaiyrehit isht aiokprechi vbit Chihowa ya im issa kvt, wak tahlepa sipokni pokoli tuklo akucha tuklo, micha chukfvlhpoa tahlepa sipokni tahlepa achvfa cha, tahlepa sipokni pokoli tuklo tok: ymohmit miko, micha Israel im vlla vhleha moma kvt Chihowa in chuka ya hullochi tok.

64. Nitak yummak inli ka, miko vt Chihowa in chuka itikba talaia tuk, wanuta iklena ya hullochi tok: yummak o nahukmit isht aiokprechi puta, micha ilhpak isht aiokprechi puta, micha it i nanaiyrehit isht aiokprechi yash nia aiena ka ai im ihisa tok; asonak lakna alta Chihowa itikba hikia tuk vt iskitini hatuk o, nahukmit isht aiokprechi puta, micha ilhpak isht aiokprechi puta, it i nanaiyrehit isht aiokprechi yash nia aiena kvt ai onvtola he keyu hatuk o, ymohmi tok.

65. Nitak ymma Solomon, micha Israel moma kvt aheht, okla chito, Hamalh ont a chukowa ka vttvt ia hosh Echip okhina ya ont vlli hosh, pin Chitokaka Chihowa itikba ya, nitak untuklo cha nitak untuklo, nitak auah ushta vllhpiesa hō impvchi hā isht aiasha tok.

66. Nitak isht untuchina ma okla hā tishelichi tok: mihma anumpa yukpali okla onochi cha, Chihowa vt in tishu Lewi ya, micha im okla Israel a nana achukma puta i yimi-

hinchī tuk a, nayukpvt chukvsh yukpa hosh im vlbina aiyu-kali ka ona tok.

CHAPTER IX.

ATUK o yakohmi tok, Solomon vt Chihowa in chuka, micha miko in chuka, micha Solomon vt vlhpesa ai ahni cha, yrmihcha he aiahni tuk moma ka ikbit taiyahli ma ;

2. Kibeon a ai i haiaka tok chohmit, Chihowa vt Solomon a atukla ma i haiaka tok.

3. Michā Chihowa vt, Sa tikba ya anumpa ilbrsha ish anumpulit, micha is sa nukhaklokbanō ahnit is svm asilhha ka, haiyaklo li tuk oke : chuka ilvppa ish ikbi tuk a sa hohchifo hā a bohli li bilia chi hosh, hullochi li tuk oke : mikma a holhponayo, micha sa chukvsh vt itoyula na bilia chi hoke.

4. Mikma chiki Lewi chukvsh ahli, micha ai vlhpiesvt aya tok ak inli, chohmit sa tikba a nohwt nana chi miha li tuk moma kak o yrmihchit, a nanvlhpisa puta, micha nan ai isht apesa li puta ka ish ieshikma :

5. Yohmikma chiki Lewi ya Israel i miko ai ombinili hōlitompa ya hatak vt binila hi vt ik chim iksho ka he keyu hoke, achit i miha li tok mak osh, chim apēhlichika ai ombinili hōlitompa kvloochit hilechi likma, Israel a ish apēhliechi na bilia hi oke.

6. Amba hvs siakaiya tuk vt, hvsh shanaiya cha, hvchishno, keyukmvt hvchim vlla vhleha kanima kvv vm anumpa vlhpisa puta, micha a nan vlhpisa puta hvchi tikba takaliechi li tuk a hvchik iesho hosh, amba naholbvt toba puta ka ivt im antivt hvsh aiokprechikma,

7. Yohmikma Israel a yakni ima li tok vt ai ishit kanchi la hi oke ; mikmvt chuka ilvppa sa hohchvfo hvv ai itoyula chi hō hullochi li tuk vt, sa tikba ai ishit kanchi la hi oke : mikma Israel a okla moma kvv ishit yopulit anumpuli, micha nan isht achi ya hi oke.

8. Mikma chuka ilvppa, ilvppvt chaha ka kvna hosh bilika ant iakmvt, nukhlakancha cha, Owī yakēh ! acha hi oke :

micha, Nanta katiohmi hō Chihowa vt yakni iluppa, micha chuka iluppa yakohmichi tuk oh cho? acha hi oke.

9. Mikma afalamichit, In Chitokaka Chihowa, yummak osh iki vhleha hā Echip yakni yā a pehlichit kohcha tuk a issa cha, naholbet toba puta ka asitia cha, aiokprehit im antia kak atuk oke; yvmohmi kak o Chihowa vt nana ik achukmo moma iluppa onochi tuk oke, acha hi oke, achi tok.

10. Atuk o afemmi pokoli tuklo kv̄t ont taha ma yakohmi tok, Solomon vt chuka tuklo, Chihowa in chuka yash, micha miko in chuka yash ikbit tahli ma,

11. (Taia i miko Hilam vt, Solomon vt ahni tuk mak o, chuahla iti, micha tiak holba iti, micha tvi holisso lakna aiena ka im atahli tuk atok,) yvmohmi ma miko Solomon vt Hilam a tvmaha holihta pokoli tuklo Kalili yakni talohmaya ka ima tok.

12. Mihma Hilam vt tvmaha holihta puta Solomon vt ima tuk ash, pisa chī hosh Taia yā a kohchvt minti tok; atuk osh ik ahnincho tok.

13. Michā, Itibapishi li ma! tvmaha holihta iluppt nanta hō is sūma tuk oh cho? achi tok. Mihmvt Kabul yakni hochifo tok o himak nitak a moma hoke.

14. Mihma Hilam vt miko yā tvi holisso lakna talent tahlepa achvfa cha pokoli tuklo hō i pila tok.

15. Iluppa yakohmi kak o miko Solomon vt nan atokoli yā apesa tok; Chihowa in chuka, micha ilap in chuka, micha Millo, micha Chelusalem in tvi holihta, micha Haso, micha Mekitto, micha Kese aiena ka ikba chī kak atok.

16. Echip i miko Feleo vt ivt Kese yā ishi cha, luak ishit hukmit tahli mv̄t, Kenan okla tvmaha holihta yv̄mma aiasha tuk a vbit tahli cha, ushetik Solomon tekchi yā habenvchi tok.

17. Mihma Solomon vt Kese, micha Bell-holon sokbish pilla,

18. Michā Baalalh, micha Talmo yakni haiaka yakni yash talaia ka,

19. Michā tvmaha holihta v̄hpoyak aiasha Solomon vt im aiasha, micha tvmaha holihta tenvp im itichanvlli puta

aiasha, micha tumaha holihta im issuba ombinili aiasha aiena ka ikbi tok; micha Solomon vt Chelusalem, micha Lebanon, micha apelihchi yakni moma ka ai ikba he aiahni tok vt ikbi tok.

20. Micha Amolait vhleha, Hittait vhleha, Pelissait vhleha, Hifait vhleha, micha Chebusait vhleha okchayvt aasha tuk moma Israel im vlla vhleha keyu ka,

21. Im vlla vhleha hvt iakayvt yakni yash aiasha tuk, yemma Israel im vlla vhleha hvt vbit tahlit vmohmicha he keyu tok, yemma puta ka Solomon vt yuka toksvli onochit i hoyo tok o himak nitak a moma hoke.

22. Amba Israel im vlla vhleha hokvno Solomon vt hatak yuka vhleha ik ikbo tok: amba hatak tenvp aya, micha in tishu vhleha, micha i holitompa vhleha, micha i kvpitni vhleha, micha tenvp im itichanvlli puta isht aya vhleha, micha issuba ombinili vhleha yosh im aiasha tok.

23. Ilvppa puta kak osh Solomon i natoksvli apistikeli nanvlhtoka i shahli atok; tahlepa tahlapi cha pokoli tablap, yummak osh okla toksvli nana isht aiasha ka apistikeli atok.

24. Amba Feleo ushetik vt Lewi in tumaha holihta ya kohchvt Solomon vt im ikbi tuk in chuka ya vla tok: yohmi ma Millo ya ikbi tok.

25. Micha Solomon vt afemmikma hituchina ha nahukmit isht aiokprehi, micha itinanaiyvehit isht aiokprehi ya alta Chihowa im ikbi tuk vt onochit im ihisa beka tok; micha nabalama ya alta Chihowa itikba hikia ka onochit hukmi beka tok: yvmohmit ebuka ya atahli tok.

26. Mihmvt miko Solomon vt peni hochito kohta shali kauohmi ho okhvta humma on talaka Etom yakni Elohl ichapaka Esion-kebe ya ai ikbi tok.

27. Mihma Hilam vt in tishu vhleha peni hochito kohta shali isht aya imponna, okhvta ha ithana puta ka Solomon in tishu vhleha ha aieninchit pila tok.

28. Mihma Ofi ya ona cha, yemma tvli holisso lakna talent tahlepa ushta cha pokoli tuklo ho, ai ishit miko Solomon a isht im vla tok.

CHAPTA X.

ATUK o Sheba i miko ohoyo hvt Solomon vt Chihowa hohchifo pulla isht anohowa ho haklo met, na ponaklo kello isht imomaka pisa chi hosh vla tok.

2. Mihmet tishu baieli laua fehnet, kamel nabalama shali, micha teli holisso lakna laua fehna, micha teli holitopa puta aiena ho ieshi hosh, Chelusalem a vla tok: atuk osh Solomon a im vla met, nana hosh chukesh foyuka tuk moma ket isht it im anumpohonli tok.

3. Mihma Solomon vt nana i ponaklo ka moma im anoli tok; miko vt nana kia in luma cha ik im anolo ket iksho tok.

4. Atuk osh Sheba i miko ohoyo hash osh Solomon ahopoyuksa moma, micha chuka yash ikbi tok;

5. Michä ilhpak im aiimpa aiasha, micha in tishu vhleha hvt kaniohmit chieya, micha nan im isht asha vhleha hvt kaniohmit hieli, micha i nafohka aiena, micha isht ishko sholi vhleha, micha ai oiyet Chihowa in chuka ona aiena ka pisa met, shilombish kenja chiyuhmi tok.

6. Michä miko ya, Nana annoa ahli ho a yakni ya anta li met, nana ish akaniohmi, micha chim ahopoyuksa aiena ka haklo li tuk oke.

7. Yohmi akinli kia anumpa ha ik sai yimmo ke tuk osh, vla lish sa nishkin a ishit pisa li kak osh sai yimmishke: yohmi ka yakeh! iklena ket em annoa tuk keyushke; chim ahopoyuksa, micha nana chim vlhtaha ket annoa na, haklo li tuk a, i shahli atampeshke.

8. Chin treshka vhleha hvt nayukpeshke, chin tishu vlehaha hvt chi tikba hieli na bilia, ilcppet chim ahopoyuksa hahaklo ket nayukpeshke.

9. Chin Chitokaka Chihowa ymmak osh chi ahninchä cha, Israel ai ombinili holitompä ya chi binilichi tuk vt holitopashke; Chihowa vt Israel a i hullo na bilia hatuk osh, nan im apeset ai vllpiesa ish ymihcha chi ho, miko chikbi tuk oke, im achi tok.

10. Mihmet miko ya teli holisso lakna talent tahlepa

achufa cha pokoli tuklo aiena h_o, micha nabalama laua fehna, micha t_uli holitopa puta aiena ka ima tok: nabalama apakna Sheba i m_iko ohoyo h_ut m_iko Solomon a ima tuk, ilvppa chohmit i himmakma ik im v_lo tok.

11. Mikma H_ilam i peni hochito kohta shali vt, t_uli holisso lakna y_a Ofi y_a ont ai isht v_la tuk vt, almuk iti laua fehna, micha t_uli holitopa puta h_o Ofi y_a ai isht v_la tok.

12. Mihma m_iko vt almuk iti y_a, Chihowa in chuka, micha m_iko in chuka ton_ik puta im ikbi m_ut, taloa v_hleha h_a hap puta, micha salteli puta aiena ka isht im ikbi tok: almuk iti y_umma chohmi k_ut v_la tok keyu, micha pisa tok keyu himak nitak a ant v_hli hoke.

13. Mihma m_iko Solomon vt Sheba i m_iko ohoyo hash nana h_o ahnit asilbhakma moma ima m_ut, m_iko chohmit aieninchit ima tok: yohmi ma filema cha, i_ut ilap i yakni ak inli h_o in tishu v_hleha aiena k_ut ona tok.

14. Mihma af_ummi achufa h_o t_uli holisso lakna vt Solomon a im v_la k_ut, weki k_ut t_uli holisso lakna talent tahlepa hannali cha pokoli hannali akucha hannali tok.

15. Mikma hatak nan itatoba v_hleha, micha nabalama itatoba v_hleha, micha Alabia i m_iko v_hleha, micha ilap i yakni pehlichi v_hleha aiena ka, im ai ishi tuk vt im aiena tok.

16. Mihma m_iko Solomon vt t_uli holisso lakna l_ullit, telihipa chipunta tahlepa tuklo h_o ikbi tok: telihipa achv_fakma t_uli holisso lakna shekel tahlepa hannalit ia tok.

17. Michi telihipa tahlepa tuchina t_uli holisso lakna l_ulla y_o ikbi tok: telihipa achv_fakma t_uli holisso lakna weki tuchin_ut ia tok: mihma m_iko vt Lebanon yakni haiaka chuka ak o ashachi tok.

18. Michi m_iko vt ai ombinili holitompa chito y_o elefant noti isht ikbi cha, t_uli holisso lakna achukma i shahli h_o lapalichi tok.

19. Ai ombinili holitompa vt atuya ahabli hannalikma, ai ombinili holitompa ashaka paknaka et lumbo tok: michi ai ombinili tahlalaka shakba ai onvtola y_ut asha ma, koi chito tuklo hosh shakba ai onvtola y_a apot_ut h_ieli tok.

20. Micha atuya ahabli hannali ka in tennep achufa, micha ai in tennep achufa ka koi chito auahtuklo ket hieli tok: apelihika kanima ka yemma chohmi hosh toba ket iksho tok.

21. Mihma miko Solomon ai ishko vt teli holisso lakna yokma, Lebanon yakni haiaka chuka nan aivlhto puta ket teli holisso lakna ahli tok: teli huta yosh toba ket iksho: Solomon i nitak a nana isht ik ahobo tok.

22. Miko vt Hilam i peni hochito kohta shali takla Hlashish peni hochito kohta shali hosh okhuta ha im aiasha tuk okvt: Hlashish peni hochito vt afemmi tuchinakma himonna ha vlt, teli holisso lakna, micha teli huta, micha elefant noti, micha hatak shau puti, micha okchanlus chito puta aiena ka isht vla beka tok.

23. Yemohmi ho miko Solomon vt imilayak chito, micha hopoyuksa aiena ket miko moma yakni paknaka aiasha ka i shahli tok.

24. Mihma yakni moma ket Chihowa vt chukesh fohki tuk o, hopoyuksa ka i haponaklo bennet Solomon nashuka ya hohoyo tok.

25. Mihma vlpisa ho afemmi hosh afemmikma hatak puta ket nahelbina nan aivlhto teli huta, micha nan aivlhto teli holisso lakna, micha nafohka, tennep aya i nahalupa, micha nabalama, micha issuba puta, micha issuba haksobish falaia puta aiena ka isht im vla tok.

26. Mihma Solomon vt tennep itichanelli puta, micha issuba ombinili puta aiena ka itahobit taiyahli tok; micha tennep itichanelli tahlepa auahushta, micha issuba ombinili tahlepa sipokni auahtuklo hosh im asha, yemma tennep itichanelli aiasha tumaha holihta, micha miko airtta Chelusalem aiena kak o ashachi tok.

27. Micha miko vt Chelusalem a teli huta ya apaknechi ket teli chohmichi met, chuahla ya apaknechi ket bihi holba okfa aiasha kak o chohmichi tok.

28. Mihma Solomon a issuba puta, micha linen ponola ha Echip a ai isht im vla tok: mihma miko im itatoba vheha hut linen ponola ha aulli vlpisa ho ishi tok.

29. Micha tenvp itichanvlli achvfa kvv tvi hvta vt shekel tahlepa hannalikma, issuba achvfa kvv tahlepa achvfa cha pokoli tahlapi h_o Echip a kohevvt minti tok: micha yohmi h_o Hittait okla i miko moma, micha Silia i miko vhleha ha yvmmak osh isht i koheha tok.

CHAPTER XI

YOHMI kia miko Solomon vt okla inla ohoyo laua, Feleo ushetik, micha Moabait ohoyo, Ammonait, Etomait, micha Hittait aiena ohoyo vhleha anushkunna tok.

2. Okla yvmma puta ka Chihowa vt Israel im vlla vhleha ha, Hvch ik ibachukowokma, ik hvch ibachukowo kashke: hvchi chukvsh a filimmi na, i naholbvt toba puta ka hvsh im antia pulla hi oke, im achi hatok okak o, Solomon vt ilvppa puta ka anushkunvt asitia tok.

3. Micha tekchi vt ohoyo holitompa tahlepa untuklokma, im itaiena tahlepa tuchina hosh im asha tok: mihma tekchi vhleha hvv chukvsh a filimmi tok.

4. Atuk o yakohmi tok, Solomon vt sipoknit taiyaha ma, tekchi vhleha hvv chukvsh filimmi na, oklushi inla i naholbvt toba puta ka asitia tok: in Chitokaka Chihowa ya chukvsh vt aiahli tok keyu, iki Lewi chukvsh atok a ik chohmo tok.

5. Solomon vt Sitonian okla i naholbvt toba ohoyo Ash-tolelh a iakaiyvt, Ammon okla nanashvchi yuwalvchi Milkom a iakaiya tok.

6. Micha Solomon vt Chihowa itikba ya nana ik achukmo ka yvmihchit, Chihowa ya iakaiya kvv, aiahli tok keyu, iki Lewi atok a ik chohmo tok.

7. Yohmi mvv Solomon vt Moab nan ashvchi yuwalvchi Chemosh a nvni Chelusalem itikba hikia ka achahaka ya im ai ikbi tok; micha Ammon in chipota nanashvchi yuwalvchi Molech a im ai ikbi tok.

8. Micha okla inla ohoyo tekchi moma ka i yvmihchi na, nabalama a hukmit i naholbvt toba puta ka nan im vbit okla isht ai okpahanchi tok.

9. Mihma Chihowa vt Solomon a i nukhobela tok, chukush vt Israel in Chitokaka Chihowa ya i filummi tok oka.

10. Yummvt hitukla ha i haiaka cha, nana ilvppa fehna ka im apesvt, naholbvt toba puta iakaiyvt aya he keyu i miha tok: yohmi kia Chihowa vt nana apesa tok a ik iesho tuk atok.

11. Yvmohmi hatuk o Chihowa vt Solomon a, Ilvppa ish yvmihchi cha, nan it im apesa li ya, micha a nanvlhpisa puta chi miha li tuk a chik iesho hoka, apelihchika yash mokofit chim ishi lish, chin tishu ho ima la chi pulla hoke

12. Yohmi akinli kia ish ahanta takla nitak okeno, chiki Lewi ak atok pulla mak o, yvmihchi la he keyu: amba chiso ibbak ak o mokofit a kohchi la hi oke.

13. Yohmi akinli kia apelihchika ya mominchit mokofit im ishi la he keyu: amba an tishu Lewi atok pulla kak o, micha Chelusalem atokoli li tok pulla hatuk mak o, apelihchika achvfa ho ima la chi hoke, im achi tok.

14. Mihma Chihowa vt Solomon a i sanala chi ho Etomait Hatat a hilechi tok: yummvt miko im isht atiaka yosh Etom a anta tok.

15. Yohmi kvv yakohmi tok, Lewi vt Etom a anta ma, tvshka chipota i kvpitvni chito Choab vt Etom a nakni moma issot kanchi tuk osh holpit ia mvt;

16. (Hvshi hannali ho Choab, micha Israel moma ai itvpiha kvv yvmma aiasha cha, nakni moma Etom aiasha ka vbit tahli tuk okvt:)

17. Yohmi ma Hatat vt malelit, yvmma micha Etomait kaniohmi, iki in tishu vhleha ai achvfa aiena kvv Echip ia hosh yihlepa tok: Hatat vt vlla iskitini moma hatok.

18. Michi Mitian a a kohchvt okla wakayvt Palan a ona tok: mihmvt Palan a hatak kanohmi ai ishi cha ia mvt, Echip onvt, Feleo Echip i miko ya im ona tok: yummvt chuka ya ima mvt, ilhpak a im atahli cha, yakni ya ima tok.

19. Mihma Hatat vt Feleo itikba ya im isht i kana chinto ahayuchi tok: yohmi ho ilap tekchi ak inli itibapishi, Tahpenes ohoyo miko itibapishi ha tekchi ya chi ho ima tok;

20. Mihma Tahpenes itibapishi hvt vlla nakni Kenubalh a im eshi tok: ymma Tahpenes vt Feleo in chuka ya bohliit pishi issvechi tok: mihma Kenubalh vt Feleo in chuka achufa, Feleo ushi vbleha hak o takla ahanta tok.

21. Atuk o Lewi vt iki vbleha takla nusi tuk, micha Choab tvshka chipota i kvpitvni chito vt illi tuk o, Hatat vt Echip a antvt haklo mvt, Hatat vt Feleo ya, Ak ia cha, a yakni akinli ho ak ona, im achi tok.

22. Yohmi ma Feleo vt, Yohmi kia sa takla ish ahanta takla kv, nanta hosh ik chim ono tuk osh chi yakni akinli ho ia chi bnna cho? im achi tok. Mihma afalamichit, Nana ik sum ono kv iksho: yohmi ak inli kia, ik kaniohmi kia ak ia, achi tok.

23. Mihma Chihowa vt inla yvt i sanala chi ho, Eliatah ushi Leson, ymmvt Hatat-ese Sobah i miko i maleli tok a, hilechi tok.

24. Micha hatak il ai itvnahli cha, Lewi vt Sobah asha ya vbit tahli ma, aya achufa i kvpitvni toba tok: micha Tamaskvs a okla ona cha, ymma vttvt Tamaskvs a okla a pehliechi tok.

25. Micha Hatat nan okpvni kv asha ma, Solomon vt okchayvt ahanta nitak moma ka Leson ash osh Israel a im i sanali tok: micha Israel a shitlema tok; micha Silia ya i miko tok.

26. Mihma Nebat ushi Cheloboam Eflahlait hatak Seleta yakni vta, Solomon in tishu, ymma ishki hohchifo kv Seluah, ohoyo i hatak illi atok, ymmak kia miko i sanalit ibbak a wakeli tok.

27. Ilvppa yohmi kak o miko ya i sanalit ibbak a wakeli tok: Solomon vt Millo ya ikbit iki Lewi in tmaha holihta kinahli ya aiiskiachi tok.

28. Mihma hatak Cheloboam vt hatak hlampko chilita nukwia iksho tok: mihma hatak himita nan aiokpvchi ho Solomon vt pisa mvt, Chosef in chuka achufa isht ahalaia moma ka apesvchi ikbi tok.

29. Atuk o nitak ymma yakohmi tok, Cheloboam vt Chelusalem a a kohchvt ia ma, hina takla aya na, Shilonait

Ahichah hopaii vt ahayuchi tok: mihma nafohka himona foka tok: mihma tuklo illa hosh yakni haiaka hiei tok.

30. Mihma Ahichah vt nafohka himona foka tuk a hoklit ishi cha, hlillichit auahtuklochi tok.

31. Micha Cheloboam a, Pokoli ho ai ishi, Chihowa Israel in Chitokaka yrt yak achi hoka, Yakeh! ap ehlichika yash mokofit Solomon ibbak a a kohchi likmvt, ap ehlichika pokoli ho chima la chi hoke.

32. Amba an tishu Lewi ak atok pulla kak o, micha Chelusalem tmaha holihta ya Israel ap ehlichika puta moma ka a kohchit atokoli li tok pulla hatuk mak o, ap ehlichika achvfa ka isha chi hoke.

33. Okla sa kanchi cha, Sitionian okla i naholbvt toba ohoyo Ashtoleh, Moab okla i naholbvt toba Chemosh, micha Ammon in chipota i naholbvt toba Milkem aiena ka aiokprechi cha, a hina puta ik ai itnohowo, micha sa tikba ai vhpiesa ik yrmihcho, micha a nanvhpisa puta, micha a nan isht ai apesa puta aiena ka ik yrmihcho krt iki Lewi atok a ik chohmo hoka.

34. Ik yohmi kia ap ehlichika ya mominchit ibbak a a kohchit ishi la he keyu hoke: amba vm anumpa vhpisa puta, micha a nan vhpisa puta aiena ka ieshi hatuk o, an tishu Lewi ymma atokoli li tok pulla hatuk mak osh, okchayrt ahanta nitak moma ka miko ikbi la hi oke.

35. Amba ap ehlichika ya ushi ya ibbak a a kohchit ishit, ap ehlichika pokoli ho chima la chi hoke.

36. Micha ushi ak o ap ehlichika achvfa ho ima likma, an tishu Lewi vt Chelusalem, tmaha holihta sa hohchifo a bohli la chi hosh atokoli li tok a, pula hvt i hikia na bilia chi hoke.

37. Micha chishmo ak o chishi likma, chi chukvsh ahni tuk puta krt, mikot Israel a i miko chia ha chi hoke.

38. Atukma yakohma hi oke, nana chi miha li moma ka ish haiyaklo cha, a hina puta ka ish a nohowrt aivhpiesa kak o sa tikba ish a ymohmi cha, a nan vhpisa puta, micha vm anumpa vhpisa puta ka an tishu Lewi atok a chohmit ish ieshikma, chibafoyuka lish, Lewi im ikbi li tok

a chohmichit, chin chuka k'ellot hikia hō chim ikbi lish, Israēl a chimā la hi oke.

39. Micha ilvppak atuk mak o, Lewi ai unchololi ya ilbvshali li kia, bilia he keyu hoke, im achi tok.

40. Yvmohmi hō Solomon vt Cheloboam a vbi bunnvt hoyo tok. Mihma Cheloboam vt wakaya cha, malelit Echip a onvt, Echip i miko Shishak a im ona cha, Echip a anta na Solomon vt illi tok.

41. Yohmi ka Solomon nana akaniohmi tok inla kv̄t, micha nana yvmihchi tok puta, micha ahopoyuksa aiena kv̄t, Solomon nana akaniohmi tok holisso hā a holisso keyu, cho?

42. Mikma Solomon vt Israēl moma i mikot, Chelusalem a ahanta kv̄t afv̄m̄mi pokoli ushta tok.

43. Mihmvt Solomon vt iki vhleha hā takla nusi cha, iki Lewi in tvmaha holihta ya a hollopi tok: mihma ushi Lehoboam ak osh vltobvt miko tok.

CHAPTA XII.

MIHMA Lehoboam vt Shechem a ona tok: Israēl moma kv̄t yv̄mma miko ikba chī hosh Shechem a ona tuk atok oka.

2. Atuk o yakohmi tok, Nebat ushi Cheloboam vt Echip a ont anta moma hosh haklo tok, (miko Solomon a Cheloboam vt i maleli cha, Echip ak o ont v̄tta tok okv̄t:)

3. Mihma anumpa pit i pilt okla hoyo tok: mihma Cheloboam, micha Israēl moma kv̄t ona mvt, Lehoboam a okla im anumpulit.

4. Chīki vt pim ikunla abana ya pī wekichi tok: yvmohmi hoka himak a chīki vt toksvli kv̄llo pi onochi tok, micha im ikunla abana weki pi onochi tok a ish shohhvlachashke, mikma e chim antiashke, okla achi tok.

5. Mihma, Hv̄sh tisheli cha, nitak tuchinakma anonti hv̄s sv̄m vlashke, im achi tok. Mihma okla hv̄t tisheli tok.

6. Mihma miko Lehoboam vt hatak sipokni vhleha iki Solomon vt okchayvt ahanta moma ma, itikba hielī tok a it

im anumpulit, Nanta hō hesh miha na okla ileppa anumpa falama ya ima la chī cho? achi tok.

7. Mihma im anumpulit, Himak nitak a okla ileppa in tishu tobt, ish in toksula chī hokma, micha anumpa falama, micha anumpa hochukma ish ima chī hokma, yohmikka chin tishu vheha bilia chī hoke, okla achi tok.

8. Yohmi kia hatak sipokni vheha im anumpa ima tuk a kanchi cha, hatak himithoa iba hofanti tok itikba hiel kak o it im anumpuli tok.

9. Michā, Nanta hō hesh miha na okla ileppet vm anumpulit, Ikunla abana chīki vt pi onochi tok a ish shohhvlachashke, achi tuk a anumpa falama il ima chī cho? im achi tok.

10. Mihma hatak himithoa iba hofanti tok ash osh im anumpulit, Okla ileppa yak ish im achashke, ymmvt chim anumpulit, Chīki vt pim ikunla abana ya pī wekechi tok, amba chishno vto ish shohhvlachashke, achi tuk a yak ish im achashke, Subbak ushi iskitini vt sukko ktv aki in cheshwa nipi ya i shahla chī hoke.

11. Yohmi ka himak a aki vt ikunla abana weki hō hēchi onochi tok kia, vno yokvto chim ikunla abana ya ibafohki la chī hoke; aki vt ishit-fema yō ishit hēchi kostinīchi tok kia, vno yokvto halambia hō ishit hēchi kostinīchi la chī hoke, im achi tok.

12. Yemohmi tuk o Cheloboam, micha okla moma kvv, mīko vt apesv, Nitak ont isht atuchinakma anonti hvs sem vlashke, achi tuk mak o, nitak ont isht atuchina ma Leho-boam a im ona tok.

13. Mihma mīko vt afalamichit okla hā anumpa kvllo im anumpuli cha, hatak sipokni vheha hvv anumpa i miha tuk a kanchi tok.

14. Michā hatak himithoa anumpa i miha tuk ak o iakai-vv im anumpulit, Aki vt hēchim ikunla abana ya wekichi tok a ibafohki la chī hoke: aki vt ishit-fema yō ishit hēchi kostinīchi tok kia, vno vto halambia hō ishit hēchi kostinīchi la chī hoke, achi tok.

15. Yemohmi hosh mīko vt okla hā ik i haponaklo tok: Chihowa vt aiahni tok oka, ymmvt Chihowa vt Ahichah

Shilonait a tohno na Nebal ushi Cheloboam a im anumpuli tuk vt aiahlicha he ak atok.

16. Yvmohmi ho Israel moma kvt miko vt i haponakla he keyu ho pisa mvt, okla hash osh afalamichit miko ya, Lewi ya nanta isht pi ahalaia cho? micha il ai isha he vlihpesa yvt Chesse ushi ya ik pim ikshoshke: Israel vhleha ma! hvchim vlbina ha hvsh iashke: himak a Lewi vt chin chuka akinli ish apistikelashke, achi tok. Yohmi ho Israel vt tishelit im vlbina ha ona tok.

17. Amba Israel im vlla vhleha hvt Chutah in tumaha holihta aiasha hokvno Lehoboam vt i miko tok.

18. Yvmohmi ma Lehoboam vt Atolam a, yvmvt noshkobo atobbi apesvchi yatuk o pila tok: mihma Israel moma kvt tvi ishit boli na illi tok. Yvmohmi ho Lehoboam vt malelit Chelusalem ona chi hosh tushpvt tenvp itichanvlli ya ont chukowa tok.

19. Yohmi hosh Israel vt Lewi in chuka achvfa ya i filvmmi i sanali tok osh himak nitak a imoma hoke.

20. Atuk o yakohmi tok, Israel moma kvt Cheloboam vt anonti vla tuk o haklo mvt, pit hoyot okla itvnaha aiasha ka isht ona cha, Israel moma i miko ikbi tok: achvfa kia Lewi in chuka achvfa ya iakaiya kvt iksho tok, amba Chutah apelihchi ak illa tok.

21. Atuk o Lehoboam vt Chelusalem a vla mvt, Chutah in chuka achvfa moma, micha Benchamin apelihchi aiena hatak aiyuha tahlepa sipokni achvfa cha, tahlepa sipokni pokoli untuchina, yvmvt tenvp aya ya itvnahli na, Israel in chuka achvfa ya itibit, apelihchika yash anonti Solomon, ushi Lehoboam a isht im vla chi hatok.

22. Yohmi tuk kia Chihowa im anumpa hvt hatak Chitokaka im antia Shemaiah ya im vltv yak achi tok.

23. Lehoboam Solomon ushi Chutah i miko ya, micha Chutah in chuka achvfa moma, micha Benchamin, micha okla hinli aiena ka im anumpulit yak ish achashke,

24. Chihowa vt yak achishke, Hvsh ia he keyu, micha hvch itibapishi vhleha, Israel im vlla vhleha ha hvsh itiba he keyu hoke: moma kvt falamvt in chuka aiyukali ho hvsh

onashke: nana ilvppa vno ak osh ahni li tuk oka. Yrmohmi h_o Chihowa im anumpa h_a i haponaklo tok; micha Chihowa im anumpa hatuk mak o, falamvt ia tok.

25. Mihma Cheloboam vt Eflaim nvni h_a Shechem a ai ikbi cha, ymma vtta tok; atuk osh ymma kohchvt ia mvt, Penuel a ikbi tok.

26. Mihmvt Cheloboam vt chukvsh anukaka ya anukfihinit, Himak a apchlichika yvt falamvt Lewi in chuka achvfa ya im ona ch_i hoke.

27. Okla ilvppvt Chihowa in chuka Chelusalem a atalaia ka nan ai vbit ont isht aiokprchikmvt, okla ilvppa chukvsh vt anonti falamvt i shahli Lehoboam Chutah i miko ya im ona ch_i hoke; mikmvt okla svbi cha, Chutah i miko Lehoboam a anonti im ona ch_i hoke.

28. Yrmohmi hosh miko vt it im anumpuli mvt, teli holisso lakna wak ushi tuklo h_o ikbi cha, Chelusalem a hvsh ia ka atvpa fehnvshke: Israel ma! ch_i naholbvt toba Echip yakni ya pehlichit hvchi kohchi tok a hvsh pisashke, im achi tok.

29. Micha achvfa ka Behlel ak o hilechi mvt, achvfa ka Tan ak o hilechi tok.

30. Mihma nana ilvppa isht ayoshuba tok: okla hvvt achvfa Tan hikia ka itikba onvt aiokprchi tok okvt.

31. Micha achahaka aboha puta ikbi tok: micha Lefai ushi vhleha ak keyu, okla makali ont ishtaiyopi ak o, naholitompa isht asha ikbi tok.

32. Micha Cheloboam vt hvshi isht untuchina, nitak ont isht auah tahlapi ka, imprchi Chutah imprchi akinli chohmi h_o, apesa tok; micha alta ya ai onochit im issa beka tok. Behlel ak kia yvmihchit wak ushi ikbi tuk vt, nan im vbit aiokprchi tok: micha achahaka puta ikbi tuk naholitompa isht asha vhleha h_a Behlel ak o hilechi tok.

33. Yrmohmi hosh alta Behlel ai ikbi tuk vt hvshi isht untuchina, nitak isht auah tahlapi ma, ilap chukvsh akinli hvshi apesa tuk vt, ai onochit im issa tok: micha Israel im vlla vhleha h_a imprchi im apesa tok; micha alta ai onochit im issa mvt, nabalama ai o hukmi tok.

CHAPTER XIII.

MIHMA yakeh! hatak Chitokaka im antia yvt Chihowa im anumpa ieshi hosh Behlel a ona tok: mihma Cheloboam vt nabalama hukmi hosh alta bilika ya hikia tok.

2. Micha Chihowa im anumpa ha anumpulit alta ya im i sanalit pahaya cha, Alta ma! alta ma! Chihowa vt yak achishke; Yakeh! Lewi in chuka achufa ya vlla hohehifo kvt Chosiah yosh im vtta hi oke: mikmvt yummvt achahaka puta naholitompa isht ai ashvt nabalama chi ai onochit, hukmi vhleha ha chi ai onochit im ihisa hi oke; mikma hatak foni yosh chi onvtoltv lua hi oke, achi tok.

3. Mihma nitak yummak inli ho nan isht atokowa imvt, Chihowa vt anumpohonli tuk a, ilvppak osh nan isht atokowa hoke: Yakeh! alta vt kinafakma, hituk chubbi o asha tuk vt hlatapa chi hoke, achi tok.

4. Atuk o yakohmi tok, hatak Chitokaka im antia yash osh anumpulit, alta Behlel hikia ka im i sanalit pahaya ka, Cheloboam vt haklo mvt, ibbak vt alta onvtonla tuk a ishi cha, pit welit, Hoklit ishi, achi tok. Mihma ibbak a isht im i sanalit pit weli kash osh shilvt taha tok: yohmi ho falvmminchit isha he keyu tok.

5. Nan isht atokowa hatak Chitokaka im antia yash osh, Chihowa im anumpa ieshi hosh ima tuk mak o, alta ak kia kinafa ma, hituk chubbi alta o asha tuk vt hlatapa tok.

6. Mihma miko vt afalamichit hatak Chitokaka im antia yash, Chin Chitokaka Chihowa itikba ya himak a im ilbvshvt is si anumpuli na, svbbak vt anonti hlakofashke, im achi tok. Mihma hatak Chitokaka im antia yash osh Chihowa ya im asilhha ma, anonti miko ibbak vt hlakofi cha, ibbak yatuk ak inli chohmi tok.

7. Mihma miko vt hatak Chitokaka im antia yash, Si awant an chuka ona cha ish impakma, na hvlbina chima lashke, im achi tok.

8. Mihma hatak Chitokaka im antia yash osh miko ya, Chin chuka ya iklvna ho is svma chi hoh kia, chi awant

ona la he keyu, micha ilvppa pska ai vpa la he keyu, micha oka ai ishko la he keyu hoke.

9. Yohma hi o Chihowa im anumpa het atokolit a miha mvt, Pska ish pa ná, micha oka ish ishko ná, micha fala-mvt hina ish a minti tuk akinli, anonti ish ia ná, vm achi tuk oka, im achi tok.

10. Yvmohmi hosh hina inla ho ia cha, hina a mintit Belhel vla tuk vt falamvt ik aiyo tok.

11. Mihma Belhel a hopaii sipokni vt vtta tok: mihma ushi vhleha het, nitak yvma hatak Chitokaka im antia yash osh nana yvmiheli tuk moma ka, ont im anoli tok: anumpa ha miko im anoli tuk yvma aiena ka iki ya okla im anoli tok.

12. Mihma iki vt, Katima yo ia tuk o? im achi tok; ushi vhliha hashot hatak Chihowa im antia Chutah minti yash osh kanima ia ka pisa tuk okvt.

13. Mihma ushi vhleha ha, Issuba haksobish falaia ya hvs svm umpatalashke, im achi tok. Yohmi ma issuba haksobish falaia im umpatali tok: mihma ombinili cha,

14. Hatak Chitokaka im antia yash iakaiyrt ia tuk osh, nosupi nuta binili na, ont ahayuchi tok: micha, Chishno ak osh hatak Chitokaka im antia Chutah minti tuk mak o chia hoh cho? im achi tok. Mihma, Mih sia hoke, achi tok.

15. Yohmi ma, Si awant an chuka ish ona cha, pska ish pashke, im achi tok.

16. Mihma, Chi awant falama la he tuk keyu, micha chi awant ona la he tuk keyu: micha ilvppa pska a chibai vpa la he keyu, micha oka a chibai ishko la he keyu hoke.

17. Chihowa im anumpa het, Yvma pska ish ai vpa he keyu, micha oka ish ai ishka he keyu hoke; micha anonti falamvt hina ish a minti tuk ak inli kvt, ish ia he keyu hoke, vm achi tuk oka.

18. Hopaii sipokni ash osh, Chishno chohmit vno ak kia hopaii sia hoke: atuk o Chihowa im anumpa ho enchil vt vm anumpulit, Falmminchit chin chuka isht ish la na, pska vprt, micha oka ishkashke, vm achi tuk oke, im achi tok. Yohmi kia i holabi tok.

19. Yohmi hō falama cha, in chuka pvska ont ai vput, oka ai ishko tok.

20. Atuk o yakohmi tok, ai impa a chiya ma, Chihowa im anumpa hut hopaii falvmminchit isht vla kash o im vla tok.

21. Micha hatak Chitokaka im antia Chutah minti yash, chitolit im anumpuli mvt, Chihowa vt yak achishke, Chihowa itih hā chik im antio hosh anumpa vllhpisa chin Chitokaka Chihowa vt chim apesa tuk a chik iesho hosh,

22. Amba falamvt ish la na Chihowa vt chim achi kvv, Pvska ish pa ná, micha oka ish ishko ná, achi tuk pvska ish ai vpa, micha oka ish ai ishko hokvt, chi nipi illi vt iki vhleha im ahollopi ya ona chi keyu hoke.

23. Atuk o yakohmi tok, pvska vput issa ma, micha nan ishkot issa ma, hopaii falvmminchit isht vla kash osh, issuba haksobish falaia yash im umpatali tok.

24. Mihma ia tuk o hina takla ya, koi chito vt afama cha, vbi tok: micha haknip illi ya hina takla pila na itoyula ma, issuba haksobish falaia ash osh bilika hikia ma, koi chito ak kia haknip illi ya bilika hikia tok.

25. Atuk o yakeh! hatak vt itvnohowa ma, haknip illi yash osh hina lapali ka itoyula na, koi chito vt haknip illi yash bilika hikia hō pisa tok: micha tvmaha holihta hopaii sipokni ai vta ya ont anoli tok.

26. Atuk o falvmminchit isht vla tuk hopaii yash osh haklo mvt, Hatak Chitokaka im antia, yvmvvt Chihowa im anumpa ik im antio tuk ash oke: yvmohmi hatuk o Chihowa im anumpa hut im achi tuk mak o, Chihowa vt koi chito ima na hlillichit vbi hoke, achi tok.

27. Micha ushi vhleha hā im anumpulit, Issuba haksobish falaia ya hvs sum umpatalashke, im achi tok. Mihma umpatali tok.

28. Mihma ia tuk osh hina takla haknip illi yash osh itoyula na, issuba haksobish falaia, micha koi chito itatuklo kvv haknip illi bilika hiel na, ont ahayuchi tok; koi chito vt haknip illi ya ik po, micha haksobish falaia ya ik hlillecho tok.

29. Mihma hopaii yash osh hatak Chitokaka im antia

haknip illi yash ishi cha, issuba haksobish falaia onochit falumminchit ishit minti tok; micha hopaii sipokni yash osh ishit yaiya cha, hohpa chi hosh tumaha holihta ya vla tok.

30. Michā haknip illi yash ilap im ahollopi ak inli ho bohli tok: mihma ishit yaiyrt, Ikikkeh! itibapishi li ma! ahanchi tok.

31. Atuk o yakohmi tok, hohpi hayrt, ushi vhleha ha im anumpulit, Sullikma ahollopi hatak Chitokaka im antia vt ahollopi tuk ak o hrs sa hohpashke; sa foni ya i foni ya apotolit hrsh bohlashke.

32. Chihowa im anumpa ho Belhel a alta hikia ka i sanalit, micha Samalia ya achahaka puta chuka hiohmaya ka i sanalit chitolit anumpohonli tuk vt, ont ai ahli pulla chi hoke, achi tok.

33. Nana ilvppvt yakohmi haya Cheloboam vt nana ik achukmo aya tuk vt ik falamo hosh, amba okla makali isht-aiyopi ak o, achahaka puta naholitompa isht asha ikbi tok; kuna hosh vhpesa ahnikma atokoli na achahaka naholitompa isht vta toba tok.

34. Atuk o nana ilvppak o Cheloboam in chuka achvfa yvt isht ayoshuba na yakni paknaka ya a mosholit ai iksho ka chi hatok.

CHAPTA XIV.

NITAK ymma Cheloboam ushi Abichah vt abeka tok.

2. Mihma Cheloboam vt tekchi ya, Wakaya, chim asilhha lishke, micha inla ish ilahobi na, Cheloboam a tekchi chia ka ik chithano kashke: micha Shiloh ha ish onashke: yakeh! hopaii Ahichah vt ymma ahanta hoke; ymmak osh okla ilvppa i miko toba la chi ka, vm anoli tok.

3. Michā puska lumbo pokoli, micha pusba shila, micha foebila kotoba achvfa aiena ho ish ishi cha, ish im onashke: ymmak osh vlla yvt kaniohma chi ka, chim anola chi hoke, im achi tok.

4. Mihma Cheloboam tekchi vt ymihchi tok: micha wakaya mut, Shiloh ha onrt, Ahichah in chuka ya ona tok.

Yohmi kia Ahichah vt pisa he keyu tok; sipokni kak osh nishkin vt illi hatuk okvt.

5. Mihma Chihowa vt Ahichah ya, Yakeh! Cheloboam tekchi vt ushi ak o nana chi ponakla chi hosh mintishke: abeka hoka: yak im achit, micha ish yak im achashke: yakohma chi hoka, vlakmt, ohoyo inla ilahoba chi hoke, im achi tok.

6. Atuk o yakohmi tok, okhissa ya vla na iyi nowa ka haklo mt, Chukowá, Cheloboam tekchi chia hut, nanta katiohmi ho inla ish ilahobi cho? sa tohno na anumpa weki ho ishit chim aya li hoka.

7. Iá, Cheloboam a ish im anolashke, Israel in Chitokaka Chihowa vt yak achishke, Okla ai ititakla ya ai ishit chi chahrchit, vm okla Israel a i miko chikbi li tuk,

8. Micha apelihika yash mokofit Lewi in chuka achvfa ya im ishi li mt, chima li tuk oke: yohmi tuk kia an tishu Lewi yatuk a chik chohmashke, yummak okvt vm anumpa vlpisa puta ka holitobli tok: micha yummak okvt chukvsh aioklvhut siakaiya cha, sa tikba ai vlpiesa bano kak o yvmohmi tok oke.

9. Amba nana ik achukmo ish yvmihchi kvt, chi tikba chashpo asha tuk moma ka ish i shahlichishke: naholbvt toba puta, micha bilvt akmot naholbvt toba puta aiena ka ikbit, is sa nokowrchishke; micha chim ashaka is sa kan-chishke.

10. Yvmohmi hoka yakeh! nana ik achukmo ka Cheloboam a in chuka achvfa ya onochi la hi oke; mikmt nakni kanima kia, micha Israel yuka, micha Israel yuka keyu aiena ka Cheloboam a ishit kanchi lish, Cheloboam in chuka achvfa asha ka, hatak osh lukfi yo ishit kanima ont kanchi na, momvt ont taha chatuk mak o, chohmichit ishit kanchi la hi oke.

11. Cheloboam ai achvfa yosh tvmaha holihta ai illi hokvno, ofi puta hosh vpa chi hoke; mikma yakni haiaka yo ai illi hokvno, hushi puta vba itvnowa hosh vpa chi hoke; Chihowa ak osh anumpuli tok oka.

12. Yvmohmi hoka wakaya cha, chin chuka ak inli ish

onashke: atukma temaha holihta ya chiyi yvt chukowakma, vlla yash osh illa chi hoke.

13. Mikma Israel moma kvt ishit yaiyvt hohpa chi hoke: Cheloboam a ai achvfa yvt yvmmak illa hosh ahollopi ya ona chi hoke; yvmmak okvto Cheloboam in chuka achvfa ya, nana achukma kaniohmi ka Israel in Chitokaka Chihowa i yvmohmi hatuk okvt.

14. Micha Chihowa vt Israel a i miko ya chi ho, ikbit hilechi na, yvmmak osh Cheloboam in chuka achvfa ya nitak yvma ishit kancha chi hoke, micha katiohmik mak o? himonasi fehna ka.

15. Chihowa vt Israel a kvshak osh oka hikivt winakahanchi kak inli chohmichit issot kancha chi hoke; micha Israel a yakni achukma ilvppa iki vhleha ima tuk vt, loblit ishit kancha chi hoke; micha okhina mish tennep ont ita fimimbla chi hoke; iti lokoli ikbit Chihowa ya nokovvchi hoka.

16. Micha Cheloboam vt nanashvchi tuk, yvmmvt nan ashvchi cha, yvmmvt Israel a nan ashvchechi tuk aiena pulla kak o, Israel a kancha chi hoke, achi tok.

17. Mihma Cheloboam tekchi vt wakaya cha, ivt Tisah ya ona tok; atuk osh okhissa atuya ya ona ma, vlla yash osh illi tok.

18. Mihma Chihowa im anumpa hatuk in tishu hopaii Ahichah ya tohno na, anumpuli tuk mak o, okla hohpi cha, Israel moma kvt ishit yaiya tok.

19. Mihma Cheloboam nana akaniohmi tok inla puta, kaniohmit itin tanampi tok, micha kaniohmit miko tok vt yakeh! Israel i miko vhleha i nitak holisso ha a holisso hoke.

20. Mihma Cheloboam vt mikot ahanta na, afvmmi pokoli tuklo akucha tuklo tok; mihmvt iki vhleha takla nusi tok: micha ushi Natab ak osh vltobvt miko tok.

21. Mihma Solomon ushi Lehoboam vt Chutah yak o a miko tok. Lehoboam vt afvmmi pokoli ushta akucha achvfa hosh mikot ishtia tok: atuk osh afvmmi auah untuklo ho Chelusalem temaha holihta Chihowa vt hohchifo a bohla chi

hosh, Israel apelihchi moma ka ai atokoli tok a, a miko tok : mihma ishki vt Ammonait ohoyo hosh hohchifo hvt Naa-mah atok.

22. Mihma Chutah vt Chihowa itikba ya nana ik achuk-mo ka yvmohmit, iki vhleha hvt nana yvmihchi tok moma ka, i shahlichit, nan ashvchi yvmihinchit tuk osh nuktvlachi tok.

23. Yvmmak kia achahaka puta ikbit, micha naholbut toba puta, micha iti lokoli puta nvnih chaha puta pakna-ka, micha iti hishi okchamali puta nuta ya ai ikbi tok oka.

24. Mihma yakni yash Sotomait ak kia asha tok : mihma nanashvchi yuwalvchi oklushi puta Chihowa vt Israel im vlla vhleha itikba ya tihlelit kocha wehli tok o, yvmohmi tok vt moma ka yvmohmi tok.

25. Atuk o yakohmi tok, Lehoboam vt miko tok afv-mi vt ont ishit tahlapit ia ma, Echip i miko Shishak vt Chelusalem a vlv in tanampi tok.

26. Micha Chihowa in chuka nana holitompaa aiasha ka, micha miko in chuka nana holitompaa aiasha aiena ka ant ishtia tok ; moma kia ishtia tok : micha tvli holisso lakna telihpa Solomon vt ikbi tok moma ishtia tok.

27. Mihma miko Lehoboam vt atobbichit asonak lakna yo telihpa puta ikbi cha, nan atoni i kpitvni, miko im aboha okhissa apistikeli ya ibbak fohki tok.

28. Atukma yakohmi beka tok, miko vt Chihowa in chuka ya ont chukowakmt, nan atoni vt shoyuli tuk osh, falmminchit nan atoni im aboha isht vla beka tok.

29. Yohmi ka Lehoboam nana akaniohmi tok inla kv, micha nana yvmihchi tok moma kv, Chutah i miko vhleha i nitak holisso ha a holisso keyu cho ?

30. Lehoboam, micha Cheloboam ita tuklo kv okchayvt ahashwa nitak moma kv, it in tanampi tok.

31. Mihma Lehoboam vt iki vhleha takla nusi cha, iki vhleha takla Lewi in tmaha holihta ya ahollopi tok. Mik-ma ishki vt Ammonait ohoyo hosh hohchifo kv Naamah atok. Mihma ushi Abicham vt vlhtobvt miko tok.

CHAPTA XV.

YOHMI ka Nebat ushi Cheloboam vt miko tok, afummi vt ont ishit auah untuchina hō, Abicham vt Chutah ya i miko tok.

2. Afummi tuchina hō mikot Chelusalem a ahanta tok. Mihma ishki vt Abishalom ushetik osh hohchifo kvt Maachah atok.

3. Mihmvt iki vt itikba nan ashvchi ai yvmohmi tok, moma kak o a nohowa tok: micha iki Lewi chukvsh atok a chohmit, in Chitokaka Chihowa itikba ya chukvsh vt ai ahli tok keyu hoke.

4. Yohmi kia Lewi atok pulla kak o, in Chitokaka Chihowa vt Chelusalem a pula ai imvt, ushi iakaiya ka hilechi cha, Chelusalem a kullochit hilechi tok.

5. Lewi vt Chihowa itikba ya aivlhpiesa kak o yvmihchi cha, nana i miha ka okchayvt ahanta nitak moma kvt nak-sika ik aiyo, amba Uliah Hittait a nana akaniohmi tok ak illa tok.

6. Micha okchayvt ahanta nitak moma ka Abicham, micha Cheloboam itatuklo kvt itin tanampi tok.

7. Yohmi ka Abicham vt nana akaniohmi tok inla kvt, micha nana yvmihinchit tok moma kvt Chutah i miko vhleha i nitak holisso ha a holisso keyu cho? Mihma Abicham, micha Cheloboam itatuklo kvt it in tanampi tok.

8. Mihma Abicham vt iki vhleha ha takla nusi tok: mihma Lewi in temaha holihta ya a hohpi tok: mihma ushi Asa vt vltobvt miko tok.

9. Mihma Cheloboam vt Israel a i miko tok, afummi vt ont ishit pokoli tuklo hō, Asa vt Chutah ya i miko tok.

10. Micha afummi pokoli ushta akucha achvfa hō mikot Chelusalem a ahanta tok. Mihma ishki vt Abishalom ushetik osh hohchifo kvt Maachah atok.

11. Micha Asa vt iki Lewi atok a chohmit Chihowa itikba ya, aivlhpiesa kak o yvmihchi tok.

12. Micha Sotomait vhleha h_ə yakni yash ishit a kohchi tok; micha naholbvt toba puta i_{ki} vhleha hv_t ikbi tok a ishit kanchi tok.

13. Micha ishki Maachah ak kia iti lokoli y_a naholbvt toba ai ikbi tok atuk o, m_iko ohoyo atok a kohchi tok; micha Asa vt i naholbvt toba y_a chanlit akvchi cha, bok ushi Kitlon bilika y_a a hukmi tok.

14. Yohmi kia achahaka puta ka ishit ik kanchi tok: yohmi kia okchayvt ahanta nitak moma kv_t, Asa chukvsh vt Chihowa itikba y_a aiahli tok.

15. Micha i_{ki} vt nana hullochi tok puta, micha ilap vt nana hullochi tuk puta aiena tvli hv_ta, micha tvli holisso lakna, micha nan ai vlhto aiena ka Chihowa in chuka isht v_{la} cha, anukaka ashachi tok.

16. Mihma Asa, micha Israel i m_iko Baasha itatuklo kv_t, i nitak moma kv_t it in tanampi tok.

17. Mihma Israel i m_iko Baasha vt i_{vt} Chutah y_a itibi tok; micha achvfa kia Chutah i m_iko Asa y_a ik im oná, ik ahno hosh, micha a kohchvt ik minti, ik ahno hosh, Lamah y_a ikbi tok.

18. Yohmi ma Asa vt tvli hv_ta, micha tvli holisso lakna Chihowa in chuka na holitopa ai asha y_a asha tuk moma, micha m_iko in chuka naholitopa aiasha y_a asha tuk moma ishi cha, in tishu vhleha ibbak a fohki tok: micha m_iko vt Tablimon ushi yummvt Hesion ushi, Benhatat Silia i m_iko Tamaskvs v_tta y_a pit i pila mv_t,

19. Ŭno, micha chishno il itatuklo, micha a_{ki}, micha ch_i-ki itatuklo k_a anumpa ai itibai achvfa it im apesa yvt itonleshke; yakeh! nahvlbina tvli hv_ta, micha tvli holisso lakna aiena ka ch_i pila lishke: minti cha, Israel i m_iko Baasha y_a anumpa ai itibai achvfa itim apesa y_a ish it i kobvffi na, a filvmmi iashke, achi tok.

20. Yohmi h_o Benhatat vt m_iko Asa y_a i haponaklo cha, tvshka chipota i kvpitvni puta im asha tuk vt Israel in tvma-ha puta k_a itiba ch_i h_o pila cha, Ichon, micha Tan, micha Abel-belh-maachah, micha Sinnelolh moma, micha Naftali yakni vt moma ka issot kanchi tok.

21. Atuk o yakohmi tok, Baasha vt haklo mvt, Lamah ya ikbi tuk vt issa cha, Tisah ak o ai vttā tok.

22. Yohmi ma Asa vt Chutah moma ka haklohit hlopul-
lichi tok; achvfa kia ik hlakofō tok: micha Baasha vt La-
mah isht ikbi tuk teli, micha iti aiena ka okla isht ia tok:
micha Asa vt Keba Benchamin yakni talaia, micha Mispah
ya isht ikbi tok.

23. Asa nana akaniohmi tok moma inla vt, micha nan ai
im ai ahli tok moma, micha nana ymihinchī tok moma,
micha tmaha holihta puta ihikbi tok vt, Chutah i miko
vhleha i nitak holisso hā a holisso keyu cho? Yohmi kia
sipoknit taiyaha mvt, iyi vvt imomokpulo tok.

24. Mihma Asa vt iki vhleha hā takla nusi cha, iki vhle-
ha takla iki Lewi in tmaha holihta ak o a hollopi tok:
mihma ushi Cheloshafat vt vltobvt miko tok.

25. Mihma Cheloboam ushi Natab vt, Asa vt Chutah i
miko tok afvmmi ont atuklv ishtia hō, Israel a i mikot isht-
ia tok; micha afvmmi tuklo hō Israel a i miko tok.

26. Mihma Chihowa itikba ya nana ik achukmo ka ymih-
chi cha, iki vt a ymohmi tok a iakaiya tok: micha nan-
ashvchi Israel nan ashvchichi tok a aya tok.

27. Mihma Ahichah ushi Baasha, Issaka in chuka achvfa
ai achvfa yosh, i sanalit anumpa luma ikbi tok: micha Baa-
sha vt Kibbehlōn ak o yvmmv Filistin okla immi hoka ai
vbi tok: Natab, micha Israel moma kvv Kibbehlōn a in
tanampit abinvchit apakfoyupa tok.

28. Asa vt Chutah ya i miko tok afvmmi vt ont isht atu-
china kak o, Baasha vt vbi cha, vltobvt miko tok.

29. Atuk osh yakohmi tok, miko mvt, Chihowa vt anum-
pult in tishu Ahichah Shilonait a tohno na anumpohonli tok
mak o, Cheloboam a in chuka achvfa ya issot kanchi tok;
achvfa kia fiompa ka Cheloboam ik i hlakoficho hosh ishit
kanchi tok.

30. Cheloboam nanashvchi puta ashvchi tok, micha Israel
ashvchichi hosh Israel in Chitokaka Chihowa ya ishit noko-
wvchi tok ak atok.

31. Yohmi ka Natab nana a kaniohmi tok puta inla kvv,

micha nana yvmihchi tok moma kv̄t, Israēl i miko vhleha i nitak holisso h̄a a holisso keyu cho?

32. Micha Asa, micha Israēl i miko Baasha itatuklo kv̄t i nitak moma kv̄t it in tanampi tok.

33. Asa vt Chutah yā i miko tok, afm̄mi vt ont isht atuchina h̄o, Baasha vt Tisah yā vttvt Israēl moma ka i mikot ishtia tok, afm̄mi pokoli tuklo akucha ushta tok.

34. Micha Chihowa itikba yā nana ik achukmo ka yvmihchit, Cheloboam a yvmohmi tok, micha nanashvchi Israēl a isht ashvchichi tuk a a nohwa tok.

CHAPTA XVI.

YVMOHMI ma Chihowa im anumpa hv̄t Baasha yā i sanalit Hanani ushi Chesu yā im vla mvt,

2. Lukfi pushi a kohchit achaha chisht ona li tok, micha vm okla Israēl a i miko chikbi li tok a, Cheloboam a yvmohmi tok mak o, ish a nohwa cha, vm okla Israēl a ish yoshublichī na, nanashvchi yā ishit sa nokovvchi tuk oka.

3. Yakeh! Baasha im ishtatiaka, micha in chuka achvfa im ishtatiaka yā ishit kanchi la chī hoke; micha chin chuka achvfa yā Cheloboam in chuka achvfa yā chohmichi la chī hoke.

4. Baasha yā ai achvfa yosh tmaha holihta ai illikma, ofi puta kv̄t vpa chī hoke: mīcha ai achvfa yosh yakni haiaka ai illikma, hushi vba itvnowa puta yosh vpa chī hoke, achi tok.

5. Yohmi ka Baasha nana akaniohmi tok inla kv̄t, micha nana yvmihchi tok, micha nan ai im aiahli tok puta kv̄t, Israēl i miko vhleha i nitak holisso h̄a a holisso keyu cho?

6. Micha Baasha vt iki vhleha h̄a takla nusi cha, Tisah ak o a hollopi tok: mīcha ushi Elah ak osh vlltobvt miko tok.

7. Micha Hanani ushi hopaii Chehu yā tohno na, Chihowa im anumpa hv̄t Baasha, mīcha in chuka achvfa yā i sanalit vla akinli tok; Chihowa itikba nana ik achukmo moma ka yvmihchit, ibbak a nana ishit toksvlit Cheloboam in chuka achvfa yā chohmi kak osh, mīcha ymma vbi kak osh nokovvchi kak atok.

8. Asa vt Chutah ya i miko tok, afemmi vt ont ishit pokoli tuklo akucha hannali ho, Elah vt Tisah ya ahantet, Israel i mikot ishtia tuk osh afemmi tuklo tok.

9. Mihma tenp im itichanelli puta iklena i kpitvni Simli vt Tisah antet, in chuka Tisah talaia ka apesvchi Alsa yemma in chuka antet, oka ishkot haksi ma, i sanalit anumpa luma ikbi tok.

10. Mihma Asa vt Chutah ya i miko tok afemmi ont ishit pokoli tuklo akucha untuklo ho, Simli iba chukowet fahama cha, vbi tok, mihmet vltobvt miko tok.

11. Atuk osh yakohmi tok, mikot ishtia met, miko im ai ombinili holitompa ombinili mak inli hosh, Baasha in chuka achefa moma ka vbit tahli tok; nakni achefa kia micha i kanomi, micha it i kana ya achefa kia ik in hlakoficho tok.

12. Yakohmichi hosh Simli vt Chihowa im anumpa, ymmet hopaii Chehu ya tohno na, Baasha ya im a sanalit anumpohonli tok mak o, Baasha in chuka achefa moma ka ishit kanchi tok.

13. Baasha nanashvchi moma, micha ushi Elah vt nanashvchi isht ashvchi tok, micha Israel a ashvchichi hosh, i nan ik ahobo puta ka, Israel in Chitokaka Chihowa ya ishit nokovvchi tuk ak atok.

14. Yohmi ka Elah vt nana a kaniohmi tok inla ket, micha nana ymihchi tok moma ket, Israel i miko vhleha i nitak holisso ha a holisso keyu cho?

15. Asa vt Chutah ya i miko tok, afemmi vt ont ishit pokoli tuklo akucha untuklo ho, Simli vt Tisah ya antet nitak untuklo ho miko tok. Mihmet okla het Kibbehlon ymmet Filistin okla immi hatuk o, in tanampit abinvchit apakfoyupa tok.

16. Mihma okla het binachit asha tuk vt, Simli vt anumpa luma ikbit, miko ya vbi tuk, achi ho haklo tok: ymohmi hatuk o, Israel moma ket tushka chipota i kpitvni Omli ak o, nitak yemma binah ha Israel a i miko ai ikbi tok.

17. Mihma Omli vt Israel moma aiena hosh, Kibbehlon a asht ia met, Tisah ya in tanampit abinvchit apakfoyupa tok.

18. Atuk o yakohmi tok, tmaha holihta ya ishi na, Simli vt pisa mvt, miko in chuka holihta ya pit chukowa mvt, miko in chuka ya luak ishit hukmit, il o kinvffi cha, illi tok.

19. Chihowa itikba ya nana ik achukmo ka yvmihchit, nan ashvchit Cheloboam a yvmohmi tok a, a nohowa tuk, micha Cheloboam vt nanashvchi cha, Israel a nanashvchi-chi yatuk ak o, yvmohmi tuk ak atok.

20. Yohmi ka Simli vt nana a kaniohmi tok inla kvt, micha apehlichika yash i sanalit yvmohmi tok aiena kvt, Israel i miko vhleha i nitak holisso ha a holisso keyu cho ?

21. Yohmi ma Israel okla hvt it i filvmmi, kashapa tuklo tok: okla iklena kvt Kinalh ushi Tibni ak o miko ikbit, iakaiya ma, iklena kvt Omli ak o iakaiya tok.

22. Yohmi tuk kia Omli ya okla hvt iakaiya tuk ak osh, Kinalh ushi Tibni okla hvt iakaiya tuk a, imaiya tok; yohmi ho Tibni vt illi ma, Omli vt miko tok.

23. Asa vt Chutah ya i miko tok, afvmmi vt ont ishit pokoli tuchina akucha achvfa ho, Omli vt Israel a i mikot ishtia tuk osh, afvmmi auah tuklo ho miko tok: afvmmi hannali ho Tisah ya antvt miko tok.

24. Samalia nvni ha teli hvt talent tuklo ho, Sheme ya in chumpa cha, tmaha holihta nvni ha ai ikbi mvt, tmaha holihta ikbi tok a, nvni hvt immi hatuk, Sheme ak o a hohehifochit, Samalia achi tok.

25. Yohmi kia Omli vt Chihowa itikba ya nana ik achukmo ka yvmihchit, micha tikba asha tuk moma ka, nana ik achukmo yvmihchi kvt i shahliehi tok.

26. Nebat ushi Cheloboam vt nana a kaniohmi tok moma, micha nan ashvchi Israel a isht ashvchichit, micha i nan ik ahobo puta ka Israel in Chitokaka Chihowa ya ishit noko-wvchi tuk a, a nohowa tok oka.

27. Yohmi ka Omli vt nana a kaniohmi yvmihchi tok inla kvt, micha nan ai im aiahli ovenihinechi tok puta kvt, Israel i miko vhleha i nitak holisso ha a holisso keyu cho ?

28. Mihma Omli vt iki vhleha takla nusi cha, Samalia ya a hollopi tok: mihma ushi Ahab vt vlhtobvt miko tok.

29. Michi Asa vt Chutah ya i miko tok, afvmmi vt ont

ishit pokoli tuchina akucha untuchina aiena h_o, Omli ushi Ahab vt Israel a i mikot isht ia tok: micha Omli ushi Ahab vt, afvmmi pokoli tuklo akucha tuklo h_o, Israel a i mikot Samalia ya ahanta tok.

30. Mihmt Omli ushi Ahab vt Chihowa itikba ya nana ik achukmo yvmohmi kv, tikba asha tuk moma ka, i shah-lichhi tok.

31. Atuk osh yakohmi tok, Nebat ushi Cheloboam nan ashvchi puta ka a nohwa ka, nan ik ahobo nana chohmi-chit, Sitonian okla i miko Elhbaal ushetik Chesebel a ishit itauwaya cha, ivt Baal a im antivt aiokprchi tok.

32. Micha Baal in chuka Samalia ya ai ikbi tuk vt, Baal a alta im ai ikbi tok.

33. Micha Ahab vt iti lokoli ikbi tok; micha Ahab vt nana kaniohmit, Israel in Chitokaka Chihowa ya nokovchi kv, Israel i miko vheha tikba asha tok moma ka i shahlichhi tok.

34. I nitak o Belh-elait Hiel vt Cheliko ya ikbi tok: Chihowa im anumpa hatok, Nun ushi Choshua vt anumpuli tok mak o, in tola ya ushi tikba vta Abilam ak o, ishit bohli mt, ymma holihta okhissa ya ushi ishtaiyopi Sekub ak o, ishit hilechi tok.

CHAPTA XVII.

MIHMA Tishbait Elichah Kileat okla ai achvfa yvt Ahab a, Israel in Chitokaka Chihowa vt okchaya pulla ka, yemma itikba ya hikia li ka, afvmmi kanohmi ilvppa fichak, micha umba nana kia iksho ka chi hoke, amba vm anumpa pulla tuk ak achi hoke, im achi tok.

2. Mihma Chihowa im anumpa hv im vla mt,

3. Ilvppa issvt ish iashke, micha hrshi akochaka pilla pit ish filema cha, bokushi Chelilh Chatan itikba bachaya ka, bilika ont ish lumashke.

4. Atukma yakohma hi oke, bokushi yash o ish ai ishka hi oke: mikma fula chito puta kv ymma a chipeta hi a, im apesa li tuk oke, achi tok.

5. Yohmi hō Chihowa im anumpa hatuk mak o, yohmi tok: bok-ushi Chelih Chatan itikba bachaya ka, bilika ak o ona cha, ahanta tok okvt.

6. Atuk o onnahnlikma fela chito puta kvt pvka, micha nipi ya isht im vla tukmt, opiakma pvka, micha nipi ya isht im vla tok: mihma bokushi yak o ai ishko tok.

7. Atuk o kaniohmi foka ma yakohmi tok, yakni yash umba keyu hatuk o, bokushi vt shilvt taha tok.

8. Mihma Chihowa im anumpa hv im vla mv,

9. Wakaya cha, Salefalh, yvmmvt Siton immi hoka, yvm-mak o ish ona cha, ish ahantashke: yakeh! ohoyo i hatak illi yvmma vtta hosh chipeta hi a, im apesa li tuk oke, achi tok.

10. Yohmi hō wakaya cha, Salefalh a ona tok: atuk osh tvmaha holihta okhissa ya ona ma, yakeh! ohoyo i hatak illi yash osh iti aiowa hosh anta tok: mihma i howa cha, Chim asilhha lishke, oka kanomosi nan aivlhto vnit isht is svm vla na, ishko lashke, achi tok.

11. Mihma ont isht vla chi hosh ia ma, i howa cha, Chim asilhha lishke, pvka tushafa achvfa ka isht is svm vlashke, achi tok.

12. Mihma chin Chitokaka Chihowa vt okchaya pulla ka, pvka achvfa kia ik svm iksho, amba onush pushi ibbak vlhto achvfa bano hosh ishtochi ya alhto, micha bila kano-mosi hosh kotoba ya alhtoshke: atuk o yakeh! iti tuklo ai-owa likmt, chukowa lish, hoponi likma, vno, micha svso il itatuklo kv e pa cha, pilla chi hatuk oke, achi tok.

13. Mihma Elichah vt, Chi nukshopa na! ia cha, ish achi tuk vt ish yvmihchashke: yohmi kia pvka iskitini tikba ik-bit isht is svm vlashke; ish yohmi hayosh chishno, micha chiso itatuklo hvsh pa chi kv ish ikbashke.

14. Israel in Chitokaka Chihowa vt yak achi hoka, Onush pushi ishtochi vt tahvt ia he keyukma, bila kotoba vlhto kv ik taho hō, Chihowa vt yakni ya umba et onochi nitak vt vla hi oke.

15. Mihma ivt Elichah vt nana achi tuk mak o yvmihchi tok: mihma Elichah, micha ohoyo hash osh, micha in chuka achvfa aiena kv ihimpa na, nitak laua tok.

16. Mihma Chihowa im anumpa Elichah tohno na, anum-puli tuk mak o, onush pushi ishtochi vltto ket tahvt ia keyu ma, bila kotoba vltto ket ik taho tok.

17. Atuk o ileppet yohmi haya yakohmi tok; ohoyo chuka achvfa pehlichy yash ushi vt abeka tok: abeka i palummi fehna hatuk osh fiopa issa tok.

18. Mihma Elichah ya, Hatak Chitokaka im antia chia ma! nanta ishit chi ahalaia li cho? nan ai ashvchi li ya is svthvnanchi cha, svso ha ish ba chi hosh, is svn vta cho? im achi tok.

19. Mihma, Chiso ha vma, im achi tok. Micha shakba foka tuk a ishi cha, vba potvlhpo ai vta beka tuk vt isht ona cha, ilap in topa akinli ho om bohli tok.

20. Micha Chihowa ya i pahayvt, Chihowa an Chitokaka ma! ohoyo i hatak illi takla ahanta li kash kia, nan ik achukmo ka onochit ushi ya ishbi cho? achi tok.

21. Mihmet hituchina ha chisemot vlla yash onvtola cha, Chihowa ya i payvt, Chihowa an Chitokaka ma! chim asilhha lishke, vlla ileppa shilombish vt anonti ant fohkashke, achi tok.

22. Mihma Chihowa vt Elichah paya ka haklo tok: mihma vlla yash shilombish vt anonti ant fohka na, falamvt okchaya tok.

23. Mihma Elichah vt vlla yash ishi cha, vba potvlhpo ya akowvt aboha ya isht ona cha, ishki ya ibbak folki tok: micha Elichah vt Pisá, chiso hvt okchayvshke, achi tok.

24. Mihma ohoyo hash osh Elichah ya, Himak ano hatak Chitokaka im antia chia, micha Chihowa im anumpa hvt chitib ha foyuka ket ahli ka ileppak o isht ithaiyana lishke, achi tok.

CHAPTA XVIII.

ATUK o nitak laua haya yakohmi tok, afummi ont isht atuchina ma, Chihowa im anumpa hvt Elichah ya im vta met, Iá, Abab a ont ish im ile haiakvchashke; mikma yakni ya umba et onochi lashke, achi tok.

2. Mihma Elichah vt Ahab a im ile haiakvcha chi hosh ia tok: mihma Samalia ya hohchvfo palvmmi fehna tok.

3. Mihma Ahab vt, Obatiah vt in chuka achvfa apesvchi yatuk o, hoyo tok: mihma Obatiah vt Chihowa ya i nukshopa fehna yatok.

4. Yakohmi tok atok, Chesebel vt Chihowa i hopaii vhleha ha ishit kanchi ma, Obatiah vt hopaii tahlepa achvfa ho ishi cha, pokoli tahlapi bika ho hvchukbi ya a luhmit ashachi cha, pvska, micha oka aiena ka ipeta tok atok okvt.

5. Mihma Ahab vt Obatiah ya, Ia cha, yakni ya chukovvt, oka aiateli puta, micha bokushi puta moma ka ish onashke: hvshuk a il ahayuchi yoba cha, issuba, micha issuba haksobish falaia aiena ka il okchalinchu cha, nan vvhpoa moma kvtt illit ik pin taho yoba na, achi tok.

6. Yohmi hosh yakni ya hlopulla chi hosh itakashapa tok; mihma Ahab vt ilap bano hosh hina achvfa ho iakma, Obatiah vt ilap bano hosh hina inla yo ia tok.

7. Atuk o Obatiah vt ia hosh aya ma, yakeh! Elichah vt afama tok: mihma ithana mvtt, nashuka ishit hlipia cha, Chishno vt a shahli, Elichah chia mak oh cho? achi tok.

8. Mihma afalamichit, Mih sia hoke; ia cha, chi shahli ha, Yakeh! Elichah vt antvshke, ont im anoli, achi tok.

9. Mihma, Nanta ho nan ai ashvchi li tuk o, chin tishu Ahab ibbak a is sa fohki na, svba chi cho?

10. Chin Chitokaka Chihowa vt okchaya pulla ka, a shahli hvtt okla nana kia, micha apvhlichika nana kia, pit ik chi a hoyo ka ikshoshke: micha, Yvmma iksho, achi ma, miko apvhlichika micha yakni kia ik chi ahayucho tuk vt, anumpa kvllo il onochit miha he, im apihisa beka tok.

11. Mihma himak a, Ia, chi shahli ha, Yakeh! Elichah vt antvshke, ont im anoli, ish achishke.

12. Atukma yakohma chi hoke, chi filvmmitt ia li makinli ho, Chihowa imi Shilombish vt kanima ithana li keyu ho, chisht ia chi hoke; atukma yohmitt Ahab a ont im anoli li tuk o, ik chi ahayuchokmvtt, svba chi hoke: yohmi kia chin tishu vno vt, vlla si amomvt Chihowa i nukshopa sia hoke.

13. Nana kaniohmi li tok, yvmmvt Chesebel vt Chihowa

ī hopaii vhleha hā vbit tahli ma, Chihowa ī hopaii hatak tahlepa achvfa ka pokoli tahlapi bika yō, hvchukbi yā a luhmi lish, pska, micha oka aiena ka ipeta li tok vt, im annoa tuk keyu cho?

14. Mihma himak ā, Ia cha, chī shahli hā, Yakeh! Elichah vt antvshke, ont im anolī, ish achishke; mikma svba chī hoke, achi tok.

15. Mihma Elichah vt, Ūba nan okluha il aieshi Chihowa vt okchaya pulla ka, mihi yō itikba hikia li kv̄t, himak nitak ā im ile haiakvchi li pulla chī hoke, achi tok.

16. Yohmi hō Obatiah vt Ahab ā ont afama cha, im anoli tok: mihma Ahab vt Elichah yā afamvt ia tok.

17. Atuk o yakohmi tok, Ahab vt Elichah yā pisa mvt, Ahab vt, Chishno ak osh Israel ā ilbvshali chia hoh cho? im achi tok.

18. Mihma afalamichit, Ūno ak osh Israel ā ilbvshali li tuk keyu: amba chishno, micha chīki in chuka achvfa ish aiena kak atuk oke; yvmohmit Chihowa im anumpa vhpisa puta ka ish kanchi cha, Baalim ak o ish iakaiya tok okvt.

19. Yvmohmi hoka himak ā, Israel moma ka, micha Baal ī hopaii tahlepa ushta cha pokoli tahlapi, micha iti lokoli puta hopaii tahlepa ushta, yvmvt Chesebel im ai impa ai ihimpa chatuk ā pit hoyot, Kamel nv̄nih ak o is sv̄m itvnah-lashke, achi tok.

20. Yohmi hō Ahab vt Israel im vlla moma ka pit hoyo cha, hopaii puta ka Kamel nv̄nih ak o itvnahli tok.

21. Mihma Elichah vt okla moma ka im ona cha, Katiohmi foka hō ai anukfilli tuklo itintakla, anuktuklot hvsh hielī cho? Chihowa yak osh Chitokaka yokma, hvsh im antiashke: amba Baal ak okma hvsh im antiashke, achi tok. Mihma okla hv̄t anumpa achvfa kia afalamichit ik acho tok.

22. Yohmi ma Elichah vt okla hā, Ūno, vno ak illa hosh Chihowa ī hopaii vt anta lishke: amba Baal ī hopaii vt tahlepa ushta cha pokoli tahlapishke.

23. Yvmohmi hokvt wak hobvk tuklo hō okla pimashke: micha wak hobvk achvfa ka ilapo vt atokoli cha, bvshlit

tahlikmut, iti itnaha o ashachi cha, nuta ya luak a ik bohlo kashke: mikma vno vto wak achufa ya atahli lish, iti itnaha ya o ashachi likmut, luak a ak bohlo kashke.

24. Mikma hvchin chitokaka puta hohchifo ha hvsh i pahayakma, vno vt Chihowa hohchifo ha i paya lashke: mikma Chitokaka nana hosh anumpa falama ya luak o et pilak mak osh Chitokaka yashke. Mihma okla moma kv, Uhpesa hosh anumpvshke, achi tok.

25. Mihma Elichah vt Baal i hopaii puta ka, Tikba wak hobvk achufa ka hvchishno vt hvsh atokoli cha, hvsh atah-lashke, hvchi laua hokvt; micha hvchin chitokaka puta hohchifo ha hvsh i pahayashke, yohmi kia nuta ya luak hvch ik bohlo kashke, im achi tok.

26. Mihma wak hobvk ima tuk a, okla ishi cha, bvshlit tahli mvt, Baal i hohchifo ha i pahaya na, onnahinli tuk vt tvbokoli onvt, Baal ma! ish pi haponaklashke, ahanchi tok. Yohmi kia anumpa nana kia iksho, micha afalamichi kv iksho tok. Mihma alta toba tuk a tullit apakfokahanchi tok.

27. Atuk o tvbokoli ma yakohmi tok, Elichah vt ishit yopulvt, Chitoli hosh pahaya; chitokaka yoka; im anukfila chitot il anumpuli hosh binili, keyukmut nan isht anta hosh binili, keyukmut kanima nowvt ia hosh aya, keyukmut nusi yoba ka, yohmikma okchvla he vhpesa hoke, achi tok.

28. Mihma chitoli hosh pahaya mvt, a yvmihchi chatuk osh, bvshpo, micha tvli halupa isht ile bvshli na, issish vt mitafvt o yanahanli tok.

29. Atuk o yakohmi tok, nitak iklena kv ont ia ma, okla anumpohonli na, opiaka nan vbit isht aiokpvchit im issa chatuk okvt, ont vhpesa ma, anumpa hv iksho, micha afalamichi kv iksho, micha na yohmi ahni kv iksho tok.

30. Mihma Elichah vt okla moma ka, A bilika hvsh lashke, im achi tok. Mihma okla moma kv i bilika vla tok. Mihma Chihowa im alta kinafa tok a aiiskichi tok.

31. Michah Elichah vt, Chekob yummak oka Chihowa im anumpa hv im vlt, Chi hohchifo kv Israel ach hoke, achi tok a ushi vhleha apchichi holhtina ka vhpisa ho, tvli auahtuklo ho ishi tok.

32. Micha teli yash Chihowa hohchifo ha alta isht im ikbi tok; mihmut yakni ya kullit nan-nihi vlpisa tuklo aivlhto vlpesa ho, alta ya apakfobli tok.

33. Micha iti ya achukmalit bohliit tahli mut, wak hobek a brshlit tahli cha, iti yash paknaka onochi mut, Ishtochi ushta ho oka hvsh alotoli cha, nahukmit isht aiokprechi, micha iti aiena ka hvsh o fohoblashke, achi tok.

34. Micha, Atukla ma hvsh yemihchashke, achi tok. Mihma atukla ma okla yemihchi tok. Mihma atuchina ma hvsh yemihchashke, achi tok. Mihma atuchina ma okla yemihchi tok.

35. Mihma oka vt yanvllit alta ya apakfoyupa tok, mihma yakni kula yash kia oka alotoli tok.

36. Atuk osh opiaka, nan vbit isht aiokprechi im issa he ont vlpesa ma, Elichah hopaii vt bilika vla cha, Eblaham, micha Aisak, micha Israel in Chitokaka Chihowa ma! chishno ak osh Israel yakni ya Chitokaka chia ho, vno vt chin tishu sia hosh chim anumpa hatuk mak o, ilvppa puta ka yemihchi li ka, himak nitak a isht otaiyanashke.

37. Is sa haponaklashke, Chihowa ma! is sa haponaklashke, yemohmi ho chishno ak osh Chihowa Chitokaka chia hosh, anonti chukesh a ish falmminchi tuk a, okla ilvppet ithaiyanashke, achi tok.

38. Yemohmi ma Chihowa in luak vt aka itula cha, nahukmit isht aiokprechi, micha iti, micha teli, micha lukfi pushi ya hukmit taiyahli cha, yakni kula oka aiasha aiena ka holakshit tahli tok.

39. Mihma okla moma kut pisa mut, nashuka ishit blipkechi tok: micha, Chihowa yummak osh Chitokaka yoke, Chihowa yummak osh Chitokaka yoke, okla ahanchi tok.

40. Mihma Elichah vt, Baal i hopaii vhleha ha hvsh ishashke: achvfa kia ik hlakofo kashke, im achi tok. Mihma okla ishi tok: mihma Elichah vt bokushi Kishon a isht ona cha, yummak o ai vbi tok.

41. Micha Elichah vt Ahab a, Ish wakaya cha, imprt nan ish ishkashke; umba chito fehna kut fohompa hoka, achi tok.

42. Yohmi ma Ahab vt impvt ishkot ia tok. Mihma Elichah vt Kamel paknaka ya oiyvt ona tok; micha aka ont itula cha, nashuka ya iyikalaha itintakla talali cha,

43. In tishu ha, Himak a ia cha, okhvta pilla ha pit ish hopokoyashke, im achi tok. Mihma ia cha, pit hopokoyo mvt, Nana ak pesoshke, achi tok. Mihma, Anonti untuklo ha ia, achi tok.

44. Atuk o yakohmi tok, ont isht untuklo haya, Yakeh! hoshonti iskitinesi hatak ibbak chohmi kvv, okhvta ha kohchvt vba takalishke, achi tok. Mihma, Ia cha Ahab a, Chim itichanvlli ya ish atabli cha, ish ia na, umba kvv ik chi katvblo kashke, Ahab a ont ish im achashke, achi tok.

45. Atuk o yakohmi tok, yohmi takla ma, vba shutik vt hoshonti, micha mahli, micha umba chito ishit lusvt kvnia tok. Mihma Ahab vt itichanvlli ombinili cha, Chesleel a ona tok.

46. Mihma Chihowa ibbak vt Elichah ya onvtoyula tok; mihma il vskofvchit in taiyaha mvt, Ahab itikba chahavvt Chesleel a achukowa ya ona tok.

CHAPTA XIX.

YOHMI ma Ahab vt Chesebel a, Elichah vt nana kaniohmi tuk moma, im anoli tok: micha hopaii puta moma ka bvshpo falaia isht vbit tahli tuk aiena ka im anoli tok.

2. Yohmi ma Chesebel vt Elichah ya anumpa shali pit i pivt, Yakohmi, micha i shahli kia chitokaka puta kvv si yvmihchashke, chim ilhfiopak a yvmma achvfa im ilhfiopak akinli ka, onna ha himak a chohmikma, ak chi yvmihchokma.

3. Yohmi na pisa mvt wakaya cha, im ilhfiopak ishit chahafa tok; micha Bee-sheba yvmmvt Chutah immi ho ona tok; micha in tishu ha yvmmak o bohli tok.

4. Amba ilap vto nitak achvfa anowa yakni haiaka yo ona cha, chuahla holba nuta ant binili tok: mihmvt ilap vt illa hi vt asilhha tok; micha, Ulhpesvshke, Chihowa ma! himak a vm ilhfiopak a ish ishashke: achukma kvv aki vhleha atok a, i shahli li keyu hoka, achi tok.

5. Atuk osh chuahla holba nuta itoyult nusi ma, yakeh! enchel vt ant potoli cha, Wakaya cha, impá, im achi tok.

6. Mihma hopokoyo ma, yakeh! pska vt vhpsha hosh tobaksi onytonla ma, oka kotoba vlhto kt noshkobo bilika talaia tok. Mihma impa cha, oka yash ishko met, anonti itoyula tok.

7. Mihma Chihowa im enchel ash osh anonti atukla ma ai vla cha, potoli met, Wakaya cha, impá; ish a nowa chi kt chi hopaki fehna ak oket, achi tok.

8. Mihma wakayvt impa cha ishko met, il impa yemma ishit hlampko cha ia met, nitak pokoli ushta micha ninak pokoli ushta ho ayvt, Holeb Chitokaka i nenih ha ona tok.

9. Micha yemma ona cha, hchukbi yo chukowa cha a nusi tok; atuk o Chihowa im anumpa hvt im vla cha, Nanta ish katiohmi hosh ilappa.ish anta cho? Elichah ma! im achi tok.

10. Mihma, Uba nan okluha il aieshi Chitokaka Chihowa ya im i nuktrhla li fehna tuk oke: Israel im vlla vhleha hvt nana chit im apesa ya kanchi cha, chim alta puta ka kinffit tahli met: chi hopaii puta ka beshpo falaia isht vbit tahlishe; mikma vno, vno ak illa hosh sa hlakotishke, mikma vm ilhfiopak isha chi hosh okla hoyoshke, achi tok.

11. Mihma, Kochevt ish ia cha, nenih paknaka Chihowa itikba ya ish hikiashke, achi tok. Mihma yakeh! Chihowa yvt ant aya tok, mikma mahli chito kello fehna hosh Chihowa itikba ya ayvt, nenih puta kash mitahlichy met, teli hochito aiena ka mitahlichy tok; yohmi kia Chihowa vt mahli ha ik ibafoyuko ki tok: mahli haya yakni vt winakvchi tok: yohmi kia Chihowa vt yakni winakvchi ka ik ibafoyuko ki tok.

12. Mihma yakni winakvchi haya luak atok: yohmi kia Chihowa vt luak a ik ibafoyuko ki tok; mihma luak vt aya haya, anumpa luma iskitini hosh takali tok.

13. Atuk o yakohmi tok, Elichah vt haklo met, anchi ya nashuka isht ompohomo cha, kochevt hchukbi achukowa ont hikia tok. Mihma anumpa hvt im vla cha, Nanta ish

katiohmi hosh ilvppa ish anta cho? Elichah ma! im achi tok.

14. Mihma, Ūba nan okluha il aieshi Chitokaka Chihowa ya imi nuktvhla li fehna tuk oke: Israel im vlla vhleha hvv nana chit im apesa ya kanchi cha, chim alta puta ka kinvvfit tahli cha, chī hopaii puta ka bvshpo falaia isht vbit tahlshke: mihma vno, vno ak illa hosh sa hlakofishke; mihma vm ilhfipak a isha chī hosh okla hoyoshke, achi tok.

15. Mihma Chihowa, vt Iá, falamvt Tamaskvs yakni haiaka ya ish onashke: atuk osh ish onakmvt, Hasael a Silia i mīko yachi hō, nan ahvmmit ish atokolashke;

16. Micha Nimshi ushi Chehu ya Israel i mīko yachi hō, nan ahvmmit ish atokolashke; micha Abel-meholah Shafat ushi Elisha ya nan ahvmmit ish atokoli na, chi vltobvt hopaii yashke.

17. Atukma yakohma hi oke, kvna hosh Hasael i bvshpo falaia ya i hlakofi tukma, Chehu ak osh vba chī hoke: mikma kvna hosh Chehu i bvshpo falaia ya i hlakofi tukma, Elisha vt vba chī hoke.

18. Yohmi kia Israel aiachvfa yvt tahlepa sipokni untuklo hosh moma kvv, Baal a iyikalaha ya isht i hvchukbihlepa tuk keyu, micha itih hā isht i suksowa tuk keyu, aiyukali keyu yō il atombi li tuk oke, im achi tok.

19. Yohmi hō yvmma vttvt ia tok; atuk osh Shafat ushi Elisha vt yakni patvffi hosh, wak toksvli yok auah tuklo hosh itikba aiasha ma, ilap ak osh isht auah tuklo ka ishit patvffi-chi hosh anta na, ont ahayuchi tok: micha Elichah vt bilika aya mvt, im anchi ya onochit ont ia tok.

20. Mihma wak toksvli ya issa cha, Elichah ya iakaiyvt hlioli mvt, Chim asilhha lishke, aki micha hvshki itatuklo ka i suksowa hayosh, chiakaiya lashke, achi tok. Mihma, Anonti falamvt iá; nanta chi katiohmichi li cho? im achi tok.

21. Mihma i filammit falvmvt, wak toksvli yok achvfa hō ishi cha vbi mvt, wak toksvli ishit toksvli yash nipi ya ishit honi cha, okla hash ima na, okla vpa tok: yohmi mvt wakaya cha, Elichah ya iakaiya cha, in toksahanli tok.

CHAPTA XX.

MIHMA Silia i miko Benhatat vt in tushka chipota moma ka hoyot itvnahli tok: mihma miko pokoli tuchina akucha tuklo hosh, micha issuba, micha tenvp itichanvlli aiena hosh apehvt aya tok: mihmut ivt Samalia ya abinachit afolubli cha, in tanampi tok.

2. Micha anumpa shali ya pit tihleli na, tmaha holihta ya ont chukowa cha, Israel i miko Ahab a okla im ona mut, Benhatat vt yak achishke,

3. Chin teli hvta, micha chin teli holisso lakna yvt vmmi hoke: chin tekchi vhleha, micha chim vlla vhleha aiena kak kia achukma i shahli kak osh vmmi hoke, im achi tok.

4. Mihma Israel i miko vt afalamichit, A shahli miko ma! nana ish achi tuk mak o, vno, micha nana vm asha aiena kv chimmi hoke, achi tok.

5. Mihma anumpa shali vhleha hash osh anonti vla mut, Benhatat vt yak achishke, Anumpa chi pila li kv, Chin teli hvta, micha chin teli holisso lakna, micha chin tekchi vhleha, micha chim vlla vhleha aiena ka subbak a ish fohkashke, achi li tuk ak inli kia,

6. Yohmi tuk kia an tishu vhleha ha onna ha himak a chohmikma, pit chi pila likma, chin chuka ya, micha chin tishu vhleha in chuka aiena ka a hopokoya chi hoke; atukma yakohma hi oke: nana kia ish pisa ka achukmakma, ibbak okla fohkikmut ishit minta chi hoke, achi tok.

7. Yohmi ma Israel i miko vt yakni yvmma im asvnonchi moma ka hoyo cha, Hvch im asilhha lishke, yohmi hosh ahni cha, hatak ilvppvt nana ik achukmo hoyo ka hvsh pisashke: sa tekchi vhleha, micha vm vlla moma, micha an tvli hvta, micha an tvli holisso lakna aiena ka et a hoyo ma, ak im i hullo tuk oke, achi tok.

8. Mihma asvnonchi vhleha moma, micha okla moma kv, Ish i haponakla na, micha vllhesa ish im ahni na, okla im achi tok.

9. Yvmohmi ho Benhatat im anumpa shali vhleha hash,

A shahli miko ya ish im anolashke, Ummona chin tishu ha et ish i hoyo tuk a, moma yvmihchi la hinla: amba nana ilvppak okvno yvmihchi la he, vvhpesa keyu hoke. Mihma anumpa shali vhleha hash osh ia cha, anonti anumpa isht im ona tok.

10. Mihma Benhatat vt anumpa pit i pila mvt, Samalia lukfi pushi vt okla siakaiya moma ka, ibbak achvfa vlhto banot fullota vvhpesakma, chitokaka puta kvv yakohmi, micha i shahli kia si yvmihchashke, achi tok.

11. Mihma Israel i miko vt afalamichit, Hvsh im anolashke, Tvrvp aya na halupa isht il vskovchit hikia hokvto, shueli ka chohmit isht ik ilauato kashke, achi tok.

12. Atuk o yakohmi tok, Benhatat vt oka ishko hosh yvmma, micha miko vhleha aiena kvv, vlhtipo asha tuk osh haklo mvt, in tishu vhleha ha, Baivllit hvsh hiohlashke, im achi tok. Mihma tvamaha holihta ya itiba chi hosh okla baivllit hiohli tok.

13. Mihma yakeh! hopaii vt Ahab Israel i miko ya im ona cha, Chihowa vt yak achishke, Okla chito ilvppa moma ka ish pisa cho? yakeh! himak nitak a chibbak fohki la chi hoke, yvmohmi ho vno ak osh Chihowa sia ka, ish ithaiyana chi hoke, achi tok.

14. Mihma Ahab vt, Kvta hak o? achi tok. Michu, Chihowa vt, Yakni apchlichu puta hatak himithoa holitompa vhleha yak chi hoke, achishke, achi tok. Mihma, Kvta hosh itiba chi ka, itafamvcha chi cho? achi tok. Mihma, Chishno ya, achi tok.

15. Yohmi ma yakni apchlichu puta hatak himithoa holitompa vhleha ha hotihna ma, tahlepa tuklo cha pokoli tuchina akucha tuklo tok: micha iakaya ka Israel ushi vhleha moma okla puta moma kia hotihna ma, tahlepa sipokni untuklo tok.

16. Atuk osh tvbokoli ma okla kohevvt ia tok: amba Benhatat vt oka ishkot haksit, yvmma, micha miko vhleha, miko pokoli tuchina akucha tuklo apela tuk aiena kash osh vlhtipo ya aiasha tok

17. Mihma yakni apchlichu puta hatak himithoa holitom-

pa vhleha hash osh tjkba kohcha tok: mihma Benhatat vt pit tihleli tok, atuk o ant im anoli met, Okla het Samalia ya kohchet mintishke, okla achi tok.

18. Mihma Benhatat vt, Iti nanaiya hosh minti hoh kia, okchaya na hrsh ishashke: keyukmet tanampi hosh minti hoh kia, okchaya na hrsh ishashke, achi tok.

19. Yohmi ma yakni apehlichei puta hatak himithoa holi-tompa vhleha hash osh temaha holihta ya kohcha ma, treshka chipota vt iakaiya tok.

20. Mihma hatak achufa ho ayukali okla vbi tok: mihma Silian vhleha het yihlepa tok; mihma Israel vt hlioli tok: mihma Silia i miko Benhatat vt issuba ombinili cha, issuba ombinili vhleha takla malelit blakofi tok.

21. Mihma Israel i miko vt kohchet ia met, issuba, micha tenvp itichanvlli aiena ka issot kanchi met, Silian vhleha aiena ka issot kanchi na, illi ket laua fehna tok.

22. Mihma hopaii yash osh Israel i miko ya im vla cha, Ia, ish ile hlampkochashke, micha yakohmi almit, nana ish kaniohmi ket ish pihisashke: ont afemmi ket vlakma, Silia i miko vt vlet chin tanampa chi hoke, im achi tok.

23. Atuk o Silia i miko in tishu vhleha het, In chitokaka puta ket nenih foka in chitokaka puta yoke; yrmohmi hatuk osh kello ket pi shahli tuk oke; amba yakni patali ak o il ai itibashke, mikmet kello ket il i shali pulla chi hoke.

24. Michia ilvppak o ish yemihchashke, Miko vhleha ha a hikia ayukali ka ishit ish a kanvlichashke, micha krpiteni vhleha ho atobbiehit ish bioblichashke.

25. Michia treshka chipota vt, chi kenia tuk a chohmi, issuba het kenia tokma mih makinli, micha tenvp itichanvlli vt kenia tokma chohmi ho, ish hotihnashke: mikmet yakni patali go il ai itibashke, mikmet kello ket il i shahli pulla chi hoke, im achi tok. Mihma im anumpa ha i haponaklo cha, yemihchi tok.

26. Atuk o ont afemmi ket vla ma yakohmi tok, Benhatat vt Silian okla ha hotihna cha, Israel a itiba chi hosh Afek a ona tok.

27. Mihma Israel im vlla vhleha het holhtihna met, mo-

mut a₂sha cha, itibit ia tok: atuk osh Israel im vlla v₂hleha hvt issi kosoma ushi a₂ya iskitini tuklo chohmi hosh, itikba ont binachi tok; amba Silian okla hash osh yakni y₂a alota tok.

28. Mihma hatak Chitokaka im antia yvt onvt, Israel i miko y₂a im anumpulit, Chihowa vt yak achishke, Chihowa vt nv₂nih foka Chitokaka yoke, amba okfa ano Chitokaka keyu, Silian okla hvt achi hoka, yvmohmi hoka okla chito ilvppa chibbak fohki likma, vno ak osh Chihowa sia ka, ish ithaiyana chi hoke, achi tok.

29. Micha it ichapvt binachit aiasha na, nitak untuklo tok. Micha yohmi kash osh nitak ont isht untuklo ma it afama cha, itibi tok: mihma Israel im vlla v₂hleha hvt Silian okla h₂a nitak achvfa ka, hatak aka a₂ya tahlepa sipokni tahlepa achvfa h₂o vbi tok.

30. Amba inlaka yvt yihlepvt Afek a onvt, tvmaha holihta y₂a chukowa tok; mihma hlakofi tuk v₂hleha h₂a tvli holihta yvt o kinafa cha, tahlepa sipokni pokoli tuklo akucha untuklo h₂o ai vbi tok. Mihma Benhatat vt malelit, tvmaha holihta y₂a ont chukowa cha, aboha anukaka fehna ont chukowa tok.

31. Mihma in tishu v₂hleha hvt, Yakeh! himak a Israel in chuka achvfa i miko v₂hleha hvt miko nan i nukh₂aklo v₂hleha h₂o e haklo chatuk oke; chim asilhha lishke, nahishi tvnna isht il vskofvchikmut, aseta pi noshkobo h₂a isht e takehi cha, kohchvt Israel i miko y₂a il im onashke; chi okchalinchi yoba na, achi tok.

32. Yohmi ma nahishi tvnna isht il vskofvchi mut, aseta h₂a noshkobo isht takehi cha, Israel i miko y₂a im ona mut, Chin tishu Benhatat vt, Ik si okchaya, chim asilhha lishke, achishke, achi tok. Mihma, Okchaya moma cho? itibapishi li hoke, achi tok.

33. Mihma nana kia kaniohma chi ka, achukmalit apistikeli tuk osh, tushpvt bahh₂aklo mut, Benhatat vt chitibapishi hoke, okla achi tok. Yohmi ma, Oh ia cha, isht oh v₂la, achi tok. Yohmi ma Benhatat vt im v₂la ma, tvnvp itichanulli y₂a oiyvchi tok.

34. Mihma Benhatat vt, Tvmaha holihta puta aki vt chiki ya im ishi tok a, chi falvmminechi lashke; mikma aki vt Samalia aitivnowa ai ikbi tok a, chohmichit Tamaskvs a aitivnowa ya ish ai ikbashke, achi tok.

35. Mihma hopaii ushi vhleha ai achvfa ya hatak achvfa hosh in chuka abilika yo, Chihowa im anumpa ho, Sussó, chim asilhha lishke, im achi tok. Mihma hatak ash osh ik bunno tok.

36. Mihma, Chihowa im anumpa ho chik im antio hoka, a filvmmit ish ia makinli ho, koi chito vt chiba chi hoke, im achi tok. Mihma i filvmmit ia makinli ma, koi chito vt ahayuchi cha, vbi tok.

37. Yohmi ma hatak inla yo ahayuchi mv, Sussó, chim asilhha lishke, achi tok. Mihma hatak ash osh isso mv, yvmihchit isso kv hotopali tok.

38. Yohmi ma hopaii ash osh ia mv, hina takla miko ya im aiehchi tok; mihmv nashuka ya hituk chubbi o ashachi cha, im ile luhmi tok.

39. Atuk osh miko vt aya ma, miko ya i paya tok; micha, Chin tishu hv ai itin tanampi ka iklena ona tuk oke; atuk o, yakeh! hatak vt fullota cha, hatak isht vm vla mv, Hatak ilvppa ish halanlashke: kaniohmi hosh kvniakma, im ilhfiopak atukma chim ilhfiopak ak osh vltoba chi hoke; keyukmv tvli hvta talent achvfa ho ish atobba chi hoke, achi tuk oke.

40. Atuk o chin tishu hv ilvppa, micha yvma isht anta li ma, kvnia tuk oke, achi tok. Mihma Israel i miko vt, Yohmi ka na chim vlpisa kv yvmak achi hoke; chishno akinli hosh ish atokolishke, im achi tok.

41. Mihma tushpvt hituk chubbi ya nashuka ya ai ishit kanchi tok: mihma hopaii vhleha ha ai achvfa tuk a, Israel i miko vt akostininechi tok.

42. Mihma hopaii ash osh, Chihowa vt yak achishke, Hatak yvmmv illit tahvt vmohma he im apesa li tuk a, ik ia, ish im ahni na ia tuk; yvmohmi hoka im ilhfiopak atuk a, chim ilhfiopak ak osh vltoba chi hoke, micha im okla hatuk a, chim okla hak achi hoke, im achi tok.

43. Mihma Israel i miko vt chukvsh wekit, micha im okpulo hosh Samalia ya onvt in chuka ya ona tok.

CHAPTER XXI.

ATUK o nana ilvppa puta kvv yohmi haya yakohmi tok, Chesleelait Nabolh vt pakvpi ahollokchi, yummvt Chesleel talaia hosh, Samalia i miko Ahab im aboha bilika fehna talaia tok.

2. Mihma Ahab vt Nabolh a im anumpulit, Chi pakvpi ahollokchi ya is soma na, haiyukpulo ahollokchi ikbi lashke, an chuka bilika talaia hoka : mikma pakvpi ahollokchi achukma i shahli ka chima lashke : keyukmtv chim vlpesakma, ai illi vlpesa ka tvli holisso yv chima lashke, achi tok.

3. Mihma Nabolh vt Ahab a, Aki vhleha i yakni ya he vlpisa tok a chima la hi a, Chihowa vt vm olvbashke, im achi tok.

4. Mihma Ahab vt, anumpa Chesleelait Nabolh vt im anumpuli tuk pulla kak o, chukvsh wekit im okpulo hosh in chuka ya ona tok ; aki vhleha i yakni ya he vlpesa tok a, chima la he keyu, achi hatuk oka ; micha in topa pakna teshkit itoyula mtv, nashuka ya misha pit shanaia cha, pska ya vpa he keyu tok.

5. Yohmi kia tekchi Chesebel vt im ona cha, Nanta kati-ohmi hv chi chukvsh vt ilapissa fehna cha, pska ya ish pa he keyu cho ? im achi tok.

6. Mihma, Chesleelait Nabolh a im anumpulit, Tvli holisso chima likma chi pakvpi ahollokchi ya vma ; keyukmtv chim vlpesakma, pakvpi ahollokchi inla ya chima lashke, achi li ma, afalamichit, A pakvpi ahollokchi ya chima la he keyu, vm achi kak oke, im achi tok.

7. Mihma tekchi Chesebel vt, Himak a Israel im apehlichika ya ish pehlichihoh cho ? Wakaya cha, pska vpvt, chi chukvsh vt yukpashke : vno ak osh Chesleelait Nabolh i pakvpi ahollokchi ya chima lashke, im achi tok.

8. Yohmi mtv holissochi cha, Ahab hohchifo hv takalichi

mut, im isht inchuwa isht in chonli cha, asvnonchi vhleha, micha holitompa vhleha aiena Nabolh in tvmaha holihta takla asha tuk a, pit i pila tok.

9. Micha, Nahullochi ya hvsh apesashke, micha Nabolh a achahaka okla ititakla hvsh binilichashke:

10. Micha hatak Belial ushi tuklo ho itikba hvsh binohli-chi na, atokolit Chihowa, micha miko ya ik ahobalot ish anumpuli tuk oke, im achashke: mikma kocha isht onvt, tvli ishit hvsh boli na illashke.

11. Mihma in tvmaha holihta hatak asvnonchi vhleha, micha holitompa vhleha in tvmaha holihta ai okla hv, Chesebel vt i pila tuk holisso pit i pila tuk a, holisso hatuk mak o, yrmihchi tok.

12. Nahullochi ya okla apesa cha, Nabolh a achahaka okla ititakla binilichi tok.

13. Mihma hatak tuklo Belial ushi yosh ona cha, itikba chieya tok: micha Belial hatak ash osh okla itikba ai atokolit, Nabolh a atokolit, Nabolh vt Chihowa, micha miko ya ik ahobalot im anumpuli tuk oke, achit okla tok. Yohmi ma tvmaha holihta ya kocha isht ona cha, tvli ishit boli na illi tok.

14. Yohmi ma Chesebel a anumpa okla pit i pilt, Nabolh vt tvli ishit boa cha, illishke, achi tok.

15. Atuk o yakohmi tok, Nabolh vt tvli ishit boa cha, illi tuk a, Chesebel vt haklo mut, Chesebel vt Ahab a, Wakaya cha, Nabolh i pakvpi ahollokechi tvli holisso yosh vlhtoba hi a, chima ik bvno tuk a ish ishashke: Nabolh vt okchaya keyu, amba illi hoka, im achi tok.

16. Atuk o yakohmi tok, Nabolh vt illi tuk o Ahab vt haklo mut, Ahab vt Chesleelait Nabolh i pakvpi ahollokechi ya isha chi hosh, wakayvt ia tok.

17. Mihma Chihowa im anumpa hv, Tishbait Elichah ya im vla mut,

18. Wakayvt ivt Israel i miko Ahab, yummvt Samalia anta ka ont ivt afamashke: yakeh! Nabolh i pakvpi ahollokechi ya isha chi hosh, yvma onvshke.

19. Mikmut im anumpulit, Chihowa vt yak achishke, Ish

bi cha, ish ishi cho? ish achashke. Micha im anumpulit, Chihowa vt yak achishke, Nabolh im issish a ofi puta kv̄t a holakshi tuk akinli hq, chim issish a chishno pulla ka, a holaksha ch̄i hoke, achi tok.

20. Mihma Ahab vt Elichah yā, An t̄n̄ep ma! is si ahayuchi cho? achi tok. Mihma afalamichit, Chi ahayuchi lishke: ile kanchit Chihowa itikba yā nana ik achukmo ka ish toks̄li hoka.

21. Yakeh! nana ik achukmo ka chi onochit, chim ishta-tiaka yā ishit kanchit, micha Ahab in chuka achv̄fa nakni moma, micha Israel yuka, micha Israel yuka keyu aiena ka ishit kanchi la hi oke.

22. Nan isht nokow̄vchi isht is̄ sa nokow̄vchit Israel a ish ashv̄chichi tok oka, chin chuka achv̄fa yā Nebat ushi Cheloboam in chuka achv̄fa atok mak o, chohmichit, micha Ahi-chah ushi Baasha in chuka achv̄fa atok mak o, chohmichi la ch̄i hoke, achi tok.

23. Mihma Chihowa vt Chesebel a isht anumpulit, Ofi puta kv̄t Chesebel a, Chesleel tv̄li holihta bilika ai vpa ch̄i hoke.

24. Ahab ai achv̄fa yosh tmaha holihta ai illi hokv̄no, ofi puta kv̄t vpa ch̄i hoke: mikma yakni haiaka yā ai illi hokv̄no, hushi puta vba itv̄nowa kv̄t vpa ch̄i hoke.

25. Amba Ahab, ymma tekchi Chesebel vt nukfohki na, ile kanchit, Chihowa itikba yā nan ashv̄chi puta yvmihchi ka, achv̄fa kia chohmi kv̄t iksho hoke.

26. Micha nahol̄v̄t toba puta ka iakaiya kak osh, ile yu-walv̄chi fehn̄v̄t, Amolait okla ymma Chihowa vt Israel im ulla vhleha itikba yā tihlelit kocha wehli tok vt, yvmohmi tok puta ka yvmih̄n̄chi tok.

27. Atuk o yakohmi tok, Ahab vt anumpa ymma haklo mv̄t, i nafohka yā hlilv̄ffi cha, shukeha toba yā nipi atuk a lapalichi mv̄t na hullochit nahishi t̄v̄nna isht anchit itoyula tok; micha lumv̄t aya tok.

28. Mihma Chihowa im anumpa hv̄t Elichah Tishbait ash im vla mv̄t,

29. Ahab vt sa tikba yā ch̄ukv̄sh akanlosichi ka ish p̄isa cho? Sa tikba yā ch̄ukv̄sh akanlosichi hoka, i nitak okv̄no,

nan ik achukmo ka onochi la he keyu hoke; amba ushi i nitak ak o, nan ik achukmo ka in chuka achvfa ya onochi la hi oke, achi tok.

CHAPTA XXII.

MIHMA afmmi tuchina ho Silia, micha Israel itatuklo kvt tenvp vt ik im iksho hosh, okla aiasha tok.

2. Atuk o yakohmi tok, afmmi ont isht atuchina ma, Chutah i miko Chehoshafat vt Israel i miko ya im ona tok.

3. Mihma Israel i miko vt, in tishu vhleha ha, Lamolh-kileat talaia kvt pimmi ha hvsh ithana keyu cho? mikma lumvt il asha cha, Silia i miko ibbak a akohchit kil eshoshke, im achi tok.

4. Micha Chehoshafat a, Si awant Lamolh-Kiliat a itiba chi hosh, ish ia hinla cho? im achi tok. Mihma Chehoshafat vt Israel i miko ya, Uno vt chishno ak inli chohmi likma, vm okla hut chim okla akinli chohmikma, vm issuba puta kvt chim issuba puta akinli chohmi hoke, im achi tok.

5. Micha Chehoshafat vt Israel i miko ya, Himak nitak a Chihowa im anumpa ha ish a ponaklashke, chim asilhha lishke, im achi tok.

6. Yohmi ma Israel i miko vt hopaii vhleha ha hoyot hatak tahlepa ushta foka ho itvnahli cha, i ponaklot, Lamolh-kileat a itibit ia la chi cho? ak cho? ak aiyo ka chi cho? im achi ma, Ia, Chitokaka yvt miko ibbak a fohki pulla chi hoka, okla achi tok.

7. Mihma Chehoshafat vt Chihowa i hopaii inla vt ilvppa anta tuk o, il i ponakla hinla kvt iksho cho? achi tok.

8. Mihma Israel i miko vt Chehoshafat a, Hatak achvfa hosh Imlah ushi Mikaiiah vt anta momvshke, ymmak o Chihowa ya ai il im a ponakla hinla hoke; yohmi kia isht i yukpa li keyu hoke: nana vm anoli kvt achukma keyu, amba ik achukmo kak o, vm anoli chatuk oka, achi tok. Mihma Chehoshafat vt, Miko vt ymma ik acho kashke, achi tok.

9. Yohmi ma Israel i miko vt nan vltoka ya hoyo cha, Tushpvt Imlah ushi Mikaiiah ya ont isht vla, achi tok.

10. Mihma Israel i miko, micha Chehoshafat Chutah i miko itatuklo kvt nafohka holitopa ishit fohka cha, im aiombinili holitompā bika, Samalia achukowa holihta okhissa ahaiaka yo on chieya tok; mihma hopaii moma kvt itikba ya tikbanli nan anolit aiasha t k.

11. Mihma Chenaanah ushi Setekiah vt teli lapish ikbi tok: micha, Chihowa vt yak achishke, Ilvppak o Silian vhleha ha ishit bahlit, vbit hvsh tahla chi hoke, achishke, achi tok.

12. Mihma hopaii moma kvt yohmit tikbanli anolit, Lamolh-kiliat a ish ia cha, chim aighlashke, Chihowa vt miko ibbak a fohka chi hoka, okla achi tok.

13. Mihma anumpa shali Mikaiah i howa tuk vt, ont im anumpuli mvt, Yakeh! himak a hopaii vhleha im anumpa hvt, itih achvft achukma ho miko ya im anolishke: chim asilhha lishke; chim anumpa hvt yvmma ai achvfa im anumpa tuk a chohmashke, micha achukma ho ish anumpulashke, achi tok.

14. Mihma Mikaiah vt, Chihowa vt okchaya pulla ka, Chihowa ak osh nana ho vm achikma, yvmmak o anumpuli la chi hoke, achi tok.

15. Yohmi ho miko ya im vla tok. Mihma miko vt, Mikaiah ma! Lamolh-kileat a itibit il ia chi cho? ak cho? kil aiyo ka chi cho? achi tok. Mihma afalamichit, Ia cha, chim aighlashke: Chihowa vt miko ibbak a fohka chi hoka, achi tok.

16. Mihma miko vt, Katohmi haya Chihowa hochifot anumpa ahli bieka is svn anola hi a, anumpa kvllō chi onochi la chi cho? im achi tok.

17. Mihma, Israel moma kvt chukfulhpoa apistikeli iksho chohmit, nvni hoka ita fimimpt aya ho pisa li tuk oke: mihma Chihowa vt, Ilvppak okvt i shahli iksho yoke; hatak puta kvt achukmakvt in chuka ya falamvt onashke, achi tok.

18. Mihma Israel i miko vt Chehoshafat a, Uno ya nana tikbanli anoli kvt achukma keyu, amba ik achukmo kak o anola chi hoke, achit chim anoli li tuk keyu cho? achi tok.

19. Mihma Mikaiah vt, Yvmohmi hoka Chihowa im anumpa ha ish haklashke; Chihowa vt im aiombinili holi-

tompa ya ombinili tuk oke, mihma tba aholitopa aiasha moma ket bilika isht impak imma, micha vlfvrbek imma aiena ka hiehi tuk oke :

20. Mihma Chihowa vt, Keta hosh ia cha, Ahab a nukfohki na ia cha, Lamolh-kiliat a akuma chi cho? achi ma, achrfa ket yakohmichi hosh, achi ma, achrfa ket yumihchi hosh, achi tuk oke.

21. Mihma shilombish osh koheha cha, Chihowa itikba hikia cha, Uno ak osh nukfohki lashke, achi tuk oke :

22. Mihma Chihowa vt, Nanta ho isht ish yumihchi hosh? achi ma, Kohchvt ia likmvt, shilombish holabi yosh i hopaii vhleha moma ka, itih ha foyuka lashke, achi tuk oke. Mihma Chihowa vt, Ish nukfohki cha, ish imaiya ak inla chi hoke; kohchvt ish ia cha, ish yvmohmashke, achi ho, pisa li tuk oke, achi tok.

23. Yvmohmi ka himak a yakeh! Chihowa vt chi hopaii vhleha ilvppa moma itih ha shilombish holabi yo fohki cha, chishno pulla ka ik achukmo ho, Chihowa vt anumpuli tuk oke, achi tok.

24. Yohmi kia Chenaanah ushi Setekiah vt bilika ona cha, Mikaiiah itisukpi ya isso mvt, Katima yak o, Chihowa imi Shilombish vt a filmmmit chim anumpula chi hosh ia tuk oh cho? achi tok.

25. Mihma Mikaiiah vt, Yakeh! nitak yemma lumvt aboha anukaka fehna ish chukowak mak osh, ish pisa hi oke, achi tok :

26. Mihma Israel i miko vt, Mikaiiah ya ishi cha, falvminchit temaha holihta pehlichi Amon a, micha miko ushi Choab a isht hvsh im onashke;

27. Michi, Miko vt yak achishke, Hatak ilvppa aboha kullo fohki cha, ilbusha i puska, michi ilbusha im oka ish ipihinta tuk o, achukmakvt vla lashke, achishke, ish im achashke, achi tok.

28. Mihma Mikaiiah vt, Achukmakvt falamvt ish la yoba hokma, Chihowa vt sa tohno tuk keyu ho, anumpuli li tuk a chi hoke, achi tok. Mihma, Okla hvchia ma! momvt achukmalit hvsh haklashke, achi tok.

29. Yohmi hō Is̄lael i m̄iko, micha Chutah i m̄iko Chehoshafat itatuklo kv̄t Lamolh-kileat a ona tok.

30. Mihma Is̄lael i m̄iko vt Chehoshafat a, Il inlvchi lish, ai itibi ka iba chukowa la ch̄i hoke; amba chishno vto ch̄i nafohka holitopa isht ish fohkashke, im achi tok. Michā Is̄lael i m̄iko vt il inlvchi cha, ai itibi ka iba chukowa tok.

31. Yohmi kia Silia i m̄iko vt, i kv̄pitvni pokoli tuchina akucha tuklo tēvp itichanvlli puta pehlich̄i vhleha h̄a im apesa mvt, Chipunta, micha hochito kia hvsh itibi ná, Is̄lael i m̄iko ak illashke, achi tuk atok.

32. Atuk o yakohmi tok, tēvp itichanvlli puta i kv̄pitvni vhleha hv̄t Chehoshafat a pisa mvt, Is̄lael i m̄iko pulla hoke, okla achi tok. Mihmvt itiba ch̄i hosh okla fullota tok: mihma Chehoshafat vt chitolit paya tok.

33. Atuk o yakohmi tok, tēvp itichanvlli puta i kv̄pitvni vhleha hv̄t, Is̄lael i m̄iko yatuk keyu hō akostininchi mvt, hlioli tuk vt falama tok.

34. Mihma hatak achvfa kv̄t yemma fokalich̄i hosh, ititanampo halvlli cha, pila tuk osh, Is̄lael i m̄iko ya ikkishi alata ititakla pit nv̄hli tok: yemohmi hoka tēvp im itichanvlli ishtaya ya, Chibbak a fullochi cha, okla h̄a ai ishit sa koheh̄i, sa nv̄hla hoka, im achi tok.

35. Mihma nitak yemma itibi kv̄t isht i shahlit ia tok: mihma m̄iko ya halvlli na, tēvp itichanvlli foyuka cha, Silian vhleha ichapaka ya hikia tok: atuk osh opia ma illi tok: mihma issish vt anv̄hla ya a kohev̄t tēvp itichanvlli iklvna ya yanvllit ona tok.

36. Atuk o hvshi vt okatv̄la foka ma, anumpa hv̄t ayv̄t tv̄shka chipota aiasha ka hlopullit, Hatak moma kv̄t in tv̄maha holihta aiyyukali ka onashke, micha hatak moma kv̄t i yakni aiyyukali ka onashke, achi tok.

37. Yohmi hō m̄iko vt illi na, Samalia ya isht v̄la tok: mihma m̄iko yash Samalia yak o okla holpi tok.

38. Mihma achvfa kv̄t tēvp itichanvlli ya Samalia oka talaia ya ai achifa tok: mihma ofi puta kv̄t im issish a holakshit tahl̄i tok: mihma i nahalupa ya achifa tok, Chihowa im anumpa yemma anumpuli tok mak o, yemohmi tok.

39. Yohmi ka Ahab nana a kaniohmi tok inla, micha nana ymihchi tok moma, micha elefant noli chuka ikbi tok, micha tvmaha holihta ikbi tok moma kv̄t, Is̄rael ī m̄iko v̄hleha ī nitak holisso h̄a a holisso keyu cho?

40. Yohmi h̄o Ahab vt īki v̄hleha h̄a t̄akla nusi tok: mihma ushi Ahasiah ak osh v̄lhtobvt m̄iko tok.

41. Mikma Ahab vt Is̄rael ī m̄iko tok afr̄m̄mi ont ai ushta h̄o, Asa ushi Chehoshafat vt Chutah ȳa ī m̄ikot ishtia tok.

42. Chehoshafat vt afr̄m̄mi pokoli tuchina akucha tahlapi hosh m̄ikot isht ia tok: atuk osh afr̄m̄mi pokoli tuklo akucha tahlapi h̄o, Chelusalem a m̄ikot ahanta tok: mihma ishki hohchifo kv̄t Asubah yosh Shilhi ushetik atok.

43. Michā īki Asa a ȳmohmi tok moma kak o, a noh̄owa tok, naksika ik fulloto hosh, Chihowa itikba ȳa ai v̄lhpiesa kak o ȳmih̄inchi tok; yohmi kia achahaka puta ka ik kancho tok: okla hv̄t achahaka puta ka nan v̄bit ai im iss̄vt, nabalama a hukmi moma hatok oka.

44. Mihma Chehoshafat vt Is̄rael ī m̄iko ȳa it ī nanaiya tok.

45. Yohmi ka Chehoshafat nana a kaniohmi tok inla, micha nan ai im aighli otr̄n̄inchi tok, micha kaniohmit itin-tanampi tok aiena kv̄t, Chutah ī m̄iko v̄hleha ī nitak holisso h̄a a holisso keyu cho?

46. Michā Sotomait v̄hleha atampa, ȳm̄m̄vt īki Asa ī nitak a āsha moma tuk a, yakni yash a koh̄chi tok.

47. Ȳmma foka ka Etom a m̄iko vt iksho tok: anum-peshi yosh m̄iko tok.

48. Chehoshafat vt Ofi ȳa t̄eli holisso lakna hoyot ia ch̄i h̄o, Hlashish peni hochito kohta shali ȳa ikbi tok: yohmi kia peni hochito kohta shali vt, Esion-kebe a tiapa tuk ok̄vt ik aiyo tok.

49. Yohmi ma Ahab ushi Ahasiah vt Chehoshafat a, An tishu v̄hleha hv̄t chin tishu v̄hleha takla, peni chito kohta shali ȳa fohkv̄t iashke, achi tok. Yohmi kia Chehoshafat vt ik haklo tok.

50. Mih̄m̄vt Chehoshafat vt īki v̄hleha h̄a t̄akla nusi cha, īki v̄hleha h̄a t̄akla, īki Lewi in tvmaha holihta ak o ahollo-pi tok: mihma ushi Chehoiam ak osh v̄lhtobvt m̄iko tok.

51. Chutah i miko Chehoshafat vt miko tok afemmi ont isht auah untuklo ho, Ahab ushi Ahasiah vt Samalia ya vttvt, Israel a i mikot ishtia tok: micha afemmi tuklo ho Israel a i miko tok.

52. Micha Chihowa itikba nan ik achukmo ka yvmihinchit, iki a yvmohmi tok ak o, micha ishki a yvmohmi tok ak o, micha Nebat ushi Cheloboam a yvmohmit, Israel a ashvchichi tok ak o a nohwa tok.

53. Iki vt a yvmohmi tok moma kak o, yvmohmit Baal a im anti vt aiokpahanchi cha, Israel in Chitokaka Chihowa ya nokowvchi tok oka.

THE
SECOND BOOK OF KINGS,

TRANSLATED INTO
THE CHOCTAW LANGUAGE.

MIKO UHLEHA

ISHT ANUMPA ATUKLA KUT

TOSHOWET
CHAHTA ANUMPA TOBA HOKE.

NEW YORK:
AMERICAN BIBLE SOCIETY,
INSTITUTED IN THE YEAR MDCCCLXVI.

1913.

MIKO UHLEHA

ISHT ANUMPA ATUKLA HOKE.

MIKO VHLEHA

ISHT ANUMPA ATUKLA HOKE.

CHAPTA I.

YOHMI ma Ahab vt illi haya, Moab vt Israel a i filummit i sanali tok.

2. Atuk o Ahasiah vt vba potvhlpo Samalia talaia ka vtvt itit okhowatkvchi ya vbanvblit ont itula cha, abeka tok : mihmut anumpa shali vhleha ha pit pila cha, Ivt Eklon in chitokaka Baal-sebub a, abeka ilvppa a sa hlakoffikma, nana chi ka ont hvsh i ponaklashke, im achi tok.

3. Mihma Chihowa im enchel vt Elichah Tishbeh hatak a, Wakayvt, Samalia i miko im anumpa shali vhleha ha ont ish afama cha, Chitokaka yvt Israel a iksho kak o, Eklon in chitokaka Baal-sebub a i ponaklot ia hosh hvsh aya cho ?

4. Yohmi hoka Chihowa yvt yak achishke, Topa ha ish oiya tuk vt, ymma ish akowa chi keyu hoke, amba chilli pulla chi hoke, ish im achashke, im achi tok. Mihma Elichah vt ia tok.

5. Atuk o anumpa shali vhleha hash osh falamvt im ona ma, Nanta katiohmi ho hvsh falama cho ? im achi tok.

6. Mihma, Hatak osh ant pi afama cha, Oh ia, falamvt miko vt hvchi pila tuk a hvsh im ona cha, Chihowa yvt yak achishke, Chitokaka yvt Israel a iksho kak o, Eklon in chitokaka Baal-sebub a ish i ponakla chi hosh ish pila tuk oh cho ? ymohmi hokvt topa ha ish oiya tuk vt, ymma ish akowa chi keyu hoke, amba chilli pulla chi hoke, hvsh im achashke, pim achi tuk oke, okla im achi tok.

7. Mihma, Ant hvchi afama cha, anumpa ilvppa puta ka

hvehim anumpuli kuto, hatak katiohmi tuk oh cho? im achi tok.

8. Mihma, Hatak hishi chito hosh na hakshup isht vskofvchi yō isht vskofaiyachi tuk oke, okla im achi tok. Mihma, Elichah Tishbeh hatak ash oke, achi tok.

9. Yohmi mut pokoli tahlapi i^rkupitvni ya, micha i pokoli tahlapi ka aieninchit pit i pila tok: atuk o im ona tok; mihma yakeh! nvnih tvbokaka yō binnili tok. Mihma, Chitokaka immi hatak chia ma! miko vt, Ish akowashke, achishke, im achi tok.

10. Mihma Elichah vt afalamichit, pokoli tahlapi i kupitvni yash, Atukma, Chitokaka immi hatak sia hokma, luak vt vba ik minti cha, chishno, micha chi pokoli tahlapi aiena ka hukmit ik hvechi tahli, im achi tok. Mihma luak vt vba minti cha, ymmak ash, micha i pokoli tahlapi aiena kash hukmit tahli tok.

11. Atuk o anonti pokoli tahlapi i kupitvni inla yō, micha i pokoli tahlapi ka aieninchit pit i pila tok. Atuk o miha mut, Chitokaka immi hatak chia ma! miko vt yak achishke, Tushput ish akowashke, im achi tok.

12. Mihma Elichah vt afalamichit, Chitokaka immi hatak sia hokma, luak vt vba ik minti cha, chishno, micha chi pokoli tahlapi aiena ka hukmit ik hvechi tahli, im achi tok. Mihma Chitokaka in luak vt vba minti cha, ymmak ash, micha i pokoli tahlapi aiena kash hukmit tahli tok.

13. Atuk o anonti pokoli tahlapi atuchina i kupitvni ya, micha i pokoli tahlapi ka aieninchit pit i pila tok. Atuk o pokoli tahlapi i kupitvni atuchina yash osh ivt ona mut, Elichah itikba ya hvchukbihlepa cha, im ilbeshvt, Chitokaka immi hatak chia ma! vm ilhfiopak, micha chin tishu vhleha pokoli tahlapi ilvppa im ilhfiopak vt chi tikba ya a holitopashke, chim asilhha lishke.

14. Yakeh! luak vt vba minti cha, pokoli tahlapi chashpo i kupitvni tuklo, micha i pokoli tahlapi bika hukmit tahli tuk oke: yrmohmi hoka vm ilhfiopak vt chi tikba ya a holitopashke, im achi tok.

15. Mihma Chihowa im enchel vt Elichah ya, Awant ish

iašhke; ish i nukshopa ná, im achi tok. Mihma wakaya cha, awant ivt miko ya im ona tok.

16. Mihmut, Chihowa yvt yak achishke, Anumpa shali vhleha hv̄t Eklon in chitokaka Baal-sebub a i ponakla chi h̄o ish pila tuk vt (Chitokaka yvt Islael a iksho na, im anumpa h̄a ish a ponakla he keyu ak atuk oh cho?) yvmohmi hokvt topa h̄a ish oia tuk vt, ymma ish akowa chi keyu hoke, amba chilli pulla chi hoke, im achi tok.

17. Atuk o Chihowa im anumpa h̄a Elichah vt anumpuli tuk mak o illi tok. Mihma, Chehoshafat ushi Cheholam vt Chutah i miko tok afemmi ont atukla h̄o, Cheholam vt vlihtobvt miko tok; ushi vt ik im iksho hatuk oka.

18. Mikma nana a kaniohmi inla Ahasiah vt yvmihinchī tok vt Islael i miko vhleha i nitak holisso h̄a a holisso keyu cho?

CHAPTA II.

ATUK o yakohmi tok, Chihowa yvt Elichah ya apanukfila h̄a fohkit vba isht ia chi ma, Elichah, micha Elisha itatuklo kv̄t Kilkal a vshv̄t itiachi tok.

2. Mihma Elichah vt Elisha ya, Ilvppak o ashá, chim asilhha lishke; Chihowa yvt Behlel a sa pila tuk oka, im achi tok. Mihma Elisha yvt, Chihowa yvt okchaya pulla ka, micha chimi shilombish vt okchaya pulla ka, chissa la he keyu hoke, achi tok. Yohmi h̄o Behlel a itonachi tok.

3. Mihma hopaii ushi vhleha Behlel ai asha tuk vt kochevt Elisha ya ont afama mv̄t, Himak nitak a Chihowa yvt chi shahli chi noshkobo h̄a chim esha chi ka ish ithana cho? im achi tok. Mihma, Ūno ak kia ithana li, hv̄ch ik anumpulo kashke, achi tok.

4. Mihma Elichah vt, Elisha ma! ilvppak o ashá, chim asilhha lishke; Chihowa yvt Cheliko ya sa pila tuk oka, im achi tok. Mihma, Chihowa yvt okchaya pulla ka, micha chimi shilombishi vt okchaya pulla ka, chissa la he keyu hoke, achi tok. Yohmi h̄o Cheliko ya itonachi tok.

5. Mihma hopaii ushi vhleha Cheliko ai asha tuk vt im

vla mut, Himak nitak a Chihowa yut chi shahli chi noshkobo ha chim esha chi ka ish ithana cho? im achi tok. Mihma, Uno ak kia ithana li, hvch ik anumpulo kashke, achi tok.

6. Mihma Elichah vt, Ilvppak o ashá, chim asilhha lishke, Chihowa yut Chatan a sa pila tuk oka, im achi tok. Mihma, Chihowa yut okchaya pulla ka, micha chimi shilombish vt okchaya pulla ka, chissa la he keyu hoke, achi tok. Mihma itatuklot ivt okla tok.

7. Mihma hopaii ushi vhleha ai achufa yosh hatak pokoli tahlapi kvv ivt ichapaka ya hopaki ho hiel tok: mihma tuklo kash osh Chatan ontalaka ya hielit okla tok.

8. Mihma Elichah vt im anchi ya ishi cha, puhli mut, oka ya isht isso ma, iti filvmmitt ilvppa, micha yvmma ia tok: yohmi na yakni shila yo tuklo kash osh hlopullit ia tok.

9. Mihma yakohmi tok, hlopullit okla ma, Elichah vt Elisha ya, Chim ishit ik sasho kisha kak o nana chi yvmihchi la chi ka ish asilhashke, im achi tok. Mihma Elisha vt, Chimi shilombish a inlohmi tuklo hosh si onvttoyulashke, chim asilhha lishke, achi tok.

10. Mihma, Kulloghit ish asilhvshke: chim ishit svshi ka is sa pisakmut, chi yohmashke; amba keyukma, yohma chi keyu hoke, achi tok.

11. Atuk o yakohmi tok, ayvt anumpohonlit mayvt okla ma, yakeh! itichanvlli luak, micha issuba luak aiena kvv haiaka mut, iti mokoffi tok: mihma Elichah vt apanukfila ho fohkvv vba ya ia tok.

12. Mihma Elisha vt pisa mut, payvt, Aki ma! aki ma! Israel im itichanvlli, micha issuba om binili vhleha yoke, achi tok. Mihmut himakma ik peso tok: mihmut i nafolika ya ishi mut, hlilvffit tuklochi tok.

13. Mihmut Elichah im anchi vt mokofvt itula tuk o ishi mut, falama tuk osh Chatan sakti ha ant o hikia tok.

14. Micha Elichah im anchi vt mokofvt itula kash ishi cha, oka ya isso mut, Elichah in Chitokaka Chihowa muto? achi tok. Micha yvmmak kia oka ya isso ma, oka yvt iti

filūmmit ilvppa, micha yvmma ia tok; mihma Elisha vt hlo-pulli tok.

15. Atuk o hopaii ushi vhleha Cheliko ya ai asha kash osh ichapaka ya yvmmak ash pit pisa mvt, Elichah imi shilombish vt Elisha ya onvtonlvshke, achi tok. Mihmvt okla mintit ant afama cha, aka pit im akachunoli tok.

16. Micha, Yakeh! chin tishu vhleha ha apehvt hatak pokoli tahlapi kv ashvshke; ik ia cha, chi shahli ha ik hoyó, e chim asilhhvshke; Chihowa imi Shilombish vt vba isht ona cha, nvni kanima, keyukmvt okfa kanima et kanchi tuk yoba ká, okla im achi tok. Mihma, Hvsh pila he keyu hoke, achi tok.

17. Atuk o okla im achunanchi na hofahyvt taha mvt, Ho pilá, achi tok. Yvmohmi ho hatak pokoli tahlapi ho okla pila tok; mihma nitak tuchina ho hoyo kia, ik ahayu-cho tok.

18. Atuk o falamvt im vla ma, (Cheliko ya anta hatuk oka,) Hvch ik aiyo kiá, hvchim achi li tuk keyu cho? im achi tok.

19. Mihma tvmaha hatak vhleha hv Elisha ya, Yakeh! tvmaha atalaia yvt achukma ho a shahli hv pishvshke; yohmi kia oka yvt okpulo, mikma yakni vt nana a waya he keyushke, im achi tok.

20. Mihma, Ampo himona yo isht hv svv vla cha, yvmma hvpi ha oh vni, achi tok. Mihma okla isht im vla tok.

21. Mihma kohchvt kvli oka ya ona cha, yvmma hvpi ha okvchi mvt, Chihowa yvt yak achishke, Oka ilvppa achukmali lishke; ilvppa himak pilla ma illi, micha awaya he keyu vt iksho ka chi hoke, achi tok.

22. Yohmi ho anumpa Elisha yvt anumpuli tuk mak o, oka yash osh achukma tok osh himak nitak a moma hoke.

23. Mihma yvmma vttvt ivt Behlel a ona tok: atuk osh ivt hina takla aya ma, vlla nakni chipunta yvt tvmaha ha kohchvt ishit yopulvt, Noshkobo yushmilali chia hv iá; noshkobo yushmilali chia hv iá, im ahanchi tok.

24. Mihma im ashaka pit filema cha, pisa mvt, Chihowa hochifot anumpa kvullo onochit miha tok; mihma nita tek

tuklo hosh kowi et kohcha cha, yummak ash ai achufa vlla pokoli ushta akucha tuklo hō niblit tahli tok.

25. Atuk o yumma vttvt ivt nvnih Kamel a ona tuk osh, yumma vttvt falamvt Samalia ya ona tok.

CHAPTA III.

YOHMI ka, Chutah i miko Chehoshafat vt miko tok afummi ont isht auahuntuchina hō, Ahab ushi Cheholam vt Samalia ya vttvt Israel i miko tuk osh, afummi auah-tuklo hō miko tok.

2. Mihmt Chihowa itikba ya nana ik achukmo kak o yumolmi tok; yohmi kia iki ya chohmi, micha ishki ya chohmi tok keyu: yohmi kv Baal naholvt toba iki vt ikbi tok a ishit kanchi tok.

3. Yohmi kia Nebat ushi Cheloboam vt nan ashvehit Israel a ashvehchi tok ak o asitia tok: ik i filmmo tok.

4. Mihma, Moab i miko Mesha vt chukfulhpoa apoa ya-tuk osh, Israel i miko ya chukfulhpoa ushi tahlepa sipokni tahlepa achufa, micha chukfulhpoa nakni hishi asha tahlepa sipokni tahlepa achufa hō ima beka tuk osh,

5. Yakolmi tok, Ahab vt illi ma, Moab i miko vt Israel i miko ya i filmmit i sanali tok.

6. Mihma mih nitak akinli hō miko Cheholam vt Samalia ya kohelvt ia cha, Israel moma ka hoyot hotilna tok.

7. Mihmt ivt, Chutah i miko Chehoshafat a, Moab i miko vt a filmmit a sanalishke; si awant Moab a itibit ish ia hinla cho? pit im achi tok. Mihma, Ia lashke; vno vt chishno akinli chohmi likma, vm okla hv chim okla akinli chohmikma, vm issuba puta kv chim issuba puta akinli chohmi hoke, achi tok.

8. Mihma, Hina katima yak o il ia chi cho? achi tok. Mihma, Etom yakni haiaka hina pit hlopulli ká, achi tok.

9. Yohmi hō Israel i miko, micha Chutah i miko, micha Etom i miko aiena kv ia tok; micha nitak untuklo anowa

yə pit fullota tok; micha tushka chipota, micha nan ullpoa yət iakaiya tuk aiena kət ishka he oka yət iksho tok.

10. Mihma Israel i miko vt, Ikikkeh! Moab ibbak a fohka chi hosh, Chihowa yət miko tuchina ilvppa hoyot itvnahli tuk oka, achi tok.

11. Mihma Chehoshafat vt, Chihowa i hopaii vt ilvppa anta tuk o tohnot Chihowa ya il i ponakla hinla keyu cho? achi tok. Mihma Israel i miko m tishu vhleha achvfa kət, Shafat ushi Elisha, yvmmet Elichah ibbak a oka on hlali yatuk vt yak antushke, achi tok.

12. Mihma Chehoshafat vt, Chihowa im anumpa hət ibafoyuka hoke, achi tok. Yohmi ho Israel i miko, micha Chehoshafat, micha Etom i miko aiena kət iət im ona tok.

13. Mihma Elisha vt Israel i miko ya, Nanta ho chitim ahalaia li cho? chiki i hopaii vhleha, micha chishki i hopaii vhleha hak o im oná, im achi tok. Mihma Israel i miko vt, Ahá! Moab ibbak a fohka chi hosh, Chihowa yət miko tuchina ilvppa hoyot itvnahli tuk oka, im achi tok.

14. Mihma Elisha vt, Ūba nan oklyha ilaiieshi Chihowa yət okchaya pulla ka, yvmmak o itikba hikia li kət, Chutah i miko Chehoshafat ak osh hikia ka aiokpanchi li hatuk keyukmēt, ish a hikia imma ya pit hopokoyot chi pisa la hetuk keyu hoke.

15. Yohmi kia himak a vhlepa-olachi ya isht oh v̄m v̄lá, achi tok. Atuk o yakohmi tok, vhlepa-olachi vt olachi ma, Chihowa ibbak vt ant onvtoyula tok.

16. Mihma, Chihowa yət yak achishke, Okfa ilvppa yakni kula biekrehit ho tahli.

17. Chihowa yət yak achi hoka, Mahli ha hvsh pisa chi keyu hoke, micha umba-ka hvsh pisa chi keyu hoke; yohmi kia okfa yvmmet oka alota na hvchishno, micha hvchi wak, micha hvchi nanvllpoa aiena kət ishka chi hoke.

18. Yohmi kia ilvppet Chihowa itikba ya nana afelma chi keyu hoke; Moab a hvch ibbak fohka chi akinli hoke.

19. Mikma temaha holih̄ta moma, micha temaha achukma i shahli moma ka okp̄nit, micha iti achukma moma ka kinahlichit, micha oka kvli moma ka i kvmalit, micha osapa

achukma taloha moma ka tuli ashachit hvshi okpuna chi hoke, achi tok.

20. Atuk o onnahinli ya, ilhpak isht aiokpuchi im issa ma, yakeh! oka yvt Etom pilla minti hoshi vla na yakni vt oka ya alota tok.

21. Atuk o miko vhleha hvt itibit vla ka Moab okla moma kvv haklo mvt, tenvp aya fohka ya fohka hinlakmvt, micha vba maya moma kvv itvnaha cha, yakni vhlv ya hielv tok.

22. Atuk osh onnahinli fehna ho okla wakaya cha, hvshi vt kohchvt oka ya on tomme ma oka yvt ichapaka ya humma kvv issish a chiyuhmi ho Moab okla hvt pisa tok.

23. Mihmvt, Ilvppvt issish oke: miko vhleha hash osh illit taha pulla hoke, micha iti fahamvt iti tahlv tuk oke: yvmohmi hoka himak a, Moab ma! na wehpova ya ont kilohv ishi, okla achi tok.

24. Atuk osh Israel im vlbina ha ona ma, Israel okla hvt wakaya cha, fahama na, itikba yihlepa tok: mihma fahamvt ishit mahayvt Moab okla ha fahamvt ishit kanchi tok.

25. Michav in tvmaha puta ka yuhlit tahlit, osapa achukma taloha moma ka hatak vt tuli achvfa aiyukali pivvt alo-toli tok; micha oka kvv moma ka i krmalit, iti achukma moma ka kinahlichv tok: yohmi cha Ki-halaselh vno tuli ya okla hilinchv tok; micha tuli ishit fahpuli vhleha hvt apak-fopvt tuli isht isso tok.

26. Mihma itibi kvv i kvvlo fehna na, Moab i miko vt pisa mvt, hatak bushpo falaia iveshi tahlepa untuklo ho pehlichv cha, tivblit hlopullit Etom i miko ya im ona bvna tok: yohmi kia nana kanihma he keyu tok.

27. Yohmi mav ushi vttahpi vltobvt mika he tuk a ishi cha, holihta onochit hukmit isht aiokpuchi im issa tok. Mihma Israel a i nukkilli fehna tok: mihma okla itibi tuk vt i filvmmi cha, falamvt i yakni akinli ho ona tok.

CHAPTER IV.

ATUK o hopaii ushi tekchi vhleha ha ai achvfa yosh Elisha ya i paya mvt, A hatak chin tishu hvt illishke;

mikma chin tishu hv̄t Chihowa i nukwia yatuk a chishno vt ish ithanvshke; atuk o nan ahekvchi vt vm vlla tuklo ka ishit yuka ikba ch̄i hosh vlvshke, achi tok.

2. Mihma Elisha vt, Nanta h̄o ch̄i yvmihchi la ch̄i cho? nanta hosh aboha ya ch̄i foka cho? vm anoli, im achi tok. Mihma, chin tishu ohoyo hv̄t aboha ya nana kia ik im iksho kvmohmi, bila kotoba achvfa ak illvshke, achi tok.

3. Mihma, Ish ia cha, chin chukapanta moma ka nan aivlhto nana alhto keyu h̄o ont ish potashke; ish kanomo-sichi ná.

4. Atuk osh ant ish chukowakmvt, ish il on okshita cha, chiso tuklo kash ish on okshitakmvt, tosholit nan aivlhto ymma moma ka ish apitta cha, alotakma naksika ish talalashke, achi tok.

5. Mihma i filvmm̄it ia mvt, il on okshita cha, ushi tuklo kash on okshita ma, ih̄ima na toshohonli tok.

6. Atuk o yakohmi tok, nan aivlhto puta kv̄t alota ma, ushi ya, Himakma nan aivlhto isht vm vlá, im achi tok. Mihma, Nan aivlhto vt himakma iksho, im achi tok. Mihma bila yvt yokopa tok.

7. Yohmi ma onvt Chitokaka immi hatak ash im anoli tok. Mihma, Ish ia cha, bila ya ish kanchi cha, nana ish aheka tuk vt isht ish atobbi cha, atampa ka chishno, micha chiso tuklo aiena kv̄t hv̄sh ai okchayashke, achi tok.

8. Atuk osh nitak kaniohmi ma, Elisha vt ayvt Shunem, ymma ohoyo chito yosh v̄tta h̄o ona tok; mihma pska vpa ch̄i ka im achunanchi tok. Atuk o yakohmi beka tok, ayakmvt, pska vpa ch̄i hosh folotvt chukowa beka tok.

9. Mihma i hatak a, Yakeh! Ilvppvt Chitokaka immi hatak chukvsh ai vlvpiesa yo ithanà lishke; atuk o pim aya beka na bilivshke.

10. Uba potvhlpo iskitini ikbit aboha ya il onochashke; micha ymma topa, micha aiimpa, micha aiombinili, micha p̄ula aighikia aiena ka il i hilechashke, chim asilhha lishke; atukma yakohma hi oke, p̄im vlakmvt, ymmak o folotvt chukowa hi oke, im achi tok.

11. Atuk o nitak kaniohmi ma, yvmma ona cha, vba potlhpo yak o folotvt chukowa chia, yvmma itonla tok.

12. Atuk osh in tishu Kehasi ya, Shunem ohoyo ilvppa i howá, im achi tok. Atuk o i howa ma, itikba ya ant hikia tok.

13. Mihma, Yohmi ka, Yakeh! nan isht anukfila ilvppa moma ka isht ish pi anukfilli tuk oke; nanta hosh chi katiohma hinla cho? miko ak okmá, tvshka chipota i kvpitvni chito ak okmá, kanimampo ka im anolit ishit si anumpulikbano, ish ahni cho? im achi, im achi tok. Mihma, Um okla akinli takla ahanta li hoke, achi tok.

14. Mihma, Yohmi ka nanta hosh i katiohma hinla cho? achi tok. Mihma Kehasi vt, Ushi ak osh ik im iksho mvhli, micha i hatak vt sipoknishke, achi tok.

15. Mihma, I howá, achi tok. Mihma i howa ma, aboha okhissa ya ant hikia tok.

16. Mihma, Nitak vllhpisa himak a cholmi tofahpi vt anonti vlakma, vlla nakni yo ish shola hi oke, achi tok. Mihma, Ahá! a shahli Chitokaka immi hatak chia hvv chin tishu ohoyo ha ish i holabi ná, achi tok.

17. Atuk osh ohoyo hash osh vlla shali tuk osh, Elisha vt im achi tuk mak o nitak vllhpisa tofahpi vt anonti vla ma, vlla nakni yo eshi tok.

18. Atuk o vlla yash osh hofantit taha mvv, nitak kaniohmi ma onush vmo aiasha iki vt anta ka ona tok.

19. Michá iki ya, Sa noshkobó, sa noshkobó, im ahanchi tok. Mihma hatak himita ya, Ishki ya isht im oná, im achi tok.

20. Mihma sholi cha, ishki ya isht im ona ma, iyikalaha om binili na tvbokoli mvv, illi tok.

21. Mihma vba oiya cha, Chitokaka immi hatak in topa ha om bohli mvv, on okshita cha, kohcha tok.

22. Mihma i hatak a i howa cha, Hatak himita vhleha achvfa ka, micha issuba haksobish falaia achvfa ka, et is sa pila na, malelit Chitokaka immi hatak aivtta ka ona lish, anonti vla lashke, chim asilhha lishke, achi tok.

23. Mihma, Nanta katiohmi ho himak nitak a ish ona

hinla cho? hushi talali vmona keyu, micha nitak hullo keyu, achi tok. Mihma, Ulpesa hoke, achi tok.

24. Yohmi mut issuba haksobish falaia om patali mut, in tishu hash, Chvfichi, micha tikba ia; ish om binili kut, chi miha li keyukma, is sa yokopa na, im achi tok.

25. Mihmut ia cha, Kamel nvni ak o Chitokaka immi hatak vt vta tuk o im ona tok. Atuk o yakohmi tok, Chitokaka immi hatak ash osh hopaki ho pit pisa mut, in tishu Kehasi ya, Yakeh! ilvppvt Shunem ohoyo hash oke.

26. Malelit ont ish afama cha, Chin chukma cho? chi hatak vt in chukma cho? vlla yash osh in chukma cho? im achi, chim asilhha lishke, im achi tok. Mihma, Achukmakushke, achi tok.

27. Atuk osh Chitokaka immi hatak vt nvni hash anta tuk o im ona mut, iyi ya hoklit ishi tok: mihma Kehasi vt toblit karrellicha chi hosli bilika ona tok. Mihma Chitokaka immi hatak ash osh, Ik ashá; shilombish vt nukhvmmi hoka; mihma Chihowa yvt an luhmi cha, ik sum anoloshke, achi tok.

28. Yohmi ma, A shahli ha vlla im asilhha li tok oh cho? Is sa yimmichi na, achi li tok keyu cho? achi tok.

29. Yohmi ma Kehasi ya, Ish il vskofchikmut, an tubi ya chibbak fohkit ish ieshi cha, ish iashke; hatak a ish afamakmut, ish aiokpucha he keyu; micha hatak vt chi aiokpuchikma, anumpa falama ka ish miha he keyu: micha an tubi ya vlla nashuka ya ish onochashke, im achi tok.

30. Mihma vlla yash ishki vt, Chihowa yvt okchaya pulla ka, micha chimi shilombish vt okchaya pulla ka, chissa la he keyu hoke, achi tok. Mihma wakaya cha, iakaiya tok.

31. Mihma Kehasi vt tikba ivt ona cha, tubi yash vlla nashuka ya onochi tok; yohmi kia anumpuli, micha haiyaklo kia iksho tok: yvmohmi ma falamut ont afama cha, im anolit, Vlla yvt ik okchoshke, achi tok.

32. Atuk o Elisha yvt aboha ya ont chukowa ma, yakeh! vlla yvt illi cha, in topa ha onvtoyula tok.

33. Mihmut chukowa mut, tuklo ka okhissa il on okshita cha, Chihowa ya im asilhha tok.

34. Mihmvt onvt vlla yash onvtoyula cha, itih hā itih onochi mvt, nishkin a nishkin onochi mvt, ibbak a ibbak onochi cha, ile chisemochit onvtoyula tok; mihma vlla yash osh nipi vt libishvt isht ia tok.

35. Yohmi mvt falamvt aboha ya nowvt itafalamohowa tok: mihmvt anonti ont ile chisemochit onvtoyula tok: mihma vlla yash osh untuklo ha habishko cha, vlla yash osh nishkin fatummi tok.

36. Mihma Kehasi ya i howa mvt, Shunem ohoyo ilvppa i howá, achi tok. Yohmi ma i howa tok: atuk o im vla ma, Chiso nakni ya ishi, achi tok.

37. Yohmi ma iyi ya ant on hlipvt pit im akachunoli tok; mihmvt ushi yash ishi cha, kohcha tok.

38. Atuk o Elisha yvt falamvt Kilkal a ona tok: mihma yakni ya hohchvfo yvt asha tok; mihma hopaii ushi vhleha hvt itikba ya chieya tok: mihma in tishu hā, Shuti chito ya ito talali cha, hopaii ushi vhleha hā nipi okchi ish i honashke, im achi tok.

39. Mihma achvfa kvv haiyukpulo aiowa chi hosh kohchvt yakni haiaka ia tuk osh, nabalali ilapint offo ya ahayuchi mvt, yemma vni shukshubak holba ya i nafohka alota hō vmot isht vla cha, nipi okchi shuti ya chuhlit ibani tok: okla ik ithano hatuk oka.

40. Yohmi cha hatak vhleha hash osh vpa chi hō in tosholi tok: atuk o yakohmi tok, nipi okchi okla vpa hosh maya mvt, chitolit, Chitokaka immi hatak ma! shuti ya isht illi hvt fokvshke, achi tok; mihmvt vpa he keyu tok.

41. Yohmi kia, Yohmikma onush bota isht oh vlá, achi tok; mihma shuti ya pit okvchi tok: micha, Okla hā ish in tosholi na vpashke, achi tok: mihma shuti ya nana ik achukmo kvv iksho tok.

42. Atuk o hatak achvfa kvv Baal-shalisha minti hosh vla cha, Chitokaka immi hatak a waya vmmona pvska, bali pvska lumbo pokoli tuklo hō, micha osapushi a waya aiena ka i bahta vlhto hō isht im vla tok: mihma, Okla hā ish ima na vpashke, achi tok.

43. Mihma in tishu hvt, Nanta? ilvppa hatak tahlepa

achufa ka itikba talali la hinla cho? achi tok. Mihma, Okla ha ish ima na vpashke; Chihowa yvt yak achi hoka, Okla impa cha, ashanchashke, achi tok.

44. Yohmi ma itikba talali na okla impa mvt, Chihowa im anumpa hatuk mak o ashanchi tok.

CHAPTA V.

YOHMI ma Silia i miko in teshka chipota i kepiteni Naaman vt i shahli ha i holitopa yoshi hatak holitopa atok; yemmak atuk mak o Chihowa yvt Silia ya hlakoffichi tuk oka: micha hatak yemmet hatak hlampko chilita yoshi leplosi vbi atok.

2. Micha Silia okla aya kanohmi ket kochevt ia cha, vlla tek himita yo Israel yakni ya a yukachit ai ishit isht ia tok: mihma Naaman tekchi ak o nana isht im vta tok.

3. Atuk osh, A shahli het hopaii Samalia anta ka itikba hikia tuk okbano; yohmikma in leplosi ya hlakofficha hinla hoka, i pushnayo ohoyo ha im achi tok.

4. Mihma Naaman vt iba chukowa cha, i shahli ha im anolit, Ulla tek Israel yakni minti vt yakohmi, micha yakohmi ho achishke, achi tok.

5. Mihma Silia i miko vt, Inta! ia, mikma Israel i miko ya holisso i pila lashke, achi tok. Mihma teli huta talent pokoli, micha teli holisso lakna shekel tahlepa sipokni hannali, micha nafohka fohka pokoli aiena ho ishi cha, ia tok.

6. Atuk osh, Yohmi ka holisso ileppt chim onakma, yakeh! an tishu Naaman a in leplosi ya ish hlakofficha chi ho chi pila li tuk oke, holisso het achi ho Israel i miko ya isht im ona tok.

7. Atuk o yakohmi tok, Israel i miko vt holisso hash itim anumpuli mvt, i nafohka ya hlileffi cha, Uno ak osh Chitokaka sia hatuk osh vbi li, micha okchalinechi la hinla ho, hatak a in leplosi hlakoffichi la chi ho, yemmet et a pila cho? Yohmi ka yemmet peli satj nokowa benna ka anukfillit ho pisá, huchim asilhha lishke, achi tok.

8. Atuk o yakohmi tok, Chitokaka immi hatak Elisha yet Israel i miko vt i nafohka ya hliuffi tuk a haklo mut, miko ya pit i pilvt, Nanta katiahmi ho chi nafohka ya ish hliuffi tuk oh cho? vno ak o vm vlashke, chim asilhha lishke, mikmut hopaii vt Israel a ahanta ka ithaiyanashke, achi tok.

9. Yohmi ho Naaman vt im issuba puta, micha im itichanvlli aiena ket ona cha, Elisha in chuka okhissa itikba ya hikia tok.

10. Mihma Elisha yet anumpa shali pit i pila mut, Ish ia cha, Chatan a untuklo ha ish yupashke; mikma chi nipi vt anonti chin toba na chi kashofashke, achi tok.

11. Yohmi kia Naaman vt nokowa cha, ia mut, Yakeh! kohcha pulla cha, vm vltv hiki vt in Chitokaka Chihowa ya hochihifo hosh aivbi ya ibbak o walit leplosi vbi yash hla-kofficha chi, vm ahoba tuk oke.

12. Tamaskvs okhina, Abana, micha Fapa yet Israel oka moma ka achukma ket i shahli keyu cho? yummak o a yupit sa kashofa hinla akinli keyu cho? achi tok. Mihmut shanaia cha, nukhobela fehna hosh ia tok.

13. Mihma in tishu vhleha hvv bilika onvt im anumpuvt, Aki ma! hopaii vt nana afehna ho ish yumiheha chi, chi miha hatukma, ish yumiheha he tuk keyu cho? yohmi ka, Yupi cha, ik chi kashofa, chim achi hokak heno? okla achi tok.

14. Yohmi ma okvttahvt ia cha, Chitokaka immi hatak ash im anumpa hatuk mak o untuklo ha Chatan a oklubbit kohcha tok: mihma nipi vt vlla iskitini nipi chohmi hosh anonti toba na kashofa tok.

15. Mihmut i bina ai achufa yash momvt salamvt Chitokaka immi hatak ash im ona cha, itikba ya hiel tok: micha, Yakeh! yakni moma ka Chitokaka yet iksho, amba Israel takla ak illa hoka ithaiyana lishke: yumohmi ka himak a nan ishit yukpali ya chin tishu ha ish im ishashke, chim asilhha lishke, achi tok.

16. Mihma, Chihowa yet okchaya pulla ka, yummak o itikba hikia li ket, nana ishi la he keyu hoke, achi tok. Mihma isha chi ka im achunanchi tok: yohmi kia ik haklo tok.

17. Mihma Naaman vt, Yohmi ka chin tishu ha yakni ya issuba haksobish falaa shali tuklo ka ima he keyu cho? chim asilhha lishke; chin tishu hvt himak pilla ka na hukmit isht aiokpuchi, micha nan vbit isht aiokpuchi nana kia chitokaka inla puta im issa chi keyu hoka, amba Chihowa yak achi hoke.

18. Nana ilvppeno Chihowa yvt chin tishu ha i kashof-fashke; a shahli hvt aiokpucha chi hosh Limmon in chuka yumma chukowa cha, yummet subbak a vtaya na Limmon in chuka ya akachunoli likma; Limmon in chuka ya akachunoli likma, Chihowa yvt chin tishu ha nana ilvppa i kashof-fashke, achi tok.

19. Mihma, Achukmakvt ish ayashke, achi tok. Yohmi ma i filmmmit ivt ik hopako ho ona tok.

20. Mihma Chitokaka immi hatak in tishu Kehasi vt, Yakeh! a shahli hvt Silia hatak ilvppa Naaman vt nana isht vla tuk a ik im esho hosh hlakoffichishke; yohmi kia Chihowa yvt okchaya pulla ka, iakaiyvt hliohli lish, nana kia im ishi la chi hoke, achi tok.

21. Yohmi hosh Kehasi vt Naaman a iakaiya tok: atuk o iakaiyvt hliohlit maya na Naaman vt pisa mv, itichanvlli yash akowvt afamvt ia cha, Achukmaka cho? achi tok.

22. Mihma, Achukmakushke. A shahli hvt et sa pila hosh, Yakeh! himak fehna ka Eflaim nvnih minti vt hopaii vhleha ushi yosh hatak himita tuklo kv vm vlvshke: yemmak o teli hvta talent achvfa, micha nafohka fohka tuklo ho pit ish imashke, chim asilhha lishke, achishke, achi tok.

23. Mihma, Vlhpesa ish ahni cha, talent tuklo ho ish ishashke, achi tok. Micha ira achunanchi mv, teli hvta talent tuklo ho bahta tuklo fohkit takchi mv, nafohka fohka tuklo aiena ho in tishu tuklo ha ima na shali cha, tikba ivt okla tok.

24. Atuk o nvnih ha ona mv, im ishi cha, aboha anykaka ya bohli tok: mihmet hatak tuklo kash, ik ja, ahni na ivt okla tok.

25. Amba ilap vto ont chukowa cha, i shahli ha itikba hikia tok: mihma Elisha yvt, Katima ish minti cho? Kehasi

ma! im achi tok. Mihma, Chin tishu hut kanima ia tuk keyu hoke, achi tok.

26. Mihma, Hatak vt filemt im itichanvlli ha akowvt, chi afamvt minti ma, sa chukvsh vt aya tuk keyu cho? Teli holisso a habena he, micha nafohka, micha alif vpi puta, micha pakvpi ahollokchi puta, micha vllhpoa chipunta, micha wak, micha hatak tishu puta, micha ohoyo tishu puta aiena ka a habena he nitak vllhpesa cho?

27. Yvmolimi hoka Naaman in leplosi vt chishno, micha chim ishtatiaka aiena ka lapali na bilia hi oke, im achi tok. Mihma leplosi vbi yosh okti chiyulmi hosh itikba hikia tuk vt i filemmit kohcha tok.

CHAPTER VI.

MIHMA hopaii ushi vhleha hut Elisha ya, Yakeh! chi tikba il aiasha yvt pim atikkonofa fehuvshke.

2. Chatan a il ia cha, yemma iti achvfa aiyukali ont il ai ishi cha, yummak o il ai asha chi kvt isht il ikbi cha, iloh ai ashashke, e chim asilhvshke, im achi tok. Mihma, Oh ia, achi tok.

3. Mihma achvfa kvt, Vllhpesa ish ahni cha, chin tishu vhleha ha awant ish iashke, achi tok. Mihma, Ia lashke, achi tok.

4. Mihmt awant ia tok. Atuk o Chatan a okla ona mt, iti chanlit kinahlichhi tok.

5. Atuk o achvfa kvt iti kinvffit isht anta ma, iskifa tuli yvt oka pit okatula tok: mihma, Ikikkeh! a shahli ma! micha ponta yatuk oke, chitoli hosh achi tok.

6. Mihma Chitokaka immi hatak ash osh, Katima yak o itula tuk oh cho? achi tok. Mihma ai okatula tuk a pisachi tok. Mihma-iti chanlit kinvffi mt, yummak o pit okvchi cha, teli yash okpalalichi tok.

7. Mihma, Pit ishi, im achi tok. Mihma ibbak a pit weli cha, ishi tok.

8. Atuk o Silia i miko vt Israel a in tanampi cha, in

tishu vhleha hā luhmit itim anumpulit, Yummak o, micha yummak o v̄m v̄lbina hachī hoke, achi tok.

9. Mihma Chitokaka immi hatak ash osh Israel i miko ya pit i pilt, Ahah! ish ahni cha, yummak oka ont chik aiyo kashke: yummak o Silia okla hvt minti hoka, achi tok.

10. Mihma Israel i miko vt, Chitokaka immi hatak ash osh im anolit, ahah! ahna he i miha tuk, yemma pit pila cha, himonna keyu, micha hitukla keyu hō ahah! ahni tok.

11. Yemohmi hatuk o Silia i miko vt nana ilvppa pulla kak o chukesh ik im achukmo fehna tok: mihmvt in tishu vhleha hā pit hoyo cha, E katima kak osh Israel i miko ya iba fohka ka hvs sv̄m anola he keyu cho? im achi tok.

12. Mihma in tishu vhleha achvfa kv̄t, Iksho, a shahli miko ma! Elisha hopaii Israel a ahanta kak osh, aboha ish a nusi ish ai anumpuli ka, anumpa hash Israel i miko ya im anola he bano hoka, achi tok.

13. Mihma, Oh ia cha, ai v̄tta ka ont ho pisá; mikma pit hoyot isht v̄la lashke, achi tok. Atuk o, Yakeh! Tohlan ak o antvshke, achi hosh im annoa tok.

14. Atuk o yemma issuba puta, micha itichanvlli puta, tvshka chipota laua aiena hō pit pila tok: atuk o ninak o ona cha, temaha hā afolubli tok.

15. Atuk o onnahinli fehna hō Chitokaka immi hatak ash in tishu hvt wakaya cha, kohelv̄t ia ma, yakeh! tvshka chipota, micha issuba, micha itichanvlli aiena hosh temaha hā afolubli tok: mihma in tishu hash osh, Ikikkeh! a shahli ma! e katiohma chī cho? im achi tok.

16. Mihma, Chi nukshopa ná: pibafoyuka kak osh laua kv̄t yemma ibafoyuka ka i shahli hoka, achi tok.

17. Mihma Elisha yvt anumpa ilbusha anumpulit, Chihowa ma! nishkin a ish i fatummi na pisashke, achi tok. Mihma Chihowa yvt hatak himita yash nishkin a i fatummi na pisa tok: mihma yakeh! nenih hvt issuba luak, micha itichanvlli luak aiena kv̄t alotowa cha, Elisha ya afolubli tok.

18. Atuk o im onvt okla ma, Elisha yvt Chihowa ya anumpa ilbusha im anumpulit, Okla ilvppa nishkin lv̄bli yō isht ish issashke, chim asilhha lishke, achi tok. Mihma

Elisha im anumpa hatuk mak o nishkin lvbli yo isht isso tok.

19. Mihma Elisha yvt, Hina yvt ilvppak keyu, micha tumalia hvt ilvppak keyu hoke; hvs siakaiya na hatak hvsh hoyo ka hvch isht ona lashke, im achi tok. Atuk ak osh pelhiehit, Samalia ak o isht ona tok.

20. Atuk o yakohmi tok, Samalia ya okla ona ma, Elisha yvt, Chihowa ma! ilvppa puta ka nishkin a ish i fatummi ha pisashke, achi tok. Mihma Chihowa yvt nishkin a i fatummi na pisa tok: mihma yakel! Samalia iklvna yo hinli tok.

21. Mihma Israel i miko vt pisa mvv, Elisha ya, Aki ma! fahama la chi cho? fahama la chi cho? im achi tok.

22. Mihma, Ish fahama he keyu: chi bvshpo falaia, micha chim iti tanampo isht ish yukachi tuk okak osh ish fahama hinla cho? Puska, micha oka aiena ka itikba in talali na impvt ik ishko cha, i shahli ha ik im ona, achi tok.

23. Mihma impa chito ho im atahli tok: atuk o impvt, micha ishkot okla im vltaha ma, ik ia, ahni na i shahli ha im ona tok. Yohmi ho Silia okla aya yvt himakma Israel i yakni ya ont ik chukowo tok.

24. Atuk o i himmakma Silia i miko Benhatat vt in tvshka chipota moma ka itvnahli cha, ivt Samalia ya ont in tanampit afolublit abinachi tok.

25. Mihma Samalia ya hohchvfo chito fehna tok: mihma yakel! okla in tanampit afolublit abinachit aiasha na, issuba haksobish falaia noshkobo achvfa kvv tvli hvta shekel pokoli untuchina ma, pvchi yoshuba i yvlhki kab kvshkoa aiushta kvv tvli hvta shekel tahlapi tok.

26. Atuk o Israel i miko vt holihla paknaka aya ma, ohoyo achvfa kvv chitoli hosh, Si apela, a shahli miko ma! im achi tok.

27. Mihma, Chihowa yvt ik chi apelokma, nanta ho ishit chi apela la hinla cho? anihechi, keyukmvv abvshli ak ahinla cho? achi tok.

28. Michi miko vt, Nanta chi katiohmi cho? im achi tok. Mihma, Ohoyo ilvppvt, Cliso ha bohli, mikma himak

nitak a e pa tukmut, onnakma svso ha e pashke, vm achi tuk oke:

29. Mihma svso ha e honi cha, e pa tuk oke: atuk o onna ma, Chiso ha ish bohli na e pashke, im achi li tuk; atuk ak o ushi ya luhmishke, im achi tok.

30. Atuk o yakohmi tok, miko vt ohoyo im anumpa hash haklo mut, i nafohka ya hlileffi tok: mihmut holihta paknaka aya na okla hvt pisa ma, yakeh! na hishi tunna yvt anukaka nipi ya alataiya tok.

31. Yohmi mut, Shafat ushi Elisha noshkobo hvt himak nitak a on talaiakma, Chitokaka yvt yakohmi, micha i shahli kia si yvmihchashke, achi tok.

32. Mikma Elisha yvt in chuka binili ma, asvnonchi vhleha hvt takla chieya tok: mihma miko vt itikba hikia hatak a pila tok: yohmi kia anumpa shali vt vla takla ma, asvnonchi vhleha ha, Hatak vbi ushi ileppet sa noshkobo ha isha chi ho et pila tuk a hvsh pisa cho? Hvsh hoyo cha, anumpa shali vt vlakma, okhissa ya hvsh okhishta cha, okhissa akinli anumpa shali yash kellochit hvsh halanlashke: i shahli iyi yvt et iakayvt kitekahanchi keyu cho? im achi tok.

33. Atuk osh itim anumpuli moma ma, anumpa shali vt im vla tok: mihmut, Yakeh! ileppet nana ik achukmo Chihowa a minti mak oke; nanta katiohmi ho himakma Chihowa ya anukhietot hohoyo la hinla cho? achi tok.

CHAPTA VII.

MIHMA Elisha yvt, Chihowa im anumpa ha hvsh haklashke, Chihowa yvt yak achishke, Samalia holihta okhissa ya onnaha himak a chohmi fokakma, bota lipihbi vllhpisa achvfa kvv shekel achvafakma, bali vllhpisa tuklo kvv shekel achvfa chi hoke, achi tok.

2. Yohmi ma miko vt ibbak a vtaya tuk itichanvlli kvtipeni vt afalamichit, Chitokaka immi hatak ash, Chihowa yvt vba shutik a okhissushi puta ai ikbi hoh kia, yohma hinla

cho? im achi tok. Mihma, Yakeh! chi nishkin a isht ish pisa kia, ish pa chi keyu hoke, achi tok.

3. Atuk o holihta okhissa achukowa ya hatak ushta kv̄t lep̄losi vbi yosh chiya tok; micha, Nanta katiohmi ho e chieya cha, pilla chi cho?

4. Tumaha hak o ke chukowa, il achikmvt, tumaha ha hohehvfo hv̄t asha ka yv̄mma a pilla chi hoke: micha ilv̄ppa e chieyakmvt, pilla chi akinli hoke. Yvmohmi hokvt himak a inta! Silia tv̄shka chipota ak o iloh im onashke: pi okchalinch̄i hokmv̄no, pi okchaya chi hoke; amba pillich̄i hokmv̄no, pilla chi hoke, okla itim achi tok.

5. Atuk osh okpolusbi ma, Silia im vlbina ha ona chi hosh wakaya tok: atuk osh Silia im vlbina ont v̄hli ka ona ma, yakeh! hatak achv̄fa kia iksho tok.

6. I shahli hv̄t Silia tv̄shka chipota yash itichanv̄lli puta, micha issuba puta, tv̄shka chipota laua yv̄t aya ohmi ho haklochi tuk oka; mihma, Yakeh! Israel i m̄iko vt Helh okla i m̄iko v̄hleha, micha Echip i m̄iko v̄hleha ha tohno tuk o, ant pitiba chi hoke, okla itim achi tok.

7. Mihmvt okpolusbi ma, okla wakaya cha, im v̄lhtipo puta, micha im issuba puta, micha im issuba haksobish̄i fal̄aia puta aiena kv̄t binah hv̄t katiohmi tuk-v̄t momvt asha na yihlepv̄t im ilh̄fiopak isht ile chahafa tok.

8. Atuk o lep̄losi vbi v̄hleha hash osh binah ont v̄hli ka ona cha, v̄lhtipo achv̄fa ont chukowa mvt, impvt ishko mvt, tv̄li hv̄ta, micha tv̄li holisso lakna, micha nafol̄ka aiena ka ai ishit īvt ont luhmi tok; mihmvt anonti v̄lv̄t v̄lhtipo inla ont chukowa cha, yv̄mmakma ai ishit īvt ont luhmi tok.

9. Yohmi mvt, V̄lhpesa keyu ho e yvmohmishke: himak nitak vt anumpa achukma nitak okak o, nana kil achoshke; ilv̄ppa il asha na onnaha tohwikelikma, nana ik achukmo ka e pisa chi hoke: yvmohmi hokvt himak a inta! iloh ona cha, m̄iko in chuka achv̄fa ya iloh im anolashke, okla itim achi tok.

10. Atuk osh okla onvt tumaha holihta okhissa apist̄ikeli ya i howa tok; micha okla im anolit, Silia i binah ha il ona ma, yakeh! hatak achv̄fa kia iksho, micha hatak anum-

puli kia iksho ma, amba issuba hvt talakehit hiohmaya ma, issuba haksobish falaia yvt talakehit hiohmaya ma, vltipo puta kv kaniohmi tuk vt moma hosh hiohmaya tuk oke, achi tok.

11. Mihma holihta okhissa apistikeli vhleha ha i howa tok; mihma miko in chuka achvfa yvt anukaka asha tuk o im anoli tok.

12. Mihma miko vt ninak a wakaya cha, in tishu vhleha ha, Silia okla hvt nana hvti kaniohmichi tuk a hvehim anoli lashke, hvehim asilhha lishke, pi hochevfo ka okla ithana hoke; yohmi hatuk osh, Tumaha ha okla kohehakma, okchaya moma na e hokli cha, tumaha ha e chukowashke, achi hosh i binah ha okla kohevvt yakni haiaka ya luma hoke, in achi tok.

13. Mihma in tishu vhleha achvfa kv afalamichit, Issuba hvt.okehayvt tumaha hinli ka tahlapi ho ik eshi, chim asilhha lishke (yakeh! Israel apakna moma yatuk vt okehayvt alhto ka itilauishke: yakeh! Israel apakna moma yatuk vt taha ka itilauishke;) mikma e pilakmvt, e pisashke, achi tok.

14. Mihma itichanulli issuba shali tuklo ho okla ishi tok; mihma miko vt Silia tvshka chipota ya iakaiyachit pila cha, Oh ivt ho pisá, achi tok.

15. Mihma okla iakaiyvt Chatan a ona tok: mihma yakeh! Silia okla hvt tushpet itenowa kak osh kampila tuk a hina takla moma ka nafohka, micha nan aielhto aiena kv alota tok: mihma anumpa shali vhleha hash osh falama cha, miko ya im anoli tok.

16. Mihma okla hvt kohevvt ia cha, Silia okla i binah ha wehpuli tok. Yohmi ho Chihowa im anumpa hatuk mak o, bota lipilbi vlpisa achvfa kv shekel achvfa ma, bali vlpisa tuklo kv shekel achvfa tok.

17. Mihma miko vt itichanulli kepituni yemma ibbak a vtaya yatuk vt holihta okhissa ya apistikela chi ho atokoli tok: mihma okla hvt holihta okhissa ya ai ahevlichei na, Chitokaka immi hatak vt, miko vt im ona ma, anumpulit im achi tuk mak o, illi tok.

18. Atuk o Chitokaka immi hatak ash osh miko ya im

anumpulit, Samalia holihta okhissa ya onnaha himak a chohmi fokakma, bali vllhpisa tuklo ket shekel achvfakma, bota lipihbi vllhpisa achvfa ket shekel achvfa chi hoke, achi tuk mak o yohmi tok.

19. Mikma itichanvlli krpitvni yash osh afalamichit, Chitokaka immi hatak ash, Yakeh! Chihowa yvt tla shutik a okhissushi puta ka ai ikbi hoh kia, yohma hinla cho? achi tok. Mihma, Yakeh! chi nishkin a isht ish pisa kia, ish pa chi keyu hoke, achi tok.

20. Yohmi tuk mak o i yohmi tok; okla hvt holihta okhissa ya ai ahvlichhi na illi tok okvt.

CHAPTA VIII.

YOHMIKMA Elisha yvt ohoyo yvmma ushi ya falvmmichit okchalinechi tuk vt im anumpulit, Chishno, micha chin chuka achvfa aiena ket hvsh wakaya cha, kanima ho hvsh ai ahgshwa hinlakmut, ont hvsh ahgshwashike: Chihowa yvt hohchvfo hvt asha chi ho apesa hoka; mikma afemmi untuklo ho yakni ya ant onvtoyula pulla chi hoke, achi tok.

2. Atuk o ohoyo hash osh wakaya cha, Chitokaka immi hatak im anumpa hatuk mak o yvmohmi tok; micha yvmma, micha in chuka achvfa aiena ket Filistin okla i yakni ya ont ai ahgshwa na afemmi untuklo tok.

3. Atuk osh afemmi untuklo ket ont taha ma, yakohmi tok, ohoyo hash osh falamvt Filistin okla i yakni ya kohchvt ona tok: mihmut in chuka, micha im osapa yash miko ya im asilhha chi hosh kohchvt ia tok.

4. Mihma miko vt Chitokaka immi hatak ash in tishu Kehasi ya im anumpulit, Nana afelna moma Elisha yvt yvmihinechi chatuk a is sm anolashke, chim asilhha lishke, achi tok.

5. Atuk o yakohmi tok, tlla illi yatuk a kaniolimit falvmmichit okchalinechi tuk a miko ya im anolit isht anta ma, yakeh! ohoyo yvmma ushi ya falvmmichit okchalinechi tok ash osh in chuka, micha in osapa yash miko ya im asilhha

tok. Mihma Kehasi vt, A shahli miko ma! ohoyo hut ilvppak oke, mikma ushi ya Elisha yrt falvmmichit okchalinchitok vt ilvppak oke, achi tok.

6. Mihma miko vt ohoyo hash i ponaklo ma, im anoli tok. Mihma miko vt tishu achufa im atokoli cha, Inmi hatok moma, micha yakni ya kohchvt ia tok vttvt himak a ant vhli ka osapa yash a waya tuk moma ka isht ish i falvmmichashke, achi tok.

7. M.kma Elisha yrt Tamaskvs a ona tok: mihma Silia i miko Benhatat vt abeka hosh itonla tok: mihma, Chitokaka immi hatak vt ilvppa vlvshke, achi hosh im annoa tok.

8. Mihma miko vt Hasael a, Nahvlbina ish ishi cha, ivt Chitokaka immi hatak ash ont afamvt tohnot, Abeka ilvppa a sa hlakoffa chi cho? ish achi na Chihowa ya i ponaklashke, im achi tok.

9. Mihma Hasael vt afamvt ia mvt, nahvlbina ya nana achukma ilaiyukali moma Tamaskvs aiasha ka, kamel shali pokoli ushta ho ieshi cha, ia tuk osh tikba ont hikivt, Chiso Benhatat Silia i miko vt et chi sa pilt, Abeka ilvppa a sa hlakoffa chi cho? achishke, achi tok.

10. Mihma Elisha yrt, Ia cha, Chi hlakoffa hinla pulla hoke, ont im achi; yohmi kia illi pulla chi ka Chihowa yrt sa pisachi tuk oke, im achi tok.

11. Mihmvt nashuka ya atukkolit onochi na hofahyvt taha tok; mihma Chitokaka immi hatak ash osh nishkin okchi minti tok.

12. Mihma Hasael vt, Nanta katiohmi ho a shahli hut nishkin okchi minti cho? achi tok. Mihma, Nana ik achukmo ka Israel im vlla vhleha ha ish i yvmiheha chi ka ithana li hokvt: i holihta kullo puta ka luak isht ish hukma chi hoke, micha hatak i himithoa vhleha ha brshpo falaia isht ish ba chi hoke, micha im vlla pishi vhleha ha ish kahlalikmvt, im ohoyo vhleha hut vlla shanli ya ish patvffa chi hoke, im achi tok.

13. Mihma Hasael vt, Yohmi kia chin tishu hut ofi okma, nanta hatuk osh nachinto ilvppa yvmiheha hinla cho? achi

tok. Mihma Elisha yvt, Silia i miko chia ho Chihowa yvt sa pisachi tuk oke, achi tok.

14. Mihma Elisha ya i filmmit ia mvt, i shahli ha im ona tok: mihma, Elisha yvt nanta ho chim achi tuk oh cho? im achi tok. Mihma, Chi hlakoffi pulla chi ka vm anoli tuk oke, achi tok.

15. Atuk osh onna ma yakohmi tok, nantvna sukko ho ishi cha, oka okvchi mvt, nashuka ya ompohomo na illi tok: mihma Hasael vt vlhtobvt miko tok.

16. Mihma Israel i miko Ahab ushi Choram vt miko tok afvmmi ont ishit tahlapi ho, Chehoshafat vt Chutah i miko atuk o, Chutah i miko Chehoshafat ushi Chehoram vt miko tok.

17. Miko mvt, afvmmi pokoli tuchina akucha tuklo tok; atuk osh afvmmi untuchina ho Chelusalem a ahantvt miko tok.

18. Mihmvt Ahab in chuka achvfa yvt yvmohmi tuk a chohmit, Israel i miko vhleha i hina yak o a nohwa tok; Ahab ushetik ak osh tekchi yatuk oka: micha Chihowa itikba ya nana ik achukmo kak o yvmohmi tok.

19. Yohmi kia Chihowa yvt in tishu Lewi atok pulla, yvma, micha im vlla vhleha ha nitak moma ka pula ihima he, miha tuk mak osh, Chutah ya chukillissvchi ik bunno tok.

20. I nitak o Etom vt Chutah ibbak i nutaka tuk vt i filmmit i sanali cha, ilap akinli i miko ya mikochi tok.

21. Yohmi ho Choram, micha itichanvlli moma aiena kv Sai ya ona tok: atuk osh ninak o wakaya cha, Etom okla, micha itichanvlli krpitvni vhleha aiena kv afolubli tuk a issot kanchi tok: mihma okla hv yihleptv im vlhtipo puta ka ona tok.

22. Yohmi kia Etom vt Chutah ibbak i nutaka tuk vt i filmmit i sanali tok vt himak nitak a moma hoke. Yohmi ma Libnah vt mih makinli ho i filmmit i sanali tok.

23. Mikma Choram nana akaniohmi tok inla kv, micha nana yvmihchi tok moma kv Chutah i miko vhleha i nitak holisso ha a holisso keyu cho?

24. Mihmut Cholam vt iki vhleha takla nusi mut, iki vhleha takla Lewi in tumaha ha a hollohpi tok : mihma ushi Ahasiah vt vltobvt miko tok.

25. Israel i miko Ahab ushi Cholam vt miko tok afvmmi ont isht auahtuklo ho, Chutah i miko Cheholam ushi Ahasiah vt miko tok.

26. Ahasiah vt miko mut, afvmmi pokoli tuklo akucha tuklo tok ; atuk osh afvmmi achvfa ho Chelusalem a ahantvt miko tok : micha ishki hohchifo kv Ahlahiah yosh Israel i miko Omli ushetik atok.

27. Mihmut Ahab in chuka achvfa i hina yak o a nohowa cha, Ahab in chuka achvfa yatuk a ehohmit, Chihowa itikba ya nana ik achukmo kak o yrmohmi tok : Ahab in chuka achvfa ya ai itawayat yatuk okvt.

28. Mihmut Ahab ushi Cholam a takla ivt Silia i miko Hasael a Lamolh-kileat a ai itibit ona tok ; mihma Silia hatak vhleha hv Cholam a nvhli tok.

29. Mihma miko Cholam vt Silia i miko Hasael a itibi ma, Laham ya Silia hatak vhleha hv a nvhli tuk a, Chesleel ak o ont ai ile hlakofficha chi hosh falamvt ia tok : mihma Chutah i miko Cheholam ushi Ahasiah vt, Ahab ushi Cholam vt abeka hatuk oka, pivt Chesleel a ona tok.

CHAPTA IX.

MIHMA hopaii Elisha yvt hopaii ushi vhleha achvfa ka hoyo mut, Ish vskofvchi cha, kotoba bila vltto ilvppa ish ieshi cha, Lamolh-kileat a ish iashke :

2. Atuk osh yvmma ish onakmut, Nimshi ushi Chehoshafat a ushi Chehu ya ont ish pisashke ; micha ish iba chukowakmut, itibapishi vhleha ai ititakla ya ish wakayvchi cha, aboha anukaka felna ka isht ish onashke :

3. Yohmikmut kotoba bila vltto yash ish ishi cha, noshkobo ha ish on blatvblashke, micha, Chihowa yvt yak achishke, Israel a ish i miko yachi ho na chi ahvmmi lishke, ish achashke : yohmikmut okhissa ya ish tiwi

cha, ish malelashke, micha ish hikia he keyu, im achi tok.

4. Mihma hatak himita, hopaii hatak himita yash osh Lamolh-kileat a ia tok.

5. Atuk osh ona ma, tvshka chipota i kvpitni vhleha hut chieya tok: mihma, Kvpitni chia ha anumpa ishit chim aya lishke, achi tok. Mihma Chehu vt, E moma ka pi katima kak o? achi tok. Mihma, Chishno ya, kvpitni ma! achi tok.

6. Mihma wakaya cha, aboha ya ont chukowa tok; mihma bila yash noshkobo ha on hlatvbi tok; micha, Israel in Chitokaka Chihowa yvt yak achishke, Chihowa im okla Israel a ish i miko yachi ho na chi ahvmmi lishke.

7. Mikma chi shahli Ahab in chuka achvfa ya issot ish kancha chi hoke; yohmi na an tishu vhleha, hopaii puta im issish, micha Chihowa in tishu moma im issish atuk a Chesebel ibbak ak o a hoyot ilaiokha la chi hoke.

8. Yohmikra Ahab in chuka achvfa okluha kv illit taha chi hoke; mikma Ahab immi, vlla nakni, micha yuka, micha yuka issa aiena hosh Israel aiasha ka, ishit kanchi la chi hoke.

9. Micha Ahab in chuka achvfa ya Nebat ushi Cheloboam in chuka achvfa yatok a chohmichi la chi hoke, micha. Ahichah ushi Baasha in chuka achvfa yatok a chohmichi la chi hoke.

10. Mikma ofi puta kv Chesebel a Chesleel i yakni ya ai vpakma, hohpi vt iksho ka hi oke, im achi tok. Mihmut okhissa ya tiwi cha, maleli tok.

11. Mihma Chehu vt kohchvt i shahli in tishu vhleha ha im ona tok: mihma achvfa kv, Achukma hoh cho? nanta katiohmi ho tasimbo ilvppet chim vla cho? im achi tok. Mihma, Hatak, micha im anumpa ha hvsh ithaiyanvshke, im achi tok.

12. Mihma, Ahli keyu; pim anoli, e chim asilhvshke, okla achi tok. Mihma, Yakohmichit, micha yakohmichit vm anumpulit, Chihowa yvt yak achishke, Israel ish i miko yachi ho na chi ahvmmi lishke, achishke, achi tok.

13. Mihma okla tushput hatak vt i nafohka aiyyukali ka

atuya paknaka ya i patali cha, ishitpufa olachit, Chehu vt mikoshke, achi tok.

14. Yohmi ho Nimshi ushi Chehoshafat a ushi Chehu vt anumpa luma ikbit Cholam a i sanali tok: (yohmi ka Silia i miko itikba ya Cholam, micha Israel moma aiena ket Lamoli-kileat a atonit asha hatok.

15. Amba Cheholam vto Silia i miko Hasael a itibi ma, Silia hatak ehleha hut nuhli tuk a, ile hlakofficha chi hosh falamvt Chesleel a ia tuk atok.) Mihma Chehu vt, Hvehim anukfila hokma, hlakoffi achufa kia temaha ha kohchut irt Chesleel a ont ik ai anolo kashke, achi tok.

16. Mihmet Chehu vt om binili cha, Chesleel pila ha ia tok; Cholam vt yummak o itonla hatuk oka. Mihma Chutah i miko Ahasiah vt Cholam a pisvt ona tuk atok.

17. Mihma Chesleel aboha krillo chaha paknaka ya hatak hopokoyo yvt o hikia tuk vt Chehu in teshka aya achufa yvt miuti na pisa met, Teshka aya achufa ya pisa lishke, achi tok. Mihma Cheholam vt, Issuba ombinili achufa ishi ishi cha, ish pila na ont afamvt, Achukma hoh cho? im achashke, achi tok.

18. Mihma issuba ombinili yvt irt ont afama cha, Miko vt yak achishke, Achukma hoh cho? achi tok. Mihma Chehu vt, Achukma ya nanta ishit chi ahalaia hosh? fullotvt vm ashaka pila ia, achi tok. Mihma hatak hopokoyo yash osh, Anumpa shali vt im ona tuk kia, ik falamoshke, achi tok.

19. Mihma issuba ombinili atukla ho pila na im ona met, Miko vt yak achishke, Achukma hoh cho? achi tok. Mihma Chehu vt, Achukma ya nanta ishit chi ahalaia hosh? fullotvt vm ashaka pila ia, achi tok.

20. Mihma hatak hopokoyo yvt anolit, Im ona hokak osh, ik falamoshke; mikma tihleli ket Nimshi ushi Chehu tihleli ak o chohmishke; tasimbo chohmit aiyimita hosh tihlela he bano chatuk okrt, achi tok.

21. Mihma Cheholam vt, Shalichi, achi tok. Mihma im itichanelli ya shalichi tok. Mihma Israel i miko Cheholam, micha Chutah i miko Ahasiah itatuklot im itichanelli bika

om binili cha, Chehu ya afamyt ia tuk osh Chesleel hatak Nabolh im osapa ak o ahayuchi tok.

22. Atuk osh yakohmi tok, Cheholam vt Chehu ya pisa mut, Chehu ma! achukma hoh cho? achi tok. Mihma, Achukma yvt nanta hosh? chishiki Chesebel vt ahaui, micha ishtahullo laua kv̄t yakohmi fehna ka? achi tok.

23. Mihma Cheholam vt fulullich̄i mut, maleli tok; micha Ahasiah ya, Haksichi yoke, Ahasiah ma! im achi tok.

24. Mihma Chehu vt im ititanampo ya ai okluhv̄chit shebli mut Cheholam a shakba ititakla nv̄hli ma, oski naki vt chukv̄sh a ont kohcha na im itichanv̄lli ya itula tok.

25. Mihma im itichanv̄lli i kv̄pitv̄ni Bitka ya, Ish ishi cha, Chesleel hatak Nabolh im osapa ya ish pilashke: vno, micha chishno il itatuklo kv̄t on chieyvt iki. Ahab a iakaiyvt il aya ma, naweki yakohmi ka Chihowa yvt onochi tok a ish ithaiyanashke:

26. Nabolh im issish, micha ushi v̄hleha im issish aiena ka pilashash pisa li tuk keyu cho? Chihowa yvt achishke; atuk osh osapa ilv̄ppa a chim atobbi la ch̄i pulla hoke, Chihowa yvt achishke. Yvmohmi hoka himak a Chihowa im anumpa hatuk mak o ishi cha, osapa ya pilá, im achi tok.

27. Amba Chutah i m̄iko Ahasiah vto pisa mut, osapushi chuka hina ya maleli tok: mihma Chehu vt iakaiyvt hliohli cha, Yummakmá, achi tok. Atuk o im itichanv̄lli foka na Ku oiyvt atia, yumm̄ut Ibleam bilika talaia ka a nv̄hli tok: mihma malelit Mekitto ya ona cha, yummak o ai illi tok.

28. Mihma in tishu v̄hleha hv̄t itichanv̄lli fohkit Chelusalem a isht ona cha, im ahollohpi ya iki v̄hleha takla Lewi in tmahia hak o a holpi tok.

29. Mihma Ahab ushi Choram vt m̄iko tok afv̄mmi ont isht auahchv̄fa ho, Ahasiah vt Chutah ya i m̄iko tok.

30. Atuk o Chehu vt Chesleel a vla ka, Chesebel vt haklo tok; mihmut nashuka ya anchahli mut, noshkobo ha shemv̄chi cha, okhissushi ya pit vtaya tok.

31. Atuk osh Chehu vt holihta okhissa ya ant chukowa

ma, Simli vt i shahli ha vbi mut, im achukmaka tok o? achi tok.

32. Mihma nashuka ya akachakalichit okhissushi ya pit pisa mut, Kuta hosh subafoka cho? kuta? achi ma, tishu tuklo, tuchina kanima hosh et vtaya tok.

33. Mihma, Aka et ho pilá, achi tok. Mihma okla aka et pila tok: mihma im issish kaniohmi kvt aboha, micha issuba puta aiena ka o fimimpa tok: mihma yakni ya ahvlichí tok.

34. Atuk osh ont chukowa cha, impvt ishko tok: micha, Oh ia cha, ohoyo kalakshi ilvppa ont ho pisa cha, ho hohpi; miko ushetik oka, achi tok.

35. Mihma okla hohpit ia tok; yohmi tuk kia nashkobo foni, micha iyi, micha ibbak pvtha aiena ak illa ho ahayuchi tok.

36. Mihmut okla falamvt ant im anoli tok: mihma, Ilvpak osh Chihowa im anumpa hoke, yumma Tishbeh hatak Elichah ya tohno na anumpulit, Chesleel i yakni ofi puta kvt Chesebel a ai vpa chi hoke:

37. Mikma Chesebel haknip illi vt yvlhki chohmit yakni paknaka Chesleel i yakni ya aiasha chi hoke; yohmikma, Ilvppvt Chesebel oke, acha he keyu, achi tok mak oke, achi tok.

CHAPTA X.

MIHMA Ahab vt ushi pokoli untuklo hosh Samalia ya asha tok. Mihma Chehu vt Samalia ya pit holissochit, Chesleel kpvitni vhleha, asvnonchi vhleha, micha Ahab im vlla hofantichi vhleha aiena ka pit i pivt,

2. Himak a holisso ilvppvt hvchim ona makinlikmut, hvchi shahli ushi vhleha hv hvchi takla asha, micha itichanvlli puta, micha issuba puta, micha tumaha holihta kullo, micha tenvp aya isht im vltaha aiena kvt hvchim asha hokvt;

3. Hvchi shahli ushi vhleha ha achukma i shahli, micha a yumohma he vlvpiesa i shahli kak o hvsh ahayuchi cha,

iki im aiombinili holitompā ya hvsh binilichi cha, hvchi shahli in chuka achvfa ya hvsh im itibashke, achi tok.

4. Mihma okla nukshopa kut atampa fehna mut, Yakeh! miko tuklo kut itikba ik hielo tok; yohmi ka katiohmi kak osh pishno vto e hiea hinla cho? achi tok.

5. Mihma miko in chuka achvfa pehlichī, micha tumaha ha pehlichī, micha asvnonchi vhleha, micha vlla hofantichi vhleha aiena kash osh Chehu ya anumpa pit i pilvt, Chin tishu vhleha pia hoke, micha nana ho ish pi mihakma, moma e yvmihcha chi hoke; hatak nana kia e mikocha he keyu hoke: chishno vt ish pisa kut chim vllpiesa kak osh ish yvmihchashke, achi tok.

6. Yohmi ma atukla ma holisso pit i holissochit, Vno hvchia hokmut, micha vm anumpa ha hvshi haklo hokmut, hvchi shahli ushi hatak vhleha noshkobo ha ishit, onnaha himak a chohmi fokakma Chesleel a isht hvsv vlashke, achi tok. (Yohmi ka miko ushi vhleha hvv pokoli untuklo hosh tumaha yvmma hatak hochitoka vhleha yosh hofantichi tuk a takla aiasha tok.)

7. Atuk o yakohmi tok, holisso hvv im ona ma, miko ushi vhleha ha hatak pokoli untuklo ho vbi cha, noshkobo ha kishi apitta mut, Chesleel pit i pila tok.

8. Mihma anumpa shali vt ant im anolit, Miko ushi vhleha noshkobo ha isht vlvshke, achi tok. Mihma, Holihia okhissa achukowa yak o itvnaha tuklo ho hvsh ashachashke, mikma asha na onnashke, achi tok.

9. Atuk osh yakohmi tok, onnahinli ma, kohchvt ont hikia cha, okla moma ka, Aivllpiesa hvchia hoke; yakeh! vno ak osh a shahli ha i sanalit anumpa luma ikbit vbi li tuk oke; amba kuta hosh iluppa moma ka vbi tuk oh cho?

10. Yvmohmi hoka Chihowa im anumpa hvv, yvmvut Ahab in chuka achvfa ya Chihowa yvt nana ahanchi tok a nana achvfa kia aka itula he keyu ka hvsh ithaiyanashke; Chihowa yvt in tishu Elichah ya tohno na anumpuli tok mak osh yvmihchi tuk oka, achi tok.

11. Micha Chehu vt Ahab in chuka achvfa Chesleel a

asha tuk, micha hatak i holitompa vhleha moma, micha i kana vhleha, micha naholitompa isht im asha vhleha aiena ka vbit tahli cha, achufa kia ik i hlakoffecho tok.

12. Mihma wakaya cha, ia mut, Samalia ya ona tok: atuk osh hina takla Belh-eket-haloim a hikia mut,

13. Chehu vt Chutah i miko Ahasiah itibapishi vhleha ha pisa cha, Kuta hvchia hoh cho? achi tok. Mihma, Ahasiah itibapishi vhleha pia hoke: micha miko im vlla vhleha, micha ohoyo miko im vlla vhleha aiena ka il aiokpvcha chi hosh il ia hoke, achi tok.

14. Mihma, Okchaya ho oh ishi, achi tok. Mihma okchaya ho okla ishi cha, keli hofobi Belh-eket talaia ya hatak pokoli ushta akucha tuklo ho ai vbi tok: achufa kia ik hlakoffecho tok.

15. Atuk osh yemma vttet ia mut, Lechab ushi Chelonatab vt afamut minti na pisa cha, aiokpvchi tok: mihmut, Sa chukvsh vt chi chukvsh a im vhpesa ka, yemma chiyuhmi hosh chi chukvsh vt vhpesa cho? achi tok. Mihma Chelonatab vt, Yohmishke, achi tok. Yohmi hokmut, chibbak a is smashke, achi tok. Mihma ibbak a ima tok: mihma ishi cha, halellit itichanvlli yash fohki tok.

16. Mihmut, Si awant ia cha, Chihowa ya amosholit im antia li ka pisa, achi tok. Yohmi ho itichanvlli ya okla ibai om binilichi tok.

17. Atuk osh Samalia ya ona mut, Chihowa im anumpa, yemma Elichah ya im anumpuli tok mak a, Samalia ya Ahab vt im asha tuk a vbit ont taiyahli tok.

18. Michah Chehu vt okla moma ka itenahli cha, Ahab vt Baal a in toksvli isktenosi tok a, amba Chehu vto in toksvli fehna chi hoke.

19. Yemohmi hoka himak a Baal i hopaii moma, in tishu moma, micha i naholitompa isht asha moma ka hvs sm itenahlashke; achufa kia iksho kut iksho kashke; nan vbit isht aiokpvchi chinto ho Baal a isht im vta la chi hoka: kuna kia ikshokmut, okchaya he keyu hoke, im achi tok. Yohmi kia Chehu vt Baal im antia vhleha ha vbit tahli chi hosh i kostini hatuk oke.

20. Mihma Chehu vt, Baal a im itvna^ha holitopa y^o hvsh apesashke, achⁱ tok. Mihma okla apesa tok.

21. Mihma Chehu vt Israel yakni moma ka a hoyo tok: yohmi h^o Baal im antia v^hleha hv^t v^lvt, hatak ach^ufa kia ik lo hosh anta kv^t iksho tok. Mihmv^t Baal in chuka y^a okla chukowa tok; mihma Baal in chuka yv^t alotv^t in t^onnv^p v^ttvt ia kv^t in t^onnv^p a ona tok.

22. Mihma nafohka aiasha apistikeli y^a, Baal im antia moma ka nafohka isht i kohch^a, im achi tok. Mihma nafohka y^a isht i kohcha tok.

23. Mihma Chehu, micha Lechab ushⁱ Chehonatab itatuklot Baal in chuka ont chukowa cha, Baal im antia v^hleha h^a, Hvsh hoyashke, micha Chihowa in tishu v^hleha hv^t iksho h^o, amba Baal im antia v^hleha kak bano ka hvsh pisashke, im achi tok.

24. Atuk o nan vbit isht aiokpv^{ch}i, micha na hukmit isht aiokpv^{ch}i im issa chⁱ hosh okla chukowa tok; mikma Chehu vt yemma hatak pokoli untuchina hosh kocha i hielⁱ cha, Hatak a isht v^lvt hv^{ch} ibbak fohki li tuk a hatak kanima hosh hlakoffikⁱna, im ilhfiopak vt im ilhfiopak a v^hhtoba chⁱ hoke, achi tok.

25. Atuk o yakohmi tok, na hukmit isht aiokpv^{ch}i im issa kv^t ont tahli mv^t, Chehu vt anumpa a^hl^lchⁱ v^hleha, micha itichanv^lli kv^pitvⁿi v^hleha h^a, Ho chukowa cha, oh vbi; hatak ach^ufa kia ik kohcho kashke, im achi tok. Mihma bvshpo falaia isht vbit tahli tok: mihmv^t anumpa a^hl^lchⁱ v^hleha, micha itichanv^lli kv^pitvⁿi v^hleha hv^t kocha pila mv^t, Baal im aboha tuma^ha h^a ona tok.

26. Mihmv^t Baal im aboha i naholbt toba liohli y^a okla ishit a kohcha cha, hukmi tok.

27. Mihmv^t Baal holbt toba y^a okla kinv^{ff}i mv^t, Baal im aboha y^a okla kinv^{ff}i cha, apotaka chuka puta ikbi tok a himak nitak a moma hoke.

28. Yakohmichi hosh Chehu vt Baal a Israel a ai ishit kanchi tok.

29. Yohmi kia Nebat ushi Cheloboam vt nan ashvchit Israel a ashvch^{ch}i tok, ymmv^t t^uli holisso lakna wakushi

tuklo Behlel a hikia, micha Tan a hikia itatuklo ka ik i filvmmo tok.

30. Mihma Chihowa yvt Chehu ya, Ta tikba ya aivlhpiesa mak o yvmohmit ish achukmali tuk, micha sa chukvsh nuk-foyuka tuk moma mak o Ahab in chuka achufa ya ish yvmihchi hokvt, vlla vhleha aaitishali ont aiushta kv Israel im aiombinili holitompa ya chim ai om binila hi oke, im achi tok.

31. Yohmi kia Chehu vt ahah! ahnit chukvsh ai oklvhvchit Israel in Chitokaka Chihowa i nan vlvhvisa ha ik a nowo tok: Cheloboam vt nan ashvchit Israel a nan ashvchechi tok a ik i filvmmo tok.

32. Nitak yvmma foka ma Chihowa yvt Israel a atikko-nuffiit isht ia tok: mihma Hasael vt Israel im aivhli afullota moma,

33. Chatan a vttvthvshi akohehaka pila ia hosh, Kat okla, micha Luben okla, micha Manasseh okla, yvmmvt Kileat yakni moma, Aloe, yvmmvt Anon okhina bilika talaia ka vttvt ia hosh, Kileat, micha Bashian aiena ka fahama tok.

34. Mikma Chehu nana akaniohmi tok inla kv, micha nana yvmihchi tok moma kv, micha nana ai im aiahli tok moma aiena kv Israel i miko vhleha i nitak holisso ha a holisso keyu cho?

35. Mihma Chehu vt iki vhleha ha takla nusi tok; mihma Samalia ak o okla a holpi tok: mihma ushi Chehoahas vt vlvhtobvt miko tok.

36. Mihma Chehu vt Samalia ya ahantvt Israel a i miko tok nitak moma kv afvmmi pokoli tuklo akucha untuchina tok.

CHAPTER XI.

ATUK o Ahasiah ishki Ahlalah vt ushi vt illi na pisa mv, wakaya cha, miko ishtatiaka moma ka vbit tahli tok.

2. Yohmi kia miko Cholan a ushetik, Ahasiah ya in tek Chehosheba yvt Ahasiah ushi Choash a, miko ushi vlvhleha illit taha ka, a kohchit lumvt ishit kvnia tok; yvmma, micha

pishechi itatuklo ka aboha anusi ya a kohelit Ahlaliah ya okla in luhmi na ik illo tok.

3. Mihma lumvt takla Chihowa in chuka ahanta na afemmi hannali tok: mihma Ahlaliah vt yakni ya i miko tok.

4. Atuk o afemmi ont isht untuklo ma, Chehoiata yvt pit hoyot atoni, micha anumpa ahlichichien aiena tahlepa puta i kypitvni vhleha ha Chihowa in chuka ya isht vla cha, nana itim apesvt, Chihowa i chuka ya anumpa kullo ya ai il onochelchichien mvt, miko ushi ya pisachi tok.

5. Micha im apesvt, Anumpa hvsh aiahlichichien chi ket ilvpak oke; ont hvsh atuchina ket nitak hullo ya hvsh chukowa cha, miko im aboha ai atoni apistikeli hvchia hachichien hoke.

6. Mikma ont atuchina ket Su holihta okhissa ya hielachichien hoke; mikma ont atuchina ket anumpa ahlichichien ashaka holihta okhissa ya hielachichien hoke: yohmi hosh aboha ai atoni yash hvsh apistikeli cha, okla ha hvsh kanvlichichien chi hoke.

7. Yohmi ket nitak hullo ya kashapa tuklo hosh hvsh kohcha moma ket Chihowa in chuka ai atoni ya miko vt anta ka hvsh apistikela chichien hoke.

8. Micha hatak moma ket nahalupa ieshi bieka hosh miko ya hvsh afolubla chichien hoke: mikma kena hosh a baiulli ka vlakmvt, illashke; micha miko vt kohoncha, micha ant chukohowa ka hvsh apehashke, achi tok.

9. Mihma tahlepa puta i kypitvni vhleha hv naholitompa isht vttah Chehoiata yvt apihisa tuk moma mak o yvmihchichien tok: mihmvt hatak vt in tyshka ai yukali ket nitak hullo ya chukowa hetuk, micha nitak hullo ya kohcha hetuk aiena ka ishi cha, naholitompa isht vttah Chehoiata ya im vla tok.

10. Mihma tahlepa puta i kypitvni vhleha ha naholitompa isht vttah yash osh miko Lewi in tvi teli halupa ontela puta, micha in teliha puta Chihowa in chuka ai asha tuk a ima tok.

11. Mihma anumpa ahlichichien vt nahalupa ieshi bieka hosh miko ya afolublitchuka chukbika ishtimpakimma vttvt ia hosh, chuka vlvfbekimma chukbika ya ona mvt, alta, micha chuka ya i bilika ka hielichien tok.

12. Mihma miko ushi yash ishit kohcha mvt, bita ha om biteli cha, nan isht atokowa ya ima tok: mihma okla miko-chi cha, nan ahummi tok: mihmet ibbak a okla itabolichi mvt, Miko vt okchayashke, ahanchi tok.

13. Atuk o Ahlaliah vt anumpa ahlichí, micha okla aiena kv̄t shakapa ka haklo mvt, okla ha im onvt Chihowa in chuka ya ona tok.

14. Micha pisa ma, yakeh! a yvmohmi chatuk mak o, miko vt ahikia paknaka ya hikia ma, kv̄pitni v̄hleha hash osh, micha ishit pufa olachi puta kv̄t miko ya bilika hielí ma, okla moma kv̄t nayukpv̄t ishit pufa olahanchi tok. Mihma Ahlaliah vt i nafohka ya hlilvfi mvt, Anumpa luma ikbit miko i sanali yoke, anumpa luma ikbit miko i sanali yoke, achi tok.

15. Mihma naholitompa isht v̄tta Chehoiata yvt tahlepa puta i kv̄pitni v̄hleha, tr̄shka chipota pehlíchi v̄hleha ha i mihvt, A baiv̄lli ka ho kohchi; mikma kv̄na hosh iakaiyakma, bushpo falaia ya isht illichí, im achi tok. Naholitompa isht v̄tta yash osh, Chihowa in chuka ya ik ai illo kashke, achi hatuk oka.

16. Mihma ibbak ishit potolit okla ushi tok; mihma issuba puta kv̄t miko im aboha ai v̄la chatuk hina yak o ia tok; mihma yvmmak o ai illichí tok.

17. Mihma Chehoiata yvt Chihowa ya, micha miko, micha okla aiena ka nan itim apesv̄chi ho Chihowa im okla hachin tok; micha miko ya, micha okla ha itim apesv̄chi akinli tok.

18. Mihma yakni ya okla moma kv̄t Baal im aboha ona cha, kv̄vfi tok; micha im alta puta, micha i naholbvt toba puta aiena ka boshullíehit tabli mvt, Baal naholitompa isht im v̄tta Mattan a alta puta itikba ya ai v̄bi tok: mihma naholitompa isht v̄tta yash osh Chihowa in chuka ya apesv̄chi puta ka atokoli tok.

19. Mihmet tahlepa puta i kv̄pitni v̄hleha, micha nan atoni, micha anumpa ahlichí v̄hleha, micha yakni ya okla moma ka ishi tok; mihma miko ya Chihowa in chuka ya okla ai ishit anumpa ahlichí i holihta okhissa hina yak o

minti hosh miko in chuka ya isht vla tok: mihma miko vhleha im aiombinili holitompa om binili tok.

20. Mihma yakni yemma okla moma kut nayukpa ma, tumaha kut nuktaiyala tok: mihma Ahaliah ya miko in chuka bilika ya bushpo falaia yo isht ai illichu tok.

21. Chehoash vt miko mvt, afvmmi untuklo tok.

CHAPTA XII.

CHEHU vt miko tok afvmmi ont isht untuklo ho Chehoash vt miko tok; atuk osh afvmmi pokoli ushta ho Chelusalem a ahantvt miko tok: mihma ishki hohchifo kut Sibiah yosh Bee-sheba yak o a minti atok.

2. Mihma Chehoash vt i nitak moma kut naholitompa isht vttā Chehoiata yvt im avvchi takla kvno, Chihowa itikba ya aivlhpiasa kak o yvmohmi tok.

3. Achahaka puta kak illa ho ishit ik kancho tok: okla hut achahaka puta ka nan ai vbit isht aiokpvchi, micha nabalama a hukmi kut imoma tok.

4. Mihma Chehoash vt naholitompa isht asha vhleha ha, Nana hullochi tuli holisso moma, tuli holisso achukma yo Chihowa in chuka isht vla ka, kaniohmi ho im vlvhpiasa tuk aiyukali in tuli holisso, micha hatak vt chukvsh nukfoyuca cha, Chihowa in chuka ya isht vla tuk tuli holisso moma ka,

5. Naholitompa isht asha vhleha hut hatak ithana aiyukali ka im jshashke; micha chuka yvt kanima yo akinafa ya ahayuchikmvt, isht aiiskiashaske, im achi tok.

6. Yohmi tuk kia Chehoash vt miko tok afvmmi ont ishit pokoli tuklo akucha tuchina ma, yakohmi tok, naholitompa isht asha vhleha hut chuka akinafa yash ik aiiskiascho kisha tok.

7. Yohmi ma miko Chehoash vt naholitompa isht vttā Chehoiata, micha naholitompa isht asha vhleha aiena ka hoyo cha, Nanta katiokmi ho chuka akinafa yash hvch ik aiiskiascho kisha cho? Yvmohmi hokvt himakma hatak hvsh itikhana ya tuli holisso yo hvch ik im ai esho hosh, amba

chuka akinafa ya isht aiiskiacha chi ho hvsh bohlahshe, im achi tok.

8. Mihma naholitompa isht asha vhleha hut tuli holisso ya okla ha im isha he keyu, micha chuka akinafa ya aiiskia-cha he keyu kut vhpesa ahni tok.

9. Mihma naholitompa isht vta Chehoiata yvt itombi ishi cha, onhlipa ya hlumbli mut, alta ya apotolit Chihowa in chuka ont a chukowa ka ishtimpakimma in tvnvp a talali tok: mihma naholitompa isht asha okhissa apistikeli vhleha hut, kuna hosh Chihowa in chuka ya tuli holisso isht va ka moma itombi yash apitta tok.

10. Atuk osh yakohmi tok, itombi ya tuli holisso laua hosh ai vhto na okla pisa ma, miko i holissochi, micha naholitompa isht asha pehlich i shahli itatuklot va mut, tuli holisso Chihowa in chuka asha tuk a bahta apitta cha, kotih-na tok.

11. Micha tuli holisso weki yash toksvli isht asha Chihowa in chuka apesvchi vhleha ibbak a fohki tok: mihma chuka ikbi vhleha, micha itabvnni vhleha aiena Chihowa in chuka a toksvli tuk vhleha,

12. Micha tuli pilesa vhleha, micha tuli atehlich i vhleha aiena ka isht im atobbi mut, iti, micha tuli atehlahchi Chihowa in chuka akinafa isht aiiskiacha chi ka ishit chumpa chi, micha chuka isht vltaha chi ka moma isht atobbi tok.

13. Yohmi kia Chihowa in chuka ya tuli huta ampo, pula ishit tvptuli, ampo mahaia, ishit pufa, tuli holisso lakna aivlhto, micha tuli huta aivlhto aiena ka, tuli holisso Chihowa in chuka isht va tuk a isht lkba he keyu tok.

14. Hatak toksvli vhleha hak o ima he tuk okvt; yohmi hosh Chihowa in chuka ya isht aiiskiachi tok.

15. Micha toksvli vhleha ha ima chi ho, tuli holisso ya ibbak fohki kut hatak ymma ik iti hotihno tok: aivhpiesa kak o okla yvnihechi tuk oka.

16. Hatak bika nan im okpni isht vltoba tuli holisso, micha nan ashvchi isht vltoba tuli holisso aiena ka Chihowa in chuka ya isht ik lo tok: naholitompa isht asha immi hatok.

17. Mihma Silia i miko Hasael vt iut Kalh a ont itibi cha, ishi tok; mihmvt Hasael vt Chelusalem a ont itiba chi hosh nashuka ya pit talali tok.

18. Mihma Chutah i miko Chehoash vt nana hullochi puta iki vhleha, Chehoshafat, micha Cheholam, micha Ahasiah aiena, Chutah i miko vhleha hvt hullochi tok, micha ilap nana hullochi aiena, micha tvli holisso lakna moma Chihowa in chuka naholitopa aiasha asha na ahayuchi kv, micha miko im aboha aiasha tuk a aieninchit ishi cha, Silia i miko Hasael a pit i pila tok: mihma Chelusalem a i filvmit ia tok.

19. Mikma Choash nana akaniohmi tok inla kv, micha nana yvmihchi tok moma kv Chutah i miko vhleha i nitak holisso ha a holisso keyu cho?

20. Mihma in tishu vhleha hvt wakaya cha, i sanalit anumpa luma ikbi mvt, Choash a okvttahvt Silla atia Millo chuka ya a fahama tok.

21. In tishu tuklo Shimealh ushi Chosacha, micha Shome ushi Chehosabat itatuklo kv fahama na illi tok okv; mihma iki vhleha ha takla Lewi in tmaha ha a hohpi tok: mihma ushi Amasiah vt vhtobvt miko tok.

CHAPTA XIII.

CHUTAH i miko Ahasiah ushi Choash vt miko tok afvmmi ont ishit pokoli tuklo akucha tuchina ho, Chehu ushi Chehoahas, vt Samalia ya vttvt Israel a i miko tuk osh, afvmmi auahuntuklo ho miko tok.

2. Mihmvt Chihowa itikba ya nana ik achukmo kak o yvmohmi tok; micha Nebat vshi Cheloboam vt nan ashvchit Israel a ashvchechi tok ak o iakaiya tok; achufa kia ik i filvmmo tok.

3. Mihma Chihowa im ai i nukkilli yvt Israel a i sanalit libbi mvt, nitak moma ka Silia i miko Hasael ibbak fohki, micha Hasael ushi Benhatat a ibbak fohki tok.

4. Mihma Chehoahas vt Chihowa ya im ilbusha ma, Chi-

howa yvt i haponaklo tok: Silia i miko vt ilbvshalí hatuk o, Israel vt ilbvsha ka pisa tok okvt.

5. (Mihma Chihowa yvt Israel a hlakoffichi ima tok; yohmi ho Silia okla ibbak a i nutaka tuk vt kohcha tok: micha Israel im vlla vhleha hv chashpo atok chohmit im vhtipo puta ka aiasha tok.

6. Yohmi kia Cheloboam in chuka achvfa yvt nan ashvchit Israel a ashvchechi tok a ik i filvmmo tok; amba a nohowa tok; micha Samalia ya Ashelah ak kia hikia moma tok.)

7. Okla ha Chehoahas a im ashanchi kv issuba ombinili pokoli tahlapi, micha itichanvlli pokoli, micha hatak aka aya tahlepa sipokni pokoli illa tok oka: Silia i miko vt vbit tahli cha, lukfi yo bolit pushechi ka chohmichi tok oka.

8. Mikma Chehoahas nana akaniohmi tok inla kv, micha nana yvmihchi tok moma kv, micha nan ai im aiahli tok vt Israel i miko vhleha i nitak holisso ha a holisso keyu cho?

9. Micha Chehoahas vt iki vhleha ha takla nusi tok: mihma Samalia ak o a hohpi tok: mihma ushi Choash vt vhtobvt miko tok.

10. Chutah i miko Choash vt miko tok afvmmi ont ishit pokoli tuchina akucha untuklo ho, Chehoahas ushi Chehoash vt Samalia ya vttvt Israel a i miko tuk'osh afvmmi auahhannali ho miko tok.

11. Micha Chihowa itikba ya nana ik achukmo kak o yvmohmi tok: Nebat ushi Cheloboam vt nan ashvchit Israel a ashvchechi tok achvfa kia ik i filvmmo hosh a nohowa tok.

12. Mikma Choash nana akaniohmi tok inla kv, micha nana yvmihchi tok moma kv, micha nan ai im aiahli Chutah i miko Amasiah ya isht itibi tok aiena kv Israel i miko vhleha i nitak holisso ha a holisso keyu cho?

13. Mihmvt Choash vt iki vhleha ha takla nusi tok: mihma Cheloboam vt im aiombinili holitomp ya om binili tok; mihma Choash vt Israel i miko vhleha takla Samalia ak o a hollhpi tok.

14. Mihma Elisha yvt abeka kv abeka yvma isht illa

chi hatok. Mihma Israel i miko Choash vt im ona cha, nashuka o wakayvt yaiya mut, Aki ma! aki ma! Israel im itichanulli, micha issuba ombinili uhleha yoke, achi tok.

15. Mihma Elisha yvt, Ititanampo, micha oski naki puta aiena ka ishi, im achi tok. Mihma ititanampo, micha oski naki puta aiena ka ishi tok.

16. Mihma Israel i miko ya, Chibbak a ititanampo yash ishit halvli, im achi tok. Mihma ibbak a ishit halvli tok; mihma Elisha yvt ilap ibbak a miko ibbak a potonli tok.

17. Mihma, Okhissushi hvshi akohchaka imma ya tiwi, achi tok. Mihma tiwi tok. Yohmi ma Elisha yvt, Husa, achi tok. Mihma husa tok. Mihma Elisha yvt, Chihowa isht a hlakoffichi oski naki yoke, micha Silia isht im a hlakoffi oski naki yoke; Silia okla ha Afek a a fahamvt ish taiyahla chi hoka, achi tok.

18. Mihmut oski naki ya aiowa, achi tok. Mihma aiowa tok. Mihma Israel i miko ya, Yakni ya isht issa, im achi tok. Mihma hituchina ha isht issa mut, issa tok.

19. Mihma Chitokaka immi hatak ash osh i nokowa mut, Tahlapi ha, keyukmut hannali ha ish issa hetuk oke; yohmi hatuk okmut, Silia ya fahamvt imaiyvt ont ish lushumma hetuk oke; yohmi tuk kia himak ano hituchina ha illa ho Silia ya fahamvt ish imaiya chi hoke, achi tok.

20. Atuk osh Elisha yvt illi tok; mihma okla hohpi tok. Atuk o Moab aya kanohmi kut, afummi ant chukowa ma, yakni ya iba chukowa tok.

21. Atuk o yakohmi tok, hatak o okla hohpi hosh maya ma, yakeh! aya achufa ka okla pisa tok; mihmut hatak ash Elisha im ahollohpi ya pila tok: atuk o hatak ash osh ona cha, Elisha foni ya haleli mut, fiopa cha, wakayvt hikia tok.

22. Mikma Silia i miko Hasael vt Chehoahas vt ahanta nitak moma ka Israel a ilbushali tok.

23. Yohmi tuk kia Chihowa yvt Eblaham, Aisak, micha Chekob aiena nan itim apesa yatok pulla hatuk mak osh i kanvt, i, nukhaklot filemut i holhponayo hanta onochi cha, chukilissvchi ik bunno, micha itikba ya ai ishit ik kancho kisha tok.

24. Yohmi ma Silia i miko Hasael vt illi tok; mihma ushi Benhatat vt vlhtobut miko tok.

25. Mihma Chehoahas ushi Chehoash vt Hasael ushi Benhatat a, tmaha puta Hasael vt iki Chehoahas a itin tanampi hosh ibbak a a kohchit im ishi tok a, anonti ibbak a a kohchit im ishi tok: hituchina ha Choash vt imaiya cha, Israel in tmaha puta ka falummichit ishi tok.

CHAPTA XIV.

ISLAEL i miko Chehoahas ushi Choash vt miko tok
afummi ont atukla ho, Chutah i miko Choash ushi Amasiah vt miko tok.

2. Miko mut, afummi pokoli tuklo akucha tahlapi tok; atuk osh afummi pokoli tuklo akucha chakkali ho Chelusalelem a ahantvt miko tok; micha ishki hohchifo ket Chehoattan Chelusalelem vta yatok.

3. Mihmet Chihowa itikba ya aivlhpiesa kak o yvmohmi tok; yohmi kia iki Lewi ya chohmi tok keyu; iki Choash vt nana a kaniohmi tok moma kak o yvmohmi tok.

4. Achahaka puta kak illa ho ishit ik kancho tok: okla hvt achahaka puta ka nan ai vbit isht aiokpvchit, micha nabalama a hukmi ket imoma tok.

5. Atuk o yakohmi tok, apelihchika yvt kellot ibbak fohka makinli hosh, in tishu vhleha iki miko ya vbi tuk a vbi tok.

6. Yohmi kia vbi tok vhleha hash im vlla vhleha hano ik llecho ki tok: Moses i nan vlhpisa holisso ha a holisso tok, ymma Chihowa yvt ai apeset, Vlla ya iki vt vlhtobut illa he keyu hoke, mikma iki ya vlla yvt vlhtobut illa he keyu hoke; amba hatak vt ilap nan ashvchi tuk aiyyukali kak osh isht illa hi oke, achi tok mak atok.

7. Yemmet Etom hatak tahlepa sipokni pokoli ho hupi okfa ha ai vbi cha, itin tanampi ka Selah ya ishi tok; micha Chokhleel hochifo tok o himak nitak a moma hoke.

8. Mihma Amasiah vt Israel i miko Chehu ushi Chehoahas a ushi Chehoash a anumpa shali pit in tihlelit, Ish minti na pi nashuka il iti pisashke, achi tok.

9. Mihma Israel i miko Chehoash vt Chutah i miko Amasiah ya pit i pilvt, Bufaha kvti Lebanon asha tuk vt chuahla Lebanon hikia tuk a pit i pilvt, Chisotek vt svso tekchi yachi ho ima, achi tok; atuk o nampoa nukshopa Lebanon vta tuk vt bufaha kvti hash ahvlichit akvchi tok.

10. Etom a ish imaiya tuk o mvhli, mihma chi chukvsh vt vba chisht onvshke; isht ish ilauata cha, chin chuka ish ahantashke; nanta katiahmi ho ile nukovvchit antvt ishit hotopvt chishno, micha Chutah hvsh aienvt hvchi akvma hinla cho? achi tok.

11. Yohmi kia Amasiah vt hakla he keyu tok; yvmolmi hoka Israel i miko Chehoash vt ia tok; micha yvmma, mihmvt Chutah i miko Amasiah itatuklo kvt Chutah imm-Belh-shemesh ak o nashuka ai iti pisa tok.

12. Mihma Chutah vt Israel itikba ya akakoha tok; mihmvt hatak vt yihleptv im vhtipo aiyyukali ona tok

13. Mihma Israel i miko Chehoash vt Chutah i miko Chehoash ushi Ahasiah ya ushi Amasiah ya Belh-shemesh a ai ishi cha, Chelusalem a ona mvt, Chelusalem holihta ya Eflaim holihta okhissa ya vttvt ia hosh chukbika holihta okhissa ona ka kubit tahlepa ushta ho kinvfi tok.

14. Michah tuli holisso lakna, micha tuli hvta, micha nan aivlhto Chihowa in chuka, micha miko in chuka naholitopa aiasha asha tuk moma, micha anumpa isht aiahliehi hatak halanli ya ishi cha, falamvt Samalia ya ona tok.

15. Mikma nana akaniahmi inla ka Chehoash vt yvminhichi tok, micha nan ai im aiahli tok, micha Chutah i miko Amasiah ya kanihmit itibi tok aiena kvt Israel i miko vhleha i nitak holisso ha a holisso keyu cho?

16. Mihmvt Chehoash vt iki vhleha ha takla nusi cha, Samalia ak o Israel i miko vhleha ha takla a hollohpi tok: mihma ushi Cheloboam vt vhtobvt miko tok.

17. Atuk o Israel i miko Chehoahas ushi Chehoash vt

illi haya, Chutah i miko Choash ushi Amasiah vt afummi auahthlapi ho okchayvt ahanta tok.

18. Mikma Amasiah nana akaniohmi tok inla kvv Chutah i miko vhleha i nitak holisso ha a holisso keyu cho?

19. Mihma Chelusalem asha tuk vt i sanalit anumpa luma ikbi tok: mihma malelit Lachish a ona tok: yohmi kia iakaiyachit pila cha, yummak o ai illichit tok.

20. Micha issuba onochit okla isht vla tok: mihma iki vheha ha takla Chelusalem Lewi in tumaha hak o a hollohpi tok.

21. Mihma Chutah okla moma kvv Asaliah ya yummvt afummi auahhannali ho ishi cha, iki Amasiah ya atobbichit mikochi tok.

22. Miko ash osh iki vhleha ha takla nusi haya, Asaliah vt Elalh a ikbi cha, Chutah ya i falvmmichi tok.

23. Chutah i miko Choash ushi Amasiah vt miko tok afummi ont isht auahthlapi ho, Israel i miko Choash ushi Cheloboam vt Samaha ya vttvt miko tuk osh, afummi pokoli ushta akucha achvfa ho miko tok.

24. Mihmt Chihowa itikba ya nana ik achukmo kak o yemohmi tok: Nebat ushi Cheloboam vt nan ashvchit Israel a ashvchechi tok moma achvfa kia ik i filvmmo tok.

25. Israel in Chitokaka Chihowa im anumpa in tishu Amittai ushi Chonah hopaii Kalh-hefe vttta ya tohno na anumpohonli tok mak o, Israel im aivhli Hamalh achukowa ya vttvt ia hosh yakni patali okhvta ona ka falvmmichit ishi tok;

26. Israel ilbusha kvv palvmmi fehna ka Chihowa yvt pisa tok oka: micha yuka, micha yuka keyu aiena kvv iksho tok, mihma Israel apela yvt iksho tok oke.

27. Micha Chihowa yvt Israel holchifo ka vba shutik nutaka ya a kashoffit kancha he miha tok keyu: amba Chihowa yvt Choash ushi Cheloboam ibbak ak o ishit hlakoffichi tok.

28. Mikma Cheloboam nana akaniohmi tok inla kvv, micha nana yemihchi tok moma kvv, micha nan ai im aiahli isht itin tanampi tok, micha kaniohmit Tamaskus, micha Hamalh, yummvt Chutah itomi batuk o, falvmmichit ishi

cha, Israel a ima tok aiena kut Israel i miko vhleha i nitak holisso ha a holisso keyu cho?

29. Mihmut Cheloboam vt iki vhleha Israel i miko vhleha ha takla nusi tok: mihma ushi Sachaliah vt vlhtobvt miko tok.

CHAPTA XV.

ISRAEL i miko Cheloboam vt miko tok afummi ont ishit I pokoli tuklo akucha untuklo ho, Chutah i miko Amasiah ushi Asaliah vt miko tok.

2. Miko mut, afummi auahhannali hatok; atuk osh afummi pokoli tahlapi akucha tuklo ho Chelusalem a vttvt miko tok: micha ishki Chelusalem vta yosh hohchifo kut Checholiah atok.

3. Micha Chihowa itikba ya aivlhpiesa kak o yvmohmi tok; iki Amasiah a yvmohmi tok moma kak o chohmi tok.

4. Achahaka puta kak illa ho ishit ik kancho tok; okla hut achahaka puta ka nan ai vbit ishit aiokpvchit, micha nabalama a hukmi kut imoma tok.

5. Atuk o Chihowa yvt miko ya isso na leplosi vbi yosh ayvt nitak ai illi ka ont vhli cha, abeka ai vta chuka ya ai vta tok: mihma miko ushi Chohlam ak osh miko in chuka ya pehlichit yakni ya okla ha nan im apihisa tok.

6. Micha Asaliah nana akaniohmi tok inla kut, micha nana yumihchi tok moma kut Chutah i miko vhleha i nitak holisso ha a holisso keyu cho?

7. Micha Asaliah vt iki vhleha ha takla nusi tok; mihma iki vhleha takla Lewi in tumaha hak o okla a hohpi tok; mihma ushi Chohlam vt vlhtobvt miko tok:

8. Chutah i miko Asaliah vt miko tok afummi ont ishit pokoli tuchina akucha untuchina ho, Cheloboam ushi Sachaliah vt Samalia ya vttvt hvshi hannali ho Israel a i miko tok.

9. Micha Chihowa itikba ya nana ik achukmo kak o yvmohmi tok; iki vhleha hut yvmohmi tok ak o chiyuhmi tok: Nebat ushi Cheloboam vt nan ashvchit Israel a ashvchechi tok a ik i filvmmo tok.

10. Mihma Chabesh ushi Shallum vt i sanalit anumpa luma ikbi mvt, okla itikba ya a fahamvt illichi mvt, vltobvt miko tok.

11. Mikma Sachaliah nana akaniohmi tok inla kv, yakeh! Israel i miko vhleha i nitak holisso ha a holissoshke.

12. Ilvppak osh Chihowa im anumpa Chehu im anum-pulit, Ulla vhleha ai itishali ont aiusha kv Israel im aiombinili holitompa ya chim ai om binila hi oke, achi tok mak oke. Atuk o yvmohmi tok.

13. Chutah i miko Ussiah vt miko tok afvmmi ont ishit pokoli tuchina akucha chakkali ho, Shallum vt miko tok; atuk osh hvshi achvfa ho Samalia ya vttvt miko tok.

14. Mihma Kati ushi Menahem vt Tisah ya vttvt ivt Samalia ya ona cha, Chabesh ushi Shallum a Samalia ya a fahamvt illichi cha, vltobvt miko tok.

15. Mikma Shallum nana akaniohmi tok inla kv, micha miko i sanalit anumpa luma ikbi tok aiena kv, yakeh! Israel i miko vhleha i nitak holisso ha a holissoshke.

16. Yohmi ma Menahem vt Tisah vttvt ia tuk osh, Tisah, micha yvmma aiasha tuk moma, micha aivhli moma ka issot kanchi tok: ik in tiwo tuk ak o issot kanchi tok: micha ohoyo vlla shanli moma ka patvfi tok.

17. Chutah i miko Asaliah vt miko tok afvmmi ont ishit pokoli tuchina akucha chakkali ho Kati ushi Menahem vt Israel a i miko tuk osh afvmmi pokoli ho Samalia ya vttvt miko tok.

18. Mihmvt Chihowa itikba ya nana ik achukmo kak o yvmohmi tok; i nitak moma ka Nebat ushi Cheloboam vt nan ashvchit Israel a ashvchechi tok a ik i filvmmo tok.

19. Mihma Assilia i miko Pul vt yakni ya ant in tanampi tok; mihma Pul ibbak vt ibafoyuka cha, apchlichika ya kullochit ibbak a fohka chi ho, Menahem vt tuli hvta talent tahlepa sipokni achvfa ho ima tok.

20. Mihma Menahem vt Israel a hatak holitopa imi layak chito vhleha moma ka tuli hvta shekel pokoli tahlapi aiya-kali ho Assilia i miko ima chi kv onochit i hoyo tok.

21. Mikma Menahem nana akaniohmi tok inla kv, micha

nana yumihihi tok moma kut Israel i miko vheha i nitak holisso ha a holisso keyu cho?

22. Micha Menahem vt iki vheha ha takla nusi tok: mihma ushi Pekahiah vt vltobut miko tok.

23. Chutah i miko Asaliah vt miko tok afummi ont ishit pokoli tahlapi ho Menahem ushi Pekahiah vt Samalia ya vttut Israel a i miko tuk osh afummi tuklo ho miko tok.

24. Mihmut Chihowa itikba ya nana ik achukmo kak o yumohmi tok: Nebat ushi Cheloboam vt nan ashvchit Israel a ashvchechi tok a ik i filummo tok.

25. Mihma im itichanulli kupituni Lemaliah ushi Pekah vt i sanalit anumpa luma ikbi cha, Samalia ya miko in chuka aboha chaha kullo ya, yumma, micha Akob, micha Alieh aiena ka a fahamut vbi tok; mihma Kileat batak pokoli tahlapi hosh Pekah ya apeha tok; mihma Pekahiah ya illichhi mut, vltobut miko tok.

26. Mikma Pekahiah nana akaniohmi tok inla kut, micha nana yumihihi tok moma kut, yakeh! Israel i miko vheha i nitak holisso ha a holissoshke.

27. Chutah i miko Asaliah vt miko tok afummi ont ishit pokoli tahlapi akucha tuklo ho Lemaliah ushi Pekah vt Samalia ya vttut Israel a i miko tuk osh afummi pokoli tuklo ho miko tok.

28. Micha Chihowa itikba ya nana ik achukmo kak o yumohmi tok: Nebat ushi Cheloboam vt nan ashvchit Israel a ashvchechi tok a ik i filummo tok.

29. Israel i miko Pekah i nitak a Assilia i miko Tiklahpilese vt vla cha, Ichon, micha Abel-beth-maachah, micha Chanoah, micha Katesh, micha Haso, micha Kileat, micha Kalili, Naftali yakni moma aiena ka ishi cha, yukachit Assilia ya isht ia tok.

30. Mihma Ussiah ushi Chohlam vt miko tok afummi ont ishit pokoli tuklo ho, Elah ushi Hoshea vt Lemaliah ushi Pekah ya i sanalit anumpa luma ikbit fahama cha, illichhi mut, vltobut miko tok.

31. Mihma Pekah nana akaniohmi tok inla kut, micha

nana yemihchi tok moma kut, yakeh! Israel i miko vheha i nitak holisso ha a holissoshke.

32. Israel i miko Lemaliah ushi Pekah vt miko tok afemmi ont atukla ho, Chutah i miko Ussiah ushi Chohlam vt miko tok.

33. Miko mut, afemmi pokoli tuklo akucha tahlapi tok; atuk osh afemmi auahhannali ho Chelusalem a vttvt miko tok: mikma ishki vt Satok ushetik osh holchifo kut Chelusha atok.

34. Mihma Chihowa itikba ya aivhpiesa kak o yvmohmi tok: iki Ussiah vt a yvmohmi tok moma kak o yvmohmi tok.

35. Achahaka puta kak illa ho ishit ik kancha tok: okla hut achahaka puta ka nan ai vbit isht aiokpuchit, micha nabalama a hukmi kut imoma tok. Yvmmvt Chihowa in chuka holihta okhissa chaha i shahli ya ikbi tok.

36. Mikma Chohlam nana akaniohmi tok inla kut, micha nana yemihchi tok moma kut Chutah i miko vheha i nitak holisso ha a holisso keyu cho?

37. Nitak yemma Chihowa yvt Silia i miko Lesin, micha Lemaliah ushi Pekah itatuklo ka Chutah ya on tihlelit isht ia tok.

38. Atuk o Chohlam vt iki vheha ha takla nusi cha, iki Lewi in tumaha ha iki vheha takla a hollohpi tok: mihma ushi Ahas vt vhtobvt miko tok.

CHAPTER XVI.

LEMALIAH ushi Pekah vt miko tok afemmi ont isht auahantuklo ho Chutah i miko Chohlam ushi Ahas vt miko tok.

2. Ahas vt miko mut, afemmi pokoli tuklo tuk osh, afemmi auahhannali ho Chelusalem a vttvt miko tok; micha in Chitokaka Chihowa itikba ya aivhpiesa kak o yvmohmi keyut iki Lewi yatok a ik chohmo tok.

3. Amba Israel i miko vheha ataya yak o a_nohowa

tok; micha ushi ya luak a hlopullichu aienut, Chihowa yut Israel im vlla vhleha itikba a tihlelit kocha wehli tok oklu-shi puta kut nana yuwalvchi yumohmi tok ak o yohmi tok.

4. Micha achahaka puta, micha nvnihi paknaka puta, micha iti okchamali puta nuta ya nan ai vbit isht aiokpuchi nabalama a hukmi beka tok.

5. Mihma Silia i miko Lesin, micha Israel i miko Lemaliah ushi Pekah itatuklo kut Chelusalem a in tanampit vla tok; micha Ahas a abinachit afolubli kia, imaiya he keyu tok.

6. Yemma fokali ka Silia i miko Lesin vt Elalh a falvm-michit isht Silia ya ima cha, Chu okla ha tihlelit Elalh a a kohchichi tok; mihma Silia okla hut Elalh a ona cha, aiasha tok osh himak nitak a moma hoke.

7. Mihma Ahas vt Assilia i miko Tiklalh-pilese ya anum-pa shali vhleha pit i pilut, Chin tishu sia, micha chiso sia hoke; ish minti cha, Silia i miko ibbak a a kohchit, micha Israel i miko ibbak a a kohchit is sa hlakoffichashke, yvm-mvt a sanalit wakaya hoka, achi tok.

8. Micha Ahas vt Chihowa in chuka, micha miko in chuka naholitopa aiasha ya tuli huta, micha tuli holisso lak-na aiena kut asha ka ishi cha, nahulbina yo Assilia i miko ya pit i pila tok.

9. Mihma Assilia i miko vt i haponaklo tok; mihmvt Assilia i miko vt iut Tamaskvs a ona cha, ishi mvt, okla ha yukachit isht iut Ki ya isht ona cha, Lesin a illichu tok.

10. Mihma miko Ahas vt Assilia i miko Tiklalh-pilese ya afamvt Tamaskvs a ona mvt, Tamaskvs a alta yut hikia ka pisa tok: mihmvt miko Ahas vt alta yut kaniohmi, micha isht vltaha moma ka holba ya naholitompa isht vta Ulichah ya pit i pila tok.

11. Mihma naholitompa isht vta Ulichah vt alta ya ikbi tok; miko Ahas vt Tamaskvs a vttvt mintit vla takla ka, miko Ahas vt Tamaskvs a vttvt i pila tuk moma mak o, naholitompa isht vta Ulichah vt yumihihi tok.

12. Atuk o miko vt Tamaskvs a vta tuk vt mintit vla mvt, alta yash pisa tok: micha miko vt alta ya bilika ona mvt, nana onochit isht aiokpuchi tok.

13. Micha na hukmit isht aiokpvehi, micha ilhpak isht aiokpvehi aiena ka alta ya onochit hukmi mvt, nan ishko isht aiokpvehi ya on hlatubli mvt, iti nanaiyvehi isht aiokpvehi puta issish a alta yash o fimmi tok.

14. Mihmvt asonak lakna alta, yvmmvt Chihowa itikba, alta, micha Chihowa in chuka ititakla chuka yash itikba hikia kash kanvlichit alta ya falvmmi in tennv a a talali tok.

15. Mihmvt miko Ahas vt naholitompa isht vta Ulichah ya im apesvt, Alta chito ak o onnahinli na hukmit isht aiokpvehi, micha opiaka ilhpak isht aiokpvehi, micha miko i na hukmit isht aiokpvehi, micha im ilhpak isht aiokpvehi, micha okla moma yakni ya aiasha ka i na hukmit isht aiokpvehi, micha im ilhpak isht aiokpvehi, micha i nan ishko isht aiokpvehi aiena ka onochit ish hukmashke; micha na hukmit isht aiokpvehi issish moma, micha nan vbit isht aiokpvehi issish moma aiena ka ish o fimdashke; mikma asonak lakna alta yvto ishit ponaklo li yachi hoke, achi tok.

16. Mihma naholitompa isht vta Ulichah vt miko Ahas vt im apesa tuk moma mak o yvmihchi tok.

17. Mihma miko Ahas vt aionaloha vli shemvchi puta ka teptuli mvt, ampo mahaia chito vt paknaka on talaia tuk a kanvlichit tok; micha asonak lakna okhuta yvt asonak lakna wak vt nutaka hiel na on talaia tuk a akvchi cha, vli potvlhpo yo on talali tok.

18. Micha nitak hullo hoshontika ya chuka okla ai ikbi tok a, micha kocha pila miko achukowa aiena ka Assilia i miko yatuk mak o, Chihowa in chuka ya a filvmmichi tok.

19. Mikma nana akaniohmi tok inla Ahas vt yvmihinchit tok vt Chutah i miko vhleha i nitak holisso ha a holisso keyu cho?

20. Mihma Ahas vt iki vhleha ha takla nusi cha, iki vhleha takla Lewi in temaha ha a hollolipi tok: mihma ushi Heseekiah vt vltobvt miko tok.

CHAPTA XVII.

CHUTAH i miko Ahas, vt miko tok afvmmi ont isht auah-tuklo ho, Elah ushi Hoshea vt Samalia ya vttvt Israel a i miko tuk osh afvmmi chakkali ho miko tok.

2. Atuk osh Chihowa itikba ya nana ik achukmo kak o yvmohmi tok: yohmi kia Israel i miko vhleha tikba tok ano ik chohmo tok.

3. Assilia i miko Shalmanese vt vlvut in tanampi tok; mihma Hoshea vt in tishu toba cha, nahvlbina puta ihima tok.

4. Atuk o Hoshea vt i sanalit anumpa luma ikbi ho Assilia i miko vt im akostininchi tok: Echip i miko So ya anum-pa shali vhleha i pila cha, Assilia i miko ya afvmmi hosh ont afvmmikma yvmihchi chatuk vt nahvlbina pit ik i pelo tok oka; yvmohmi hatuk o Assilia i miko vt im okhishta cha, takehit aboha kullo fohki tok.

5. Yohmi ma Assilia i miko vt vlvut yakni moma ka hlo-pullit aya mvt, Samalia ya vla cha, in tanampit afvmmi tuchina ho abinachit afolubli tok.

6. Hoshea vt miko tok afvmmi ont ishit chakkali ho, Assilia i miko vt Samalia ya ishi cha, Israel a isht ivt Assilia ya isht ona cha, Kosan okhina bilika Halah, micha Habo, micha Metia okla in tmaha puta ka ashachi tok.

7. Yakohmi tuk ak atok; Israel im vlla vhleha hvt in Chitokaka Chihowa, yvmmak osh Echip yakni, micha Echip i miko Feleo ibbak i nutaka tuk a a kohchichi tok a i yoshuba cha, chitokaka inla puta ka aiokpvchi beka tok,

8. Micha oklushi puta ymma Chihowa yvt Israel im vlla vhleha itikba ya a tihlelit kocha wehli tok i nan vhlpisa, micha Israel i miko vhleha hvt nan vhlpisa puta apesa tok aiena kak o a nohova tok.

9. Micha Israel im vlla vhleha hvt in Chitokaka Chihowa ya i sanali cha, aivlhpiesa keyu kak o lumvt yvmohmi cha, aiatoni aboha chaha ya vttvt ia kvv tmaha holihta kullo ont vhli ka in tmaha moma achahaka puta ka okla ai ikbi tok.

10. Micha nuni chaha puta paknaka, micha iti okchamali puta nuta ya naholbet toba puta, micha Ashelah puta ka okla hiohlichit tok:

11. Micha oklushi puta yemma Chihowa yet itikba ya ai ishit kanchi tok ayemohmi tok a yumihehit achahaka moma nabalama a hukmi beka tok; micha nana ik achukmo moma ka yemohmit Chihowa ya nokowuchi tok:

12. Micha Chihowa yet yummak oka, Nana iluppa hush yumohma he keyu, im achi tok kia, naholbet toba puta ka okla aiokpuchi tok.

13. Mihma Chihowa yet hopaii moma, micha napisa moma tohno na Israel a, micha Chutah ya atokolit, Nana aivlhpiesa keyu hush yumohmi ket, hush i filummi cha, em anum-pa vhlpisa puta, micha a nan vhlpisa puta huch iki vhleha im apihisa li tok, micha an tishu vhleha, hopaii puta tohnot huchi pila li tok nan vhlpisa moma mak o hush ieshaslike, abanchi tok.

14. Yohmi kia okla ik haponaklo hosh, amba ikunla ya kellochit, iki vhleha het in Chitokaka Chihowa ya ik i yimmo hosh ikunla kellochi tok a cholmi tok.

15. Micha i nan vhlpisa puta, micha nan itim apesa iki vhleha ha nan itim apesa tok, micha nan isht atokowa isht atokoli aiena ka shitilemet kanchi tok; micha nan ik ahobo ya okla iakaiyet ik ahobot taha met, oklushi puta apakfoyuput asha ka, yummak oka Chihowa yet atokolit hobacha he keyu ka i miha tok ak o iakaiya tok.

16. Micha in Chitokaka Chihowa im anum-pa vhlpisa puta ka i filummi cha, bilet akmot naholbet toba, wakushi tuklo ho ikbit, micha Ashelah ikbi met, nana moma vba shutik aisha ka im akachunolit aiokpuchi, micha Baal a im antia tok.

17. Micha ushi vhleha, micha ushetik vhleha ha luak hlopullichit, nana kaniohma he akostininchi, micha feppuli puta yumihehit Chihowa itikba nana aivlhpiesa keyu ya yemohmit ile kanchi cha, nokowuchi tok.

18. Mihma Chihowa yet Israel a i nukkilli fehna cha, itikba ya kanellichit ishit kanchi na apelhichi achefa kia iksho, amba Chutah ak illa tok.

19. Chutah ak kia in Chitokaka Chihowa im anumpa vllhpisa puta ik iesho hosh, amba Israel i nan vllhpisa puta okla apesa tok ak o a nohwa tok.

20. Mihma Chihowa yvt Israel aiunchololi moma ka shiti-lemvt kanchi cha, ilbeshalit wehpuli puta ibbak a fohkit itikba ya ai ishit kanchi tok.

21. Israel a Lewi in chuka achvfa ya mokoffit im ai ishi tok okvt; mihma Nebat ushi Cheloboam ak o okla mikochi tok; mihma Cheloboam vt Israel vt Chihowa iakaiya tuk a issvchi cha, nan ashvchi chinto ho ashvchechi tok.

22. Micha Israel im vlla vhleha hvv Cheloboam i nan ashvchi moma kak o ai itvnova tok; achvfa kia okla ik i filvmmo tok.

23. Yohmi na polaka Chihowa yvt in tishu vhleha hopaii puta ka tohnot ahanchi tuk mak osh itikba ai ishit kanchi tok. Yohmi hosh i yakni ya a kohchit Israel a Assilia isht ona tok o himak nitak a aiasha hoke.

24. Mihma Assilia i miko vt Babulon, micha Kuhlal, micha Afa, micha Hamalh, micha Sefafaim a hatak vhleha ai ishit Samalia tmaha puta ka Israel im vlla vhleha ha atobbichit ai ashachi tok; mihma Samalia ya ishi cha, in tmaha puta ka aiasha tok.

25. Atuk osh yakohmi tok, yvmma ashvt isht ia vmmona kvv Chihowa ya ik i nukwio tok: yvmohmi ma Chihowa yvt koi hochito ya et. on tihleli na kanimi ka vbi tok.

26. Mihma Assilia i miko ya im achit, Okla puta kanvllichit Samalia tmaha puta ish ashachi tuk vt yakni ya in Chitokaka akaniohmi ya ithana keyu hoke: yvmohmi hatuk o koi hochito on tihleli na, yakeh! vbishke; yakni ya in Chitokaka akaniohmi ya ik ithano hoka, okla achi tok.

27. Yohmi ma Assilia i miko vt apesvt, Naholitompa isht asha vbleha yvmma ai ishit hvsh la tok achvfa ka ishit hvsh onashke; mikma ont ahashwakmt, yakni ya in Chitokaka akaniohmi ya im avvchashke, achi tok.

28. Yohmi ma naholitompa isht asha vhleha Samalia ya ai ishit ia tok ash achvfa kvv vlvv Behlel a vttu cha, kaniohmi hosh Chihowa ya i nukwia hi a im avvchi tok.

29. Yohmi kia oklushi ilap in chitokaka aiyukali ka ikbi cha, achahaka chuka puta Samalia hatak vhleha hvt ikbi tok a a hiohlichit oklushi puta kvf in tumaha aiyukali aia-sha ka hiohlichit tok.

30. Yohmi kvf Babulon hatak vhleha hvt Sukkolh-benolh a ikbi ma, Kulh hatak vhleha hvt Nekal a ikbi ma, Hamalh hatak vhleha hvt Ashima ya ikbi ma,

31. Afa hatak vhleha hvt Nibhas, micha Tatak a ikbi tok; mikma Sefafaim hatak vhleha hvt im vlla vhleha ha Sefafaim i chitokaka tuklo Atlammelech, micha Anammelech a luak im itvchit hukmi tok.

32. Yohmi ho Chihowa ya okla i nukwia kia, im okla akinli ai ishit achahaka naholitompa isht asha ikbi na ymmak osh achahaka chuka puta ka ai isht im ai vta tok.

33. Chihowa ya i nukwia kia, ymma ai ishit ia tok oklushi puta akaniohmi yak o iakaiyvt ilap in chitokaka puta ka im antihya tok.

34. Himak nitak ant vlli ka chashpo akaniohmi tok puta ka yemohmi moma hoke; Chihowa ya i nukwia keyu, micha nan vlpisa puta, micha nana akaniohmi vlpesa, micha anumpa vlpisa aiena ymmak oka Chihowa yvt Chekob, ymma Israel hochifo tok vt im vlla vhleha ha i miha tok, okla ymmvt in tonla kia, iakaiya keyu hoke.

35. Ymmak oka Chihowa yvt nana itim apesa cha, i mihvt, Chitokaka inla puta ka hvsh i nukwia he keyu, micha hvsh im akachunola he keyu, micha hvsh im antia he keyu, micha nan vbit isht hvsh im aiokprecha he keyu;

36. Amba Chihowa ymmak osh nan isht im aighli chito, micha shakba ashatapa hosh Echip a a pehlichit hvchi kohchi tok, ymmak o hvsh i nukwia cha, hvsh im akachunolik-mvt, ymmak o nan vbit isht hvsh im aiokprehashke.

37. Mich a nan vlpisa puta, micha nana akaniohmi vlpesa puta, micha anumpa vlpisa puta hvchi holissochi tok a nitak moma ka ahah! ahnit hvsh holitobla hi oke; micha chitokaka inla puta ka hvsh i nukwia he keyu hoke.

38. Mich a nan itim apesa hvch itim apesa li tok a ik

huchim i hakso kashke; micha chitokaka inla puta ka hvsh i nukwia he keyu hoke.

39. Amba hvchin Chitokaka Chihowa yak o hvsh i nukwiahke; mikma yummak osh hvchin tenvp moma ibbak a a hvchi hlakofficha hi oke, achi tok.

40. Yohmi kia okla ik i haponaklo hosh, amba chashpo akaniohmi ak osh yvmohmi tok.

41. Yohmi hosh oklushi ilvppa puta kvv Chihowa ya i nukwia kia, tvhlvt naholbut toba puta ka im antia tok; micha im vlla vhleha, micha im vlla ya im vlla vhleha aiena kvv, iki vhleha hvv yvmohmi tok mak o, himak nitak a yvmohmi moma hoke.

CHAPTA XVIII.

ATUK o yakohmi tok, Israel i miko Elah ushi Hoshea vt miko tok afvmmi ont atuchina ho, Chutah i miko Ahas ushi Hesekiah vt miko tok.

2. Miko mvt, afvmmi pokoli tuklo akucha tahlapi tok; atuk osh afvmmi pokoli tuklo akucha chakkali ho Chelusalem a vttvt miko tok: micha ishki vt Sachaliah ushetik osh hohchifo kvv Abi atok.

3. Micha iki Lewi a yvmohmi tok moma kak o chohmit Chihowa itikba ya aivlhpiasa kak o yvmohmi tok.

4. Micha achahaka puta ka ishit kanchi mvt, naholbut toba puta ka kobahlichit bushullichit, Ashelah ha chanlit akvchi mvt, asonak lakna sinti Moses vt ikbi tok a bolit bushullichit tok: nitak yvmma ant vhli ka Israel im vlla vhleha hvv nabalama i hukmi moma hatuk oka; micha Nehushtan hochifo tok.

5. Israel in Chitokaka Chihowa ya anukchieto tok: yohmi ho Chutah i miko vhleha hvv iakaiya kvv, micha tikba tok achvfa kia inlohmi kvv iksho tok.

6. Micha Chihowa ya asitia cha, iakaiya kvv issa keyu, amba im anumpa vllhpisa puta Chihowa yvt Moses a im apihisa tok a ieshi tok.

7. Mihma Chihowa yvt ibafoyuka tok: mihma kanima y_o kohchvt iakmvt, im aiahli tok: micha Assilia i miko ya i filvmmi i sanali cha, ik im antio tok.

8. Yvmmak osh Filistin okla ha issot kanchit Kasa, micha im aivhli fullota aiatoni aboha chaha y_o vttvt ia kv_t tumaha holihta kullo ont v_hli ka isht ona tok.

9. Atuk _o yakohmi tok, Heseekiah vt miko tok afvmmi ont aiushta, yvmvvt Israel i miko Elah ushi Hoshea vt miko tok afvmmi ont isht untuklo h_o, Assilia i miko Shalm-anese vt Samalia ya vlv_t in tanampit abinachit afolubli tok.

10. Atuk osh afvmmi tuchina kv_t ont taha ma, okla ishi tok; Heseekiah vt miko tok afvmmi ont ishit hannali ma, yvmvvt Israel i miko Hoshea vt miko tok afvmmi ont ishit chakkali kak _o, Samalia ya ishi tok.

11. Micha Israel a Assilia i miko vt Assilia ya isht ona cha, Halah, micha Habo, Kosan okhina bilika, micha Metia okla in tumaha puta ka ai ashachi tok;

12. In Chitokaka Chihowa im anumpa ik im antio, amba nan itim apesa ya, Chihowa in tishu Moses vt apihisa tok moma ka kobvffi cha, i haponaklo tok keyu, micha yvmihchi tok keyu hatuk _o.

13. Atuk _o miko Heseekiah vt miko tok afvmmi ont isht auahushta ma, Assilia i miko Sennachelib vt vlv_t, Chutah in tumaha holihta kullo puta ka in tanampi cha, ishi tok.

14. Mihma Assilia i miko vt Lachish a anta tuk _o, Heseekiah vt anumpa pit i pilvt, Yoshiba lishke; a filvmmi ish iashke; nana h_o is si onochikma, aiokpvchi lashke, achi tok. Mihma Assilia i miko vt Chutah i miko Heseekiah ya tvi hvta talent tahlepa tuchina, micha tvi holisso lakna talent pokoli tuchina aiena h_o im apesa tok.

15. Mihma Heseekiah vt tvi hvta vt Chihowa in chuka, micha miko in chuka naholitopa aiasha ya asha tuk a ima tok.

16. Nitak yvmma Heseekiah vt Chihowa in tempel okhissa isht okshilita puta, micha tonik puta ka in tvi holisso lakna ya Chutah i miko Heseekiah vt lapaliehi tuk vt sakohlit ishi cha, Assilia i miko ya ima tok.

17. Mihma Assilia i miko vt Lachish a vttvt Tatan, micha Lab-salis, micha Lab-shakeh, micha tushka laua aiena ho Heseekiah aivtta Chelusalem a pit pila tok: mihma okla mintit Chelusalem a vla tok. Atuk osh okla vla mvt, ibetup oka talaia ya, yummvt nafohka achifa im osapa atia bilika, oka ayanvlli ya ant hieli tok.

18. Atuk osh miko ya okla pit hoyo ma, Hilckiah ushi Eliakim, yummvt miko in chuka achufa ya apesvchi, micha holissochi Shebna, micha holisso takalichi Asaf ushi Choah aiena kut kohchvt im ona tok.

19. Mihma Labshakeh vt, Miko chito, Assilia i miko vt yak achishke, Nana anukcheto ilvppa ish anukchieto kut nanta hoh cho?

20. Itin tanampi ka hatak anumpuli, micha kullo aiena kut vm asha hoke, ish achi kut, peh anumpa ik ahobo ish anumpuli hoke. Himak a kuta ho ish anukchieto hosh is sa filummit is sa sanali cho?

21. Himak a yakeh! tvti kushak kochofa ilvppa Echip ak o ish anukchietoshke, yvmma kvna hosh vtayakma, ibbak a chukovvt bahla hinla yoke; Echip i miko Feleo ya anukchieto moma ka yvmmak o yvmohmi hoke.

22. Amba, Pin Chitokaka Chihowa yak o il anukchieto hoke, hvs sum achi hokma, yvmmak o im achahaka puta, micha im alta puta ka Heseekiah vt ishit kanchi cha, Chutah, micha Chelusalem a, Alta Chelusalem hikia ilvppa itikba yak o hvsh aiokpvchashke, im achi tok keyu cho?

23. Yvmohmi hoka himak a a shahli Assilia i miko ya isht ahlichy ya ish imashke, chim asilhha lishke, micha chishno vt ombinili ya ish onocha hinlakma, issuba tahlepa sipokni tuklo ho chi hiohlichy lashke.

24. Yohmi kut katiahmi kak osh a shahli ha in tishu vhleha moma ik lauwo kvpitvni achufa nashuka ya ish filim-micha hinla hoh cho? ahli, itichanvlli, micha issuba ombinili aiena ka Echip ak osh chim atahla he ish anukchietoshke.

25. Himak a Chihowa svbafoyuka keyu ho temaha ilvppa okpvnit tahli la chi hosh vla li cho? Ish ia cha, yakni ilvppa in tanampit okpvnit ish tahlashke, Chihowa yvt vm

achi tuk oke, Heseekiah ya ont hvsh im achashke, hvchim asilhha lishke, im achi tok.

26. Yohmi ma Hilkiyah ushi Eliakim, micha Shebna, micha Choah aiena kv̄t Lab-shakeh ya, Chin tishu v̄hleha h̄a Silia anumpa h̄o ish im anumpulashke, e chim asilhvshke, il akostininchi hokv̄t; micha Chu im anumpa h̄a okla hv̄t tmaha holihta paknaka āsha kv̄t h̄aklo ka chik pim anumpulo kashke, im achi tok.

27. Mihma Labshakeh vt, Ch̄i shahli, micha chishno ak o hvchim anumpuli la ch̄i h̄o a shahli hv̄t et sa pila tuk oh cho? tmaha holihta paknaka hatak aiasha kak o im anumpuli la ch̄i h̄o et sa pila na ilap i yv̄lhki akinli h̄o hvch ibai v̄pa cha, ilap i hoshowa akinli h̄o hvch ibai ishka chin tuk ak keyu cho? im achi tok.

28. Yohmi mv̄t Lab-shakeh vt hikia cha, chitoli hosh pav̄t, Chu im anumpa h̄o anumpulit, M̄iko chito Assilia i m̄iko im anumpa h̄a hvsh haklashke:

29. M̄iko vt yak achishke, Heseekiah vt ik hvchi haksecho kashke; ibbak a a hvchi hlakofficha he keyu hoka:

30. Michā Heseekiah vt, Chihowa yv̄t pi hlakoffichi pulla ch̄i hoke, mikma tmaha ilv̄ppv̄t Assilia i m̄iko ibbak a fohka ch̄i keyu hoke, achit Chihowa ya ik hvchi anukechetocho kashke.

31. Heseekiah ya hvsh i haponaklo ná: Assilia i m̄iko vt yak achi hoka, Nahv̄lbina vm̄v̄t anumpa ishit hv̄s sv̄tim apesa cha, kohchv̄t hv̄s sv̄m v̄lashke; micha ilap i pakv̄pi aiyukali ai v̄p̄v̄t, micha i fikv̄pi aiyukali ai v̄p̄v̄t, micha i kv̄li hofobi oka yak o aiyukali hvsh ai ishkashke.

32. Atuk o ant hvch ishit iv̄t yakni hvch̄i yakni akinli chohmi, tanchi, micha okap̄ki aiasha yakni, micha p̄ska, micha pakv̄pi ahollokechi aiasha yakni, micha alif bila, micha foi bila aiasha yakni yo hvch isht ona li hvchi okchaya cha, ik hvch illo kashke: micha Heseekiah vt, Chihowa yv̄t pi hlakofficha ch̄i hoke, achit hvchi nukfohki bv̄nna ka hvch ik i haponaklo kashke.

33. Oklushi puta in chitokaka v̄hleha hv̄t i yakni aiyukali ka Assilia i m̄iko ibbak a a kohchit hlakoffichi chatuk oh cho?

34. Hamalh, micha Apat in chitokaka puta mvto? Se-fafaim, Hena, micha Ifah in chitokaka puta mvto? Samalia ya subbak a a kohchit hlakoffichi tuk oh cho?

35. Yakni puta in chitokaka kuta hosh i yakni ya subbak a a kohchit hlakoffichi tuk o, Chihowa yvt Chelusalem a subbak a a kohchit hlakofficha hinla cho? achi tok.

36. Mihma okla hvt nana ik acho hosh, anumpa falama achufa kia ik im anumpulo tok; miko vt i miha kv, Anumpa falama hvsh im anumpula he keyu, achi hatuk oka.

37. Yohmi ma Hilkiah ushi Eliakim, yummvt miko in chuka achufa ya apesvchi, micha holissochi Shebna, micha holisso takalichi Asaf ushi Choah aiena kv i nafohka hlilafa hosh Heseekiah im ona cha, Lab-shakeh im anumpa ha im anoli tok.

CHAPTA XIX.

MIHMA yakohmi tok, miko Heseekiah vt haklo mv, i nafohka hlilvfi cha, nahishi tunna isht il ompohomo cha, Chihowa in chuka ya ont chukowa tok.

2. Mihmv Eliakim, yummvt miko in chuka achufa ya apesvchi, micha holissochi Shebna, micha naholitompa isht asha asvnonchi vhleha aiena kv nahishi tunna isht ompoholmo ho, Amos ushi hopaii Isaiiah ya pit i pila tok.

3. Atuk o, Heseekiah vt yak achishke, Himak nitak vt ilbusha, micha na palvmmi onochi, micha kalakshichit anumpuli nitak oke: vlla yvt asha chin tuk o, a kohchicha chin tuk vt hlampko-yvt iksho hoka.

4. Chin Chitokaka Chihowa yvt i shahli Assilia i miko vt Chitokaka okchaya ya kalakshichit mihacha chi ho, Lab-shakeh et pila tuk o anumpuli tuk a moma haklo cha, anumpa ha chin Chitokaka Chihowa yvt haklo tuk vt na palvmmi onochi yoba na: yvmohmi hoka atampa asha ka im ilbvshvt isht ish anumpohonlashke, im achi tok.

5. Yohmi hosh miko Heseekiah in tishu vhleha hvt Isaiiah ya im ona tok.

6. Mihma Isaiiah vt, Hvchi shahli ha yak hvsh im achash-

ke, Chihowa yvt yak achishke, Anumpa Assilia i miko in tishu vhleha hvt kalakshichit ishit sa miha tuk a ish haklo tuk vt chik i nukshopo kashke.

7. Yakeh! mahli et onochi likma, nana annoa ka haklo cha, falamvt i yakni akinli ho ona chi hoke; mikma i yakni akinli ho bvshpo falaia isht akvmachi la chi hoke, im achi tok.

8. Mihma Lab-shakeh vt falama cha, Assilia i miko vt Libnah in tanampi hosh ahanta na ont pisa tok: Lachish a issvt ia tuk o haklo tuk okvt.

9. Mihma, Yakeh! Ehliopia i miko Tihakah vt chin tanampa chi hosh mintishke, achi ho haklo mvt, anonti Hese-kiah ya anumpa shali vhleha ha pit i pilvt,

10. Chutah i miko Hese-kiah ya yak hvsh im achashke, Chin Chitokaka yvmma ish anukchieto kv, Chelusalem vt Assilia i miko ibbak a fohka he keyu, achit ik chi haksecho kashke.

11. Yakeh! Assilia i miko vhleha hvt yakni moma ka kaniohmichit okpunit taiyahlit vmohmichi tok a ish haklo chatuk oke; yohmi ka chishno vto chi hlakoffa hinla cho?

12. Oklushi puta aki vhleha hvt imaiyvt chukilissvchi tok, Kosan, micha Halan, micha Lesef, micha Eten im vlla vhleha, yvmmvt Hlelassa ya asha tok in chitokaka puta kv hlakoffi-chi tok oh cho?

13. Hamalh i miko, micha Apat i miko, micha Sefafaim in tumaha i miko, micha Hena i miko, micha Ifah i miko aiena a tok mvto? achi tok.

14. Mihma anumpa shali vhleha hash holisso ha Hese-kiah vt im ishi cha, itim anumpuli tok: mihmvt Hese-kiah vt Chihowa in chuka ya ont chukowa mvt, Chihowa itikba ya patali tok.

15. Mihmvt Hese-kiah vt Chihowa itikba ya anumpa ilbvsha anumpulit, Islael in Chitokaka Chihowa chelubim ititakla ahanta chia ma! chishno, chishno ak bano hosh yakni apelhichika puta moma in Chitokaka chia hoke: chishno ak osh vba, micha yakni aiena ka ish ikbi tok.

16. Chihowa ma! chi laksobish a ish akachunolichi cha,

ish haklashke; Chihowa ma! chi nishkin a ish fatummi cha, ish pisashke: micha Sennachelib vt Chihowa okchaya kalakshichit mihacha chi hosh et pila tuk a im anumpa ha ish haklashke.

17. Ahlishke, Chihowa ma! Assilia i miko vhleha hvt oklushi puta, micha i yakni aiena ka chukilissvchit tahli tuk oke.

18. Micha in chitokaka puta ka luak ito pihinla tuk oke: chitokaka yatuk keyu hoka, amba hatak ibbak toksvli, iti, micha tvli yatuk oke; yvmohmi hoka okla ishit kanchi tok oke.

19. Yvmohmi hoka himak a, pin Chitokaka Chihowa ma! ibbak a ish pi a hlakoffichaske, chim asilhha lishke; mikma apelhichika moma yakni paknaka aiasha kv chishno ak bano hosh Chitokaka Chihowa chia ka ithaiyanashke.

20. Yohmi ma Amos ushi Isaiah vt Hesekiah ya pit i pilvt, Israel in Chitokaka Chihowa yvt yak achishke, Assilia i miko Senachelib a i sanalit nana is svm asilhha tuk a haklo lishke.

21. Anumpa ilvppak o Chihowa yvt yvmma isht anum-pulishke, Ohoyo limita hatak ik halelo, Saion ushetik vt chi shitlemvshke, ishit chi yopulvt yukpvshke. Chelusalem ushetik vt noshkobo ha chi o walishke.

22. Kvta ho na mihachit ish kalakshichi cho? micha kvta ho i sanalit chim anumpa ha chahvchit, chi nishkin a vba ish akachakalichi cho? Israel i Holitopa yak atuk oke.

23. Chim anumpa shali vhleha yak o i Shahli ha nan isht ish mihachit, Itichanvlli vt vm apakna kak osh nvni chaha paknaka, Lebanon aivhli puta ka onvt, chuahla iti chaha puta, micha shakolo aiya aiena ka chanlit akakohli la chi hoke, micha im aivhli anusi, kowi achukma im ai offo ya ona la chi hoke.

24. Uno ak osh kullit oka inla ya ishko li chatuk oke; micha Echip okhina moma ka saiyi pvtha ishit shileli la chi hoke.

25. Hopaki pilla ma yvmma yvmihchi li tok, micha chash-po ma apesa li tok a ish haklo tok keyu cho? himak a ant

aighliehi li hō tumaha holihta kullo puta ka okpunit ish chi-fokohoncha li atok.

26. Yumohmi hatuk o ai okla hut shakba ikfalao tok oke, micha komuntut hofahya tok oke: oktak hvshuk-chohmi, haiyukpulo okchamali chohmi, hvshuk osh aboha pakna asha ka chohmi, micha onush osh waya ik ono kisha hosh bvshi ka chohmi tok oke.

27. Yohmi ka ish aretta, micha kolchvt ish ia, micha ant ish chukowa, micha vmi sanalit chi nokowa ka chim ithaiyana li hoke.

28. Vmi sanalit chi nokowa, micha is sum ilesehnvchit ish shakapa kut sa haksobish a ant chukowa hoka, yumohmi hoka an tuli chvnaha ya chibichulo ya fohki likmt, vm itih kapali ya chitih ha kapaliehi likmt, salvmminchit ish a minti tuk hina ya fohkit chisht ia la chi hoke.

29. Mikma iluppak osh nan isht atokowa yachi hoke, himak afvmmi ka ilap akinli waya hō hvsh pa tuk osh, afvmmi atuklakma yummak ash inli a toba hō hvsh pa chi hoke: atukmt afvmmi ont atuchinakma, hvsh hokehi cha, bvshlit, micha pakvpi ahollokehī hvsh hokehi cha, waya ka hvsh ai vpashke.

30. Mikma Chutah in chuka achvfa atampa hlakoffi ket anonti aka pila haksish tobakmt, vba pila ivt waya chi akinli hoke.

31. Atampa kut Chelusalem'a a kohonchakma, hlakoffi ket Saion nvni hā a kohoncha chi hoka; vba nan okluha ilai ieshi Chihowa im amosholi vt iluppa yvmihcha chi hoke.

32. Yumohmi hoka Chihowa yvt Assilia i miko ya isht anumpulit yak achishke, Tumaha iluppa chukowa chi keyu, micha oski naki yvmma pila he keyu, micha telihpa ieshit itikba vla he keyu, micha i sanalit lukfi bukkochit apakfobla he keyu hoke.

33. Hina a minti tuk falamvt yummak inli ia chi hoke; micha tumaha iluppa chukowa chi keyu, Chihowa yvt achishke.

34. Micha vno atuk pulla mak o, micha an tishu Lewi

atuk pulla mak o tumaha iluppa hlakoffichi la chi kut afoa la chi hoke, achi tok.

35. Atuk o ninak yumma yakohmi tok, Chihowa im enchel vt kohelvt ivt Assilia i binah ha tahlepa sipokni tahlepa achufa cha, tahlepa sipokni pokoli untuchina akucha tahlapi ho issot kanchi tok: atuk o onnahinli fehna okla tani ma, yakeh! illi bieka tok.

36. Mihma Assilia i miko Sennachelib vt kanvlli cha, falamvt ia mvt, Ninifeh ak o vta tok.

37. Atuk o yakohmi tok, in chitokaka Nisloch in chuka aiokpuehit isht anta ma, ushi tuklo Atlammelech, micha Shalese vt bushpo falaia ishit fahamvt illich i tok; micha tihlayvt Amenias yakni ya ona tok. Mihma ushi Esa-hatton vt vltobvt miko tok.

CHAPTA XX.

NITAK yumma Heseekiah vt abekvt illa hosi tok. Mihma Amos ushi hopaii Isaiiah vt im ona cha, Chihowa yvt yak achishke, Chin chuka achufa ya achukmalit ish im apesashke; chilla chi, micha chi okchaya chi keyu hokvt, im achi tok.

2. Yohmi ma nashuka ya aboha lapalika pit shanaiyuehit Chihowa ya im asilhlvt,

3. Chim ilbusha lishke, Chihowa ma! nana aiahli, micha chukesh aiahli chi tikba ya aya li chatuk, micha chi tikba ya achukma kak o yemohmi li chatuk a ish ithaiyanashke, chim asilhha lishke, achi tok. Mihmvt Heseekiah vt nishkin okchi minti fehna tok.

4. Atuk o yakohmi tok, Isaiiah vt kohelvt iklna wanuta ya ik ono kisha ka, Chihowa im anumpa hut im vlt,

5. Ish falama cha, vm okla pehlich i Heseekiah ya, Chiki Lewi in Chitokaka Chihowa yvt yak achishke, Chim anumpa ilbusha ya haklo lishke, chi nishkin okchi hlatapa ka pisa lishke: yakeh! chi hlakoffichi la chi hoke; nitak ont atuchinakma Chihowa in chuka ya ont ish chukowa chi hoke.

6. Micha chi nitak a afemmi auahahlapi ho achakali liknvt, chishno, micha tumaha ilvppa Assilia i miko ibbak a a hlakoffichi la chi hoke: micha vno atuk pulla kak o, micha an tishu Lewi atuk pulla kak o tumaha ilvppa afoa la chi hoke, ish im achashke, achi tok.

7. Mihma Isaiah vt, Fik palvska achvfa ho hvsh ishashke, achi tok. Mihma okla ishi cha, hishi ya onochi ma, hlakoffi tok.

8. Mihma Heseekiah vt Isaiah ya, Chihowa yvt sa hlakofficha chi, mikma nitak ont atuchinakma Chihowa in chuka ont chukowa la chi ka isht atokowa yvt nanta hoh cho? im achi tok.

9. Mihma Isaiah vt, Chihowa yvt anumpuli tuk vt aialicha chi kvv ilvppak osh isht atokowa yo Chihowa yvt chimashke: hoshontika yvt vlvhvisa pokoli tikba iakma, ak cho, vlvhvisa pokoli ho falamvt ia chi cho? achi tok.

10. Mihma Heseekiah vt, Hoshontika yvt vlvhvisa pokoli ho tikba ia hokvto nafehna keyushke: aha! amba vlvhvisa pokoli ho hoshontika yvt falamashke, achi tok.

11. Mihma hopaii Isaiah vt Chihowa ya i paya tok: mihma vlvhvisa pokoli ho Ahas i hvshi isht vlvhvisa ya aka ivt yvma ona tuk a falmvmmichi tok.

12. Nitak yvma Babulon i miko Balatan ushi Belotachbalatan vt holisso puta, micha nahvlbina aiena ka Heseekiah ya i pila tok; Heseekiah vt abeka ka haklo tuk okvt.

13. Mihma Heseekiah vt i haponaklo cha, nana holitopa aiasha chuka moma, tvi hvta, micha tvi holisso lakna, micha nabalama puta, micha bila holitopa, micha tvnvp aya imi layak aiasha chuka moma, micha imi layak aiasha ya asha tuk moma ka pisachi tok: in chuka nana aiasha tuk, micha im apelhlichika nana aiasha tuk a Heseekiah vt ik pisacho ka iksho tok.

14. Yohmi ma hopaii Isaiah vt Heseekiah ya im ona cha, Hatak ilvppa puta kvv nanta ho chim achi cho? micha kati-ma yo minti hosh chim vla cho? im achi tok. Mihma Heseekiah vt, Yakni hopaki Babulon ak o okla minti hoke, achi tok.

15. Mihma, Nanta ho chin chuka ya a pisa tuk oh cho?

achi tok. Mihma Heseekiah vt, Nana moma an chuka asha ka okla pisa tuk oke; vmi layak aiasha ka ak pisacho ka iksho hoke, achi tok.

16. Mihma Isaiah vt Heseekiah ya, Chihowa im anumpa ha ish haklashke.

17. Yakeh! chin chuka aiasha moma, micha chiki vhleha hv ashachit isht auehinchi tok himak nitak ant vhli moma aiena ka isht ivt Babulon a isht ona he nitak vt mintishke: nana achufa kia asha chi keyu, Chihowa yvt achishke.

18. Mikma chiso vhleha chi a kohcha chi ish tobacha chi ka isht ia hi oke: mikma Babulon i miko in chuka holitopa ya yuvk osh aiasha chi hoke, im achi tok.

19. Yohmi ma Heseekiah vt Isaiah ya, Chihowa im anumpa ish anumpuli kv achukmushke, im achi tok. Mihmut, Si okchaya nitak moma ka, iti nanaiya, micha aighli aiena kv asha hokma, achukma keyu cho? achi tok.

20. Mikma Heseekiah nana akaniohmi tok inla kv, micha nan ai im aighli tok moma kv, micha kaniohmit oka talaia, micha oka ayanvelli ikbi cha, temaha ha oka isht vla tok aiena kv Chutah i miko vhleha i nitak holisso ha a holisso keyu cho?

21. Mihma Heseekiah vt iki vhleha ha takla nusi tok: mihma ushi Manasseh vt vllitobvt miko tok.

CHAPTER XXI.

MANASSEH vt miko mv, afvmmi auahtuklo tuk osh, afvmmi pokoli tahlapi akucha tahlapi ho Chelusalem a vttvt miko tok: mihma ishki hohchifo kv Hefsi-bal atok.

2. Atuk osh Chihowa itikba ya nana ik achukmo kak o yvmohmit, oklushi puta nan ashvchi ishit yuwala yumihchi ho yvmma Chihowa yvt Israel im vlla vhleha itikba ya a tihlelit kocha wehli tok ak o yvmohmi tok.

3. Michah achahaka puta ka iki Heseekiah vt okpunit tahli tok a anonti ikbi tok: micha Israel i miko Ahab atok a chohmit Baal a alta puta im ikbi cha, Ashelah ha ikbi tok:

micha vba shutik nana puta. moma ka im akachunolit im antia beka tok.

4. Micha Chihowa in chuka yummak oka Chihowa yvt, Chelusalem ak o sa hohchifo ha a bohli la chi hoke, achi tok a alta puta ai ikbi tok.

5. Micha vba shutik nana puta moma ka Chihowa in chuka i wanuta tuklo ka alta puta im ai ikbi tok.

6. Micha ushi ya luak hlopullichi cha, hoshonti kak o nan isht ithvna, micha fuppli, micha nana ahulhkunna, micha ishtahullo puta atokolit ahanta beka tok: Chihowa itikba ya nan ashvchi felna ka yvmihchi cha, nokowvchi tok.

7. Micha tihlit inchnolit Ashelah naholbut toba ikbi tuk vt chuka yash anyakaka hilechi tok, chuka yummak oka Chihowa yvt Lewi, micha ushi Solomon a, Chuka ilvppak o, micha Chelusalem, yummak o Israel apchlichika puta moma a kohchit atokolit, sa hohchifo ha bohli li bilia chi hoke

8. Micha yakni ya iki vhleha ima li tok vt himakma Israel iyi ya a kohchit fulohlhlinchi la he keyu hoke: peli nana im anumpohonli li tok moma, micha an tishu Moses vt im anumpohonli tok nan vllhpisa moma kak o holitoblikma, im achi tok.

9. Yohmi kia okla ik haponaklo tok: micha Manasseh vt yoshublit nana ik achukmo kak o yvmihchechi kvv oklushi moma Israel itikba ya Chihowa yvt ai ishit kanchi tok ak kia i shahlichich tok.

10. Mihma Chihowa yvt in tishu vhleha hopaii ya tohnot anumpulit,

11. Chutah i miko Manasseh vt nan ashvchi ishit yuwala ilvppa puta ka yvmihlinchi cha, nahaksi yvmihchi kvv tikba aiasha tok Amolait vhleha hvv nan ashvchi tok a i shahlichit, i naholbut toba puta ka Chutah ya isht ashvchechi hoka;

12. Yvmohmi hoka Israel ir Chitokaka Chihowa yvt yak achishke, Yakeh! Chelusalem, micha Chutah ya nana ik achukmo ka onochi likma, kva hosh haklokmt, haksobish itichampa kvv chasa hi oke.

13. Micha Chelusalem a Samalia aseta isht vllhpisa, micha

Ahab in chuka achufa isht itilauechi ya o shebli la chi hoke: micha kuna kia ampo kasholichi, kasholichi cha, hlipeli cha-tuk a chohmichit Chelusalem a kasholichi la chi hoke.

14. Micha um okla atok atampa ya kanchi la chi hoke, micha in tenvp puta ibbak a fohki la chi hoke: mikma in tenvp puta moma kut yukachit wehpula chi hoke.

15. Iki vhleha hut Echip a a kohchvt minti tok takla himak nitak ant vili ka sa tikba ya nana ik achukmo kak o ymohmit sa nokowvchi tuk oka, achi tok.

16. Micha Manasseh vt Chutah ya yoshublichit Chihowa itikba ya nana ik achukmo kak o ymihchechi mv, nan okpni keyu im issish a hlatvbi fehna cha, Chelusalem a in tenvp vtvt ia kut in tenvp ona ka alotoli aiena tok.

17. Mikma Manasseh nana akaniohmi tok inla kut, micha nana ymihchi tok moma kut, micha nan ashvchi ashvchi tok vt Chutah i miko vhleha i nitak holisso ha a holisso keyu cho?

18. Mihma Manasseh vt iki vhleha ha takla nusi cha, ilap in chuka osapushi Ussa im osapushi ak o hollohpi tok: mihma ushi Amon vt vltobvt miko tok.

19. Amon vt miko mv, afvmmi pokoli tuklo akucha tuklo tuk osh, afvmmi tuklo ho Chelusalem a ahantvt miko tok. Mihma ishki vt Chotbah vta Halus ushetik osh hoh-chifo kut Meshullemelh atok.

20. Micha iki Manasseh vt ymohmi tok ak o chohmit, Chihowa itikba ya nana ik achukmo kak o ymohmi tok.

21. Micha iki vt a nohwa tok hina moma kak o a nohwa mv, naholvt toba puta iki vt im antia tok ak o im anti vt im akachunoli tok.

22. Micha iki vhleha in Chitokaka Chihowa ya issa cha, Chihowa ataya ya ik a nohwa tok.

23. Mihma Amon in tishu vhleha hut i sanalit anumpa luma ikbi cha, miko yash ilap in chuka akinli ai ilichi tok.

24. Mihma yakni ya okla hut miko Amon a i sanalit anumpa luma ikbit vbi kash moma ka vbit tahli tok: micha yakni ya okla hash osh ushi Chosiah ak o atobbichit miko-chi tok.

25. Mikma Amon nana akaniohmi tok inla yemihinchitok vt Chutah i miko vhleha i nitak holisso ha a holissc keyu cho?

26. Mihma im ahollohpi Ussa im osapushi ak o a hohpi tok; mihma ushi Chosiah ak osh vltobvt miko tok.

CHAPTA XXII.

CHOSIAH vt miko mut, afummi untuchina hatok; atuk osh afummi pokoli tuchina akucha achufa ho Chelusalem a vttvt miko tok: micha ishki vt Boskall vta Ataiash ushetik osh hohchifo ket Chetitalh atok.

2. Chihowa itikba ya aivlhpiesa kak o yvmohmit, iki Lewi ataya moma kak o a nohowa cha, naksika ishtimpakimma, keyukmut vlfvrbekimma kanima ka pit ik fulloto tok.

3. Atuk o yakohmi tok, Chosiah vt miko tok afummi ont isht auahuntuchina mut, miko vt Meshullam ushi Asaliah ya ushi holissochi Shafan a Chihowa in chuka ya pit pilet,

4. Naholitompa isht vta i shahli Hilkiah ya ish im ona na Chihowa in chuka ya teli holisso isht vla na okhissa apistikeli vhleha het okla ha im ai ishit itahobbi chatuk a hotihnashke.

5. Micha tokseli isht asha Chihowa in chuka apesvchi vhleha ha ibbak fohkashke, mikma atoksuli Chihowa in chuka aiasha isht asha ya okla ima pa aboha akinafa ya okla aiiskiachashke,

6. Chuka ikbi puta, micha itabvnni puta, micha teli pile-sa puta aiena ka okla imashke, micha iti, micha teli tvhla aiena ka ishit chumpa cha, aboha ya isht aiiskiachashke.

7. Yohmi kia teli holisso ya ibbak a fohki ket iti hotihna he keyu; aivlhpiesa kak o yvmohmi hoka, achi tok.

8. Mihma naholitompa isht vta i shahli Hilkiah vt holissochi Shafan a, Nan vlvhpiea holisso het Chihowa in chuka itoyula na pisa lishke, im achi tok; micha Hilkiah vt holisso hash Shafan a ima na itim anumpuli tok.

9. Mihma Shafan vt miko ya anumpa falama isht im vla

mut, Chin tishu vhleha hv̄t tvli holisso vt Chihowa in chuka aiasha tuk a e tosholi cha, toksvli isht asha Chihowa in chuka apesvchi vhleha ibbak a e fohkishke, achi tok.

10. Mihmut holissochi Shafan vt miko ya im anolit, Naholitompa isht v̄tta Hilkiāh vt holisso hō subbak a fohkishke, achi tok: mihmut Shafan vt miko itikba ya ai itim anum-puli tok.

11. Atuk o yakohmi tok, miko vt nan v̄lh̄pisa holisso hash im anumpa h̄a haklo mut, i nafohka ya hlilv̄ffi tok.

12. Mihmut miko vt naholitompa isht v̄tta Hilkiāh, micha Shafan ushi Ahikam, micha Michaiah ushi Achbo, micha holissochi Shafan, micha miko in tishu Asahiah aiena ka im apesv̄t,

13. Oh ia cha, vno, micha okla, micha Chutah moma, anumpa hv̄t holisso haiaka ilv̄ppa takali ka Chihowa ya ishit hv̄sh pim i ponaklashke: piki vhleha hv̄t holisso ilv̄ppa anumpa takali ka ik haponaklot, nana moma ishit pi anum-pulit holissochi tok a ik yvmihcho tok o, Chihowa im ai i nukkilli vt pi sanalit libbi fehna hoka, achi tok.

14. Mihma naholitompa isht v̄tta Hilkiāh, micha Ahikam, micha Achbo, micha Shafan, micha Asahiah aiena kv̄t nafohka aiasha apistikeli Hahas a ushi Tikfah ya ushi Shalum tekchi ohoyo hopaii Hultah ya im ona tok: (mihma yvm̄mut Chelusalem a atukla yak o v̄tta hatok;) micha okla itim̄ anum-puli tok.

15. Mihma, Israel in Chitokaka Chihowa yvt yak achishke, Hatak vt et hv̄chi pila na hv̄s sv̄m v̄la tuk a,

16. Chihowa yvt yak achishko, Yakeh! nana ik achukmo ka tumaha ilv̄ppa, micha okla aiasha ka holisso Chutah i miko vt itim anum-puli tuk ash anumpa takali tuk moma ka onochi la ch̄i hoke.

17. Ibbak nan ishit toksvli moma ishit sa nokovv̄cha ch̄i kv̄t sa kanchi cha, chitokaka inla puta ka nabalama i hukmi tuk oka, v̄lhtoba hosh v̄m ai i nukkilli vt tumaha ilv̄ppa i sanalit libba ch̄i hoke, micha moshola he keyu hoke, hv̄tsh im achashke.

18. Amba Chutah i miko vt Chihowa i ponakla ch̄i hosh

et hvchi tihleli tuk ano yak hvsh im achashke, Anumpa ish haiyaklo tuk okvno Islael in Chitokaka Chihowa yvt yak achishke,

19. Chi chukvsh vt waloha cha, tmaha iluppa i sanalit, micha okla aiasha ka i sanalit anumpulit, Chukilissvt kalakshit taba chi hoke, achi li tuk a ish haklo mvt, Chihowa itikba ya il akanlosichit chi nafohka ish hlilvfi cha, sa tikba ya chi nishkin okchi mihinti hoka, vno ak kia chi haiyaklo lishke, Chihowa yvt achishke.

20. Yvmohmi hoka yakeh! chiki vhleha ha takla chibafolki la chi hoke; mikma chim ahollohpi ya nuktaiyalt ish ona chi hoke; mikma chi nishkin vt tmaha iluppa nana ik achukmo moma onochi la chi ka ik peso ka chi hoke, im achi tok. Mihma miko ya anumpa falama ya okla isht im ona tok.

CHAPTA XXIII.

MIHMA miko vt hoyo na Chutah, micha Chelusalem im asvnonchi vhleha moma ka im itvnahli tok.

2. Mihma miko, micha Chutah hatak vhleha moma, micha Chelusalem okla aiasha moma, micha naholitompa isht asha vhleha, micha hopaii vhleha, micha chipunta, micha hochito moma aiena kvv apeha ho Chihowa in chuka ya ont chukowa tok: micha nan itim apesa holisso Chihowa in chuka itoyult haiaka tuk ash anumpa takali tuk moma ka itim anumponli na okla haiyaklo tok.

3. Mihma miko vt ahikia paknaka ya o hikia cha, Chihowa ya iakaiya he, micha im anumpa vllhpisa puta, micha nan isht im atokowa puta, micha nan vllhpisa puta aiena ka chukvsh aiokluha, micha shilombish aiokluha hosh holitobli cha, nan itim apesa iluppa im anumpa puta holisso iluppa takali tuk a yvmihinja he Chihowa itikba ya nan itim apihisa tok: mihma okla moma kvv nan itim apesa ya vllhpesa ahni tok.

4. Mihma miko vt naholitompa isht vta i shahli Hilkiyah, micha naholitompa isht asha atukla hiel vhleha, micha okhissa apistikeli vhleha aiena kvv Chihowa in tempel a nan

aiuhlto puta Baal in toba tok, micha Ashelah in toba tok, micha vba shutik nana puta moma in toba tok aiasha ka moma ishit kohcha chi ka i miha tok: mihmut Chelusalem a kohchit Kitlon osapa puta isht ona cha, hukmit tahli mut, hituk chubbi ya isht ivt Behlel a isht ona tok.

5. Micha Chutah in tmaha achahaka puta ka, micha Chelusalem apakfoyupa taloha ka nabalama a hukma chi ho Chutah i miko vhleha hut atokoli tok naholitompa isht asha naholbut toba aiokpuchi vhleha ha, micha Baal, micha hvshi, micha hvsh ninak aya, micha fochik lokoli auah tuklo, micha vba shutik nana puta moma aiena ka na balama i hukmi vhleha ha aieninchit issuchi tok.

6. Micha Ashelah ha Chihowa in chuka ya kohchit Chelusalem koche Kitlon bokushi ya isht ona cha, Kitlon bokushi ya a hukmit tahli mut, hvhlit pushechit tahli cha, pushi ya okla im vlla vhleha ahollohpi ya o fimmi tok.

7. Micha sodomait vhleha im vltipo puta ohoyo vhleha hut Ashelah ha vltipo puta im a tuna yvt Chihowa in chuka bilika taloha ka kinahlichu tok.

8. Micha Chutah in tmaha puta naholitompa isht asha moma Keba vttet ia hosh Bee-sheba ont vlli asha ya isht vla mut, achahaka puta naholitompa isht asha yvt nabalama a hukmi chatuk a litehli tok: micha holihta okhissa achahaka puta, ymmut tmaha pehlichu Choshua i holihta okhissa achukowa hikia, ymmut hatak vt tmaha holihita okhissa hikiakma, im vlvubekimma asha ya kinahlichu tok.

9. Yohmi kia achahaka puta naholitompa isht asha vhleha hut Chihowa im alta Chelusalem hikia ya ik ono tok; amba itibapishi vhleha takla ashvt pvka ik shatmmo okla vpa tok.

10. Micha hatak nana kia ushi, micha ushetik a Molech a luak ik in hlopullecho ka chi ho Tofelh ymmut Hinnom im vlla vhleha im okfa talaia ka litehli tok.

11. Micha issuba puta Chutah i miko vhleha hut hvshi ya ima tok ymmut Chihowa in chuka achukowa yunk Nahlan-melech im aboha hoshontika talaia ka aiasha tuk a

ishit kanchi tok : micha hvshi im itichanvlli puta ka luak isht hukmi tok.

12. Micha alta puta Chutah i miko vhleha hv ikbi tok o Ahas im vba potvllhpo ishit holmo o hielu tuk, micha alta puta Manasseh vt ikbi tok o Chihowa in chuka wanuta tuklo ka a hielu tuk aiena ka kinahlichu tok; micha yemma ai ishit malelit pushi ya Kitlon bokushi ya ont oka hlatvlli tok.

13. Micha achahaka puta Israel i miko Solomon vt Siton okla nan ashvchi ishit yuwala Ashtolelh, micha Moab okla nan ashvchi ishit yuwala Chemosh, micha Ammon im vlla vhleha nan ashvchi ishit yuwala Milkem aiena ka im ikbi tok, ymmvt Chelusalem itikba isht ai yoshuba nvnih im ishtimpakimma aiasha tuk a miko vt lilehli tok.

14. Micha naholvt toba puta ka kinahlichit tahli mv, Ashelah puta ka chanlit akakohli cha, aiasha yatuk a hatak foni alotoli tok.

15. Mikmv alta Behlel hikia tuk ak kia, micha achahaka Nebat ushi Cheloboam Israel a nan ashvchechi tok vt ikbi tok, alta ymmak kia, micha achahaka yemma itatuklo ka kinahlichu tok; micha achahaka ya hukmi mv, ahvlichit pushechi cha, Ashelah ha hukmi tok.

16. Micha Chosiah vt filema mv, ahollolpi nvnih yemma asha tuk o pisa mv, pit hoyot ahollolpi ya foni vt aiasha tuk a ishi cha, alta paknaka ya onochit hukmi hosh, Chihowa im anumpa Chitokaka immi hatak vt anumpulit anumpa ilvppa puta anumpuli tok mak o alta yash lilehli tok.

17. Yohmi mv, Tvli hikia ilvppvt nanta ho pisa li cho? achi tok. Mihma tmaha hatak vhleha hv, Chitokaka immi hatak osh Chutah mintit vla cha, nana ilvppa puta alta Behlel hikia ka i sanalit ish kaniohmichi tuk vt yohma he anumpuli tok ak o im ahollolpi yoke, okla im achi tok.

18. Mihma, Ik ashá, hatak nana kia foni ya ik kanillecho kashke, achi tok. Mihma foni ya hopaii Samalia minti tok foni aiena ka ik kaniohmecho tok.

19. Micha achahaka chuka Samalia tmaha aiasha Israel i miko vhleha hv ikbit Chihowa ishit nokowochi tok moma

ka Chosiah vt ishit kanchi cha, Behlel a nana kaniohmichi tuk moma mak osh yvmilichi tok.

20. Micha achahaka naholitompa isht asha asha tuk moma ka alta onochit vbit tahli cha, hatak foni onochit hukmi mv, falamvt Chelusalem a ona tok.

21. Mihmv miko vt okla moma ka im apesv, Nan itim apesa holisso ilvppa a holisso hatuk mak o hvchin Chitokaka Chihowa ya vbanvblit ont ia ya isht hvsh im aiashashke, achi tok.

22. Ubanvblit ont ia ilvppa chohmi ka nan apesa vhleha hv Islael a nana im apihisa tok nitak takla, micha Islael i miko vhleha i nitak moma ka, micha Chutah i miko vhleha i nitak moma ka isht aiasha tok keyu hoka;

23. Amba Chosiah vt miko tok afvmmi ont isht auahun-tuchina kak o Chelusalem a vbanvblit ont ia ilvppa Chihowa isht im aiasha tok.

24. Micha nana a hulhkunna puta, micha isht ahullo puta, micha chuka achvfa i naholvt toba puta, micha naholvt toba puta, micha nan ashvchi isht yuwala Chutah yakni, micha Chelusalem a a haiaka tuk a nan vlvhisa anumpa hv holisso a takali hosh Chihowa in chuka ya itoyula na naholitompa isht vta Hilkiyah vt ahayuchi tuk mak o aiahlichia chi hosh Chosiah vt ishit kanchi tok.

25. Mihma tikba aiasha kv miko nana kia yvmma chohmit Moses i nan vlvhisa moma kak o yvmohmit chukvsh ai oklvhv, micha shilombish ai oklvhv, micha imi hlampko ai oklvhv Chihowa iakaiya chohmi kv iksho tok: micha i himmakma yvmma chohmit hikia kv iksho tok.

26. Yohmi kia nana ishit nokovvchi Manasseh vt nokovvchi tuk ak o Chihowa yv nan isht i nukkilli i libbi kv, Chutah ya i sanalit nan isht i nukkilli vt libbi fehna tuk a ik i shanaio tok.

27. Mihma Chihowa yv Islael a kanvlichia li tok vt chohmichit Chutah ya sa tikba ya a kanvlichia la chi hoke; micha Chelusalem tumaha ilvppa atokoli li tok vt, micha aboha ya, Sa hohchifo hv foyuka chi hoke, ahanchi li tok vt shitlemv kanchi la chi hoke, achi tok.

28. Mikma Chosiah nana akaniohmi tok inla kut, micha nana yumihechi tok moma kut Chutah i miko vheha i nitak holisso ha a holisso keyu cho?

29. I nitak ak o Echip i miko Feleo-nechoh vt Assilia i miko itiba chi hosh Euflates okhina ya ona tok: mihma miko Chosiah vt afamvt ia tok: atuk o pisa mut; Mekitto ya ai vbi tok.

30. Mihma in tishu ehleha hut itichanulli fohkit, illi yo Mekitto ya ai ishit Chelusalem a isht ona cha, im ahollohipi ak o a hohpi tok: mihma yakni ya okla hut Chosiah ushi Chehoahas a ishi cha, iki ya atobbichit nan ahummit miko-chi tok.

31. Chehoahas vt miko mut, afummi pokoli tuklo akucha tuchina tok: atuk osh hvshi tuchina ho Chelusalem a vttvt miko tok: mihma ishki vt Libnah vtta Chelemiah ushetik osh hohchifo kut Hamutal atok.

32. Micha Chihowa itikba ya nana ik achukmo kak o yumohmit, iki vheha hut nana a yumohmi tok moma kak o yumohmi tok.

33. Mihma Feleo-nechoh vt, Chelusalem a vttvt ik miko ka chi ho, Hamalh yakni Liblah ya a takehi tok: micha yakni ya tuli hvta talent tahlepa achvfa, micha tuli holisso lakna talent achvfa aiena ho nan i kema onochi tok.

34. Micha Feleo-nechoh vt Chosiah ushi Eliakim ak o iki Chosiah ya atobbichit mikochi cha, hohchifo ha inlvchit Chehoiakim achi tok; micha Chehoahas a isht ia tok: atuk o Echip a ona cha, ai illi tok.

35. Mihma Chehoiakim vt tuli hvta, micha tuli holisso lakna yash Feleo ya ima tok; yohmi kia Feleo vt apesa tuk mak o tuli holisso ya ima chi kut yakni ya noshkobo atobbi onochi tok: yakni ya okla ha noshkobo atobbi im vllpisa aiyukali hatuk mak o Feleo-nechoh ima chi kut tuli hvta, micha tuli holisso lakna ya i hoyo tok.

36. Chehoiakim vt miko mut, afummi pokoli tuklo akucha tahlapi tok; atuk osh afummi auahchvfa ho Chelusalem a vttvt miko tok: mihma ishki vt Lumah vtta Petaiah ushetik osh, hohchifo kut Sebutah atok.

37. Micha Chihowa itikba ya nana ik achukmo kak o yemohmit, iki vhleha hvt nana a yemohmi tok moma kak o yemohmi tok.

CHAPTER XXIV.

I NITAK ak o Babulon i miko Nebuchatnessa vt ula tok: atuk o Chehoiakim vt afemmi tuchina ho i nutaka tok: yohmi mvt i filvmmi cha, i sanali tok.

2. Mihma Chihowa yvt Chaltee aya kanohmi, micha Silia aya kanohmi, micha Moab aya kanohmi, micha Ammon im vlla vhleha aya kanohmi aiena ho Chehoiakim a i sanalichit, in tishu hopaii vhleha ha tohno na Chihowa im anumpa anumpohonli tok mak o Chutah ya chukilissvcha chi ho on tihleli tok.

3. Chihowa yvt anumpuli pulla ho, Manasseh vt nan ashvchit nana a yemohmi tuk moma mak o,

4. Micha nan okpni keyu im issish ak kia hlatahambli tuk, micha Chelusalem a nan okpni keyu im issish alotoli tuk, yummak oka Chihowa yvt kaskoffa he keyu hosh kanvlichit itikba ya ai ishit kancha chi ho Chutah ya onvtula tok oke.

5. Mikma Chehoiakim nana akaniohmi tok inla kv, micha nana yemihchi tok moma kv Chutah i miko vhleha i nitak holisso ha a holisso keyu cho?

6. Mihma Cheloiakim vt iki vhleha ha takla nusi tok; mihma ushi Chehoiachin vt vltobvt miko tok.

7. Atuk o Echip i miko vt i yakni ya kolchvt himakma ik minto tok: Babulon i miko vt Echip okhina vttvt ia hosh Euflates okhina ont vli kv Echip i miko immi hatuk moma ka im ishi tok oka.

8. Chehoiachin vt miko mvt, afemmi auahuntuchina tok; atuk osh hvshi tuchina ho Chelusalem a vttvt miko tok: mikma ishki vt Chelusalem vttta Elna an ushetik osh hohchifo kv Nehushta atok.

9. Micha Chihowa itikba ya nana ik achukmo kak o

yumohmi ket iki vt nana a yumohmi tok moma kak o yumohmi tok.

10. Nitak yemma Babulon i miko in tishu vheha hut Chelusalem a ant i sanali cha, abinvehit apakfopa tok.

11. Mihma Babulon i miko Nebuchatnessa vt tumaha ha i sanali ma, in tishu vheha hut in tanampit abinvehit apakfoyupa tok.

12. Mihma Chutah i miko Chehoiachin vt, yemma, micha ishki, micha in tishu vheha, micha i kypiteni vheha, micha i yunuk vheha aiena ket kohchvt Babulon i miko ya im ona tok: mihma miko tok afummi ont isht untuchina kak o Babulon i miko vt ishi tok.

13. Mihmet Chihowa in ehuka nana holitopa puta, micha miko in ehuka nana holitopa puta aiena moma ka a kohchit isht ia tok: micha teli holisso lakna nan aivhto Israel i miko Solomon vt Chihowa yvt achi tok mak o ikbit Chihowa in tempel ashachi tok a bvshlit tushahlichit tahli tok.

14. Micha Chelusalem moma, micha kypiteni moma, micha hatak hlampko chilita vheha moma, yuka tahlepa sipokni pokoli, micha nan ikbi imponna moma, micha teli boli moma aiena ka yukachit isht ia tok: achufa kia ik anto ho, yakni ya okla ilbvsha moma i shahli ak illa hosh gsha tok.

15. Micha Chehoiachin a yukachit Babulon isht ona tok; micha miko ishki, micha miko tekchi vheha, micha i yunuk vheha, micha hatak hochitoka vheha yakni ya gsha tuk a yukachit Chelusalem a ai ishit Babulon a isht ona tok.

16. Teshka chipota moma ket tahlepa sipokni untuklo, micha nan ikbi imponna vheha, micha teli boli vheha hut tahlepa sipokni achufa, hatak kello, tenvp aya imponna bika ho Babulon i miko vt yukachit Babulon a isht ona tok.

17. Micha Babulon i miko vt iki itibapishi Mattaniah ak o atobbichit mikochi cha, hohchifo ha invchit Setekiah achi tok.

18. Setekiah vt miko met, afummi pokoli tuklo akucha achufa tok; atuk osh afummi auahchufa ho Chelusalem a

vtvt miko tok: mihma ishki vt Libnah vta Chelemiah ushetik osh hohehifo kvv Hamutal atok.

19. Mihma Chihowa itikba ya nana ik achukmo kak o yvmohmi kvv Chehoiakim vt nana a yvmohmi tok moma kak o yvmohmi tok.

20. Chihowa yvt anukhobela pulla hosh, polaka itikba ya ai ishit kancha chi kak o, Chelusalem, micha Chutah ya a yvmohmi tok oka; mihma Setekiah vt Babulon i miko ya i filummit i sanali tok.

CHAPTER XXV.

ATUK o yakohmi tok, miko tok afummi ont ishit chakkali, micha hvshi ont ishit pokoli, micha hvshi nitak ont ishit pokoli ma, Babulon i miko Nebuchatnessa, yvma, micha in tvshka chipota moma aiena kvv Chelusalem a vla cha, in tanampit abinvechi tok; micha chuka chaha kvvlo puta okla ikbit apakfoyubli tok.

2. Mihmvt tmaha ha in tanampit abinanchi na Setekiah vt miko tok afummi ont isht auahchufa tok.

3. Atuk o hvshi ont aiusha kvv nitak ont ishit chakkali ma, tmaha ha hohehifo fehvvt aiasha tok; micha yakni ya okla hvv pvska ik im iksho tok.

4. Mihma tmaha holihta yvt yuhla ma, hatak tvvvp aya puta kvv ninak o yihlepvt holihta tuklo yvmvvt miko im osapushi bilika hiel^a ka ititakla holihta okhissa ya kohchvt hina ya ia tok: (mihma Chaltee vhleha hvv tmaha ha apakfoyvvt aiasha tok;) mihma miko vt yakni patali hina ya ia tok.

5. Mihma Chaltee in tvshka chipota yvt miko ya iakaiyvt hliohli tuk osh Cheliko yakni patali ak o a sakki tok: mihma in tvshka chipota moma kvv i filummit itafimimpa tok.

6. Mihma miko ya okla ishi cha, Babulon i miko vt Liblah ak o asha tuk o isht im ona tok; mihmvt nan apesvt onochi tok.

7. Michi Setekiah ushi vhleha ha pisa ho okla vbi mvv,

Sétekiah nishkin a kocha wehli cha, asonak lakna itatakeli tuklo ishit takehi cha, Babulon a isht ona tok.

8. Atuk o hvshi ont ishit tahlapi, micha nitak ont isht untuklo (yymmvt Babulon i miko Nebuchatnessa vt miko tok afemmi ont isht abichakkali ho) Babulon i miko in tishu anumpa ahlich i kypitvni Nebusa-atan vt Chelusalem a vla tok.

9. Micha Chihowa in chuka, micha miko in chuka hukmit, Chelusalem a chuka aisha moma, micha hatak hochitoka in chuka puta moma ka luak ishit hukmi tok.

10. Mihma Chaltee tvshka chipota moma anumpa ahlich i kypitvni apehvt aya tuk vt Chelusalem teli holihta apakfoypa tuk a kinahlich i tok.

11. Mihmvt okla inla kvv tmaha asha tuk, micha kvnivt Babulon i miko ya yihlepvt im ona tuk, micha okla laua yatuk atampa aiena ka anumpa ahlich i kypitvni Nebusa-atan vt yukachit isht ia tok.

12. Yohmi kia hatak ilbvsha yakni asha tuk ai achufa ya pakvpi apoksiachi, micha osapa toksvli aiena yach i ka anumpa ahlich i kypitvni vt ashanchi tok.

13. Micha asonak lakna tonik Chihowa in chuka hieli tuk, micha aiontalaia puta, micha asonak lakna okhvta Chihowa in chuka anykaka talaia tuk aiena ka Chaltee vhleha hvv bolit bushullichit tahli cha, asonak lakna ya isht ivt Babulon a isht ona tok.

14. Micha shuti, micha tobaksi ishit pehli, micha asonak lakna nan aivlhito moma isht in toksvli chatuk a isht ia tok.

15. Micha luak aivlhito, micha ampo mahaia, micha nana hosh teli holisso lakna yokmvt, teli holisso lakna; micha nana hosh teli hvta yokmvt, teli hvta anumpa ahlich i kypitvni vt isht ia tok.

16. Tonik tuklo, okhvta achufa, micha aiontalaia puta aiena Solomon vt Chihowa in chuka ya im ikbi tok, nan aivlhito ilvppa moma kvv asonak lakna yvt a weki iksho tok.

17. Tonik achufa kvv chaha kvv kubit auahuntuchina ma, noshkobo on talaia kvv asonak lakna atok; micha noshkobo hvv chaha kvv kubit tuchina tok; micha okslihanlit tvnna,

micha poméklanat aiena apakfoyupa kv̄t asonak lakna bieka atok: mihma tonik atukla kak kia iluppak inli chohmit okshichanlit tunna yvt im asha tok.

18. Mihma anumpa ahlich̄i i kv̄pitvni vt naholitompa isht v̄tta i shahli Selaiah, micha naholitompa isht v̄tta atukla Se-faniah, okhissa apistikeli tuchina aiena ka ishi tok.

19. Micha tmaha h̄a a kohchit yuvk̄ hatak t̄nvp̄ aya pehlich̄i, micha hatak tahlapi m̄iko itikba hieli atok tmaha asha na ahayuchi kv̄t, micha tvshka chipota pehlichit holissochi, yummvt yakni ȳa okla hv̄t t̄nvp̄ ia ch̄i ka holissochi yatuk o, micha yakni ȳa okla h̄a hatak pokoli hannali tma-ha h̄a asha na ahayuchi mvt, aieninchit ishi tok.

20. Micha anumpa ahlich̄i i kv̄pitvni Nebusa-atan vt ishi mvt, Babulon i m̄iko vt Liblah ȳa asha tuk o isht im̄ ona tok.

21. Mihma Babulon i m̄iko vt Hamalh yakni Liblah ȳa a fahamvt illichit tahl̄i tok. Yohmit Chutah ȳa i yakni ȳa a kohchit isht ia tok.

22. Micha Ghutah i yakni atampa asha tuk okla h̄a Ba-bulon i m̄iko Nebuchatnessa vt ashanchi tuk okvno Shafan ushi Ahikam a ushi Ketaliah ak o pehlich̄i ikbi tok.

23. Atuk o tvshka chipota put̄a i kv̄pitvni m̄oma kv̄t, yumma, micha in tvshka vhleha aiena kv̄t Babulon i m̄iko vt Ketaliah ak o pehlich̄i ikbi tuk o okla haklo mvt, Ketaliah vt Mispah asha tuk o Nehlaniah ushi Ishmael, micha Kaleah ushi Chohanah, micha Netofah hatak Tanhumell̄i ushi Se-laiah, micha Maachah hatak ushi Chaasaniah aiena, yumma, micha in tvshka vhleha aiena kv̄t im ona tok.

24. Mihma Ketaliah vt yumma, micha in tvshka vhleha aiena ka anumpa kullo im il onochi mvt, Chaltee in tishu vhleha h̄a hv̄sh i nukshopa ná; yakni ȳa aiashvt Babulon i m̄iko ȳa oh im antiá; yohmikmvt hv̄chim achukma ch̄i hoke, im achi tok.

25. Atuk o yakohmi tok, hv̄shi ont isht untuklo ma, Eli-shama ushi Nehlaniah ȳa ushi Ishmael vt m̄iko ishtatiaka yosh hatak pokoli aienvt v̄la cha, Ketaliah, micha Chu, mi-cha Chaltee aiena apelv̄t Mispah asha tuk a fahamvt kan-chi na illit taha tok.

26. Mihma okla het chipunta, micha hochito moma kut, micha tvshka chipota i kupitvni vhleha aiena kut wakaya cha, Echip a ona tok; Chaltee okla ha i nukshopa hatuk okvt.

27. Atuk o yakohmi tok, Chutah i miko Chehoiachin vt yuka tok afemmi ont ishit pokoli tuchina akueha untuklo, hvshi ont isht auahutuklo, micha nitak ont ishit pokoli tuklo akucha untuklo ma, Babulon i miko Efil-melotaeh vt miko tok afemmi yrmak inli kut Chutah i miko Chehoiachin a noshkobo ha akachakalichit aboha kullo ya a kohchi tok.

28. Michā anumpa achukma im anumpuli cha, miko vhleha het apelvt Babulon a aiombinili holitompa on chieya tuk a i shahlichit aiombinili holitompa om binilichi tok.

29. Michā aboha kullo i nafohka ya im ai ishi tok: mihma okchayvt ahanta nitak moma kut itikba ya puska ai abampa na bilia tok.

30. Miko itikba ai isht ima ho ilhpak im vllhpisa kut bilia tok: onna hosh onnakma vllhpisa hosh okchayvt ahanta nitak moma takla kut im vllhipihisa tok.

